

The Ohio State University



3 2435 00095 5260
BP80A52N316T81928 001
SIRAT-I 'A'ISHAH.

THE OHIO STATE UNIVERSITY BOOK DEPOSITORY




D AISLE SECT SHLF SIDE POS ITEM C
8 02 33 12 8 12 009 4

عمر سعد

النبلاء

عمر سعد



OHIO STATE
UNIVERSITY
LIBRARIES



ایبٹ لکھنؤ تاجیک

عصر سعادت

بشمول جلد

حضرت عائشہ

مترجمی

عمر رضا

مؤلفی

سلیمانہ ندوی

OHIO STATE
UNIVERSITY
LIBRARIES

استانبول - کون طوغدی مطبعہ سی

۱۳۴۶ھ - ۱۹۲۸م

STX
BP 80
A52 N3193
1928

حضرت عائشہ

حضرت عائشہ بی اولجہ مستقل برجلہ حالندہ نشرایتمہ بی دوشونمشن بو
موضوعك بالخامه «عصر سعادت» ه صوك درجه مربوط اولديغنى ، اونك
پيغمبريمزك حيات زوجيه سنى تنوير ومسلما نلغك قاديغلغه ايفا ايتديكى خدمتلىرى
توضيح ايتديكى نظر دقته آلارق حضرت عائشہ بي ده «عصر سعادت» سلسله سنه
الحاق ايتمه بي دها مناسب كوردك .

حضرت عائشه

حضرت عائشه نك سیرتی ، اسلام قادینلغلك بر نمونه سی اولقی اعتباریله
اهمیتی حائزدر . پیغمبریمزك زوجہ سی ، پیغمبریمزك حال حیاتنده بارغاری
وی پیغمبریمزك ارتحالندن صوکر اسلام وحدتلك ایلک محافطی ، اسلام دولتلك
ایلک مؤسسسی ، اسلام فتوحاتلك ایلک علمداری اولان حضرت ابو بکر
قیزی عائشه ، یالکز بو موقعی اعتباریله ده کل ، بوندن باشقا علمیه ، اخلاقیله ،
سیاسی حیاتی ایله ، الحاصل کامل بر انسانك مدار تمیزی اولاجق بونون
اوصاف عالیله ایله تمیز ایتیش یوکسك بر ناصیه در . حضرت عائشه نك حیاتی
تبع ایتك واونك حیاتی حقنده مستقل بر اثر وجوده کتیرمکله بویوک بر
وظیفه ایفا ایدیش اولور . بویله بر تبع ، اسلامیتك قادینلق عالمنده نه لریا پدیدغنی ،
قادینلانی هانکی شاهقه لره یوکسلتدیکنی توضیح ایدر . حضرت عائشه ، اسلامیتك
دنیا ده وجوده کتیردیکی بو معظم انقلابك ، بر نمونه سی در . اونك حیاتنده
دیندارلغك ، فضل و کمالك ، علم و اجتهادك ، دینه خدمتلك ، علمه وقف
حباتك ، الحاصل اسلام تربیه سنی اك صاف منبعدن ، اسلام اخلاقی اك
مشعش چراغدن ، ودینی ایمانی اك نورلو واك فیضلق قاشاقدن آلان انسانلرك
حیاتده قازاناجق لری موفقیتلرك هپسی واردر . حضرت عائشه نزاهت ، عفت ،
استغنا ، جسارت ، سخاوت ، رقت ، محبت ، خیرخواهلق ، دیگر کاملقی
کبی بر چوق اخلاقی فضیلتلرك نمثالی اولدینی کبی قرآن کریمك تفسیرینه ، علم
حدیثك ترتیب وتدوینده ، علم فقهك اصولی وضعه ، کلام وعقائدی ، اسرار
شریعتی توضیحه ، صوکر اسلام قادینلق عالمنك شائنی اعلایه چالیشارق بو وادیده
بویوک موفقیتلر قازانقله نامنی ابدیاً یاشامغه نیافت احراز ایش بویوک بر
انساندر . اونك بویوک نامنه بو اثری یازمق و لسانزه چه ویرمکله درین
بر حظ دویماق ممکن دکدر .

باخصوص حضرت عائشه، اسلام تاريخنده اك چوق موضوع بحث اولان،
 اك اسكى زمانلردن برى نامنه بهتانلر اويدورولان، مبارك و محترم شخصيتى
 اطرافنده قيل وقاللر، حتى منازعلر و مجادللر وقوع بولان تاريخى بر سجا
 اولقله اونى حقيقى هويتيله و بوتون وارلغيله كوسترمكه چاليشمق غفت و نزاھت
 تعالى اولدينى قادار انسانلق ايجين بر تعالى نمونه سى اولان بو بويوك سپايه
 قارشى بر بورجدر . بو وظيفه يى ايفا ايدىيوركن ، رسول مجتبانك حرمت
 ايتديكى وسه وديكى عزيز بر موجوديتك ، صوكرا كندى لياقت و استحقاقيله
 بويوك بر موقع تاريخى احراز ايدن قيمتلى وشايان تبع بر شخصيتك حقى
 اوده مكه چاليشاجمىز .

اثر ك اصل محررى بز ده كلز . اصل محرر ، « عصر سعادت » عنوانيله
 ترجمه و توسيع ايتديكمز اثر ك اوچنجى و دردنجى جلدلرني تصنيف ايدن
 محقق عالمردن مولانا « سيد سليمان الندوى » در .

مولانا (ندوى) نك عصر سعادتك اوچنجى و دوردنجى جلدلرنيك مصنف
 اولديغنى سويله مك ، اونك حقنده باشقا برسوز سويله مكه احتياج بيراقماز . اوامكى
 جلدى اوقويان قارئلرئمز ، مولانا نك نه قادار بويوك بر متبع اولديغنى كورمش
 بولونيورلر . « عصر سعادت » ك اك آز يازيلان ، يازيلدينى تقديرده موثوق ،
 غير موثوق ؛ صحيح و ضعيف هر شيدى بر برينه قاريشديران بر شكلده اورتابه
 آنيان بر موضوعى ، بويوك بر اقتدار ايله يازان مولانا (ندوى) نك بو
 چوق قيمتلى اثرينى ده لسانمزه نقله موفق اولديغمدن صوك درجه ممنونم .
 متعدد نوطلر و علاوه لرله توسيع ايتديكمز بوتون شواهد و وثائقنى
 دوغروندن دوغرويه بونلر ك يازيلدينى لساندن آلدېغمز بواثر ك بر بوشافى دوله برماسنى
 تمنى و قصور لرئمزك عفو و صفح ايله قارشىلانماسنى اميد ايدر .
 جناب حق توفيقنى رفيق ايتسين .

استانبول ، ۱ تشرين اول ۱۹۲۸ عمر رضا

مؤلفك مقدماتى

دوقوزسنه اول، حضرت عائشه نك سىرتى يازماي ايلك دوشونديكم زمان (الندوه) نك باش محررلكنى ايفا ايدىيوردىم . [۱] او زمان ، تدريس حياتىدىن چكىلمش ايدىم . ۱۹۰۶ سنه سنك نيسانده مرحوم استادىم مولانا شبلى حضرت تلىرىنه بو فكرىمى تخرىراً آچش ، مرحوم استادده بنى بواثرى قلمه آلمغه تشويق ايتىش ، بوندن باشقا بكامراجعت ايدىجكم مأخذلك اسملىرى ده وىرمىشى . [۲] ايكي سنه سوكرام ، يعنى ۱۹۰۸ سنه سنك نيسانده « حضرت عائشه » نك (الندوه) ده تفرقه اولونا جنى اعلان اولوندىسده غير مساعد بعض احوالك ظهورى اوزرىنه بوتصوردن وازكىلمش ، بوكا رغماً برچوق دوستلرم بواثرى يازمق خصوصنده بنى تشويق ايتىلدى .

مرحوم مولانا عزيز ايله ملاقات ايتدىكجه بندن بو اثرى يازوب يازمادىغى صورار ، بن اونك بومصرانه سؤاللىرى قارشىسندى چارناچار صوصمق وضعيتنده قاليردىم . مرحوم استادىم مولانا شبلى حضرت تلىرى ده بو اثرى تخرىر و اكالى دائما اخطار ايدىيوردى . [۳] چوق محترم دوستلرم دن (ابوالكمال سيد عبدالحكيم) صاحب بكا يازدىغى هر

[۱] اثرىك تصنيغه ۱۹۱۴ ده باشلايلىق اوفى ۱۹۱۷ ده اكمال ايتدىم .

[۲] مولانا (شبلى) نك مکتوبلىرى . جلد ۱ ، ۴۱ نجى مکتوب

[۳] « « « « جلد ۱ ، ۵۸ ، ۷۰ ، ۷۱ ،

مكتوبده بواثرى صورو يوردى. بن بوتون بو استفسارلره سكوت ايله
مقابله ايتديكم ايچون دوستلرمده سكوته مجبور اولديلر سدهه صوك درجه
عنمكار وهر مانعه بي صبرايله ازاله ايدى چك قدرتى حائز اولان دوستم منشى
محمد امين صاحب بنم سكوتىدن، بهانه جولوغمىدن، ترددمدن ذره قادار مأيوس
اولمايارق اصرار ايتدى. (بهوپاك) ده تاريخ شعبه سى مديرى اولان
(محمد امين) بلك اصرارى بنم تردديمه غالب كلدى.

بو اثر ك احضار واكالى ايچين اوزون بر زمان صرف اولوندينى،
اكالندن صوكرا مصارف طبعيه نك يو كسكلكى دولاييسيله نشرى تاخر
ايتدىكى حالده اسمى هر يرده زيانزد اولدينى ايچين بويوك بر رغبته
مظهر اولدى.

حضرت عائشه نك سیرتندە کی اهمیت :

يكي نسل ك بر چوق نشريانى، اسلام تاريخنده شهرت قازانان
بر چوق رجال ك قيمتى و يو كسكلكىنى هر كسه طانيتمش اولدينى
حالده اسلام قادينلرينك اسلام تاريخنده كى موقعى، بر كيمسه نك نظر
دقتنى جلب ايتمديكى ايچين، لايق اولدينى وجهله تنوير ايديله مشدى.
بو اثر ك هدفى، نظر دقتدن دور قالان، لايق اولدينى اهميته
قارشيلانمايان بو صفحه بي كوسترمكدور. بلكه بو اثر، بو واديدى
ايلك آدمدر. احوال مساعده ايدرسه، بوندن صوكرا، ديكر اسلام
قادينلرينك تاريخى ده يازمق ونشر ايتك ديلرز.

مسلمانلر بو كون بر انحطاط دورى كچرييورلر. شبهه سز بو
انحطاط ك يارى سببى قاديندر. اسلام قادينلنى، چوقدن برى، كند-
يسنه نمونه اقتدا تشكيل ايدرك او كا اسلاميتك روحنى حياتيله تمثيل
ايدى چك مفكوره دن اوزا قلاشمش، بلكه بو مفكوره لرى اونوتمش،

بومفكوره لر اسلام قادينلرينك قلبنده اولش بولونويور. بوندن دولاي
 اسلام قادينلرينك حالي فنا لاشميشدر. نره به باقنسه ق اسلام قادينلر-
 ندن اكثرينك برطاقم اوهامه، برطاقم باطللره پرستش ايتدكلريني،
 جاهلانه برطاقم مراسمه بويون اكدكلريني، قبرلره، آغا جلره، طاشلره
 التجا ايتدكلريني، يالكز سهوينج زمانلرنده دكل، كدر و فلاكت
 دملرنده بيله درلو درلو اسرافلره، افراطلره باطليديغي كورورز.
 اسلام قادينلرينه مسلط اولان بو حال، شبهه سز جاهليت حاليدر.
 اكر بو حالك سببي جانلي برامثال نمونه سنك فقدا ني ايسه بزبوا ثرده،
 عليه الصلاة والسلام افندي مزله دوقوز سنه تشريك حيات ايتمش، عصر
 سعادتده بويويهن يتيشهن، انسانلق ايجين الك خيرلى الك فيضلى بر دور
 اولان اودورده قرق سنه هدايت مشعله سنى طاشييان بويوك براسلام
 قادينك تاريخنى يازارق بووظيفه يي ايفا ايتك ايتيورز.

هر قادين حضرت عائشه نك سيرتنده، هر خصوصده بر نمونه اقتدا
 بولور. حياتك بوتون جلولري، بوتون انقلابلري اونك حياتنده تجلي
 ايدر. قادينلغك قيزاق، زوجه لك، دوللق، انسانلرك سرور و كدر،
 سعادت و مصيبت كي هر حالي حضرت عائشه نك حياتنده نمونه امثال
 تشكيل ايدن بر حادته شكلنده كورونور. بو تر تميز حيات، علمي،
 عملي، اخلاقي درسارله، بر ربها سز خزينه قيمتنده اولان اورنكلارله
 دولودر. بو اعتبار ايله حضرت عائشه نك سيرتي تميز و كامل قادينلغك
 بر آينه سيدر. مسلمان قادينى حقيقى هويقتى بوتون ضفوتيله، بوتون
 براقيتيله او آينه ده كورور.

حضرت عائشه نك حياتى پيغمبريمزك خانه سعادتنده كچديكى ايجين،
 انسانلغك الك بويوك مدار فخري اولان الك بويوك پيغمبرك ياري حياتى

اونك مبارك سيرتنده كورويورز بو اعتبار ايله ده حضرت عائشه نك
سیرتی تدقیق ایتك ایجاب ایدر .

اترك مأخذری :

بویوك برانسامك ترجمه حالی یازمق ایچین مراجعت اولونان اثرلر
عمومیتله تاریخ کتابلریدر . فقط بزم بو اثرده قید ایده جگمز وقائک
مأخذی، تاریخ کتابلری ده کل، حدیث کتابلریدر . حدیث کتابلری،
علیه الصلاة والسلام افندیمرک، زوجات طاهراتک، کبار اصحابک عملی
بر تاریخیدر . اونلرک مقدس حیاتی، اوراده صفحه صفحه جانلانیر .
بن ده بواثره درج ایتدیکم بوتون معلوماتی کتب صحیحهدن، جوامع، مسانید
وسننک هپسندن ؛ ابن سعدک طبقاتی، (ذهبی) نك تذکره سی، ابن
سعدک، ابن حجرک تهذیبی کبی اسماء رجال اثرلرندن، فتح الباری، قسطلانی،
نووی کبی حدیث شرحار بدن ده استفاده ایتدم . عمومی تاریخلره عائد
کتابلره هیچ مراجعتده بولونمادم، اونلره ال سورمک بيله ایسته مه دم .
یالکنز جمل وقعه سنی تتبع ایچین بونلره مراجعت مجبوری حاصل
اولدیغندن بونی ایضاح ضمننده الک فضلہ (طبری) یه اعتماد ایتدم .
حدیث کتابلری ایچنده الک فضلہ (صحیح بخاری) یی (صحیح
مسلم) ی، (ابو داوود) ی، امام احمد بن حنبلک مسندی کوز
اوکنده بولوندوردم . بو کتابلری برر برر تدقیق ایتدم . امام (احمد
ابن حنبل) ک مسندی نك التنجی جلدنده حضرت عائشه یه عائدروایتلر پک
چوقدر . (حاکم) ک « مستدرک » ی ايله (سیوطی) نك « عین الاصابه
فی استدرک عائشه علی الصحابة » عنوانلی اثرلری ده مأخذلریمز آراسنده در .
« عین الاصابه » مختصر بر رساله ایسه ده بواثر حضرت عائشه نك

معاصرلری آراسنده کیملرک یا گلشلرینی تصحیح ایتدیکندن و بو
یا گلشلرک نه دن عبارت اولدیغندن باخشد .

حدیث کتابلرنده وبالخاصه صحیح بخاری ده حادثات اثرک اوته سنه
بریسنه داغیلمشدر . بونلری آرایوب بر آرایه کتیرمک چوق
مشکلدر . عادتاً ایکنه ایله قویو قازمق کبی در . بز بونلرک هپسینی
طوبلادق و بو اثریمزه درج ایتدک .

اثریمزده بر وقعه نیک مأخذینی ذکر ایدیورکن بو وقعه نیک باشقا
بر یرده بولونمادیغنی قصد ایتیه یورز . بالعکس بزم نقل ایتدیگمز
معلوماتی نره دن آلدیغمیزی کویسترمک ایستیورز . اونک ایچین بعضاً
عینی وقعه حقتده مختلف مأخذلر کویستردیگمز اولویور .

حضرت عائشه نیک سیرتی بازمایی کئندم دوشونمش ایدم . بالا خره
مرحوم استاد مولانا شبلی واسطه سیله ، مرحوم استادک ارتحالندن
موکرا درغروودن دوغرویه هوپال حاکمه سی حضرتلری طرفندن
قبول اولونارق مشارالیه نیک ده بو اثرک اکمالی آرزو بویوردقلرینی
کوردیم . مشارالیه حضراتی ، « سیرت النبی » عنوانلی اثرک مصارف
طبعیه سنی درعه ده ایتشدی . علیه لصلات والسلام افندیمرک حرم محترم لرینه
عائد اولان بو اثرک طبعی ده تکفل ایتدی . بنده المدن کلن عیرتی
صرف ایدرک بو اثری اکمال ایتدم . سنه لرحه دوام ایدن مساعی
علمیه م ، مطبوع بر شکل المقله بکله دیکی مکافاته نائل اولدی .

صمیم سلیمان ندوی

بسم الله الرحمن الرحيم

الحمد لله رب العالمين ، والصلاة والسلام على سيد المرسلين وآل
وآزواجه واصحابه اجمعين .

برنجی فصل

حضرت عائشةؓ نك مبادی مہیانی

نامی ، نسبی و عالمی :

حضرت عائشةؓ نك لقی « صدیقه » [۱] ؛ عنوانی ، « ام المؤمنین » ؛
کنیہ سی ، « ام عبداللہ » ؛ لقی « حمیرا » در . ۲]
حضرت عائشةؓ نك کنیہ سندہ ذکر اولونان « عبداللہ » ، حضرت
عائشةؓ نك همشیره سی (اسما) نك وانشہ سی زبیرك اوغلیدر . عربلر
آراسندہ کنیہ صاحبی اولق ، اصالت علامتیدر . حضرت عائشةؓ نك بر اولاد
دوغور مادیفی ایچین رسول اکرمہ مراجعت ایدرك زوجات ظاہر اتدن

[۱] صدیق و صدیقه کرچك سوزلو ، دوغرو درست آدانه دہنیر .
[۲] عائشةؓ نك « حمیرا » لقبی حائز اولدینی محدثین نزدندہ ثابت دکلدر .
کتب موضوعات ، « خذوا شطر دینکم من ہذہ الحمیراء » یعنی « دینکیزك یاریسی
شو بیاض قادیندن او کرہ نیکز » طرزندہ بر حدیث روایت ایدر . بعضیلرینك
افادہ سنہ کورد (نسائی) بولقبك ، صحیح بر اساسہ استنادایتدیكنی سویلہ مش .
بن نہ قادر تحریاتدہ بولوندیم (مجمع) و (نہایہ) کی حدیث لغاتی تدقیق
ایتدہ سہدہ (حمیرا) لفظنك تصریح اولوندینی کورمہ دم . (اللہ اعلم)

هر برينك سابق چو جوقلرينك اسماريله كنيه لندكاريني بيان ايتمش،
 كندرينك كيمك اسميله كنيه له نه سنه مساعده اولونا جغني صورمش،
 رسول اكرم ده او كا « سن همشير زادهك عبداللهك اسميله كنيه له ن »
 ديتمش، [۱] اوده « ام عبدالله » كنيه سيله طانمشدي .

حضرت عائشه نك باباسي، « عبدالله » در . عبداللهك كنيه سي
 « ابوبكر »، لقبی « صديق » در . عائشه نك والده سي : « ام رومان » در .
 حضرت عائشه نك باباسي طرفندن نسي : « عائشه بنت ابی بكر الصديق
 بن ابی قحافة، بن عامر، بن عمر، بن كعب، بن سعد، بن تيم، بن مره، بن كعب،
 بن لؤي، بن غالب، بن فهر، بن مالك » در . آنا طرفندن نسي : « عائشه
 بنت ام رومان، بنت عامر، بن عويمر، بن عبد شمس، بن عتاب، بن اذينة،
 بن سبيع، بن دهمان، بن حارث، بن عتم، بن مالك، بن كنانه » در .
 حضرت عائشه باباسي طرفندن قریش، تيمی، والده سي طرفندن
 « كناني » در .

حضرت پيغمبرله حضرت عائشه نك بابا طرفندن نسبلي یدنجی،
 سکنزنجی بطنده؛ والده طرفندن نسبلي اون برنجی، اون ايکنجی
 بطنده برلشمکده در .

حضرت عائشه نك پدري حضرت ابوبكر، هجرتك اون اوچنجی سنه سنده؛
 والده سي ام رومان، مورخلرك اكر يته نزار آهجرتك بش ويا آلتنجی سنه سنده
 وفات ايتمشلر در . ام رومانك بوتاريخ وفاتی دوعرو دكلدر . [۱] ام
 رومانك، حضرت عثمان دورينه قادار ياشاديغي معتبر احاديث ايله
 ثابتدر . هجرتك آلتنجی سنه سنده وقوع بولان « افك » واقعه سي

[۱] ابوداوود : كتاب الادب . مسند ابن حنبل : جزء ۶، مسند عائشه

[۱] ابن الاثير . اسد الغابه جلد ۵ صيفه ۵۸۳ مصر طبی

انسانده ام رومانك بر حیات اولدیغی ، اسمك بوتون حدیثلرده ذکر اولونماسندن ا کلاشیلیور . صو کرا (ام رومان) هجرتك دوقوزنجی سنه سنده وقوع بولان « ایلاء و تحیر » وقعه سی انسانده بر حیات ایدی . ۱۰ [صحیح بخاری ده تابعیندن اولان مسروق اوندن متصلا روایت ایتشد . ۲] بخاری ، « تاریخ صغیر » نده ام روماندن بحث ایدرك اولك حضرت ابوبکر زمانده ارتحال ایدنلر آراسنده بولوندیغی بیان و دیگر روایتلره اعتراض ایدر . ۳ [حافظ ابن حجر « تهذیب » ده بو مسئله یی محققانه بر صورتده تنقید ایدرك امام « بخاری » طرفندن وقوع بولان بیاناتك تمامیه صحیح اولدیغی اثبات ایدر .

حضرت عائشه ك تولدی :

(ام رومان) ك ايلك زوجی « عبدالله الازدی » ایدی . عبداللهك وفاتندن صو کرا (ام رومان) حضرت ابوبکره وارمش و اوندن ایکی چوجوق دوغورمشدر . بونلرك بری « عبدالرحمن » ، دیگرى عائشه در . بوتون تاریخ و سیرت کتایلری حضرت عائشه ك تولدی تاریخى قارشوسنده سکوت ایدرلر .

« طبقات » صاحبی ابن سعد ایله اوی تقلید ایدن بعض سیرت محررلرینه کوره حضرت عائشه نبوت محمدیه ك دوردنجی سنه سی ابتداسنده تولد ایتمش ، و نبوتك اوننجی سنه سنده عقدی اجرا اولونمشدر . فقط بو ادعا هیچ بر وجهله دوغرو اولاماز . حضرت عائشه نبوت محمدیه ك دوردنجی ییلی مبادیسنده تولد ایتمش و نبوتك

۱ [ابن سعد : طبقات النساء صحیفه ۵۴ (اوروپا طبی) صحیح بخاری و مسلم : واقعه تحیر . ابن حنبل : مسند جلد ۶ ۲] بخاری : تفسیر سورة نور ۳ [امام بخاری : تاریخ صغیر صحیفه ۲۱ . الله آباد طبی .

اوتنجی ییلنده عقدی اجرا اولونمش ایسه، اونك اوله‌ندیکی زمان آلتی یاشنده ده‌کل، یدی یاشنده اولماسی ایجاب ایدر. حضرت عائشه‌نك یاشی حقنده ثابت اولان نقطه اونك هجرتدن اوج سنه اول آلتی یاشنده ایکن عقدینك اجراسی، هجرتك برنجی یبلی شوال آینده ۹ یاشنده ایکن زفاف اولماسی، هجرتك ۱۱ نجی ییلینك ربیع الاول آینده ۱۸ یاشنده ایکن دول قالماسیدر. بو حسابیه کوره حضرت عائشه نبوت محمدیه‌نك دوردننجی ییلینك اواخرینه دوغرو یعنی میلادك ۶۱۴ سنه‌سی تموزنده تولد ایتمش اولماسی ایجاب ایدر.

اثرده سرد اولوناجق وقایع تاریخیه‌یی قولایلقله ا کلا یایلمك ایچین دور نبوتك یکرمی اوج سنه دوام ایتدیکی، بوندن اون اوج سنه‌نك (مکه) ده، اون سنه‌نك مدینه‌ده کچدیکنی، حضرت عائشه‌نك تولدی زماننده نبوتك دوردننجی سنه‌سی اولدیغنی خاطرده طوتمق لازمدیر. حضرت ابوبکر الصدیقك اوی، هدایت اسلامیه ایشیق‌لرینك ایلک عکس ایتدیکی یردر. اونك ایچین حضرت عائشه، حیاتینك هیچ بر دقیقه‌سندنه قولاغنه کفر و شرک سسلری ایریشمه‌ین کزیده انسانلردن بریدر. حضرت عائشه دییورکه: «بن ابونجی بیلدم بیله‌لی اونلری مسلمان بولدم. ۱»

حضرت عائشه، (وائل)ك زوجہ‌سی طرفندن امدیریلشدر. (وائل)ك کنیه‌سی، (ابوالفقیر) در، (وائل)ك قارده‌شی (افلاح) حضرت عائشه‌نك سوت عمجه‌سی صاییلیر. (افلاح) حضرت عائشه‌یی زیارت ایدر، رسول اکرم، اونك حضرت عائشه‌یی زیارت ایتمه‌سنه مساعدده ایدردی. عائشه‌نك سوت قارداشی ده بعضاً اونی زیارت ایدردی. ۲]

[۱] صحیح بخاری، جلد ۱ صفیحه ۳۶۰ (مولوی احمد علی) نك تصحیح ایتدیکی نسخه. [۲] صحیح بخاری، جلد ۱ صفیحه ۳۶۱

[۱] [محترم مؤلفك حضرت عائشه نك ياشى حقئده كى ايضاحاتى بوراده ختام بولمقده در. «عصر سعادت» عنوانلى اثرىمىزك قارئلىرى، اثرك ايكىنجى جلدنده بزم حضرت عائشه نك ياشى حقئده مفصل تدقيقاتده بولوندىغىمىزى، تدقيقاتىمىزك نتيجه سنده مؤلفك فكرينه مخالف بى فكر و قناعت ايلرى سورديكمىزى كورمىشلردىر. طبعى بو مسئله نك اك زياده تدقيقه لايىق اولدىغى بىر، حضرت عائشه نك سيريته حصر اولونان بو اثردر. اونك ايچىن بو مسئله يه متعلق مطالعاتىمىزى بوراده دها واسع بىر شكلده عرض ايدىمىز جگىز :

يوقارىده مؤلفده، بوتون منابعك، حضرت عائشه نك تاريخ تولدى قارشى سنده سكوت ايتدىكلرىنى بيان ايتىمىكده در. بو بر حقيقتدر. حضرت عائشه نك دوغدىغى زمانلرده بو كوزكى كى نفوس دائرلىرى يوقدى. آنچاق بالا آخره تمايز واشتهار ايدىنلر كى تاريخ تولدىله اشتغال ايدىلار و بونك تشييته چاليشىليردى. حضرت عائشه نك تولدى حقئده ده بويىله اولمىشدر. مؤلف بوراده قبول عامه يه مظهر اولمش نقطه نظرى قيد ايله اكتفا ايتمش بولونىور. بو نقطه نظره كوره، حضرت عائشه آللى ياشىنده ايكن نكاح لائىش، دو قوز ياشىنده زفاف اولمش و بعثت محمدية نك دوردىجى سنده تولد ايتمىشدر.

بىر، بعض اساسلار اوزرينه حضرت عائشه نك تولدى و ازدواجى ايچىن كوستريان تاريخلر كى محتاج تأمل اولدىغى فكر مده يىز. بزم طرفىزدن ايلرى سورولن فكرلر كى ده محتاج تعميق اولدىغىده شهه ايتمىورىز. فقط مسئله نك تعميق اولوندىغى تقديرده، بزم مطالعاتلىرىمىزك دها فضله تايد

ایده جگنه قاتغر . شیمدی به قدار هپ قبول عامه به مظهر اولان
روایتلرک تأیید و تقویه سنه چالیشلمش و بزم ایلری سور دیکمز نقطه
نظرک تدقیقه اهمیت ویریله مشدی . حال بو که بونقطه نظرک تمامیه اھمال
ایدیش اولماسنه رغماً اونی تدقیق و تحقیقه امکان واردر .

حضرت عائشه نك هجرتك دوردنچی سنه سننده دكل ، فقط دعا
مقدم بر زمانده تولد ایتدیکنه دائر ایلک دلیلمز ، بالذات اونك کندی
باشندن بحث ایدن بر حدیثدر .

(صحیح بخاری) نك آلتنجی جلدنده (تألیف القرآن) بابنده
« يوسف بن ماهك » دییور که : « ام المؤمنین عائشه رضی الله عنهاك
باننده ایدم . عراقلیك بری چیقا کلدی .

— یا ام المؤمنین ، مصحفکزی بکا کوسترمیسکمز ؟ دیدی .
حضرت عائشه

— نیچین ؟ دیدی .

— قرآنی صیرالامق ایچین . چونکه صیراسز او قونویور ،
دیدی .

— ایتدیکی اول او قومقدن نه چیقار ؟ قرآن کریمدن ایلک
مازل اولان «مفصل» سوره لرندن بریدر . بوسوره جنت و جهنمدن باحثدی .
انسانلر اسلامتی ببول ایتدکن صو کرا حلال و حرامه متعاق آیتلر
مازل اولدی . ایلک مازل اولان آیت ؛ ایچکی ایچمه یکنز ، دیسه ،
هرکس ، ایچکی بی اصلا ترک ایتمز ، دیردی . یاخود ایلک کوندریلن
آیت ، زنا ایتمه یکنز ولسایدی ، هرکس ، زبانی اصلا بیراقایز ،
دیردی . بن مکده اوینایان بر قیر ایکن حضرت محمد (صلی الله علیه
وسلم) «اونلرک وعده لری قیامتدر ، قیامت ، نه ده شتلی ونه آجیدر !»

ما آتته آیت کریمه نازل اولمشدی . بقره ایله نسا سوره لری ایسه
بن اونك نزدنده ایکن نازل اولدی .

حضرت عائشه صو کرا مصحفی چیقاردی . عراقلی یه سوره نك

آیتلرینی املا ایتدی « ۱]

حضرت عائشه بو حدیثنده « اونلرك وعدلری قیامتدر ... » آیت

کریمه سنك نزولی اثناسنده (مکه) ده اوینایان بر قیز اولدیغنی آکلاتیور .
او حالده بز بو نقطه یی اساس اتخاذا ایدرك اونك یاشی اطرافنده بعض
تحقیقانده بولونا بیلیرز .

حضرت عائشه نك موضوع بحث ایتدیکی آیت کریمه قرآن کریمك

اللی دور دنجی سوره سی اولان « قمر » سوره سینده در . بو سوره

شریفه (مکی) در . بو سوره شریفه نك تاریخ نزولنی بولدیغمز

تقدیرده حتی عائشه نك مکه ده اوینایان ، بودن باشقا رسول

ا کریمه نازل اولان آیتلری از برلیه بیله جك وخاطرنده طوتابیله جك

درجه ده بویویه ن بر قیز اولدیغنی زمانی آز چوق تعیین ایتمش اولورز .

[۱] صحیح بخاری : [آلتنجی جزء باب تألیف القرآن صحیفه ۱۰۰ اسنا بول

دوات مطبوعه سی] حدیثك اصلی شودر : حدیثنا ابراهیم بن موهبی ، اخبرنا

هشام بن یوسف ، ان ابن جریح اخبرهم واخبرنی یوسف بن ماهك قال

انی عند عائشه ام المؤمنین رضی الله عنها اذ جاءها عراقی ، ... قال یا ام المؤمنین

ارنی مصحفك قالتلم ، قال املی اؤلف القرآن علیه فانه یقرأ غیر مؤلف قالت

وما یضرك این قرأت قبل ، انما نزل اول مانزل منه سورة من المفصل فیها

ذكر الجنة والنار ، حتی اذا ناب الناس الى الاسلام نزل الحلال والحرام ولونزل

اول شیء لا تشربوا الخمر قالوا الاندع الخمر ولونزل لاتزنوا قالوا الاندع الزنا

ابدالقد نزل بمكة علی محمد صلی الله علیه وسلم و فی الجاریة الحب ، بل الساعة

موعدهم والساعة ادهی وأمر . وما نزلت سورة لبقره والنساء الا وانا عنده .

قال فاخرجت له المصحف فاملت علیه آی السورة .

«عصر سعادت» ده [ص ۱۰۰۹] قر سوره سنك نه زمان نازل اولديغنى ايضاح ايدركن بو سوره شريفهك ايلك دورمكى اناسنده نازل اولديغنى بيان ايتمشك . سوره قر ، انشقاق قر حادثه سندن بحث ايتديكى ايچين بر حادثهك تاريخى تثبيت ايتكمكن اولورساء اوزمان ايش دها فضله قولايلاشير . «شق قر» معجزه سى ، پيغمبريمز طرفندن كوستريان هدايت معجزه لر ينك اك صريحى واك صوكنجيسى ايدى اوندن صو كرا هدايت معجزه لرى دكل ، عذاب وهلاك معجزه لرى كوستريله جكدى .

مولانا سليمان الندوى «عصر سعادت» ك اوچنچى جلدنده (ص ۱۳۷۴) هلاك معجزه لر ينى موضوع بحث ايدركن بو نقطه يى تنوير ايدركدير كه : «حضرت محمد قر يش كفارينه هدايت ايتلر ينى كوسترمش وبونلره شق قر معجزه سيله نهايت و ير مشدى . عاقبت اسكى ملتارك باشنه كلن ، بونلرك ده باشنه كله جكدى . قر يش ايچنده اسلاميت وهدايتى قبوله مستعد اولانلر اسلاميتى قبول ايتمشلر ، كريده آنجاك اسلاميتك بى امان دشمنلرى اولان قر يش رؤساسيله اونلره تابع اولان ضعفا قالمشدى . اوزمان اراده الهيه كه به يى قر يشك شر كندن ، كفر نندن تطهير ايتمه يى التزام ايتدى . حضرت محمد مكه ليلردن مايوس اولومجا طائفه كيتدى . اورادوده بر طاقم اشرا ايله قارشىلاشدى . يولده طائفيلرك آياق طاقى اونى طاشلاديلر . بو طاشلار له پيغمبرك آياقلىرى يارالاندى وقامادى . رسول اكرم مكه يه دو بو يور كن داغلا او كا «ايسترسهك مشركلرك اوزرينه ييقيلام ، و اونلرى خردوخاش ايدلم» ديديلر . فقط طاله رحمت اولارق كوندر يان پيغمبر هنوز ، بوتون بوتون مايوس اولمامشدى . اونك ايچين هلاك معجزه سنك تاخيرى

ایچین یالواردی . بلکه مشرکلر ایچنده توحید زمره سینه کیره جک
اولانلر واردی . صحیح بخاری ایله صحیح مسلم حضرت عائشه نك شو
روایتی نقل ایتمکده در . : بر کون رسول ا کرمه صوردم . یار رسول الله
احد کونندن بدتر بر کون کچر دیکزمی ؟ حضرت پیغمبر : اوت ،
دیدى ، طائف کونی ا او کون طائف رئیسى (عبدیلیل) ایله ملاقات
ایدرك اوکا رسالتی آکلا تمش ، فقط انکار ایله قارشیلانمشدم . مغموم
ومنکسر دونویوردم . او انسادا داغلرك فرشته یله قارشى قارشى به
کادم ، ایسترسهك مشرکلرك اوزرینه داغلرى ده ویردیم و اوللری
خردوخاش ایدیم ، دیدى . رسول ا کرم ، طائف کوننى حیاتنك
اك فلاکت آمیز کونی عد ایدیوردی . بوندن اونك او کون اك
مدهش مشكلاته واذالره اوغرا دیغى ظن اولونویور . حال بو که حقیقت
بو مرکزده ده کلدی . رسول ا کرم باشقا زمانلرده او کون کوردیکی
اذادن ده ا شدتلیسنه اوغرا مشدی . فقط اونك او کونی حیاتنك اك
مشکل کونی عد ایتمه سنك سببی هدایت معجزه لری دورینك نهایت
بولارق هلاك وعذاب آیتلری دورینك تقریبی ایدی . او کون اونى
اك جوق مضطرب ایدن بو ایدی . .

مولانا (سلیمان الندوی) بك بو ایضاحاتى ، بالخاصه بو ایضاحات
ایچنده طائف کوننه عائد حدیث شریف ، بزه شو حقیقتی آکلاتیور :
هدایت معجزه لرینك صوکنجیسی اولان شق قر معجزه سی ، طائف
کونندن اول وقوع بولمشدی . چونکه طائف کوننده رسول ا کرمه
هلاك معجزه لرینك یاقلاشدیغى احساس اولونمشدی . اوحالده طائف
کوننك تاریخی آرار و بولور سهق شق قر معجزه سنك نه زمان وقوع
بولدیغى ، قر سوره سنك ده نه زمان نازل اولدیغى ممکن اولدیغى درجه ده

اصابتله تعیین ایدہ بیلیرز . حضرت پیغمبرك طائفہ حرکتی حضرت
 خدیجہ ایله ابو طالبك وفاتی تعقیب ایدر . بو حادثہ بعثتک اونجی
 سنہ سنده وقوع بولمشر . او حالده شق قمر معجزہ سی ده بوتارنخدن
 اول وقوع بولدیغی کی سورہ قمرده بوتارنخدن اول نازل اولمشر .
 بو مدتک غایت قیصہ اولدیغی فرض ایدہ جک اولسہق بیله حضرت
 عائشہ نك یاشی ینہ دها بویوک دوشر . بعثتک اونجی سنہ سنده حضرت
 عائشہ ، حضرت پیغمبره نازل اولان آیتلری تعقیب ایدہ جک ، بونلری
 از برنده طوتاجق ، بالخاصہ اسلامیتک ، خصملری طرفندن کوردیکی
 اذا و جفالرك نہایت بولارق مجرملرك اک مدہش و اک آجی جزایہ
 اوغرا یا جقلرینی تبشیر ایدن بر آیت کریمہ دن خبردار اولارق ، اونی
 حافظہ سنہ نقش ایدن بر چوجوقدی . اولک اوزمان بالخاصہ اسلامیتک
 باشندن کچمکده اولان مهم و محران انکیز وقعہ لرله علاقہ دار اولماسی ،
 بوتون بحر انلرك وفلا کتيرك زائل اولاجغی و دشمنلرك مقهور و پریشان
 اولاجقلرینی آکلانان آتی نقل ایتمہ سی ، بو چوجوغک جریان ایدن
 احوالی آکلایاجق ، مسلمانلرك حالندن متأثر اولاجق ، محیطنک
 در دینہ اشتراک ایدہ جک ، قرآنک اهل اسلامه و یردیکی تسلیدن حصہ
 مند اولاجق درجہ ده روحاً و فکرآ منکشف اولدیغی کوستر .
 بو نقاطی ، نظر دقتہ آلارق حضرت عائشہ نك بعثت محمدیہ نك اونجی
 سنہ سنده قاج یاشینده اولدیغی نهمین ایدہ بیلیرز . . . بز عمومک نقطہ
 نظری قبول ایدہ جک اولورسہق بو صیراده حضرت عائشہ نك آلی
 یاشینده اولماسی و بو صیراده حضرت پیغمبرله عقدینک اجرا ایدیلش
 بولونماسی ایجاب ایدیور . حال بو که بالذات حضرت عائشہ کنديسنک
 بو صیراده مکده اونایان بر قیز اولدیغی بیان ایدیور و اوزمان

اولور، حضرت عائشه نك ده بوصیراده احواله آگاه، اولاجق، پیغمبره نازل اولان آیتلری آکلایاجق درجه ده فکرأ منکشف اولدیغنی سویلیه جك اولورسوق اونك بو صیرالده هیچ اولمازسه دوقوز اون یاشنده اولماسی ایجاب ایدیور. حضرت عائشه پیغمبره هجرتك برنجی ییلنده واردیغنی ایچین، اوزمان اون اوچ، اون دوت یاشنده اولور. فقط «قر» سوره سنك ده اول وحی اولندیغنی کوستره ن احتمالی ده نظر دقته آیر و سوره شریفه نك بعثتک دوردنچی ییلنده نازل اولدیغنی قبول ایدر، صوگرا حضرت عائشه نك بوصیراده یدی، سگیز، یاخود دوقوز یاشلرنده اولدیغنی تخمین ایدرسهك اوزمان حضرت عائشه نك پیغمبریمزه واردیغنی صیراده ۱۶، ۱۷ ویا ۱۸ یاشنی دولایر مش اولدیغنی، کنديسنك ده بعثتدن ایکی اوچ سنه اول تولدایتدیکی کورولور. بوکا قارشى، حضرت عائشه نك آنا و باباسنی طانیدیغنی زماندن برى اولاری مسلمان بیلدیگنه دائر اونك حدیثی ایلری سوروله جك اولورسا بالعکس بو حدیثك بزى تأیید ایتدیگنی بیان ایدرز. بر چوجو غك آنا و باباسنی طانیماسی، اولرك هابکی دین ایله متدین اولدقلىغنی یلمه سی، هیچ اولمازسه اوچ دورت یاشنه، حتی ده افضله یاشه وارماسنه باقر، حضرت عائشه نك ده آنا و باباسنی طانیدیغنی و هانکی دین ایله متدین اولدقلىغنی بیلدیکی زمان اوچ دورت یاشنده اولماسی ایجاب ایدر. اساساً حضرت ابو بکر مشرك دکلدی. بلکه حقیقتی تحری و مسلمانلغی ایلک قبول ایدنلردندی. حضرت ابو بکر، جاهلیت زماننده تقواسیله، عفتیله، دوغروانغی و ناموسکارلغیله طانمش بر آدمدی. حضرت عائشه نك بت پرستلکه علاقه سی اولمایان بر محیط ایچنده دوغدیغنی بر حقیقتدر.

مشكات صاحبي: «الا كمال في اسماء الرجال» عنواني اثرنده
 حضرت عائشه بك همشيره سي حضرت اسماءك ترجمه حالندن بحث
 ايدر كن اسماءك يوز ياشينه قادار معمر اولديغني و هجرتك يتمش
 اوج سنه سننده وفات ايتديكني، اسماءك، حضرت عائشه دن اون ياش بويوك
 اولديغني بيان ايدر. اسماءك، عائشه دن بويوك اولديغنده شمه
 يوقدر. اسماء، حضرت ابو بكر (قتيله) نامنده كي زوجه سننددر.
 عبدالرحمن ايله عائشه ايسه امروماندندر. اسماءك، هجرتك يتمش اوج سنه سننده
 يوز ياشنده وفات ايتديكنه وعائشه دن اون ياش بويوك اولديغنه كوره
 حضرت عائشهك تاريخ تولديني حساب ايتك قولايلاشير. هجرتك
 ۷۳ سنه سننده يوز ياشنده وفات ايدن اسماءك هجرت ييلنده يكرمي
 يدي ياشنده اولماسي ايجاب ايدر. اسماء، عائشه دن اون ياش بويوك
 اولديغني ايجون عائشهك هجرت ييلنده اون يدي ياشنده اولماسي ايجاب
 ايدييور. بوده بزم مطالعاتمزي تأييد ايدييور.

شيمدي رسول اكرمك حضرت عائشه ايله اوله نهمه سنه سائق اولان
 اسبابي ده تدقيق ايتديكمز تقديرده حضرت عائشهك ياشي حقنده كي
 مطالعاتمرك تأيد ايتديكني كورورز.

رسول اكرم حضرت خديجهك ارتحاله قادار باشقا بر قادييله
 اوله نهمه دي. رسول اكرم حضرت خديجهك ارتحالندن صوگرا
 رسالت وظيفه سني ايفادن باشقا اوينك ايشلريله ده اوغراشيمق
 مجبوريتنده قالمشدي. چونكه رسول اكرمك اويني اداره ايدجك،
 چوجوقلرينه باقاجق، بر كيمسه سي قالمامشدي. بو صيراده حضرت
 ييغمبر كنج و فعال بر شريكه حياته محتاج ايدي. بوحيات ارقاداشي
 اولك اوينه و چوجوقلرينه باقاجق، اوئي، اوه عائد غوائل وانديشه.

لردن آزاده قیلاجقدی . اونك ایچون بو آرقاداشك ، كنج و فعال اولمقله برابر هر وجهله شایان اعتماد اولماسی ایجاب ایدیوردی . بویله بر وظیفه‌یی، بش آلتی یاشندهویا بوندن بر آز فضله بریاشده اولان بر چوجق دكل ؛ یتیشمش ، بویله بر وظیفه‌یی ایفایه لایق اولدیغی آکلاشیلشمش بر خانم ایفایده بیلیر . بوکا قارشى رسول ا کرم حضرت عائشه دن اول حضرت سوده‌یی آلدیغی سویله نه بیلیر سوده ، رسول اکرمك سوده‌یی آلدیغنه دائر اولان روایتلر قوتلی دکلدر . فقط بوروایتلری قبول ایتسهك بیله وضعیت ده کیشمز . چونکه حضرت سوده‌نك، بووظائفی ایفایه قدرتی یوقدی . حضرت سوده یاشلی ، ایری یاری ، بطی و محتاج خدمت بر قادیندی . اونك اوایشلریله، او اداره سیله ، چوجوق تربیه سیله مشغول اولمغه طاقت و محالی یوقدی . بونی آهچاق کنج ، دینج ، مقتدر بر قادین یاپاییلیردی . وضعیت بو مرکزده اولدیغندن رسول ا کرم اک عزیز ، اک صمیمی و اک فدا کار دوستی اولان و او زمان یتیشمش بر قیزه صاحب اولان حضرت ابو بکرک کریمه‌سی عائشه ایله ازدواج ایتمشدر .

صوکر ا بو اثرده مفصل بر صورتده کوروله چکی وجهله حضرت عائشه تفسیر ، حدیث ، فقه ، اصول فقه ، کلام و عقائد، اسرار دین کبی یوکسك علملره خدمت ایتش ، تاریخده ، ادبیاتده خطابت و شعرده متمایز اولدیغنی اثبات ایتش ؛ حضرت ابو بکر ، حضرت عمر و حضرت عثمان دورلرنده ، اکابر اصحاب و پیغمبریمزه معاصر اعظم رجال آراسنده فتوا ویره چک ، درس او قوتاجق ، هر کسی ارشاد ایده چک ، اک بویوک آداملر حقنده تنقیداتده بولوناجق علمی و ادبی بر اقتدار و صلاحیت صاحبی اولمشدی . عجب

حضرت عائشه بوتون بو قدرت و صلاحیتی ۹ یاشندن اون سگز یاشنه قادار ، حضرت رسوله رفاقت ایتمکله می احراز ایتمشدر ؟ دوقوز یاشنده اولان بر چوجوق بو معظم موضوعلری احاطه یه باشلا یابیلیر و دوقوز سنه ظرفنده هنوز اون سگز یاشنده ایکن اک مسن ، اک تجربه دیده حتی بر نادره فطرت اولان رجال ایله علم وادیسنده تفرد ایده ییلیرمی ؟ حضرت عائشه نك دهادوغروسی رسول اکرمه ۹۸ یاشلارنده واراراق اونك کالندن استفاضه یه باشلادیغنی و ۲۷ یاشنه وارینجه یه قادار رسول اکرمك تعلیم و ارشادندن استفاده ایتدیکنی قبول ایتك دها معقول دگلی ؟...

امام (احمد) ك (مسند) نده کی بر روایت بزم نقطه نظری می بوتون بوتون تأیید ایدیور : بو روایت کوره حضرت عائشه ، رسول اکرمه وارمادن اول (جبر بن مطعم) ك اوغلیله نشانلا - نمشدی . رسول اکرم ، حضرت عائشه یه طالب اولدیغنی زمان بو نشانلامه موجود ایدی . او زمان (جبر بن مطعم) ایله عائشه سی مسلمانانی قبول ایتمه مشلردی . رسول اکرم حضرت عائشه یه طالب اولونجه ، (جبر بن مطعم) ك نه دییه جکی صورولش ، جبرك زوجیه سی ، حضرت ابو بکرک مسلمان اولماسنه مبنی « شاید بو قیز نیم اویمه کیره رسه نیم اوغلومی دیتندن چیقاریر . بن بونی ایسته م . » دیمش ، بونك اوزرینه جبرك اوغلو ایله عائشه آراسنده کی نشان بوزولمشدی . [۱] امام احمدك مسندنده کی بو روایت صوك درجه شایان دقتدر . چونکه بزه حضرت عائشه نك ، مشرك اولان بر آدame ویریله سنك اولجه قبول اولوندیغنی کوستریور . عجا بونشانلانمك رسالت محمدیه نك اعلانندن و حضرت ابوبکرک

سلامتی قبول ایتمه سندن صو کر او قوغنه امکان وارمیدر ؟ بوکا هیچ
 بر وجهله امکان بولونمادیغی آشکاردر . بو حادئه ، یعنی حضرت
 ابوبکر ک قیزی ، جبر بن مطعمك اوغلونه ویرمه یی وعد ایتمه سی ،
 هر حالده رسالت محمدیه دن اول وقوع بولش اولاجقدر . حضرت
 ابوبکر کی بر ذاتك مسلمان اولدقدن صو کر ا قیزی بر مشرکه
 وعد ایتمه سی ، غیر قابل تصوردر . اساساً جبرك زوجته سی
 طرفندن سسویله نن سسوزلرده بونی اثبات ایدر . جبرك زوجته سی ،
 ابوبکر ک قیزی اوینه کیره جك ارلورسه اوغلانی دینندن چیقاراجغنی ،
 بیان ایدیورکه ، بوسوزلر نشلانماتك بویه بر احتمال درپیش اولونمادیغنی
 یعنی هنوز مسلمانلق ظهور ایتمه دیکی و حضرت ابو بکر مسلمانانی
 قبول ایتمه دیکی بر صیراده وقوع بولدیغنی کوسترر . حضرت ابوبکر ک
 قیزی جبرك اوغلنه وعد ایتدیکی صیراده مسلمان اولش اولسا ،
 جبرك قاریسی ، عینی اعتراضی اوزمان درمیان ایدردی . اونك بونی
 بالاخره درمیان ایتمه سی ، حضرت ابو بکر ک ده صو کر مسلمان
 اولدیغنی ، رسالت محمدیه نك ده صو کر باشلادیغنی کوستردکن باشقا ،
 حضرت عائشه نك ده رسالت محمدیه نك اعلانندن اول تولد ایتدیکی کوسترر .
 بوتون بو تاریخی و عقلی دلائل بزى حضرت عائشه نك رسالت
 محمدیه دن اول تولد ایتدیکی قبوله سوق ایتمکده در . بناءً علیه حضرت
 عائشه پیغمبریمزله ازدواجی آنده دو قوز یاشنده ده کل ، ۱۵ ، ۱۶ ،
 ۱۷ ، حق ۱۸ یاشنده ایدی . [۱۰]

حضرت عائشه نك هر مورقلفی :

فوق العاده انسانلر چو جو قلق زمانلرندن اعتباراً شخصیتلرینک
 نیجه لکارینی ، یو کسکله کارینی کوستررلر . بونلرک هر حال و طورنده

[۱] بزم مطالعاتم بوراده نهایت بولویور . (عمر رضا)

بر ممتازیت وارد . بو صفتده اولان چوجوقلرک آئنده ، آتیلرینک نوری پارلار ، اولرک بویوک ومعظم بر مستقبله نامزد اولدقلرینی خبر ویرر . حضرت عائشه ک چوجوقلغی ده اولنک آتیسینی ، بوتون پارلاقلیغیه کوستریوردی . عائشه ، چوجوقلغی ائناسینده اویونی سه ور، وقتنی اویونله کچیرر، محله سنک بوتون قیزلرینی کندی اوندو طوپلایارق اولرله اویناردی . فقط عائشه نلک اویونسده ، عائله سیندن آلدیغی تربیه نلک اصالتی ، بالخاصه اسلامیه ایلک کیره نلر آراسینده اولان حضرت ابوبکرک اسلامیتی جانلاندیران حال و حرکتی ، ادب و تربیه سی تجلی ایدردی . رسول اکرم حضرت عائشه یه اویون اوینارکن اکثریاتصادف ایدر ، عائشه ایله اوینایان چوجوقلر ، پیغمبری کورور کورمز قاجیشدقلری و داغیلدقلری حالدو رسول اکرم چوجوقلرک اویناماسیندن ، سه وینمه سیندن ممنونیت حس ایتدیکی ایچین بونلری چاغیرر و اویونلرینه دوام ایتمه لرینی امر ایدردی . [۱] عائشه نلک اک چوق سه وودیکی اویونلر قاریجه اویونی ایله تخت روان اویونی ایدی . (ابوداوود) ، سنن نلک کتاب (الادب) نده بونلری مفصل بر صورتده تعریف ایدر .

برکون رسول اکرم ، عائشه ایله آرقاداشلری قاریجه اویونی اوینارکن کلش ، قاریجالر ایچنده برده قاناتلی بر آت بولوندیغی کورمشدی . حضرت پیغمبر عائشه یه صورتی : بونه ؟ عائشه ، « آندرا » دیدی . « فقط آنک قانادلری اولورمی ؟ » عائشه در حال جواب ویردی : « نه دن اولماسین ؟ » حضرت سلیمانک آتلی قاناتلی ده کلی ایدی ؟ رسول اکرم ، عائشه نلک بو جوابندن ممنون اولارق تبسم ایتمشدی [۲] عائشه نلک بوجوابی ، شهه سرز اولنک ذکاسنی ، اولنک حافظه سینده کی قوتی ، اولنک سرعت انتقالی کوسترد .

[۱] ابن ماجه : باب مداراة النساء . صحیح مسلم : فضل عائشه

[۲] مشکاة : باب عشرة النساء ؛ ابوداوود : کتاب الادب

ایکینجی فصل

حضرت عائشہؓ نیک ازدواجی

پیغمبریمزك ايلك زوجہ سی، حضرت خدیجہ در. پیغمبریمز یکر می
باشنده ایکن خدیجہ ایله اوله نیش واونکله یکر می بش سنه یاشامشدر .
حضرت خدیجہ ، بعثتک اونجی سنه سی رمضانده ارتحال ایتشدی .
اوزمان پیغمبریمز الی یاشنه وارمشدی . حضرت خدیجہ ایسه آلتش
بش یاشنده ایدی .

مسلمانلق نظرندہ زوجہ لك مقامنك نه قدار یوكسك اولدیغنی
آ کلامق ایچین حضرت محمدك یکانه مسلمان ایکن حضرت خدیجہ نك
ایکینجی مسلمان اولدیغنی بیلیمك کفایت ایدر . خدیجہ هر زمان
وهر یرده ، اضطراب وفلاکت زمانلرنده ، دشمنلرك مسلمانانغی تمامیله
سوندیرمك ایچین هر ظلم و اعتسافی ، هر درلو تجاوز و شدتی روا
کوردکلری صیرالرده ، مسلمانلری محو ایتمك ایستهین خصوصت
دالغالرینك قابارا قابارا مسلمانلره صولت ایتدیکی و اونلری بوغغنی
ایسته دیکی دملرده ، خلاصه هر یرده و هر زمانده ، زوجنه
آرقاداشلق ایتش ، اونکله برلکده ثبات ایتش ، اونك هر حالده
اونك طالع و مقدراتنه شریك اولمشدی بوندن دولاییدرکه حضرت
خدیجہ نك ارتحالی رسول اکرمی فوق العاده متأثر ایتش ، رسول
اکرم ، بوپك یوکسك حیات آرقاداشنك ضیاعندن صوك درجه ملول

و محزون اولمشدى. يالكىزلىق اوك حياتى بوس بوتون مشكللىشىدىرمشدى. [۱]
 حضرت پيغمبرك دوستلىرى وفداكار آرقاداشلىرى اوك بو حاليله
 علاقه دار اولارق اوني يالكىزلىك غمىدىن قورتارمىق ايسىته دىلر .
 هجرتك ايكىنجى سىنەسنىدە وفات ايدىن اصحابدىن (عثمان بن
 مظعون) ك زوجەسى (خولە بنت حكيم) رسول اكرمە
 مراجعت ايدرك : يا رسول الله ! ديدى ، تكرر اولەنيكز ؟ .. «
 رسول اكرم ، كيمكە ؟ ..» ديدى . خولە « دوللردن دە ، باكرەلردن دە
 وار . كيمى ايسىتيورسە كز اوني ايسىتز . » رسول اكرم « بونلر
 كيملردىر ؟ .. » ديدى . خولە : « مثلاً دوللردن سودە بنت زمعه وار .
 باكرەلردن ابو بكر ك قىزى عائشە وار . » رسول اكرم دە « سىن
 عائشەنى ايسىتە . » ديدى .

خولە ، رسول اكرمك نىزدىن چىقاراق حضرت ابو بكرك
 اوينە كىتدى و اونىكە قونوشدى . عربلردە عادت ، بىرى قار دەش
 كى طانيان وسە ونلرك قىزلىرىنى آلىق جائز دە كلدى . حضرت ابوبكر دە
 (خولە) نك عائشەنى ايسىتە سىنە مقابل « بو ناصىل اولور ، عائشە
 حضرت پيغمبرك كىنى صايىلير . اوك اونىكە نىكا حلائماسى جائز مى ؟ » ديدى .
 خولە ، حضرت پيغمبرە كىتدى . ابوبكر ك سوزلىرىنى نقل ايتدى [۲]
 رسول اكرم دە : « ابوبكر ، سىم دىن قار دەشمدر . دىن قار دەشلىرىنىك قىزلىرىنى

[۱] ابن سعدك طبقاتى جلد ۸ صحيفه ۴۱

[۲] اوروپا مستشرقلىرىلە خرىستيان عالملىرىنىك فاحش خطالرىدىن بىرى ،
 بلىكە خىجالت آورجھالتلىرىنىك ، بىر نمونه سى ، اونلرك زوجات طاھرات يىچىندە يالكىز
 حضرت عائشەنىك باكرە اولماسىدىن دولابى جناب صديقه ابوبكر دە نىلەيكنى ايلرى
 سورەلر . حال بو كە جناب صديق ، اسلامك ظهورىدىن اول بىلە بو كىنىلە طانيلىيوردى .
 عربلردە كىنىلە اصالت وعزتك بىر نشانه سىدر . اوك اچچون عرب رۇساسنىك

نکاح ایتمك جائزدر . « دیدی . ۱ » [حضرت ابوبكر در موافقت ایتدی .
فقط حضرت عائشه ، دها مقدم (جبر بن مطعم) ، وعدا اولونمشدی .
بونك ایچین عائشه یی رسول ا کرمه ویرمه دن اول وعدی فسخ ایتمك
ایجاب ایدردی . حضرت ابوبكر ، (جبر) ، صورددی . جبیرده
زوجه سنه مراجعت ایتدی . جبیرك عائشه یی اوزمان مشر کدی . جبیرك
زوجه سی ده « بوقیز ، بنم اویمه کیررسه . بنم او غلمی دیندن چیقارور ،
بن بویه اولماسنی ایسته م . « دیمشدی . ۲]

(ابن سعد) حضرت عائشه نك نکاحلا نماسندن بحث ایدر کن ایکی
روایت نقل ایدر . بونلرك برینه کوره رسول ا کرم حضرت عائشه یه
مهر اوله رق بر او ویرمشد . بواوك بدلی الی درهمدی . فقط بو
روایت ، درایت اساسلرینه کوره محاکمه اولونورسه غیر صحیح
کورونور . چونکه اوزمان الك کوچوك واك وضع برأوك قیمتی الی
درهم اولامازدی . (ابن اسحاق) ك روایتنه کوره حضرت عائشه نك
مهری (۴۰۰) درهمدی . ابن سعدك نقل ایتدیکی ایکنجی روایتنه کوره
حضرت عائشه مهرینك بش یوز درهم اولدیغنی سویله مشدر . ۳]
امام (مسلم) ك صحیحنده حضرت عائشه دن روایت اولوندیغنه کوره
زوجات طاهراندن مهرینك مهری بش یوز درهمدی . ۴] امام احمد
بن حنبل (مسند) نده حضرت عائشه دن ، مهرینك بش یوز درهم
اولدیغنی روایت ایتمکده در .

بررکنیه لری وارددر . ابو جهل ، ابولهب ، ابوذر کبی . بکر ، هر بلر آراسنده
مشهور اولان بر علمدر .

[۱] صحیح بخاری صحیفه ۷۶۰ باب تزویج الصفار من الکبار

[۲] امام احمدك (مسند) ی جزء ۶ صحیفه ۲۱۱

[۳] طبقات ابن سعد صحیفه ۴۳ [۴] صحیح مسلم : کتاب النکاح

حضرت عائشه نك تاريخ ازدواجنده اختلاف واردر . علامه
(بدرالدين عيني) صحيح بخارى شرحنده ، حضرت عائشه نك رسول
ا كرمه هجرتدن ايكي سنه اول ، ديكر بروايته كوره اوچ سنه اول ،
ديكر بروايته كوره بر بوجوق سسنه اول نكاحلانديغنى بيان ايدر .
ديكر روايتلره كوره رسول ا كرم حضرت عائشه ايله ، حضرت
خديجه نك وفاتندن اوچ سنه صو كرا اوله مشدر . سیرت محرورينك
بعضيارينه كوره ، رسول ا كرم حضرت خديجه نك ارتحالي سنه سنده
حضرت عائشه ايله اوله مشدر .

حضرت خديجه نك تاريخ وفاتى مضبوط اولسه ، حضرت عائشه نك
ازدواجى تاريخنى تعيين ايتك ممكن اولوردى . حال بو كه حضرت خديجه نك
تاريخ وفاتى مقرر ده كلدر . بروايته كوره حضرت خديجه هجرتدن
بش سنه اول ، ديكر روايته كوره ديوت سنه اول ، بروايته كوره ده
اوچ سنه اول ارتحال ايتشدى . بو اختلاف قارشيسنده اك فضله
نظر دقته آينمغه شايدان اولان سوز ، شهسز بالذات حضرت عائشه نك
سوزيدر . حال بو كه صحيح بخارى ايله امام احمدك مسنده حضرت
عائشه نك ايكي روايتى نقل اولومقددر . بونلرك رينه كوره نكاح ،
خديجه نك وفاتندن اوچ سنه صو كرا [۱] ، ديكر روايته كوره خديجه نك
وفات ايتديكي سنه ده عقد اولومسدر . [۲]

جمهور محققينك اتفق و « مسند » ك حكى ، حضرت خديجه نك
« نبوت محمدیه » نك او حجي سنه سنده ، يعنى هجرتدن اوچ سنه مقدم
رمضان اينده ارتحال ايتديكيدر . رسول ا كرمك عائشه ايله نكاحنك

۱۱ صحيح بخارى : فصل خديجه . مسند ابن خنبل جلد ۶ ص ۵۸

۱۲ صحيح بخارى : تزويج عائشه ، مسند ۱۱۸ بوتون بو مختلف اقوال

بزم نقطه نظر مى تأييد ايد . جك ماهيته اولفله برابر بونلردن استفاده ايتمه دك ع و

عقدی، خدیجہ نیک ارتحالندن برآی صو کرا یعنی شوال آئندہ وقوع
 بولمشد. بواساس اوزره حضرت عائشہ نیک رسول اکرم لہ نکاحنک
 ہجرتدن اوچ سنہ اول شوال آئندہ عقد اولوندیغنی سویلیہ بیلیرز .
 بو تاریخ میلادک ۶۳۰ سنہ سنک مایس آینه تصادف ایدر . علامہ
 ابن عبدالبر ، (استیعاب) ندہ بو قولی توثیق ایدیور . حضرت
 عائشہ دن ایکی روایت نقل اولونماسنک راوی طرفندن وقوع بولان
 بر خطا اثری اولماسی چوق محتملدر . حضرت عائشہ ، حضرت خدیجہ نیک
 ارتحال ابتدکی سنہ ده رسول اکرم لہ نکاحلا عقیلہ برابر طرفین آراسندہ
 زوجیت علاقہ سی آنجاق اوچ سنہ صو کرا تأسس ایتشدی .

اوپچى فصل

حضرت عائشە كى ھىجرت ۋە زىيالىرى

حضرت عائشە رسول اکرم ﷺ نىڭلا ھىجرت قىلغاندىن سوڭرا اوچ سەنە باباسىنىڭ ئوندىن قالدى. بومىدىكى ئىككى سەنە اوچ. ئىككى (مەكە) دە، يەنى سىگىز ئىككى دە ھىجرتىدىن سوڭرا مەدىنەدە كۆچىردى.

مىسلىمانلار، ئىككى دەفئە ھىجرت قىلىشلىرىدىن. بىرىنچى ھىجرت ھىجىستانە ۋە قۇم بولۇش، ھىجرت ئابوبەكر دە، پەن ئىزدەۋەت پەن ئىككى بومىدىكى ھىجرتى ئىجتىمائىي ھەتتا ئولدىنى ھەتتا قىرىشنىڭ ئىقتىسادىدىن ئاقسەنى قورتارمايدىنى ئىككى ھىجىستانە ھىجرتى دوشۇنمىش، (مەكە) دىن چوق ئوزاق بىر بىر ئولان (بىر كەڭلىك) ۋە قەدەر كىتىشىدى. ھىجرت ئابوبەكر بولدى.

قەدەر قەبىلەسىنىڭ رەئىسى ئولان (ئىبن الدغەنە) يە ئىصادى ئىتىش، (ئىبن الدغەنە) ئوكا نەبە كىتىدىكىنى سوزمىش، ئابوبەكر دە قىرىش بىكە ئىككىدە دوشۇنمىش ۋە بوبۇدىكىم شەھەردە ئاقىتى چوق كورۇپور، ئولان ئىككى ھىجرت ھىجرتى بولدى.

ئىككىدە ئىللە ئىبادەت ئىدە بىلە جەم بىر بىر كىتىمە ئىستىيورم، دىمىش، (ئىبن الدغەنە) مەكە ھىجرت ئابوبەكر كى بوبۇك بىر شەخسىتىدىن ھىجرت قىلىشنى ئىستەمە يەرك ئونى ھەتتا ئىدە جەكە سوز ۋە بىر بىر، ئابوبەكرى مەكە قەدەر كوتورەرك «قىرىش» ۋە «مەھمانىۋاز» ۋە قەدەر پور، ئاقىرىشە مەھتۇپ ئولان، ئىحتىياج زىمانىدە مەكە ياردىم ئىدە بىر ئادەم شەرىكىزدىن چىقارمىقى ئىستىيورمىگىز. دىمىش. قىرىش ۋە ئىستىيورم دە.

« ابوبکر ، قرآنی یوکسک سسله اوقوماق شرطیله بوراده اقامت ایدم بیلیر . چونکه اونک سسی کنجلریمزک و قادینلریمزک عقل و قلبی اوزرنده تأثیر ایدیور » جواجی ویرمشلردی . ابوبکر بو شرطی قبول ایتمکه برابر اوینک یاننده بر مسجد وجوده کتیرمش واوراده یوکسک سسله قرآن اوقومغه باشلامشدی . صوگ درجه حساس و صوگ درجه رقت قلب صاحی اولان حضرت ابوبکر قرآن اوقورکن آغلار ، اولک بو خشوع و خضوعی ایله سسنگ سهویمیلیکی و قرآنک عظمتی کوکلرده لرزه لر وجوده کتیریردی . قریشیلر ، ابوبکری ، ابن الدغنه یه شکایت ایتمشلر : (ابن الدغنه) حمایه سنی کری آلاچغی سویله مش ، حضرت ابوبکرده سنک حمایه که احتیاجم یوق ، اللهم حمایه سی بکا کافی ، دیمشدی . ۱۰] حضرت ابوبکرک مکهدن حبشستانه هجرت اوزره حرکتی اثناسنده حضرت عائشه ایله عائله سنک اونکله برلکده حرکت ایتمش اولماسی محتملدر .

ایکنجی هجرت ، مدینه یه وقوع بولدی . اوزمان مشرکلرک اعتسافات و تضیقانی تحمل ایدیله من بر راده یه وارممشدی . رسول اکرمده مدینه یه هجرت ایچین امر آلمش ، هر کون زیارت ایتدیکی ابوبکرک اوینه کیدمک اونکله قونوشممشدی . رسول اکرم ، اوکون ، عادتی خلافتنه سمانسی بر اورتو ایله اورتهرک کلمشدی . حضرت ابوبکرک یاننده قیزلری اسما ایله عایشه بولونوبوردی . وقت ، اوکله اوزری ایدی . حضرت پیغمبر ، ابوبکر ایله محرم برشی قونوشاجغی سویله دی . یاننده کیلری باشقاریرم کونورمه سنی سویله دی . حضرت ابوبکر « بوراده یابانچی بر کیمسه یوقدر ، بویوریکز . » دیدی .

۱۱ بوقره یی عصر سعادتدن نقل ایتدم . ع . ر

رسول اکرم ده ابوبکره هجرتدن بحث ايتدی . حضرت عائشه ايله
اسما يولچلىق ايچين لازم اولان هر شيشي حاضر لامغه باشلاديلر . ايکي
آرقاداش مدينه يولنى طوتديلر . ايکيسي ده اولاد و عيالى دشمنك
ظلم و اعتسافنه ترك ايتمك مجبوريتنده قالشار ، ايکيسي ده نبوت محمدیه نك
اون دردنجي يىلى ربيع الاول آينك ۱۲ نجى كوني مدينه يه مواصلت
ايتشاردى .

رسول اکرم مدينه يه مواصلت ايدرك اوراده يرلشدكن
حوکرا (زيد بن حارثه) ايله (ابورافع) ي ، حضرت ابوبکرده
بر آدمى مکه يه كوندرهرك عائله لر ي کتيرتمك ايسته ديلر . ابوبکرک
اوغلو عبدالله والده سى ايله ايکي همشيره سنى آلوب مکه دن مدينه يه
دوغرو حرکت ايتدی . يولده کيدرکن ، حضرت عائشه نك يىنديكى
ده وه قافله دن آيريله رق قچغه ، حضرت عائشه ي اوزرندن آتاجق
درجه ده سرعتله قوشمغه باشلادی . عائشه نك والده سى ، قيز ي
مراق ايدىور ، اونك ده وه نك اوزرندن دوشهرك بر قضايه اوغرا ماسندن
قور قويور ، قيزينك باشنه کلن بو تهلكالى حال يوزندن آغلا يوردى .
عائشه نك ده وه سى چوق کچمه دن سکونت بولدى و قافله يه قاتيلدى .
بو قافله نك مدينه يه مواصلت آئنده رسول اکرم ، مسجد
نبوى ايله اونك اطرافنده کى حجره لرى انشا ايتدير مکه مشغول ايدى .
حضرت پيغمبرک زوجه سى سوده بنت زمعه ، کریمه لرى (فاطمه)
(ام کلثوم) بو حجره لره مازل اولشاردى . [۱]
حضرت عائشه مدينه ده والده سى و قارده شلر يله برلکده (بنى

حارث بن خزرج (۱) [محله سینه اینهرك اوراده یدی سگیز آی اقامت
ایتدی. اوزمان، مهاجرلرک اکثریسی مدینه نك آب وهواسیله امتزاج
ایدمه مش، بونلرک برچوغی خاستالامش، از جمله حضرت ابوبكرده
خاستالامش و كندیسنه كوچوك كریمه سی باقمشدی .

حضرت عائشه رسول اكرم كیدهرك باباسنك خاستالغنی آكلامش،
رسول اكرم، حضرت ابوبكرك شفایاب اولماسی ایچین دعا ایتمش،
بونى متعاقب، حضرت عائشه ده خاستالامشدی . حضرت ابوبكر،
كریمه سنك خاستالاندیغندن چوق متأثر اولمش، اوکا بابالغك بوتون
شفقتیله باقمش، فقط خاستالقی حضرت عائشه یی صوك درجه صار صدقندن
باشقا اولك بوتون صاحلرینك دو كوله سینه سبب اولمشدی . حضرت
عائشه نك خاستالقدن قورتولماسنی متعاقب (۲) حضرت ابوبكر، رسول
اكرم كیدهرك عائشه یی یچین كندی خانه سینه آلامدیغنی صورمش،
رسول اكرم ده هنوز عائشه نك مهریغی ویرمه دیکنی، مهری ادا ایدمك
بر حالد اولمادیغنی سویله مشدی . بونك اوزرینه حضرت ابوبكر،
رسول اكرم ایسته دیکنی اقراضه آماده اولدیغنی سویله مش، رسول
اكرم ده عائشه نك مهریغی اوندن استقراض ایدرك حضرت عائشه یه
كوندرمشدی . چونكه مهر و برمك فرضدر. مهر، قادینك حقیدر.
بو حق اوکا ویرمله لیدر .

رسول اكرمك عائشه ده عائد مهری كوندرمه سنی متعاقب انصار
قادینلری كلانی آلمو ایچین حضرت ابوبكرك اوینه كیتدیله. امرومان

قىزى حاضرلادى ، اونى انصار قاديلىرىنىڭ يانە كوتوردى . بونى
متعاقب رسول اكرم كەلدى . [۱]

حضرت عائشە نىڭ زىفانى ، ھىجرەت سەنەسىنىڭ شىۋال آينە كۈندۈزى
وقوع بولمىش . علامە (عىنى) ، (عمدة القارى) دن ئىلا حضرت
عائشە نىڭ زىفانىڭ بىر مۇھارەپىسىدە سو كرا ھىجرەت كىچى سەنەسىدە وقوع
بولدىغىنى بىان ايدىيور . [۲]

بوتون بوياضاحاتىن حضرت عائشە نىڭ نىكاھ وزىفانىڭ غايەت سادە
بىر شەكىلدە جىريان ايتىدىكى كۈرۈلمىگەن . مىلمانلار ياقىشان و پاراشان دە
بوسادە لىكەر .

حضرت عائشە نىڭ بوشەكىدە اولەنمەسى ، عربلار آراسىدە
ازدواج مىراسىنىڭ غايەت مەككە ياپىلماسىنىڭ مىراسى بولمىش اولدىغى
كۈستەش ، ازدواجى دەرلۈ دەرلۈ فەزۋىلى مىسەرلەر وسىلە ئىخاذايتەنەن
دو غىرو اولمادىغى ، بالەكس بولمىش فەنا عادتلىك العاسى اىجاب ايتىدىكى
اظهار ايتىش و بو عادتلىك الفاسىنى سائق اولمىش . بولدىن باشقا
حضرت عائشە نىڭ پىغمبەرلەر ازدواجى قارمىش كى سەۋىشەن
انسانلار آراسىدە ھەرىت رابىطەلىك تاسس ايدەمە چىكە
دائر عربلار طرقتىن بوردە اولغان اساسسىر بىر قەتلىك ازالەنە خەمەت
ايتىمىش . حضرت عائشە نىڭ رسول اكرم طرقتىن ايتىستەنىلمەسى
اوزىنە حضرت ابوبكر ك وقوع بولان اعتراضە قوشى پىغمبەرلەر
اوكا « انت اخ فى الاسلام » يعنى « بىم مىلمانلار قەدە قەدە شەكىل » دىمىش .
عربلەر ، شىۋال آينە ازدواج ايتىمىش . چۈنكى مىلمانلار دە

[۱] صحيح بخارى ، تزويج عائشە . ص : ۶۵۱ ، مسلم كتاب النكاح .

[۲] عمدة القارى جلد ۱ ص ۴۵

بر شوال آینده عربستانده وبا ظهور ایتمش ، بویوزدن شوال آی
منحوس بر آی طمانش ، بوآیده اوله نمه مک عادت اولمشدی . [۱]
حال بو که حضرت عایشه نك نکاحی ده ، دو کونی ده شوال آینده وقوع بولمشره .
حضرت عائشه ، دو کونلرک شوال آینده وقوعی تشویق ایدر و کندی
نکاحیله دو کوننک بوآیده وقوع بولدیغنی ، اک کوزهل قسمتلی ، اک
طالعلی والہ بختیار قادینک ده کندیسی اولدیغنی سویلردی . [۲] رسول
اکرمک حضرت عائشہ بی شوال آینده آلماسی ، عربلر آراسینده
شایع اولان بو خرافہ بی ده ازاله ایتمشدی .

عربلرک اسکی بر عادتہ کوردہ ، کلین ، او کنده آتش یاقیلارق
کو تورو لور ، زوج زوجہ سینه بر محمل ویا محفہ ده ملاقی اولوردی .
(بخاری) ایله (قسطلانی) حضرت عائشہ نك دو کوننده بو مراسمک ده
ابطال اولوندیغنی صراحة بیان ایدرلر . [۳]

[۱] بخاری : کتاب النکاح

[۲] ابن سعد : طبقات النساء

[۳] صحیح بخاری ، صحیح مسلم : کتاب النکاح

دوردنچى فصل

مھىرىت عاتىنىڭ تەلىم و تەربىيەسى

عەربلەر ئىچىندە قادىنلار دەكل، ار كىكلربىلە او قوپوب يازما بىلەنلردى .
ار كىكلرى قارا جاھل اولان بر محىط ئىچىندە قادىنلار ك تحصيل و تربىيە سىندىن
مىچىھ امكان قالماز . اسلامىتىك ظھورى ائناسىندە قرىش ئىچىندە او قوما
يازما بىلەنلار ك عددى ىتمىش كچمىوردى . بونلار ك ئىچىندە قادىن
اولەرق بر (شفاء بنت عبدالله العدوىة) واردى . اسلامىتىك دىنىوى
فىضلىرىدىن برى ، اونك اتشارىلە او قومق ، يازمق نىعمىتىك دە تەمم
اىتمەسىدەر . رسول اكرم « بدر » حربىندە اسىر دوشىن مشركلاردىن
ھىر برىنىك اون مسلمانە او قوما يازما او كرىتمەسى مقابلەندە سىر بىست
بىراقىلا جىغى اعلان اىتمىش ۱] بوسا يەدە مسلمانلر ئىچىندە او قوما يازما
بىلەنلر چوغالمىشدى .

رسول اكرم ك اصحابى ئىچىندە حىياتلرىنى علم و عرفانە وقف ايدىن
اصحاب صفە رسول اكرم ك علمىدىن مستفىض اولدقلىرى كى او قومانى
ويازماني دە او كرىنرلردى . ۲]

زوجات طاھرات ئىچىندە او قوما يازما بىلەنلر ، حضرت (حفصە)
اىلە حضرت (ام سلمە) ايدىلر . حضرت حفصە ، رسول اكرم ك

[۱] امام احمد ك مسندى جلد ۶ صفىھە ۲۴۶

[۲] امام احمد ك مسندى جلد ۶ صفىھە ۱۳۴

امریله (شفاء بنت عبدالله) دن او قوما یازما او کره تمشدی. [۱] قادینلردن اولان اصحاب ایچنده ده او قوما و یازمائی بیلنلر واردی. [۲]

رسول اکرمک متعدد قادینلرله، از جمله حضرت عائشه کی کنج بر قادینله اوله نهمه سنک سببی، حضرت پیغمبرک رفاقتندن ارککدر درجه سنده مستفید اولمایان قادینلرک زوجات طاهرات ایله تماس ایدرک و اونلرله قونوشه رق، کوروشه رک مستفیض اولمالرینی تأمین ایتمکدی. زوجات طاهرات، از جمله حضرت عائشه، مسلمانلغک قادینلق عالمنه ایثار ایتدیکی فیضلری، یاواش یاواش نشر و تعمیم ایدیورلردی.

حضرت عائشه دن ماعدا بوتون زوجات طاهرات، دول و یاشلیجه قادینلردی. حضرت عائشه، بونلرک هپسندن کنج اولق اعتباریله رسول اکرمک تعلیم و تربیه سندن دها فضله مستفید اولمش، اونک خانه سعاده کله سیله حیاتنک افقنده یکی بر نور دوغمش، اونک رسول اکرمدن او کره ندکاری بشریتک نصفی اولان قادینلغک تعالی بولنی آیدینلاتان بر مشعله اولمشدی.

حضرت ابوبکر، بوتون قریش ایچنده انسابه و قوفیله، شعره مراقیله ممتاز ایدی. [۳] قریش شاعرلری، شعرلرینی اولا اوکا او قورلر، اونک رأینی آلدقن صوگرا هر کسه انشاد ایدرلردی. حضرت ابوبکر بوشعرلری تصحیح ایدر، و شاعرلره اخطار ائده بولونوردی. [۴] حضرت عائشه ده انسابی او کره نمش و باباسنک ذوق ادبیسنه توارث ایتمشدی [۵]

[۱] ابوداوود: کتاب الطب [۲] مسند احمد جلد ۶ صحیفه ۲۴۶

[۳] صحیح مسلم: مناقب حسان [۴] اصابه و استیعاب: ذکر حسان بن ثابت

[۵] حاکم: مستدرک؛ ذکر عائشه رضی الله عنها

حضرت ابوبكر ، اولادلىرىنىڭ تربيەسىنى سوك درجە دقت ، حتى شدتتە اعتنا ايدردى . مثلاً بركره ابوبكر ك اوغلى عبدالرحمن ، مسافرلار سىرعتتە يىك يديرىمك ايستەمش ، باباسى طرفىدىن تىكدير اولونمىشدى . [۱] حضرت عائشە اولەندىگەن سو كرا دە هر حر كىتىدە باباسى دوشونور واونىڭ اخطاراتىنى معروض اولمىدىن تحاشى ايدردى . [۲] حضرت ابوبكر ، ايجاب ايتىدىكى زمان قىزى تىكدير ايدردى . [۳] حتى ابوبكر ، بىر دفعە اونى پىغمبىرىمىز ك حضورىدە تىكدير ايتىش ، حضرت عائشە پىغمبىرىمىز ك توسطىلە تىكدير دن قور تولمىشدى . [۴]

حضرت عائشە ، باباسىنىڭ اونىدە انساب ايلە ، شعر ايلە مشغول اولمىقلە برابر اونىڭ اصلى تعليم و تربيەسى رسول اكىملە ازدواجىدىن سو كرا باشلامىشدر . حضرت عائشە بو صىرا لىدە اوقوما او كىرە نمىش ، قرآننى يوزىدىن اوقومىغە باشلامىشدى . [۵] بىر روايتە كورە حضرت عائشە اوقوما بىلدىكى خالە يازمىق بىلىمىوردى . [۶] بعض احاديثە كورە حضرت عائشە قرآننى كولهسى (ز كوان) يازدىردى . [۷] او خالە بوتون بور روايتلردىن حضرت عائشەنىڭ يازى يازمايى دە بىلىمەيكى استىلال اولو نايىلىر . باخصوص بعض روايتلر ، حضرت عائشەنىڭ بعض مەكتوبلارە يازدىغى جوابدە شونى بونى سويلەدىكى نقل اولونويور . [۸] بلىكە راويلر « يازدىردى » دىيە چىكلىرىنە مجازاً يازدى ، دىمىشلىردىر .

- [۱] صحيح بخارى . [۲] صحيح مسلم : باب القسم بين الزوجات .
 [۳] صحيح بخارى : باب التيمم ، صحيح مسلم : باب القسم بين الزوجات
 [۴] ابو داوود : كتاب الادب ، باب المزاج . [۵] صحيح بخارى : باب تأليف القرآن . بلاذرى : فصل الخط
 [۶] بلاذرى : فصل الخط
 [۷] صحيح بخارى : الصلاة الوسطى ؛ مسند احمد جلد ۶ ص ۲۲۳
 [۸] مسند احمد جلد ۶ ص ۲۱۷ ترمذى ص ۳۹۲

اوقوما يازما ، انسانلارك ظاهرى تعليميدر. حقيقى تعليم و تربيه نك
 معيارى ، اوقوما يازمادن چوق يوكسكدر. انسانلغك تكملى ، اخلاقك
 تعالىسى ، اساسات دينيه و قوف ، اسرار شريعته نفوذ ، كلام اللهك
 معناسنى استكناه ، احكام نبويه حقيقه اطلاع ... تعليم و تربيه نك
 اك يوكسك هدفيدر. حضرت عائشه ، بوتون بوواديلرده تفر دايتمدى.
 عائشه علوم دينيه و قوفندن باشقا تاريخ بووادىيتمده يوكسك برپايه احراز
 ايتدى . اوزمانك طبى رسول اكرمى بعضاً زيارت ايدن عرب
 طباسندن او كره ندى . [۱] رسول اكرم صوك زمانلارنده راحتسىز لاندىنى
 زمان ، حضرت عائشه ، عرب طباسنك توصيه ايتدكارى علاجلىرى
 خاطرند طوتار بونلرى رسول اكرم و يرردى ۲]

حضرت عائشه ، دىنى علملرى ، بالذات رسول اكرم مدن او كره نمشدر .
 علم شريعت اولان رسول اكرم ، اونك اوند ايدى . حضرت عائشه
 اونكله كيجه كوندوز ملاقى اولور ، اونك تعليم و ارشادندن حصه مند
 اولوردى . حضرت پيغمبرك تعليم و ارشاد مجلسى كوندوزين مسجد
 نبويه قورولوردى . بو مجلس نبوى ، حضرت عائشه نك حجره سینه
 متصلدى . حضرت عائشه بودرسلىرى كندى اوداسنندن ديكلر و بو
 درسلىر اشتراك ايدر ، شايد حجره سنك دروننده بولوندىنى ايچين
 برشيلى ايجه دويمازسه اونى حضرت پيغمبردن صورار ، اونى لايقيه
 اكلاردى . ۳]

رسول اكرم ، قادينلارك تعليمنده اهميت و برهرك هافتاده بركون
 ونلره تخصيص اتمشدى . ۴] حضرت عائشه هركون رسول اكرمك

[۱] مسند عائشه صحيفه ۴۷۰ [۲] مسند عائشه ص ۲۰

[۳] ابن حنبل ، مسند عائشه صحيفه ۲۲

[۴] صحيح بخارى «كتب العلم» ده ، حضرت ابو سعيد الخدرى روايت ايدىيور :

موضوع بحث ابتدائی مسائلی دقتاً دیگر، هر مسئله بی رسول اکرم مدنی استفسار ایدر، بر مسئله حقننده قناعت کتیر نجه به قادر او مسئله بی تدقیق ایدردی . [۱]
 بردفعه رسول اکرم « من حوسب عذاب» بویورمشدی . یعنی
 « کیم حساب چکیلیرسه عذاب او غرار . » حضرت عائشه بو حدیثی
 دیگره دکن صو کرا رسول اکرمه :

— یا رسول الله جناب حق « فسوف يحساب حساباً يسيراً » یعنی
 « ایشته بویله سی قولای حساب چکیلیر . » بویورمیورمی ؟ دیدی . رسول
 اکرم ده : « بوسنک دیدیکک عرضدر . [۲] یوقسه هر کیم اینجه حساب
 چکیلیرسه هلاک اولور . » بویوردی . [۳]

« بردفعه قادینلر یا رسول الله اسوزلرینی دیکله مک ایچین ار کسکار دن بزه میدار قالمیور .
 کندیلکندن بزه برکون تخصیص ایت . » دیدیلر . رسول اکرم ده اولره
 برکون تعیین ایتدی . قادینلر ممین کونده کادیلر ، اوده اولره وعظ ایتدی .
 بعض شیلر امرایلدی . . . »

ع . .

[۱] صحیح بخاریده بر سطر صو کرا موضوع بحث اولان حدیثک راویسی
 (ابن ابی ملیکه) بو حدیثی شو مقدمه ایله روایت ایدیور : « حضرت پیغمبرک
 زوجہ سی عائشه ، بیلمه دیک هر هانکی شیئی ایشیتسه اونی او کره مک ایچین
 علیه الصلاة والسلام افندیزه مراجعت ایدردی . »

ع . .

[۲] « عرض » دن مقصد ناسک عمللری طاریماق اوزره میزانه عرض
 اولونمالری ، یاخود اعمالک صاحبلینه عرض ایدیله سیدر . عرض کونده کی
 حساب ، کتابلرینی صاغ الاریله آلان بختیارلر ایچین آسان اولاجقدر . قرآن
 کریم بونی تصریح ایدر . اهل یمین ، حساب معروض اولدقلری زمان غفران
 ایله مبشردرلر . بشارت وغفرانه مظهر اولمایانلرک حسابی ایسه شدتلیدر . حساب
 اناسنده قبول اولونمایان اعمال میدانه چیقاجق ، ویریلن حساب مشقتلی اولاجقدر .
 بو حدیث شریفده ایضاح اولونان نقطه لر بونلردر . حضرت عائشه نک سؤالی
 نه قدر دقیق ایسه رسول اکرمک جوابی اوقادار یوکسکدر .

ع . .

[۳] عن عائشه رضی الله عنها ان النبي صلى الله عليه وسلم قال « من حوسب

بر کون حضرت عائشه رسول اکرمه « یارسول الله ! جناب حق او کون، یر و کوکار بامباشقه اولاجق، بوتون مخلوقات حضور کبریاه چیقاجق » [۱] [دیگر بر روایت کوره حضرت عائشه شو آیت کریمه یی اوقودی: « بوتون زمین قیامت کونی اونک قبضه سنده در، وسموات اونک الله بوکولو اولاجق ! » [۲] بویورویور، مادام که یر، کونک اولمایاجق، اوزمان انسانلر زده بولوناجق ... » رسول اکرمده: « صراط اوزرنده ! » دیدی . [۳]

بر کون رسول اکرم وعظ اثناسنده « انسانلر قیامت کونی چیریل چیقلاق قالاجقلر. » دیمشیدی . حضرت عائشه صورتی: « یارسول الله قیامت کونی ارکک قادین بر آراده بولوندقلری حالده بونلر بر لرینه باقما یاجقلرمی؟ » علیه الصلوات والسلام افندی مزعائشه یه بویوردی: « او او یله هولناک بر دمدر که کیمسه نک کیمسه دن خبری اولمایاجق ! » [۴] بر دفعه حضرت عائشه شو سؤالی صورتی: « یارسول الله قیامت کونی بر دوست دوستنی خاطر لایما یاجقمی؟ » رسول اکرم شو جوانی ویردی: « عائشه، اوچ یرده بر کیمسه، بر کیمسه یی خاطر لایما یاجقدر: میزانک اوکنده عمللر طار تیلیر کن، تامیزانک عمل کوزی آغیر ویا خفیف کلنجه یه قادار؛ سوکرا هر انسانک کتابی یا صاغ الله یا صول الله ویریلیر کن، سوکرا جهنمدن بر بویون اوزانارق و غیظ ایله

عذب، قالت عائشه فقلت او ایس یقول الله عزوجل فسوف یحاسب حساباً یسیراً فقال انما ذلک العرض . ومن نوقش الحساب ملک. « حدیثک صلی بن طرفدن علاوه اولونمشدر .

ع . ر .

[۱] یوم تبدل الارض غیر الارض والسموات، وبرزوا لله الواحد القهار
[۲] والارض جیعاً قبضته یوم القیامة والسموات مطویات بینه [۳] امام
(احمد بن حنبل) ک مسندی جلد ۶، صفیه ۱۳۵ [۴] صحیح بخاری باب کیف الخمر

كوپورەرك : بكا اوج صنف ويريلدى ، بكا اوج صنف ويريلدى ،
 بكا اوج صنف ويريلدى ، بكا : الله شريك قوشانلار ، حساب كونه
 اينانمايانلار ، جبار و غنود اولانلار ويريلدى ديركن ... » [۱]

بركون شويلا برسؤال صورولدى : مشركلر وكافرلر ايچنده اعمال
 صالحه ايشلەينلر بو عمللارك اجر وثوابى احراز ايدە جكملىمى ؟
 ايتىمە جكملىمى ؟ . مثلاً (عبدالله بن جدعان) مكەنك ابى خويلو ،
 واپى قابلى مشركلار نەندى . (ابن جدعان) اسلاميتدن اول قريش اوغورنده
 قان دوكمەكە برابر قريش رؤساستى طوبلا يارق صلح عقدينە چالشمش ،
 رسول اكرم دە اونك بو مجلسنە اشتراك ايتمشدى . حضرت عائشە بركون
 رسول اكرمە شو سؤالى صوردى : يارسول الله ابن جدعان جاهليت
 زمانىدە انسانلارە ايلك ايدر ، فقرابى بسلردى . اونك بو ايلەكلرى
 كنديسنە برفائده ويرە جكمى ؟ رسول اكرم شو جوانى ويردى :
 خاير ، عائشە ، او آدام بركون اولسون ، ياربى ، قيامت كونسە بىم
 تقصيراتىمى عفو ايت ، نيازنده بولونمادى . [۲]

جهاد فرائض اسلاميه دن بريد . سائر فرائضدە ار ككلرلە قادينلر
 آراسىندە بر فرق بولونمادىنى كى ، بوفرضك ايفاسىندە بر فرق
 يوقى ؟ . بركون حضرت عائشە ، رسول اكرم دن بومسئله بى صوردى .
 رسول اكرم دە « قادينلر ايچىن حج ، جهاد در . » ديدى [۳]

نكاحدە طرفينك رضاسى شرطدر . فقط با كرهلر رضالرينى
 كندى آغزلىرلە افادە ايدە ميورلر . حضرت عائشە رسول اكرمە

[۱] مسند احمد ، جلد ۶ ، صيفه ۱۱۰ ، اثر ك اصلندە بو حديث شريفك
 يالەكز خلاصه سى آلىنمىش ايكن ، بز (مسند) ك اصلندن حديثى عيناً
 نقل ايتدك .

ع . .

[۲] مسند عائشە صيفه ۲۹۳ . [۳] صحيح بخارى : باب حج النساء

مراجعت ایدرك «يارسول الله» نكاح ايچين قادينك رضايي استحصال اولونمايدير، دييورسكيز، فقط قادين اوتانير و صوصار، رسول اكرم ده «سكوت رضادر» ديدى. [۱]

مسلمانلق نظر نده قومشولق حقي بك بو يو كدر. بو حقت اداسي، ار ككاردن زياده قادينلر عاندر. فقط برانسلك ايكي قومشوسي وارسانه ياپار، هانكيسي ديكرينه ترجيح ايدر؟ حضرت عائشه، بوني رسول اكرم دن صوردي، اوده «قابوسي، سنك قابو كه دها ياقين اولاني ترجيح ايت» ديدى. [۲]

بر كره حضرت عائشه يي سوت عمجه سي زيارته كلشدي. حضرت عائشه بو زيارتي قبول ايتمه رك «بن سوت امدسه ينكه سنك سوتى امدم» سوت والده مك قان برادريله نه مناسبتم اولاييلير؟ «ديمشدي. رسول اكرم كلش، حادته او كا آ كلا تيلمشدي. اوده حضرت عائشه يه «اوسنك سوت عمجه كدر. اونك زيارتي قبول ايت» ديمشدي. [۳]

قرآن كريم دير كه: «الذين يؤتون ما اتوا و قلوبهم وجله انهم الى رهم راجعون» يعنى «اونلر كه، الله دونه جكلرندن دولايي قلوبري تيزمه يرك كنديلارينه كلهني ويريرلر». حضرت عائشه بو آيت كريمي اوقو قدن صو كرا دوشوشومش، رسول اكرم مراجعت ايتمش، «يارسول الله بون صراد خير سزلق ايتديكي، يا خود زما ارتكاب ايتديكي، يا خود ايچكي ايچديكي حاده الله دن قور قايي؟» ديمشدي. رسول اكرم حواب ويردي «خار ابوبكر ك قزي، خاير صديقك

قىزى ، بوندىن مراد ، اللهدن قورقارق نماز قىلان ، اوروج طوتان
 و صدقه و یرەندەر . [۱]

بردفعه رسول اکرم شو سوزى سويلهدى : « کيم که لقاء اللهی
 اوزلەر ، اللهده اونى بوكا نائل ایتک ایستر . کيم لقاء اللهی اوزله مزسه ،
 اللهده اونى بوكا نائل ایتک ایسته مز . » بوكا قارشى حضرت عائشه :
 « یارسول الله ! فقط بزم ایچمزده اولومی ایسته ین یوقدر . » دیدی .
 رسول اکرم بویوردی : « بونک یولی بودە کلدەر . بر مؤمن اللهک
 رحمتی ، اللهک رضاسی وجنتی یاد اولوندینی زمان لقاء اللهی یه قارشى
 راشتیاق حس ایدرسە ذات کبریا طرفندن عین اشتیاق ایله قارشیلانیر .
 فقط بر کافر اللهک عذابى ، غضبى دويدینی زمان لقاء اللهی دن
 نفرت ایدر ، جناب حقده اوندىن نفرت ایدر . » [۲]

حضرت عائشه بونکی سؤاللىرى صورارق و آ کلامادینی هر شیشی
 استفسار ایدرک معلوماتی آر تدير ، هر کون رسول اکرم دن بر
 درس آلیدی .

رسول اکرم ، بونکی سؤاللىرى دائماً حسن تاقی ایدر ، حضرت
 عائشه نك صور دینی هر سؤله جواب و یریدى . بردفعه رسول اکرم
 زوجات طاهراته مغیر اولارق زوجاتدن بر آى اوزاقلاشمغه عهد
 ایتمشدی . بوكا « ایلاء » [۳] دیرلر . اوزمان رسول اکرم حجر و سنه

[۱] ترمذی ، ابن ماجه ، مسند جلد ۶ صفحه ۱۵۹ . بز بو حدیثی

(مسند) ك عربجه اصلندن نقل ایتك .

ع . ر .

۲ جامع ترمذی : کتاب الجنائز .

[۳] « یلاء » حادثه سی « عصر سعادت » عنوانلی اریمزك برنجی جلدنده

مفصل بر صورتده یازیلشد .

چكىلمش و ۲۹ كون زوجه لر ينك نر دينه كيمه مشدى . تصادفاً او قمرى
 آى ۲۹ كون ايدى . ايرتسى كون رسول اكرم ، حضرت عائشه نك
 خانه سنه كيتدى و اولك طرفندن سرور ايله قارشىلايدى . عائشه ،
 رسول اكرمك اغبرارنى تازه له مه مك ايچين « ايلاء » حادته سندن
 هيچ بحث ايتمى . حضرت عائشه ، رسول اكرمك عهدى پرينه
 كتيرمه سنى دها مهم صايارق او كا « يار رسول الله ! حجره لر يمزه بر آى
 كله مكه عهد ايتمشد كز . حال بو كه هنوز ۲۹ كون كچمشدر . ديمش ،
 رسول اكرم ده « عائشه » بعضاً آى ۲۹ كون اولور . » جوابى و يرمشدى . [۱]
 بر كره آدامك برى ، حضور نبوى به گيرمك ايسته دى . رسول
 اكرم ، « بير اويكز گل سين ، بو آدام ، كندى عائشه سى ايچنده فنادر . » ديدى .
 آدام ايچرى كيرد كدن صو كرا رسول اكرم لطف و التفات كوستردى ،
 اونكله محبتكارانه قونوشدى . بو حال حضرت عائشه نك حيرتى
 موجب اولدى . آدام كيتد كدن صو كرا حضرت عائشه رسول اكرم
 صوردى : « يار رسول الله ! سز بو آدامك اى اولما ديغنى سويله ديكز . حال بو كه
 يانكزه كلديكى زمن او كا لطف و التفات كوسترديكز . بو مك سببى
 ندر ؟ » رسول اكرم شو جوابى و يردى : « انسانلرك اك فناسى ،
 خلقك اخلاق سز لغندن توحش ايدرك كندى سيله قونوشمق ايسته مه ديكي
 انساندر . » [۲]

عربستان دويلرى ايله كولولرى تمزلكه دقت ايتمز ، احكام
 اسلاميه به رعايت كوسترمز لردى اولك ايچين رسول اكرم ده
 اولنرك حاضر لادقلىر عكلىرى و ونلرك كتير دكلىرى سوتى ايچمزدى .

[۱] صحيح بخارى ، صفحه ۳۳۵ : باب الفرقه

[۲] صحيح بخارى ، باب اغيبه

بر کون (ام سنبله) نامند اعرابی بر قادی رسول ا کرمه سوت
 هدیه ایتمش ، فقط رسول ا کرمی بولامشدی . حضرت عائشه .
 (ام سنبله) به «رسول ا کرم» اعرابك بر شیلرینی ییز و ایچمز . دیدی .
 دیر کن رسول ا کرم ایله حضرت ابوبکر کلمش ، رسول ا کرم
 (ام سنبله) به « یاننده به وار .» دیمش ، ام سنبله « سزه هدیه ایتمش
 ایسته دیکم سوت وار ، جوانی ویرمش ، رسول ا کرمده اوکاه سوتی
 چاناغه قوی بنده ، ابوبکرده ، ایچرز .» دیمش ، سوکرا چاناغی
 آلوب ایچمشدی . حضرت عائشه ، رسول ا کرمك بوسوتی ایچدیکنی
 کورونجه « آمان یاری ، رسول ا کرم اعرابك کتیر دکلی سوتیمی
 ایچیور .» یار رسول الله ، سز اعرابك بر شیشی ییز ، ایچمز ،
 ده کلیسکز ؟ دیمشدی . رسول ا کرم شو جوانی ویردی . « بونلر اعرابی
 ده کلدر ، بونلر بزم کولولریمز ، بز اونلرک شهر لیلری یز .
 بز اونلری جاغیرجه اونلر بزم دعوتمز اجابت ایدرلر . اونلر ایچین
 بونلر اعرابی دکلدر . » [۱] رسول ا کرمك ویردیکی جواده « بز
 اونلری دعوت ایتدکجه اونلر اجابت ایدرلر . سوزلرندن مراد ،
 اونلرک احکام اسلامیه واقف اولدقلری بیادر .

بر کرم رسول ا کرم شوسوزلری سویله مشدی : « اعتدال ایله
 حرکت ایدیگز . انسانلری کندیکزه جاب ایله بیکر ، مژده له بیکر .
 انسانلری حت کوتوره ن عمللری دکل ، الله رحمتیدره .» حدیث
 شریفك صوک قسمی ، حضرت عائشه به عریب کلمس ، اوده معصوم
 اولان انسانلرک بودن مستثنا اولاجفی دوشونمش ، رسول ا کرمه

[۱] مسند احمد ، جلد ۶ صحیفه ۱۳۳ . [ترك اصلندن خلاصه سی نقل]

اولونان بو حدیثی بز (مسند) دن عیناً نقل ایتدک . ع . را

« یارسول الله! سزك عمللاریكز سزی جنته کوتورمیه حکمی؟ » دیمش، رسول اکرم « اللهمك مغفرت ورحمتی یتیشمزسه خایرا! » جوابی ویرمشدی.

برکیجه رسول اکرم، تهجد نمازی ادا ایتدیکی حالد «وتری قیلمادن استراحت ایتك ایسته مش، حضرت عائشه: « یارسول الله، وتری قیلمادن یاتیورسكزا! » دیمش، پیغمبریمزده « عایشه بنم کوزلرم اویور، قلم اویوماز. » بویورمشدی [۹]

حضرت عائشه نك، رسول اکرمه بو کی سؤاللر صورماسنی، بلکه متجاسرانه بر حرکت ظن ایدنلر بولونور. بو دوغرو دکلدر، حضرت عائشه، بو کی سؤاللری صورماس اولسایدی امت محمدیه، نبوتك حقیقتنه واقف اولامایا حقدی.

حضرت عائشه رسول اکرمدن هرشیئی صورارق او کوردیکی کی رسول اکرمده اونك بر خطاسنی کوردیکی زمان بالذات اونی ارشاد ایدیوردی. بر کون رسول اکرم حضرت عائشه ایله اوتورورکن یهودیلردن بری رسول اکرمك حضورینه قبول اولومق ایچین مساعدده ایسته مش؛ یهودی، ایچری کیرینجه رسول اکرمه، «السلام علیك» دییه جکنه «السلام علیك» یعنی: «اولوم سکا» دیمش، رسوم اکرم یالکیز «سکاده» مقاله سسندده بولومشدی. حضرت عائشه قارشیلق ویره جك ایکن یهودی کیتمش، سوکرا تکرار کلش، ینه عینی سوزلری تکرار ایتمش، رسول اکرمده عینی جوابی ویرمش، اوده قاقوب کیتمشدی. یهودی اوچنچی دفعه کلش، ینه رسول اکرمه عینی سوزلری سوبله مش و عینی جوابی آلمشدی. بوسفر،

حضرت عائشه صبر ايدمه مش، يهودى يه « اولوم واللاهك غضبي سزه
مسلط اولسون . ناصل اولويورده اللهك سلامندن غيري سي ايله رسول
اكرمه خطاب ايدىيورسكيز! » ديمش . رسول اكرم عائشه يه باقارق
« صوص! ديمش ، جناب حق كوتوس سوزى سومز ، اونلر بزه بر
سوز سويله ديلر ، بزه اونى اونلره اعاده ايتدك . اونلرك سوزندن
بزه بر ضرر كله دى . فقط بزم مقابله من قيامت كونه قادار
اونلره ملازمت ايدر . » [۱]

بردغه آدامك برى ، حضرت عائشه يه عائد برشى چالمش ،
حضرت عائشه ده اوكا بددعا ايتمشدى . رسول اكرم ده « يا عائشه ،
اوكا بددعاسنك ، ثوابكى واونك كنهانى آزالدير . » [۲]

حضرت عائشه ، بر سفرده ، رسول اكرم رفاقت ايدىيوردى .
عائشه نك دوه سى خير چينلق كوسترمكه باشلادى . عائشه ده حدتله نرك
آغزندن « لعنت » كله سنى قاچيردى . رسول اكرم عائشه يه باقارق
« دوه يي اعاده ايت ، ملعون برشى بزمه برلكده بولوناماز » ديدى . [۳]
رسول اكرم ، بوعصورتله عائشه يه حيوانلره قارشى بيله فنا برسوز
صرف ايديلمسى ايجاب ايتديكنى اوكره تمشدى .

برچوق انسانلر ، اوافق نك قصورلره قارشى پرواسزلق كوستررلر ،
بو قصورلرك ارتكابندن برشى چيقمايا جغنى ظن ايدرلر ، رسول اكرم
انسانلرى بوندن تحذير ايدرك بركون شو سوزلرى سويله مشدى :
« عائشه ! قصورلرك ، قباحتلرك ، كناهلرك محقر كورونلرندن حذر
ايت ! چونكه خداى عزوجل بونلردن حساب صورار . » [۴]

[۱] بو حدى امام احمدك (مسند) ينك اصلندن ترجمه ايتدك . ع . ۲۰

[۲-۳-۴] مسند احمد آلتنجى جلد . مسند عائشه : عربجه اصلندن

حضرت عائشه رسول اکرمه برقادينك حالى آکلاتيرکن سوز
 آراسنده اونك قيصه بويلو اولديغنى سويله مش ، رسول اکرم حضرت
 عائشه يه « ايسته بوسنك ياپديغك غيبتدر : فصا للقدر . » ديمشدى . [۱]
 زوجات طاهراتدن حضرت (صفیه) قيصه جه بويلو ايدى . برکون
 حضرت عائشه صفیه دن بحث ايدرکن اونك بو حاله تعراض ايتمش ،
 رسول اکرم ده عائشه يه « سن اويله برسوز سويله دك که اونی طاتلی
 صولی بر نه ره قاريشد يراجق اولور سهك او صو در حال آجیلاشیر . »
 حضرت عائشه ، آنجاق بر حقیقی افاده ايتديکنى سويله مش ، رسول
 اکرم « بکانه دير لسه ديسينلر ، بن بوسوزى بر کيمسه حقنده سويله م »
 ديمشدى . [۲]

سائلك برى برشى ايسته مش ، حضرت عائشه ده خدمتچيسنه
 اوکا برشى ويرمه سنى سويله مشدى . رسول اکرم عائشه يه : « عائشه ،
 ديمشدى ، صايي ايله ويرمه ، سوکرا الله ده سکا صايي ايله ويرر . » [۳]
 ديگر بر دفعه رسول اکرم شوسوزى سويله دى : « عائشه سائله
 وير ، جهنم آتشدن قورون . سنك ويرديكك لقمه يي يه ين آجك
 قارنى دوياجق . بوذن دها اي نه اوله بيلير ؟ » [۴]

رسول اکرم ، برکون شويله دعا ايتمشدى : « يارنى بنى فقير ياشات ،
 فقير اولارق اولدور . قيامتده بنى فقير لرله حشر ايت . » حضرت عائشه
 رسول اکرمه نچين بونی ايسته ديکنى صوردى . رسول اکرم جواب
 ويردى : « فقير لر ، زنکينلردن قرق سنه ال حنته کيره جکدر . عائشه ،

[۱] مسند عائشه نك عرجه اصلندن ترجمه اولونمشدر .

• • •

[۲] مسند عائشه [۳] ابوداود کتاب الادب [۴] مسند عائشه

فقیرك كوكلنى تطیب ایتەدن كرى چویرمه . كوچوك بر دیلم اكك
 اولسون ویر . فقیری سهو واونی قبول ایت . ۱۰۰ [۱]
 رسول اکرم حضرت عائشهیه بوکا مائل بر جوق اخلاقی نصایحه
 بولوندیغی کبی اوکا نماز ، دعا و بوتون دینی مسائله متعلق هر شئی
 او کره تیردی . حضرت عائشه رسول اکرمك اوکا او کره تدبیک هر شئی ،
 درین بر شوق ایله او کره نیر و او کره ندیک شیلره کوره حرکت ایدردی . ۲۰ [۲]

دوردنجی فصل

عائشہؓ اُری

حضرت عائشہؓ کلین اولارق کیردیکی او ، برسرای ویامکلف برقوناق دهکلدی . رسول اکرمؐ (بنی نجار) محله سنده کی مسجد نبویسی اطرافنده متعدد کوچوک حجره لر واردی . حضرت عائشہؓ مسکنی ، بو حجره لرك بری ایدی . بو حجره مسجد نبوینك شرق طرفنه دوشویور ، ۱] حجره نك قاپوسی ، مسجد نبوی یه آچیلیوردی . عائشہؓ بواقامتکاهی ، مسجد نبوینك بر صحنلنی صایلابیلیر . رسول اکرمؐ ، عائشہؓ حجره سندن مسجده چیقار ، اعتکافه کیردیکی زمانلرده باشنی عائشہؓ حجره سنه اوزاتیر ، عائشہؓ اونك باشنی ییقار ، صاچلرینی طاراردی . ۲] بعضاً رسول اکرمؐ ، مسجده اوتوردیغی حالده النی حجره یه اوزاتیر و برشی ایستردی . ۳]

حجره نك کنیشلکی آلتی یدی آرشیندن عبارتدی . دیوارلر طوپراقدن ، طاوان خورما بولملرندن ویایراقلردندی . یاغمورك صیزماسنه مانع اولمق ایچون طاوانك اوزرینه بر کیلیم اورتولمشدی . طاوانك یوکسکلکی بر آدام بویندن بر آاز فضله ایدی . قاپوده بر اورتو آسیلی ایدی . ۴] حجره نك اتصالنده (مشربه) نامیله معروف بر جونبه

۱] خلاصة الوفا فی اخبار المصطفیٰ : سمهودی . ۲] صحیح بخاری ، اعتکاف ؛ مسند عائشه صحیفه ۲۱۳ ۳] صحیح بخاری ، کتاب الحیض . ۴] مسند ابن حنبل ، ابن سعد ، امام بخاری : ادب المفرد باب النساء ، سمهودی : خلاصة الوفا

واردى. حضرت پيغمبر، «ايلاء» حادثهسى اناسنده، بوراده يالكىز باشنه بر آي قالمشدى. [۱]

بو حجره نك بوتون اشياى برسدیر، بر حاصیر، بر ياقاق، بر يا صديق، اون و خورما قويىق ايچين ايكي چاناق، بر صوقابی، صو ايچمك ايچين بر كاسه دن عبارتدى. [۲] بو حجره، بر منبع نور ایدی. فقط بوراده بر چراغ ياقق، خانه صاحبك استطاعتی فوقنده ایدی. [۳] روايته كوره بعضاً قرق كيجه كچر، بوراده بر قانديل ياقيلديغى كورولمزدى. [۴] بو حجره ده آنچاق ايكي كيشی اقامت ايديوردی: بری رسول اكرم، بری حضرت عائشه. بالاخره حضرت عائشه نك (بریره) نامنده بر خدمتچيسى ده بولونمشدى. [۵]

بوأوك، بونبوت وسعادت يوواسنك اهتمام ايله كوروله جك، انتظام دائره سنده ايضا ايديله جك بويوك برايشی بوقدى. عائله نبويه نك اوج كون، آرقا آرقايه منتظم بر ييمك ييديكى كوروله مشدى. بونی بالذات حضرت عائشه آ كلاتيور. [۶] بعضاً آيلرجه بوأوك باجاسى توتمز. [۷] وعائله محمدی، خورما و صو ايله كچينيردى. حضرت پيغمبر، (خير) فتحندن عودتى متعاقب زوجات طاهرته سنوی تعيينلر باغلادی. [۸] بونلر بر مقدار اون، بر مقدار آرپه و بر مقدار خورما ایدی. [۹]

[۱] ابوداود. [۲] حديث كتابلری كتاب صلاة الليل، كتاب الحيض، كتاب الطهارة ده بولردن بحث ايدرلر. [۳] صحيح بخارى: باب التطوع خلف المرأة [۴] (طياىسى) نك مسندى. صحيفه ۲۰۷. [۵] صحيح بخارى: باب استعانة المكاتب، واقعة افك، باب الصدقه. [۶] صحيح بخارى: باب معيشة النبي، مسند احمد جلد ۶. صحيفه ۲۵۵. [۷] مسند احمد، جلد ۶. صحيفه ۲۱۷، ۲۲۲، مسند طياىسى صحيفه ۲۰۷. بخارى: كتاب الاطعمه [۸] صحيح بخارى باب كيف كان يعيش النبي. [۹] ابو داود، حكم اراضى خير.

فقط حضرت پیغمبرك سخاوعلو جنابی دولایسیله بونلرك برسنه مدته
اداره سنه امکان قالمایوردی . [۱]

عمومیتله اصحاب، رسول اکرمه هدیه لر کونده رولر، فقط بونلرك زیاده
رسول اکرمك، حضرت عائشه نزدنده بولوندیغی صیرالرده کلیردی .
بونلکه برابر، بعضا رسول اکرم، حضرت عائشه نك نزدینه کلدیکی زمان
اوکا برشی بولونوب بولونما دیغی صورار، اوندن اوده برشیجك بولونما دیغی
جوانی آلیر، بوتون او، اوروج طوتار، [۲] یاخود انصاردن بری
بر مقدار سوت کوندریر وبو سوتله اکتفا اولونوردی . [۳]

حضرت عائشه فیاض بر عقل وشعوره صاحب اولمقله برابر بر آز
دالغیندی . اونك ایچین بعضا خامور یوغورولدقن صوکر
اونی بکلرکن خاموری اونوتور، اویقویه دالار، اونك خبری
اولمادن اولك کچیسى کلیر، خاموری ییردی . [۴] بر کون عائشه،
کندی ایله خامور یوغورمش، خاموری حاضرلامش ورسول
اکرمك قدومنی بکله مشدی . رسول اکرم بر آز کچیکمش،
کلدکن صوکر نمازه دورمشدی . بو صیراده حضرت عائشه دالمش،
قومشونك کچیسى کلهرك خامورلری یمشدی . [۵]

حضرت عائشه دیگر یاشلی زوجات طاهرات درجه سنده یمك
پیشیرمه سنی بیلمزدی . [۶]

پیغمبریمزك بیتی اداره سی ایله مشغول اولان ذات، حضرت بلال

[۱] صحیح بخاری : فضل عائشه [۲] مسند احمد : جلد ۶ ، صیفه ۹۹

[۳] مسند احمد : جلد ۶ ، صیفه ۲۴۴ [۴] صحیح بخاری : قصه افك

[۵] ادب المفرد : امام بخاری : باب لا یؤذلاى جاره

[۶] ابوداود ، باب من افسد شیئا یغرم مثله

ايدى. بلال، بىر سەئەلەك بوغدايى تدارك ايدرك بونى تقسيم ايدىر، ايجابىندە لازم اولان شىلرى ويره سىيە آلوب كىتىردى. [۱]

پىغمبىرىمىزك ارتىخالى: مانىندە مسلمانلار بوتون عربىستانى فتح و تسخير ايتىش بولونويورلردى. عربىستانك هر طرفندن (مدينه) نك بيت الماله يوك يوك ذخيره لر، درلو درلو اشيا كليردى. بونىكله برابر رسول اكرمك ارتىخال ايتدىكى كون حضرت عائشه نك اوندە بىر كوناك يىيە جك يوقدى. [۲]

حضرت ابوبكر ك دورىندە، حضرت عائشه يە، رسول اكرمك خىبردن تىخىص ايتدىكى ارزاق و يربىلوردى. حضرت عمر ك دورىندە بوارزاق نقدە تحويل اولونارق زوجات طاهرانە سنوى اون بيك، ياكى حضرت عائشه يە اون ايكي بيك درهم تىخىص اولونمىشدى. [۳] بىر روايتە كوره، حضرت عمر، زوجات طاهرانى ارزاق اعطاسى ايله اراضى اعطاسى آراسىندە نىخىر يىراقش، حضرت عائشه اراضى آلمايى ترجىح ايتىمىشدى. [۴] فقط بوكى تىخىصاتك قسم اعظمى فقرايە وقف اولونمىشدى. حضرت عثمان، حضرت على و امير معاويه نك دورلرىندە عىنى اصول تطبيق اولوندى. معاويه دن سو كرا حجازدە حكمران اولان (عبدالله بن الزبير) حضرت عائشه نك همشيره زاده سى ايدى. (عبدالله بن الزبير) تيزە سى اولان حضرت عائشه نك بوتون مصارفنى درعه دە ايتىمىشدى. فقط حضرت عائشه يە بيت المالدن كوندە ريلن تىخىصات، بىر كون بىلە قالماز و مشارالها طرفندن در حال توزيع اولونوردى. [۵]

[۱] ابوداود: باب قبول هدايا المشرىكين [۲] ترمىذى صهيفه ۴۰۲، دهللى طبى [۳] مستدرىك، حاكم، ذكر عائشه فى الصحابيات [۴] صحيح بخارى: (باب المزارعة بالشرط) [۵] صحيح بخارى: باب مناقب قرىش.

بشنجی فصل

حضرت عائشہؓ نك حیات زوہبہ سی

شرقك قادیں حقندہ كی تلقیسی باشقا ، غربك قادینی تلقیسی باشقادری . بر شرقی ایچین ، قادیں ، حیاتی آیدینلاتان بر چراغدر . فقط شرقك عزلت وانزوا نشینلری ایچین بو چراغ ، حیاتك حریم قدسیسی ظلمتہ بوغار . شرقده خانقاه ، غربده کلیسا ، حیاتك بو چیچكفی نزدیکن صایار . یهودیلر قادینی ، دائمی لعنتہ مستحق عد ایدرلر . ناصره لی پیغمبر یعنی حضرت مسیح ، قادیں جنسندن تمامیلہ یوز چه ویرمشدی .

دیگر طرفدن غربك قادیں پرستلری قادینی تألیه ایدرلر ، اونلره کوره قادینك رضاسی الله رضاسیدر . آوروپالیلر ایچین بر مذهبك معقولیتی ، اومذهبك قادینلره ویردیکی موقع ایله قابل قیاسدر . بونلره کوره قادیں ، الك طاتلی نغمه لرله جیویلدایان بر قوشسدر . « او ، دنیان محبس اونی تضییق ایدر ، حیاتك هر قیدی اونك ایچین بر قفس کبی در .

فقط اسلامیتك کوستردیکی یول ، نه افراطدر ، نه تفریطدر . ایکیسی آراسنده بریولدر . مسلمانلق نه قادینی تألیه ایدر ، نه ده اونی بردیکن عد ایدر ، هله اونی هیچ برلعتنه لایق کورمز واونك اونی دار بر قفس تلقی ایتمز . قادیں ، دنیانك بو کشمکشلری ایچنده بر

پناه حضور در . قرآن کریم دیر که : « اللهم آیتلرندن بری ده سزم
کندیگز دن زوجه لر یار اتماسیدر که اونلرله سکون و حضوره ایره سکنر .
اونلرله تسلی بولاسکنر . الله سزك آرا کزده مودت و مرحمت وجوده
کتیر مشدر . ۱۵۰]

مقصدمز بوراده اسلامیتك قادین حقنده کی نقطه نظرینی ایضاح
ده کلدر . هدفمز ، حضرت پیغمبر ایله حضرت عائشه نك حیات
زوجیه لرینی ایضاحدر .

رسول اکرم دیور که : سزك ایکنر ، عائله سنه قارشی ایی
اولاندر . بنسه ایچکزده عائله سنه قارشی اك ایی اولاندر . ۲]

رسول اکرمك بوسوزینی تصدیق ایدن عملی بر مؤیده ، اونلرله
حضرت عائشه آراسنده زوجی حیاتك دوقوز سنه سورمه سیله برابر ،
بومدت طرفنده ایکیسی آراسنده مهم رامتزاج سزلق حصول بولماسیدر .
بوتون بومدت اثناسنده « ایلاء » وقعہ سندن باشقا شایان دقت
بر حادثه وقوع بولمادی . رسول اکرم ایله حضرت عائشه آراسنده
قارشیلقلی بر محبت ، نزیه بر ارقاداشلق ، ایکی طرفلی بر اخلاص
حکمفرما ایدی . عائله محمدیه نك معیشت نقطه نظرندن چکدیکی
مشکلاتی نظر دفته آایر سهق ، ایکی طرف آراسنده کی محبت و مودتک
صوک درجه فراغتکارانه و صمیمانه اولدینی توضیح ایدر .

رسول اکرمك ، حضرت عائشه یه محبتی صوک درجه قوتلی
ایدی . بونی بوتون اصحاب ده بیلدیکلرندن رسول اکرمك عائشه
زدنده بولوندیغی کیجه لرده اوکا هدیه لر کوندریرلر ، ۳] زوجات

۱] ومن آیاته ان خلق لکم من انفسکم ازواجاً لتسکنوا الیه و جعل بینکم
مودة ورحمة . ۲] خیرکم ، خیرکم لاهله وانا خیرکم لاهلی (بخاری باب حسن المعاشرة)
۳] بخاری : باب تزویج

طاهرات عائشه نك بو مظهریتنه غبطه ایدرلری . [۱] بر کون زوجات طاهرات برلشهرك حضرت فاطمه بی رسول اکرمك نزدینه کوندرمش، حضرت عائشه نك نائل اولدیغی التفاتدن حصه مند اولمق ایسته دکاری بی او کاسویله تمشله، حضرت فاطمه ده رسول اکرمه مراجعت ایدرك اونلرك سویله دکاری بی نقل ایتشدی . بو کافارشی حضرت پیغمبر، فاطمه یه، «قیزم، سن ده بم سه و دیکمی سه و من میسك؟» دیتشدی، حضرت فاطمه، باباسنك بوسوزلری بی زوجات طاهراته خبر ویردی . بونلرده فاطمه بی تکرار کوندرمك ایسته دیلر. فاطمه راضی اولمادی . [۲] اونلرده، حضرت (ام سلمه) بی کوندر دیلر . ام سلمه، چوق وقور، تمکین صاحبی برقادیندی . (ام سلمه) مناسب بر فرصت کوزه تله یهرك رسول اکرمه مراجعت ایتدی . رسول اکرم ده اوکا «ام سلمه ! دیدی، عائشه حقنده بی تعجیز ایتمه ! چونکه بکا عائشه نك حمله سندن باشقا یرده وحی نازل اولما مشدر. . [۳]

بر کره رسول اکرمه بر یردن بر کردانلق کوندریلدی . رسول اکرم « بن بونی الکچوق کیمی سه و پیور سه م اوکا ویره جکم » دیدی . هر کس رسول اکرمك بونی حضرت عائشه یه ویره جکنی ظن ایتشدی . فقط رسول اکرم او کردانلقی کریمه سی حضرت زینبک قیزی (امامه) یه ویرمشدی . [۴]

(عمرو بن العاص) ، (سلاسل) غزو و سندن دوندیکی زمان رسول اکرمه : « سز دنیا ده هر کس سندن فضله کیمی سه ورسکیز؟ »

[۱] صحیح بخاری: فضل عائشه صحیفه ۵۳۲

[۲] صحیح بخاری باب الهدایا

[۳] نسائی: حب الرجل بعض نسائه [۴] مسند احمد: صحیفه ۱۰۰۱

دیدی . رسول اکرم : « عائشہ بی! » دیدی . عمرو : « ارککلرايچندہ کیمی سہوودیککزی صوردم » دیدی ، رسول اکرم : « عائشہ نك باباسنی! » دیدی . ۱]

برکون حضرت عمر ، کریمہ سی (حفصہ) ایلہ قونوشویوردی : اوکا « صاقین عائشہ بی ذمایدیم ، دیمه ، صوکر ا محجوب اولورسك » ۲] دیمشدی .

برکون رسول اکرم بر جنازہ بی تشییع ایتدکن صوکر ا اوینہ کلدیکی زمان حضرت عائشہ نك باشی آغریدیغنی کوردی . حضرت عائشہ ، اضطرابندن « باشم ! باشم ! » دییوردی . نوکا قارشى رسول اکرم « آہ بنم باشم ! » دیدی . اوکون رسول اکرمك ارتحالہ مؤدی اولان خاستالقلری باشلامشدی . ۳] رسول اکرم هرکون عائشہ سی افرادینہ « بوکون نہ در؟ » دیه صورار ، هرکس اونك حضرت عائشہ نك کوتنی بکله دیکنی آ کلاردی . ۴] بونك اوزرینہ رسول اکرم حضرت عائشہ نك حجره سنے کوتورولمش ، رسول اکرم ده صوڪ دملرینہ قادار اوراده قالمش ، صوڪ نفسلرینی حضرت عائشہ نك دیزی اوستندہ بولوندیغنی حالده ویرمشلردی . ۵]

رسول اکرم : « یارب ، المذن کلدیکی درجہ ده عدالتی (یعنی زوجہ لر آراسندہ کی مساواتی) کوزہ تیورم . فقط قدرتم خارجندہ اولان خصوصده (یعنی عائشہ نك محبتی خصوصندہ) سنك عفوینی دیلرم . » ۶] دیردی .

- ۱] صحیح بخاری ، مناقب ابوبکر . ۲] صحیح بخاری : حب الرجل بعض نسائه ۳] مسند احمد : ۲۲۸ جلد ۶ ، صحیح بخاری : کتاب المرضی ۴] صحیح بخاری : ماجاء فی قبرالنبي ۵] صحیح بخاری : باب فرض النبي ۶] ابوداود باب القسم بین الزوجات

حضرت عائشهؓ نك نزد رسالتپناهی ده حائز اولدیغی بوموقعك سببی نه ایدی؟ عامه نك ظننه كوره حضرت عائشه كنج و كوزهل اولق دولایسیله رسول اكرم طرفندن فضله جه سهویلیوردی. حال بوكه، بو ظنك هیچ براساسی یوقدر. زوجات طاهرات آراسنده ظاهری حسنلری حدیث کتابلرنده تعریف اولومانلر، زینب، جویرییه وصفیه در. بونلر كوزهل اولقله معروفدیله. سوکرا هپسی ده كنج ایدیلر. هپسی سوزی دیکله نیر قادینلردی. [۱] بوكا مقابل سیرت وحدیث کتابلرینك برایکی یری مستثنا اولق اوزره حضرت عائشه نك كوزه لایککندن بحث اولوندیغی کورمیورز. حضرت عائشه نك كوزه لایککندن باحث یگاهه سوز شودر: حضرت عمر کریمه سی حفصه یه: «حفصه! صاقین عائشه یی ذم ایتمه. او سندن كوزه لدر. حضرت پیغمبرك مقبولیدر» دیمش، رسول اكرم بوسوزی دویونجه تبسم ایتمشدی. بو حدیثدن آکلاشیلیورکه رسول اكرم، حضرت عائشه یی، حضرت حفصه دن ده فضله سهویلیوردی.

رسول اكرمك حضرت عائشه یه کوستردیکی محبتك سببی شودر:

ابوهریره روایت ایدیورکه: رسول اكرم «برقادین دورت صفت ایچین انتخاب اولونور: ثروتی، كوزه لایکی، حسب ونسبی، یاخود دیندارلنی ایچین. سن دیندار اولانه رغبت ایتمه» [۲] دیمشدر زوجات طاهرات ایچنده ده دینه اك چوق خدمت ایدهن، رسول اكرم طرفندن اك چوق سهویلهن

[۱] زرقانی وغیره

[۲] حضرت عائشه نك امام احمدك مسندنده کی روایتی شوشکاده در: «برقادین اوچ صفتی ایچین آلینیر: ثروتی، كوزه لایکی، دیندارلنی قادینك دیندارینه رغبت ایدیکز...» ابوهریره نك روایتی ایسه صحیح مسلم و ابوداودودک کتاب النکاحنده در.

ايدى. حضرت عائشه مسائل دينيه يي قاوارامق ، دىنى احكامى حافظه. سنده طوتمق ، فكري اجتهادده بولونمق اعتباريله زوجات طاهرات آراسنده ممتاز بوموقع صاحبي ايدى. بويوزدن اونك رسول اكرمك نظرندە موقى چوق يوكسكىدى . علامه (ابن حزم) ، (ملل ونحل) عنوانلى اثرندە بونقطه يي مفصل بر صورتده تدقيق ايتمش و حضرت عائشهك فضل و فضيلتنى مدلل بر صورتده كوستر مشدر . [۱]

رسول اكرمده حضرت عائشهك قادينلر ايچنده اك كامل قادين اولديغنى بيان ايدىيور و حضرت عائشهك نزد رسالت پناهيلىرىده مقبول اولماسنك، ظاهرى حسن سبيله دكل ، معنوى فضل و كال سبيله اولديغنى تصريح بويورويور . ۲ زوجات طاهرات ايچنده معنوى كالات اعتباريله حضرت عائشه دن صو كراكلەن قادين ، حضرت (ام سلمه) ايدى . اوده رسول اكرمك نزدندە مقبول و معتبردى . حال بوكە (ام سلمه) ياشلى بر قاديندى . حضرت خديجه آلتمش بش ياشسندە وفات ايتديكى حالده رسول اكرم ، اونى او قدار حرارت و صميميتله سه ووردى كە ، اونك اولومندن صو كرا خانة سعادتە كلەن حضرت عائشه ، رسول اكرمك اونك خاطرە سنى عزيز ايتديكى كورەرك خديجه غبطه ايدردى . [۲]

بر كره حضرت عائشه ، حضرت خديجه حقندە تعريضكار عد اولوناييله جك رسوز سويلەمش ، رسول اكرم بوسوزدن مغبر اولمشدى . [۳]
رسول اكرم عائشه يي صوك درجه سه وديكى كى ، عائشهده رسول اكرمى ، عشق و شغف درجه سنە واران بر محبتله سه ووردى .

[۱] ملل ونحل : باب افصليۃ الصحابه [۲] كذا

[۳] صحيح مسلم : فضل خديجه [۴] بحارى مسلم : فضل خديجه

حضرت عائشه کیجہ لین اویانوب رسول اکرمی نزدندہ بولہ مادیفی زمان مضطرب اولوردی . بر کیجہ حضرت عائشه اویانمش ، رسول اکرمی حجرہ سندنہ بولہ مامشدی . اودادہ ایشیق یوقدی . [۱] عائشه قالقدی ، آرانمخہ باشلادی . رسول اکرم ، سجده یہ قپانمش ، مناجاتہ دالمشدی . [۲] حضرت عائشہ نك بوحالی برقاج کرہ تکرر ایتمش ، عائشه ہر دفعہ رسول اکرمی تسبیح و تہلیل ایلہ مشغول بولمش ، رسول اکرمک اونک نزدندن چیقارق دیگر برزوجه سنک نزدینہ کیتدیکنی بر آن ایچین تصور ایتدیکندن صولك درجہ نادم اولمش « بن نہیہ ذاہب اولدم ، نہ کوردم . » دیمشدی . [۳]

بر کیجہ بوکا ممائل بر حادثہ دہا وقوع بولدی : عائشه اویقودن اویاندی و رسول اکرمی یانندہ بولامادی . وقت کجدی ، کیجہ یاریسی اولمشدی . حضرت عائشه ، شورایہ بورایہ باقدی . رسول اکرمی بولامادی . نہایت قبرستانہ دوغرو کیتدی ، رسول اکرمی اورادہ دعا واستغفار ایلہ مشغول بولدی . همان دوندی و حجرہ سندنہ کلدی . حضرت عائشه صباحلین بوواقعہ بی رسول اکرمہ آکلاندی . رسول اکرم دہ « اوت ، بن برقارالتی کورمشم . اوسنمی ایدک ؟ » دیمشدی . [۴]

(ایلاء) حادثہ سی اثناسندنہ رسول اکرمک زوجہ لریدن برآی آریلق ایچین عہد ایتدیکی صیرادہ زوجات طاهرات متأثر

[۳] بخاری : باب التطوع خف المرأة . موطأ : باب صلاة الليل

[۴] موطأ ، امام مالک : باب ماجاء فی الدعاء

[۵] نسائی : باب الغيرة وباب الدعاء فی السجود

[۱] بوحديث مختلف كما بلرده واردر . كتب صحيحه دہ (باب زیارة القبور) ،

بالخاصہ (نسائی) نك باب الاستغفار للمؤمنين وباب الغيرة سندنہ منقولدر .

اولمىلاردى . حضرت عائشە ايسە رسول اكرمك مطلقا سوزى
 يرينە كىتيرەجگنى بىلدىكى اچچىن كۈنلرى سايىپوردى . (ايلاء)
 مدتى ختام بولدىن سو كرا رسول اكرم اولاءائشەنك نىزدىنە كىتدى .
 [۱] زوجات طاهرات آراسىندە امر اورۇساقىزلرى اولان قادينلر
 واردى . بونلر فقيرانە و زاهدانە بر حيات امرارنى ايسىتەمىدەك
 عمومك حصە مند اولدىنى رفاھدن نصيبلرنى استيفا ايتىك ايسىتورلردى .
 رسول اكرمك شرف زوحىتى بوقادينلرك سويەسنى يوكسلىتمىشدى .
 فقط بونلرينە فطرة قاديندى . مسلمانلر ، احراز ايتدىكلرى ظفر
 دولايىسىلە مرفە و مسعود ياشادقلىرى حالە خانە سعادت اسكى
 وضعيتنى محافظە ايدىپوردى . بونك اوزرينە بونلر رسول اكرمه
 مراجعت ايدرك حصەلرينە دوشن رفاھدن مستفيد اولىق ايسىتەدىكلرىنى
 سويەلەدىلر و بوطلبلىرى اوزرىندە اصرار ايتدىلر .

زوجات طاهراتك بواصرارى رسول اكرمك حضورىنى اودرجه
 سلب ايتىمىدى كە بر آى قادار زوجهلرندن آرى ياشامغە عزىم ايتىش
 و بر حجرە يە چكىلەرك اورادە بر آى يالكنز باشنە كچىرمىشدى . بر آيك
 ضرورى متعاقب « تخير » آتى نزول ايتدى . آيت كريمەنك مالى
 شودر : « اى پىغمبر ! زوجهلر يەك دە كە سز دنيا حياتى و دنيا
 دىدبەسنى ايسىرسە كز ، كلىكنز ، سزە طلاق حقكزى وىرەيم و سزە
 اوزەل بر طرزە يول كوسترەيم . يوق ، اكر اللہى پىغمبرى و آخرت
 يوردىنى ايسىتورسە كز اللہ اچىكزدن ايلك ايدن قادينلرە بويۇك
 مكافاتلر حاضر لامىشدر . » [۱] بو آيت كريمە ، پىغمبرك زوجهلرىنى دنيا

[۱] بورادن اعتباراً بنم طرفدن علاوه اولونمىشدر . ع . .
 [۲] يا ايها النبى قل لازوا جك ان كنن تردن الحاة الدنيا و زيتها فتالين استمكن
 و اسرحكن سرا حاجيلا و ان كنن تردن اللہ و رسوله فان اللہ اعدا لامحسنات منكن اجر اعظم

حیاتی ایله پیغمبره زوجہ ک حیاتى آراسنده نخبیر بیراقدینی ایچین اوکا
تخبیر آتی دهنیر . بو آیت کریمه کوره بو قادینلر ، دنیا حیاتی ،
دنیا ذوقنی سورمک ایستورلرسه پیغمبردن آریلا جقلردی . فقط
الله ایچین یاشامق و پیغمبره آرقاداش اولق ایستورلرسه جناب حق ده
اونلرک مکافاتى احسان ایده جکدی .

رسول اکرم ، بو آیت کریمه یی اولاه حضرت عائشه یه او قوش ،
حضرت عائشه رسول اکرم له برانکده یاشامایى ترجیح ایتمش ، زوجات
طاهراتک بری ده رسول الله دن آریلما یی ایسته مه مشدی . [۱]

بونى متعاقب (ارجاء) [۲] آیت کریمه سی نازل اولمشدر ، (ارجاء) دن
مقصد ، رسول اکرمک زوجهلرندن ایستدیکنى طوتماسی ، ایسته مه دکلرینی
بیراقاسیدر . رسول اکرم ، فطرتنده کی صرحت و صروت دولایسیله
زوجهلرندن بری ده آیرمادی . حضرت عائشه دیورکه : « ارجاء
آتی نازل اولدقن صوکره رسول اکرمه دیدم که : بوحق اختیار بکا
ویریلش اولسه یدی برکیسه یی سکا ترجیح ایتمزدم » [۳]

[۱] بنم علاوهم بوراده یتبور . ع .

[۲] ارجاء آیت کریمه سی شودر : ترجی من تشاء منهن وتؤوی الیک
من تشاء .. (سورة احزاب) مأل کریمه سی « سن زوجهلرکدن ایسته دیککی
بیراقیر ، ایسته دیککی نزدنده آلیورسک » «تخبیر» آیت کریمه سی ، زوجات طاهراتی
رسول اکرم له قالیق ویا اولندن آریلق خصوصنده اونلری نخبیر بیر قشدی (ارجاء)
آیت کریمه سی ده رسول اکرمی ، زوجهلرندن ایسته دیککی آلیقوئقده ،
ایسته دیککی بر قفده نخبیر بیراقور . زوجات طاهراتدن بری ده پیغمبرمزدن
آریلما یی قبول ایتمه مشدی . رسول اکرم ده زوجهلرندن بری بیراقدادی .
بوصورتله هرا یکی طرف ده زوجیتک قدسیتی هر شیشه ترجیح ایتمدی . ع .

[۳] ان کان ذلک الی فانی لارید یارسول الله ان اوثر علیک احدا (مسندک

آلتنجی جلد ۷۶ جی صحیفه سندن) .

ع .

حضرت عائشه - ه

رسول اکرم زوجہ سی عائشہ بی منون و خوشنود ایتک ایچین
الندن کلن هر شیئی یاپاردی . حتی عائشہ نك قوشماسندن
اویناماسندن منون اولوردی . حضرت عائشہ انصاردن برینك قیزی
اولادلق اولارق آلمش، بویوتمش و بو قیزی اوله ندرمشدی . دو کون،
چوق ساده ایدی . رسول اکرم دو کونه کلدیکی زمان عائشہ یه
« عائشہ ، نه شرقی وار ، نه خواننده ! » دیمشدی . [۱]

برایرام کونی حبشلینك بری هر کسی اکلندیرن بر طقم اویونلر
اوینا یوردی . حضرت عائشہ بونی تماشا ایتک ایسته مش، رسول اکرم
بوتون بومدت ظرفنده اونی آیاقده بکله مشدی . [۲]

بر دفعه رسول اکرم بر جاریه کتیره رك عائشہ یه « بونی طانیر میسك ؟ »
دیدى . عائشہ ، خایر دیدی . رسول اکرم ، اونك کیمك جاریه سی
اولادیغنی سویله دکن صو کرا اونك کوزهل شرقی اوقودیغنی ، شاید
آرزو ایدرسه اوکا شرقی اوقویاجغنی علاوه ایتدی . جاریه بر آز
شرقی اوقودقدن صو کرا رسول اکرم « شیطان ، بو شرقیک ایچنده
جالنی چالیوراء دیمش و بو صورتله اوقیل شرقیدن منون اولمادیغنی
آ کلاتمشدی . [۳]

بعضاً رسول اکرم اکلنك ایچین ماصالده سویلر و دیکلردی .
بر کون سوز آراسنده (خرافه) سمی کچمش ، حضرت پیغمبر : « خرافه ، نك
کیم اولادیغنی بیلور میسکیز ؟ او (عذره) قبیله سنه منسوب بر آدمی پریلر
اونی آلوب کوتوردیلر . اوده عودتنده پریلر عالمنده کوردیکی عجیب

[۱] مسند ، جلد ۶ صحیفه ۲۶۹ ؛ بخاری کتاب لنکاح ، فتح الباری

[۲] صحیح بخاری : باب حسر المباشرة .

[۳] مسند احمد جلد ۶ صحیفه ۴۴۹

شیلری آکلاقمغه باشلادی . بونک ایچین هر کس عجیب و غریب برشی
طویدیمی ، خرافه دیر .» دیمشدی [۱]

حضرت عائشه بعضاً ماصال سویلردی ، رسول اکرم ده اولک
سویله دیکی ماصالی دیکلردی . شاید بویله ماصال دیکلر کن اذان
اوقونا جق اولور سه رسول اکرم همان قارقار و نمازه قوشاردی . حضرت
عائشه نیورکه : « رسول اکرم بو کبی صیرالرده بی بیله طانیلاردی .» [۲]
رسول اکرم حضرت عائشه ایله برلکده یمک یردی . بر کون
رسول اکرم حضرت عائشه ایله برلکده یمک یرکن حضرت عمرده
کلش ، رسول اکرم اونی ده یمکه چاغیرمشدی . [۳]

بر دفعه ایرانلی بر قومشو رسول اکرمی دعوت ایتمش ، رسول
اکرم : « عائشه ده بولونا جقمی ؟ » سؤالی صورمش ، ایرانلی « خایر ! »
دیمش . حضرت پیغمبرده « او حالده بنده کله مم ! » جوابی ویرمشدی .
ایرانلی رسول اکرمه تکرار مراجعت ایتمش ، رسول اکرم ، ینه
« عائشه ده بولونا جقمی ؟ » دیمش . ایرانلی تکرار کیتمش ، فقط
بر آزدن تکرار دوندیکی زمان « اوت ، عائشه ده دعوتلیدر .» دیمش .
رسول اکرم ایله حضرت عائشه اولک اوینه کیتمشلردی . [۴]

رسول اکرم یوله چیقدیغی زمان کندیسنه بوتون زوجات طاهرات
رفاقت ایدمه مزلردی . بونلردن بری خاصة ترجیح ایتمک عدالت
وانصافه موافق ده کلدی . اولک ایچین رسول اکرم یوله چیقدیجه
قرعه کشیده ایدر ، قرعه زوجه لرندن کیمه اصابت ایدر سه اونی برلکده

[۱] نسائی .

[۲] بو حادثه الله اونی تعقیب ایدن حائنه حجاب آیتنک نزولدن مقدم

وقوع بولمیشدر . [۳] صحیح مسلم : کتاب

آلوردى. ۱] حضرت عائشە برچوق سفرلردە ، رسول اكرمە رفاقت
ايتىشدر . (خى المصطلق) غزاسى ائناسىندە حضرت عائشەك رسول
اكرمە رفاقتى محققدر . حديث كتابلىرى ، حضرت عائشەك رسول
اكرمە رفاقت ايتدىكى دىكر بر سفر دن دها بحث ايدىرلر .

خى المصطلق سفرى ائناسىندە ايكي مهم حادىثە وقوع بولدى . بونلرك
ايكيسى دە حضرت عائشە نامە شايان افتخاردىر . بونلرك برى ، تيمە
عائد ، ايكنجيسى ، معصوم و پاكدامن قادينلرك ششان و شرفنى
وقايە يە عائد احكامك تبايغيدىر . بونلردن بالاخرە بحث ايدەجكزە
امام احمدك مسندندەكى بر روايتە كورە ، حضرت عائشە حديدە سفر نەدە دە
رسول اكرمە رفاقت ايتىشدر . ۲] وداع حجى ائناسىندە رسول اكرمە
رفاقت ايدىن زوجات طاہرات ميانىندە حضرت عائشە دە بولونويوردى .
رسول اكرم آتە يىنىمك ، اوق آتقى كى سپورلىرى سەوەر ،
بوتون آرقە داشلىرى بونلرە تشويق ايدىردى . حضرت عائشە ، بر غزا
ائناسىندە رسول اكرمك رفاقتندە ايكن رسول اكرم اوكدە قالان
اصحابە يتيشمك اوزرە حضرت عائشە ايلە برلكدە قوشمش ، عائشە
نجيف اولديغى ايچىن رسول اكرمى كچمش ، بر قاچ سنە صوكر
زوج و زوجە يە يارىش ايتىشدر ، فط بوسفر رسول اكرم زوجە سنى
كريدە بىراقشدى .

۳] رسول اكرم ايلە حضرت عائشە آراسىندە صوك درجە
صميميت جارى ايدى . آنجاق بر برى سەون زوج و زوجە آراسىندە
جارى اولايلىكك بو صميميت و محرميتە عائد برچوق اثرلر ، نرە

۱] صحيح بخارى : باب لقرعة بين النساء ۲] مسند عائشە جلد ۶

۳] بورادر اعتباراً بنم طرفدن علاوه اولونمشدر . ع . ۰ .

واصل اولمشدر . رسول اکرم له زوجہ سی آراسنده جریان ایدن
برچوق شیلر واردر که بونلرک بیلہ جمع و ترتیبہ اهمیت ویریلہ سی
قارشیدندہ حیرت ایتہ مک ممکن دکلدر . برچوقلریمز بابالریلہ والده لرینک
محرمیتہ عائد برشی بیلہ دکلری ویایک آز برشی بیلدکاری حالده ،
مسلمانلرک علیہ الصلاۃ والسلام افندیمرہ عائد ہر حالہ ، ازجہ اولنک
زوجہ لریلہ باش باشہ قالدیغی زمان بیلہ نہ سویلہ دیکنی ، زوج و زوجہ
آراسنده ہر ہانکی بر مسئلہ اوزرندہ برسوز کچمش ویار مناقشہ وقوع
بولش ایسہ اونی دہ تحقیق وضبطہ اهمیت ویرمہ لری ، صو کرا بونی نقل
وتدوین ایتہ لری حقیقہ شایان حیرت بر ہمتدرہ بزء مسلمانلرک بوہمت
وغیرتی سایہ سندہ رسول اکرمک کونی کونہ ہر حالہ بیلدیکنمز
کی اولنک زوجہ لریلہ کچن مناقشہ لرینی دہ بیلوروز . [۱]

مثلا ، رسول اکرمک ہر زمان حضرت خدیجہ بی خیر ایلہ یاد
ایتہ سی ، دائما اولنک خاطرہ سی تعزیر و تحیل ایلہ سی قیصقانان
حضرت عائشہ ، رسول اکرمہ ، یارسول اللہ ، بو اختیار قادینی ایکی دہ
برده یاد ایدوب طور بیورسکنز . جناب حق سزہ اوندن دہا ای
برزوجہ ویردی ، دیمشدی . [۲] بردفعہ رسول اکرمک ارتحالہ منجر
اولان خستہ لفنک باشلانغجلارندہ ، حضرت عائشہ نک باشی آغریمش ،
رسول اکرم « آم عایشہ ، سن بندن اول اولسہ کدہ بن سنی کنندی
اللہ تجہیز وتکفین ایتسہم وسکا دعا ایتسہم » دیمش ، حضرت عائشہ ،
« اوت بن اولہ یم دہ سز دہ ہم حجرہ مہ یکی برزوجہ کتیریکز » جوابی
ویرمش ، رسول اکرم دہ تبسم ایتشدی . [۳]

[۱] ہم علاوہم بورادہ بیتشدی . ع . ر .

[۲] صحیح بخاری : فصل خدیجہ [۳] صحیح بخاری : کتاب المرضی ، مسند احمد

ردفعه حضرت عائشه نك حجره سنه بر حرب اسيرى كتيبر مشلردى. اسير،
 حضرت عائشه نك قاديىنلارله قونوشماسىدىن استفادە ايدەرك قاقچش ،
 رسول اكرم اونى كوردەك اوزره ككش ، اونك قاقچدىغنى كورونجه
 متأثر اولمش ، « عائشه لك قيرىلسين » ديمش ، صوكرە بو اسيرك
 طوتولوب كتيبرىلەسنى امر ايچين طيشارى چيقمىشدى . رسول الله
 عائشه نك حجره سنه دوندىكى زمان عائشه ايكي الى اويروب چەويرىپوردى .
 رسول اكرم دە اوكا باقارق « دەلدىگمى ؟ » ديدى . حضرت عائشه
 « بكا بددعا ايتدك . هانكى الم قيرىلاجق ، اوكا باقيوم ! » جوابى
 ويردى . رسول اكرم ، الله حمدوشنا ايتمش ، صوكرە اللارنى قالديرارق
 « ياربى انسىانم ، انسانلركى حدتەلەنيورم . ياربى ، هانكى مؤمن ويا
 مؤمنە يە بددعا ايدرسەم بوبددعام اونك حقندە خيرا اولسون ! » ديمىشدى . [۱]
 بركون رسول اكرم عائشە يە شوسوزلرى سويلەدى : « عائشه
 سىنك دارغىن ويا باريشىق اولدىغك زمانلرى درحال آكلايورم .
 دارغىن اولدگمى « ابراهيمك تا كرىسى نامنە قسم ايدرم كە » دىيورسك .
 باريشىق اولدگمى « محمدك تا كرىسى نامنە قسم ايدرم كە » دىيورسك .
 حضرت عائشە : « يارسول الله ، ديلدن اويلە دو كولويور » ديدى . [۲]
 انگليز مستشرقلارندن « مارغوليوت » (حيات محمد ، Life of
 Mohammed) عنوانلى اثرىنك ۴۵۱ نجى صحيفە سىندە بو وقە يى
 شوشكەدە نقل ايدر : « محمد ، عائشە يى كوجەندىردىكى زمان عائشە
 محمدك پىغمبرلكنى انكار ايدىيور واونك تلقي ايتدىكى وحىە اعتراض
 [۱] اثرك اصلندە مختصر اولدىغندن امام احمدك (مسند) ينك آلتىنجى
 جلد ينك ۵۲ نجى صحيفە سىندن عينا آلدق .
 ع . ر .

ایدیوردی . « کړك حضرت پیغمبرك سسوزندن ، كړك حضرت عائشه نك جوانندن بویه برار جوفه چیقار ایلمك ایچین انسان مار غولیوٹ كی كور بر متعصب ، اونك قدار اخلاق صاحبی اولمالی ! حضرت عائشه نك حجره سنده خدمتجیسی بولوتما دیفی زمان بوتون ایشارینی كندی كورور [۱] اونتی یوغورور [۲] ، امكنی پیشیر ، یمكنی حاضرلار [۳] ، یاتاغنی الیه سهردر [۴] ، او ایچین لازم اولان صوبی كندی طاشیر [۵] ، قربان اوله رق کیلین دوه نك اتی داغیتیردی [۶] بوندن باشقا حضرت عائشه زوج مكرمك باشنی ییقار [۷] ، صاحبی طارار ، اونتی تعطیر ایدر [۸] ، زوجنك چاشیرینی ییقار [۹] رسول اکرم یاندیفی زمان باشنك اوجنه صو ومسواك قویار [۱۰] ، مسواکی دائما تطهیر ایدر [۱۱] ، بر مسافر کلدیکی زمان مسافرك خدمتنی کوورردی .

اصحاب صفه دن اولان قیس غفاری دییوركه : « بر کون رسول اکرم بکا ، هایدی عائشه نك اوینه کیده لم ، دیدی . کیتدك . حجره یه وارد یغمز زمان : عائشه بزه یمك حاضرلا ، دیدی . عائشه بزه یمك کتیردی . رسول اکرم تکرار یمك ایسته دی . عائشه ینه کتیردی .

[۱] ادب المفرد : امام بخاری : باب لا یؤذی جاره [۲] صحیح بخاری : قصة الافك

[۳] صحیح بخاری ، سنن ابی داوود

[۴] شمائل ترمذی ، ازواج طاهراتدن بحث ایدرکن بونی ده بیان ایلر .

[۵] امام احمدك مسندی جلد ۶ صحیفه ۶۸ [۶] صحیح بخاری : کتاب الحج

[۷] صحیح بخاری : اعتكاف [۸] صحیح بخاری : کتاب الحج

[۹] صحیح بخاری : غسل ، ابوداوود . باب الاعادة .

[۱۰] امام احمدك مسندی جلد ۶ صحیفه ۵۴۰

[۱۱] ابوداوود ، کتاب الطهارة باب الفسل

رسول اکرم تکرار ایستهدی . عائشه بر چاق سوت ، صو کرا بر کاسه صو کتیردی . [۱]

حضرت عائشه رسول اکرمه ، تمامیه مطیع ایدی . شاید ؛ رسول اکرمك اوندک برسوزندن داریلاجغنی حس ایدرسه اوسوزی سویله مکدن وازچکردی .

بر کون اصحابدن بری بر دو کون ضیافتی ویریوردی . فقط صحابینك اوندک ارزاق قالمامشدی . رسول اکرم اوکا : « کیت ، عائشه دن آل » دیدی . بو ذات حضرت عائشه یه کیتدی . حضرت عائشه موجودی ویرسه آقشامه برشی قالمایاجغنی کوردیکی حالدیه بلاقید و شرط اطاعت ایتمشدی . [۲]

حضرت عائشه یه بو خصوصیه بکزه یین قادینلر چوقدر ، ده نیله بیلیر . فقط ، حضرت عائشه نك ممتاز اولدیغی بر صفت ، اوندک رسول اکرم ارتحال ایتدکدن صو کرا اوندک امرلرینه اطاعت ایتمه سی ، اوندک تعلیماته رعایت کوسترمه سیدره . رسول اکرم حضرت عائشه یه جو مرد اولمایی امر ایتمشدی . عائشه اولونجه یه قادار بوندن شاشمادی . پیغمبر ، حجک قادینلر ایچین جهاد اولدیغنی سویله مشدی . حضرت عائشه حجه مواظبت ایتدی . [۳] بر کره ، حضرت عائشه عرفه کونی اوروج طوتمشدی . هوا صیجاقدی ، عائشه باشنه صو سریمکه باشلادی . بریسی اوکا اوروجنی بوزماسنی تکلیف ایتدی . عائشه : خایر ، دیدی ، چونکه رسول اکرم عرفه کونی طوتولان اوروج ، برسنه لك کناهی عفو

[۱] ابوداود کتاب الادب . بو حادثه نك حجاب آیتلرینك نزولندن اول
 وقوع بولدیغنی آکادشیلپور . [۲] مسند ابن حنبل جلد ۴ ، ص ۳۵۸
 [۳] صحیح بخاری ، باب حجب النساء .

ایتدیرر ، بوپورمشدر . ۱ [رسول اکرم قوشاق نمازی قیلاردی .
 حضرت عائشه ده بو نمازه دوام ایدرو « بابام کلسه ده بی منع ایتسه اونی ده
 دیکله مه » دیردی . ۲ [قادینک بری حضرت عائشه یه کله رک
 قینه سورمه نک جائز اولوب اولمادیغنی صوردی . حضرت عائشه ،
 رسول اکرمک اونک رنگیندن خوشلانیر سده قوقوسندن خوشلانما-
 دیغنی ، معافیله قینه سورمه نک حرام اولمادیغنی سویله مشدی . ۳ [
 حضرت عائشه نک حجره سی ، بر یغمبرک خلوتسرای ایدی .
 بوراده زنکینلکدن ، رفاهدن اثر یوقدی . اساساً بو یو و مال و مناله محتاج
 ده گلدی . شیمدی یه قادار ویردی کمز معلوماتک یاردیم یله بوتیمز یووا
 ایچنده کچن حیاتی تدقیق ایدیکز . کوره جکسکیز که اوراده حاکم
 اولان هوای قدسیت ، دنیوی حرصلرک فوقنده ایدی . رسول اکرم
 خانه سنه تشریف ایتدکلری زمان دیردی که : « آدم اوغلنک ایکی وادی
 دولوسی مال و ثروتی اولسا او چو نجی بر وادی یه صاحب اولمای
 ایتردی . السانک آغزینی آنجاق طوپراق دولدورور . جناب حق
 مالی آنجاق نمازی اقامه و زکاتی ایفا ایچین احسان ایتشدور . جناب حق
 دیله دیکنک توبه سی قبول ایدر . » ۴ [

رسول اکرم ، بو سوزلری دائماً تکرار ایدردی . اونک
 بوسوزی تکرار ایتمه سندن مقصد ، بوتون عائله سنه مال و منالک زائل
 برشی اولدیغنی آکلا تمقدی .

رسول اکرم ، یاتسی نمازینی قیلدقدن سوکرا حجره سنه داخل

۱ [مسند احمد جلد ۶ ، ص ۲۵۹] مسند احمد ، جلد ۶ ، ص ۱۲۸

۲ [مسند احمد ، جلد ۶ ، ص ۱۱۲]

۳ [لوکان لابن آدم وادیان من مال لا بتی ثالما ولا یثلا فمالا التراب

بوماجعلنا المال الا لاقام الصلاة و ایتاء الزکاة و یتوب الله علی من تاب (مسند

احمد ، جلد ۶ صفیحه ۵)

اولور ، مسواك ايله ديشلىرىنى اوغدقدن صوكرامان ياتار ، صوكرامان
تكرار اويانير ، كيجه يارىسندن صوكرامان عائشەنى اويانديرر ، حضرت
عائشەدە قالقار ، يىغىمىرىمزلە بىرلىكدە نماز قىلار ، ايكىسىدە (وترى)
بىرلىكدە ايفا ايدىرلدى . ۱ [شفق سوكمەكە باشلاركن رسول اكرم
صباح نمازىنىڭ سىنتى قىلار ، صوكرامان برآز اوزانير ، حضرت عائشە
ايله قونوشور . دها صوكرامان صباح نمازىنىڭ فرضى ادا ايچىن مسجىد
چىقاردى . بعضاً رسول اكرم ايله حضرت عائشە ، صباحە قادار
عبادتله مشغول اولورلدى . رسول اكرم امامت ايدر ، حضرت
عائشە اوكا اقتدا ايلدى . رسول اكرم بقرە ۲] ، آل عمران ۳]

[۱] مسند احمد ، جلد ۶ ، صحيفه ۱۵۲

[۲] سورة بقرە ، مدنى سورەلدندىر ، ۲۸۶ آيتدن متشكلىدر . سورە
شريفە مدینه دورىنىڭ ايلك زمانلارندە نازل اولمشدر . سورە اولاسلامىنىڭ
اساسلىرىنى ايضاح ايدر ، اونلارڭ قبول وياردندىن حاصل اولاجق نتيجهلرى
آكلاتير ، صوكرامان اساساتك دوغرواغنى ، بالخاصە مصنوعات الہىيەنى كوستىرەرك
وحدانيت الہىيەنى اثبات ايدر ، صوكرامان انسانك حائز اولدىنى يوكسك قابىلىتلرى
توضيح ايدىرك انسانك بولردن استفادە ايدەمەدىكى ايچىن حياتدە نكبتە
اوغرايدىغنى كوستىر و بونى حضرت ادامك ماجراسىلە ئىشلى ايدر . دها
صوكرامان سورە شريفە بنى اسرائيل ايله مشغول اولارق ورسالت محمدىەك
توراتدە تبشير اولوندىغنى آكلاتارق جناب حقك موسويلرە نەلرا حسان ايتدىكىنى .
اونلارڭ بونعمتلرى ناصل قارشىلا دقلرى و ناصل تردى ايتدىكارىنى ، عهد الہىيەنى
ناصل اخلال ايلدىكارىنى ، بونى متعاقب اونلارڭ رسول اكرمە ناصل مخالفت
ايتدىكارىنى بيان ايتدىكدن صوكرامان قرآن كريمك سائىر كىتابلرى نسخ ايلدىكىنى ،
مسلمانلارڭ يكانە كامل دين اولدىغنى سويلر ، دها صوكرامان حضرت ابراهيمك
الله ايله عهدىنى خاطر لاتير ، صوكرامان قبلەك تھويلندىن بحث ايدر ، دها صوكرامان
مسلمانلارە دىندە جبر و اكراه بولونمايدىغنى آكلاتير ، بونى متعاقب اولومىلارڭ
ناصل احيا اولوندىغنى كوستىر ، دها صوكرامان مسلمانلارە حق و حقيقتك ظفرىنى
تبشير ايدىن دعالر اوكرەتير .

ع . ۰

[۳] آل عمران سورەسىدە مدنىدر و ۱۹۹ آيتدن متشكلىدر . سورە

ونساً ۱ [سورہ لری کبی قرآنک اک اوزون سورہ لری اوقور ،
 اللہک وعد و وعیدندن باحث آیتلر کچدکجه اللہہ یالواریر ، مغفرت
 الہیہ نی نیاز ایدر ؛ رحمت و عنایتی تبشیر ایدن آیتلر کچدکجه رسول
 اکرم جوشار ، جناب حقک تبشیر ایتدیکی رحمت و نعمتک دواہنی
 تضرع ایدر ، بوروحانی عبادت صباحلرہ قادار دوام ایدردی . ۲۰]
 فوق المعتاد زمانلرہ ، کسوف وقوع بولدیغنی صیرالرده رسول اکرم

شریفہ قرآنک کلام اللہ اولدیغنی آ کلاتقدن صوکر کلام اللہک تفسیرینہ عائد
 قاعدہ لری کوستر ، بونی متعاقب سورہ شریفہ دہ توحید باری عقیدہ سنک
 بوتون ادیانک اساسی اولدیغنی ایضاح اولوندقدن صوکر نبوتک بنی اسرائیلدن
 کچدیکی توضیح ایدیور و حضرت عیسیایہ متعلق بوتون یا کاش تنقیلر تصحیح
 اولونویور ، آل عمران سورہ سنده (احد) محاربہ سنہ عائد حادثات موضوع
 بحث اولمقده ، بمحاربہ دہ مسلمانلرک دوچار اولدقلری سوء طالعک اسبابی
 کوستریلکده ، ظفرک ناصل احراز اولوناجنی ایضاح اولونمقده در .
 ع . ۰

۱ [نسا سورہ سی دہ مدنیدر . ۱۷۷ آیتدن متشکلدر . سورہ شریفہ دہ
 احد محاربہ سی موضوع بحث اولمقده در . احدثہ برچوق مسلمانلر مقتول دوشمش ،
 منافقلر مسلمانلری بیراقوب قاچمش لردی . اونک ایچین مسلمانلرک براقدقلری او کسوزلرک
 وقادینلرک حقوقی ایضاح اولونویور ، وصیلرک ایتامہ قارشى وظائفی آ کلاتیلور ،
 صوکر کادینک حقوق اعتباریلہ ارککہ مساوی اولدیغنی کوستریلور ؛ یکی بر
 میراث قانونی وضع اولونیور ، چونکہ عربلر آراسنده قادینلر ، قوجہ لرینک
 ویا اولن ہرہانکی اقربالرینک میراثنہ اشتراک ایتزلردی . دہا صوکر قادینلرہ
 کوستریلہ جک معاملہ آ کلاتیلمقده ، قادینلرک میراث اولارق الدن الہ انتقالی
 تنقیح اولونمقده در . سورہ شریفہ بوندن صوکر قادینلردن ہانکیلرلہ
 اولہ نیلہ جکنی کوستریور ، صوکر قادینلرک حق تصرفلریغنی تقریر ایدیور ،
 صوکر زوج و زوجہ آراسنده اختلاف وقوع بولدیغنی تقدیردہ بونک ناصل
 ازالہ ایدیلہ جکنی ایضاح ایدرک عمومیتلہ صراحت اساسنک کوزہ دیلہ سنی توصیہ
 ایدیور .

نمازه دورر ۱]. حضرت عائشه ده اوکا اویاردی. شاید رسول اکرم، مسجد نبویده ایسه، حضرت عائشه گندی حجره سنده نمازه دورور و رسول اکرمه اقتدا ایدردی. ۲]

حضرت عائشه بش وقت نماز و تهجددن باشقا ضعی نمازی ده ادا ایدردی. ۳] حضرت پیغمبرله برلکده اوروج طوتار، رسول اکرم رمضانک صوکلرنده اعتکافه کیردیکی زمان حضرت عائشه ده اعتکافه کیر، مسجد شریفک اورتاسنده برچادیر قوراردی. بعضاً رسول اکرم صبح نمازدن صوکر ا بوچادیری تشریف ایدردی. ۴] حضرت عائشه، هجرتک اون رنجی سنه سنده رسول اکرمه رفاقت ایدرک هم فریضه حجی، هم ده عمره پی ایفایه نیت ایتدی. حضرت عائشه، قادینلره مخصوص معذرتدن دولای فریضه حجی ایفا ایدمه دیکندن

سوره شریفه بونی متعاقب ظاهری، باطنی طهارتک اهمیتنی تجلی ایتدیردکن صوکر ا موسویلرک بونی امال، و منحصرأ مسلمانلره حسد ایتدکارندن مشرکارله تشریک مساعی ایتدکارینی کوسترمکده در. بونی متعاقب مسلمانلرک عدالت صوکلدرجه دقت ایتملری توصیه اولونمده، دعا صوکر اینه احدحر بندن بحث ایدلمکده در.

ع . ۰۰

۱] کسوف نمازی حقنده حضرت اسمانک بر حدیثی وارد در. حضرت اما دیورکه: « کسوف اثناسنده حضرت عائشه مک یانه، کیندم، عائشه، نماز قیایوردی. اوکا: خلقه نه اولویور؟ دیدم. عائشه، باشیله کوك یوزینه دوغرو اشارت ایتدی. مگر هپ نمازه طور مشلرمش عائشه: سبحان الله، دیدی بو بر آیتی؟ دییه سوردم. عائشه باشیله، اودت، دییه اشارت ایتدی. بونک اوزرینه بنده نمازه طوردم. اوزرعه باغینلق کانجه یه قادار طوردم. باشمه صو دوکمه باشلادم.... صحیح بخاری: باب العلم، ۴

ع . ۰۰

۲] صحیح بخاری: صلات الکسوف. ۳] مسند احمد جلد ۶ ص ۱۵۱
۴] صحیح بخاری، باب اعتکاف النساء

متأثر اولش ، رسول اکرم اوکا تسلی ویرمش ، اوکا بونی ناصل
 تلافی ایدم جگنی اوکره تمش ، حضرت عائشه ده بالا آخره برادری
 عبدالرحمن ایله برابر کیده رک حج فرائضنک بقیه سنی اکمال ایله مشدی [۱]
 بوتون بواضا حاتمزدن آ کلاشیلدینی وجهله رسول اکرمک
 زوجیه سی حضرت عائشه ، هر وجهله اوکا یار ایدی . هر خصوصده
 اولنک امر و تعلیمی دائره سنده حرکت ایدیوردی . کندیس ، دیانت
 و تقوی صاحبی بولوندیغندن رسول اکرمک اک صادق ، اک فدا کار واک
 صمیمی آرقاداشی ایدی . بو ایکی زوج ایله زوجه آراستده کی محبت
 و امتزاج ، ایکسینک آراستده کی صمیمیت و حسن معاشرت ، صوکر
 بوتون بومناسباتی تتویج ایدن وقار و نزاهت ، انسانلر ایچین برهمونه
 اقتدا تشکیل ایدر . [۲]

[۱] بخاری : کتاب الحج

[۲] بوصوک فقره بنم طرفدن علاوه اولونمشدر .

يدنجى فصل

حضرت عائشہ ك زوجات طاہرات ايد مناسبانی

قادينلرايچنده بربرلريله كچينه مەين و بربرلرينى چكە مەين برصنف،
اورتاقلردر . اورتاقلرك آراسنده حسن معاشرت تامينى درجه سنده
كوج رشى يوقدر . حضرت عائشه ، حياتك بو صفحه سنى ياشامش
واونى كامل برانسان ، موقعك يوكسكلەكنى ، رسول اكرمك متعدد
زوجهلر آلمق خصوصنده تابع اولدينى مجبورتى ادراك ايدرك ورسول
اكرمە زوجەلك خصوصنده آرقاداشى اولدينى قادينلرله حسن معاشرت
داثرە سنده ياشايارق بومزيت وكمالى كوسترمشدر . [۱]

رسول اكرم ، حضرت خديجه دن صو كرا مختلف سبيلره مېنى ،
مختلف زمانلرده اون قادينله ازدواج ايتمشدر . بونلرك ايجنده (ام المساكين)
عنوانيله معروف حضرت (رينب) ، رسول اكرمە هجرتك اوچنچى
سنە سنده واردقن صو كرا آجاق ايكي وچ آي قادار ياشامشدى . ديكر
زوجات طاہرات ، رسول اكرمك ارتحاليه قادار معمر ولدلر .
حضرت عائشه مك بو صفحه حياتى تنويرايچين زوجات طاہراتك كيملر
اولدقلىنى ورسول اكرمە نە زمان اولەدكلىرى كوستره حكىز :

۱ — حضرت سوده بنت زمعه ، رسول اكرمە ببولك برنجى

سنە سنده وارمشدر .

۲ — حضرت حفصه ، حضرت عمر الفاروقك كرىمىسى ايدى .
 هجرتك اوچىنچى سەنەسەندە رسول اكرمە وارمىشدى .
 ۳ — حضرت ام سلمە ، رسول اكرمە هجرتك دوردىنچى سەنەسەندە
 واردى .

۴ — حضرت جویریە . (بنى المصطلق) رۇيسىنك قىزى ايدى .
 رسول اكرمە ازدواجى هجرتك بىشىنچى سەنەسەندە دوشىر .
 ۵ — حضرت زىنب بنت جحش . كىندىسى قىرىشىدۇر . رسول
 اكرمە ازدواجى هجرتك بىشىنچى سەنەسەندە وقوع بولمىشدر .
 ۶ — حضرت ام حىببە . ابوسەفياك قىزىدۇر . رسول اكرمە
 هجرتك آلتىنچى سەنەسەندە اولەتمىشدر .

۷ — حضرت مىمونە ، رسول اكرمە هجرتك يەتتىنچى سەنەسەندە
 وارمىشدر .

۸ — حضرت صفىيە ، خىبر رۇيسىنك قىزى ايدى . رسول اكرمە
 ازدواجى هجرتك يەتتىنچى سەنەسەندە توافىق ايدۇر .

حضرت عائشە رەزىيە :

رسول اكرم . حضرت عائشەنى آلاڧى زمان ، حضرت خدىجە
 ارتىمال ايتىش بولۇپ يوردى . فقط خدىجەك خاطرەسى ، پىغمبىرىمىزك
 قلىبىدە دائىما جانلى ايدى . حضرت عائشە دىيور كە : رسول اكرم
 حضرت خدىجەنى دائىما يايدۇر ، بركىمسەنى اونك قادار يادايتمىزدى .
 بن اونك حضرت خدىجەنى بوقادار آگماستىدن قىسقانىر ، رسول
 اكرمك زوجه لىرىدىن ، باشقاسىنى قىسقامازدىم . رسول اكرم حضرت
 خدىجەنى دائىما آگدىڧى كى ھەرسەنە اونك مامە بىر قىربان كىسەر ، قىربانك

اتى خديجه نك اقربا و دوستارينه كويده يردى . حضرت عائشه .
 « خديجة الكبرى » نك حائر اولديغى يوكسك و شرفلى مقامى طائير ،
 و « جناب حق رسول اكرمى واسطه سيله او كا جنتنى تبشير ايتمشدور . » [۱]
 دىردى .

اسلاميتك ايلك ظهورى اناسينده حضرت خديجه نك رسول
 اكرمه ناصل يارديم ايتديكى ، او كا ناصل تسلى و يرديكى ، رسول
 اكرمك دوچار اولديغى هراذيت و اوغرا دىغى هرفلا كتمه او كا ناصل
 يار اولديغى ، اونكه هرمشكلى ناصل اقتحام ايتديكى ، حضرت عائشه
 طرفندن روايت اولونمشدور .

عائشه و سوده :

حضرت عائشه ايله حضرت سوده نك رسول اكرمه نكاحالانما
 لرى عيني سنه ايچنده وقوع بولمشدور . فقط حضرت عائشه نك دوكونى
 اوچ سنه سو كرا ياپىلايغندن بو صيراده (سوده) رسول اكرمك يگاه
 زوجه سى بولونويوردى . عائشه ، باباسينك اوندن چيقارق رسول
 اكرمك خانه سنه كيرديكى زمان اوراده (سوده) ايله قارشىلاشدى .
 عائشه كى كنچ برخام ، (سوده) كى بر اشه فنا بر نظرله باقمش
 اولسايدى ، بونى غايت طبعى عد ايتك ايجاب ايدردى ، حال بوكه ،
 حقيقت بونك خلافة ايدى . ايكي زوجه آراسنده تام بر امتزاج ،
 تام بر موانست حاصل اولمشدى . حضرت عائشه ، اوه عاذه مخصوصده
 حضرت سوده ايله استشاره ايدر و اونكه بك دوستانه كچيردى . [۲]

[۱] صحيح بخارى : فضائل خديجه

[۲] صحيح بخارى : باب الهدايا و باب التحريم

حضرت سوده عائشه يى اوقادار سه وردى كه رسول اكرمك على الدوام اونكه قالماسنى ايستى و كندى حقوقى عائشه يه دور ايدردى . [۱۰]

عائشه و حفصه :

حضرت حفصه ايله حضرت عائشه ، رسول اكرمك زوجة سى اولارق نام سكر سنيه ياشاديلر . حضرت عائشه حضرت (ابوبكر الصديق) ك قىزى ، حضرت حفصه فاروق اعظمك كريمه سى ايدى . عائشه ايله حفصه آراستده نام بر مطابقت افكار واردى . ايكي سى ده اولرينه عائشه خصوصاتده اشتراك ايدرلر ، بر بر لى سه وه رلردى .

عائشه و ام سلمه :

حضرت عائشه دن صو كرا زوجات طاهرات ايچنده درايست و كياستيله ممتاز اولان قادين ، حضرت (ام سلمه) ايدى . [رسول اكرم حديبه مصالحه سنك شرطلارنى قرار لاشد يرد قدن صو كرا آرقاداشلرينه ، قربان ايتك اوزره كتي ردكلرى حيوانلرى كيسه لرني امر ايتمش ، مسلمانلر حديبه مصالحه سنده كي حكمتى ، و بو مصالحه نك مسلمانلره تا ميين ايدى جكي منفعتى قاورا ياماد قلمدن مغلوب بروضعتيه دوشدكلرى ظن ايدرك ييلدير يمله وورولمشه دونمشلر ، ايچلرندن برى ده يرندن قيملدا ميارق رسول اكرمك بو امرنى يرينه كتي ره ده مشدى . امام بخارينك آ كلاتد ينى وجهله رسول اكرم بو امرنى اوچ كره تكرر ايتمش ، فقط بر كيسه حركت ايتمه مشدى . بونك اوزرينه رسول اكرم وضعيتى زوجة سى ام سلمه يه آ كلاتمش ، اوده « آرتيق برشى سويلمه » كندى قرباسكى كس ، صو كرا

واحرامدن چىقدىغى كوسترمك ايچىن صاحبلرى قىصالت ۋ دىنش ،
رسول اكرم ده اويلا حرکت ايتىشى . مسلمانلار ، رسول اكرم
بو حرکتى كورد كىن سو كرامتلىكك تبديل اولونا ماياغىنى آكلامشلىرى ،
اولنردى رسول اكرم ۋ اقتدا ايدىرك قىربانلىرى كىمشلىرى و احرامدن
چىقمشلىرى . حضرت (ام سلمه) بك بو مناسبتلىك رسول اكرم
وقوع بولان بياناتى ، اونك ۋ قدر جدى و عاقل اولدىغى كوسترمك
كفايت ايدى . [۱]

حضرت ام سلمه بك فقهى احكامى استخراج ايتىك وفتوا و يرمك
اعتبارلىك حائز اولدىغى مقام ، حضرت عائشە بي تەقىب ايدى . [۲]
حضرت (ام سلمه) ياشلى بر قاديئى . فقط حائز اولدىغى عزاي
دولايىسىلار رسول اكرم دن حرمت كوروردى . حضرت عائشە
ايلا حضرت (ام سلمه) آراسىندى بر اختلاف وقوعى موضوع بحث
دەكلدى . يالكر بر دفعه بعض زوجات ، رسول اكرم عائشە نىزدى
بولوندىغى زمان او كا هر دىلو هديه لىك كويىرلىك لىرىدن متأثر اولمشلىرى ،
رسول اكرم نىزدى ايسە بونىرك اورايە كويىرلىك سى ايجاب ايتىدىكىنى
سويلا مشلىرى ، حضرت ام سلمه بيده بونى رسول اكرم نىقلە مامور
ايتىشلىرى . حضرت (ام سلمه) بو سوزلىرى رسول اكرم متانتلىك
سويلا مشلىرى ، رسول اكرم ايلا حضرت عائشە بو سوزلىرى دىكلە مشلىرى ،
رسول اكرم ام سلمه يە جواب و يرمىش ، حضرت عائشە بىرك سوز
سويلا مشلىرى و (ام سلمه) نىك بو سوزلىرى سويلا مشلىرى نىزدى قانار
تأثر كوسترمەشلىرى . [۳]

هائى وھوبىيە:

حضرت جویریہ ایلہ حضرت عائشہ آراسىندە پراختلاف وقوعىندن
 بحث اولو ىمامقەدەدر. حضرت عائشە، جویریہ بی ایلک کوردیکی زمان اولک
 کوزەل برقادین اولماسىندن دولایی برآز اندیشە ایتىش [۱]، فقط چوق
 کچمەدن یا کیلدىغى آ کلامش، رسول اکرم نىزدىندە یوز کوزەللىکنک
 دەکل، فقط معنوی قىمتک دەھامەتبر اولدىغى نورمىشدى.

عائى زىنب:

حضرت (زىنب بنت جحش) رسول اکرمک خالا زادەسى ایدی.
 زىنب برآز مغرور و عصی برقادىندی. نىتە کیم ایلک قوجهسىدن،
 بویوزدن آیرىلمىشدى. بوتون زوجات طاهرات آراسىندە، اقربالق
 نطقە نظرمدن رسول اکرمە الیاقى اولان، او ایدی. اولک ایچىن، زىنب،
 کندى، دیکر زوجاتک ھېسەندن زیادە حرمت واعتبارە لایق کوروردى.
 حضرت عائشە، بوتون زوجات طاهرات ایچىندە یالکىز اولک کندى
 مقامى دەھایوکسک طانیدىغى سويلر. زوجات طاهراتدن بعضیلری
 حضرت ام سلمە بی رسول اکرمک نىزدىنە کوندرە رک بوتون ھدیەلرک
 یالکىر عائشەک نىزدىندە بولوندىغى زمان کوندریلمەسنىک دوغرو اولمادیغى
 سويلەتمىشلر، دەھایوکرا حضرت زىنب دە رسول اکرمک یانە
 کوندرمىشلردى. زىنب، رسول اکرمک عائشە نىزدىندە بولوندىغى صیرادە
 یانە کیرە رک سويلەنمەسى ایستەن سوزلری سويلەمش، حضرت
 عائشە رسول اکرمە باقارق مساعىدە ایستەمش و «زىنب» ی اسکات
 ایدن مدلل بر جواب وېرمىشدى. رسول اکرم عائشەک سوزلرینی

دیگر دکن صو کرا « ابوبکر ک قیزی بو ! » دیمشدی . [۱] بونکله
 برابر حضرت عائشه ایله حضرت زینب آراسنده کی محبت و مودت
 چوق قوتلی ایدی . رسول اکرم زینبی آلدیغی زمان ، عائشه زینبی
 تبریک ایتیمشدی . [۲] منافق لر حضرت عائشه یه افترا ایتدکلری ،
 زینبک همشیره سی (حنه) مفتریلره التحاق ایتدیکی زمان حضرت زینب
 حق و حقیقتدن قیل قادیار آریلماش ، رسول اکرم اوکا عائشه حقنده
 نه دوشوندیکی صور دیغی زمان « اونک یالکیز ایدکنی بیلورم » [۳]
 دیمشدی . حضرت عائشه ده زینبک فضیلت اخلاقیه سی ، تقوای
 واییلکنی دائماً تقدیر ایدردی . [۴] بر دغه حضرت زینب ، حضرت
 صفیه یه « یهودی » دیمش ، رسول اکرم اوکا کوجه نمش ، ایکی آی
 اوکا الفات ایتیمش ، نهایت حضرت عائشه توسط ایدرک رسول
 اکرمک عفوی نیازیتمش ، اوده زینبی عفو ایتیمشدی . [۵] حضرت
 عائشه « زینب » حقه ده « بن زینبدن دها دیندار ، دها تقوایور ،
 دها دوغرو درست ، دها جو مرد و رضای باری بی الحرازه خوا هشکر
 بر کیمسه کورمه دم . یالکیز زینب بر آ ز یتیزجه ایدی . فقط یتیز لکلر
 یایدیغدن چار چاپوق مادم و پشیمان اولوردی . » [۶]

عائشه و ام حبیبه :

حضرت عائشه ایله حضرت ام حبیبه آراسنده بر کونا اختلاف
 تحدث ایتدیکنه دائر بر روایت یوقدر . « اسماء رجال » کتابلرنده ،
 حضرت ام حبیبه نک اولوم خاستانی اثناسنده حضرت عائشه بی چاغیر تدیغی
 [۱] صحیح مسلم ، فضل عائشه . [۲] صحیح بخاری : تفسیر « لاندخلوا
 بیوت النبی » [۳] ما علمت فیها الا حیراً : صحیح بخاری ، قصة الافک
 [۴] صحیح بخاری : قصة الافک [۵] مسند ابن حنبل جلد ۶ ، ص ۲۹۵
 [۶] صحیح مسلم : باب فضل عائشه . نسائی ، حب النساء

و اوکا » اور تاقلر آراسنده ، نده اولسه ، برشی اولویور . بویله برشی اولدیسه الله ایکیمزی ده عفو ایتسین « دیدیکنی ، بالمقابله حضرت عائشه بك » الله جمله مزی عفو ایتسین و سنی بری ایله سین « سوزلرینی سویله دیدیکنی ذکر ایدیور . ۱۰]

عائشہ و میمونہ :

حضرت عائشہ ایله حضرت میمونہ آراسنده هیچ باختلاف یوقدی . حضرت عائشہ حضرت میمونہ بك ارتحالنده « ایچمزدہ اونك قادار تقوا پرور اولان یوقدی . » دیمشدی . ۲]

عائشہ و صفیه :

حضرت صفیه رسول اگرمله آنجاق اوچ سنه قالدی . حضرت عائشہ ، « صفیه » بك برحق مناقبندن و فضئلندن بحث ایدر . بونکله برابر حدیث کتابلرنده عائشہ ایله صفیه آراسنده شویله بر حادثه بك وقوع بولدی نقل اولونیور :

حضرت صفیه ، بالخاصه بك پیشیر مکده ماهر اولدیقندن برکون رسول اکرم عائشه بك نزدنده بولونویور ، عائشه ده رسول اکرمه بك حاضر لا یورکن صفیه رسول اکرمه برقاب بك کوندرمش ، حضرت عائشه بوتون زحمتك بوشه کیتدیکنی کوره رك اوفکله مش ، کوندردیکی یمکی یره دوشورمش ، بك کاسه سی ده پارچاپارچا اولمشدی . بر قاج دقیقه صوگرا حضرت عائشه حرکتندن نادم اولمش ، رسول اکرمه بو قصورینی ناصیل تلافی ایده جکنی صورمش ، رسول اکرم ده « بویله برکاسه و بویله بر بك اء دیمش ، اوده یکی برکاسه آلارق کوندرمشدی .

[۱] طبقات ابن سعد : جرؤ النساء صحیفه ۷۷۱

[۲] تهذیب التهذیب : ابن حجر جلد ۱۲ ، ص ۵۳

برار ككك متعدد زوجه لري اولورسه ، بونلر آراسنده خلوص
و محبت آراماز فقط كچن فصلده و يرديكمز ايساحادن اكلاشيلاجنى
وجهله خانه سعادت ، را اختلاف و غاوغا پرى ده كل ، حسن اخلاق
و حسن معاشرتك حكمفرما اولدينى را و جاقدى . بوى ايصاح ايچين
ويرديكمز بوتون معلومات كتب صحيحه دن آليمشدر : ياكى حضرت
عائشه بك ، حضرت صفيه طرفندن كونده ريلن بر كاسه يى دوشوروب
قىرماسى بوتون حديث كتابلرده مندرج ايسده . بخارى ايله مسلم بو
واقعه يى ذ كر ايدركن حضرت عائشه بك اسمنى تصريح ايتمه مكددرلر .
ابوداود ، نسائى ، و امام احمدك ارلرى ايله قيمت اعتباريله بك كرده
اولان بعض حديث كتابلرى حضرت عائشه بك اسمنى تصريح و بو
حادثه يى اولك آغزندن روايت ايدىورلر .

بوى روايت ايدنلرك باشنده (جسرۃ بنت دجانه) بولونويور .
بوك روايتى محدث (عجلى) ايله (ابن حبان) طرفندن توثيق اولونمش
ايسده امام (بخارى) اولك حقنده « جسرۃ بك روايتلرده نجه نجه
عجيبه لر ، غريبه لر وارد » دييور . [۱] (ابن حزم) اولك حديثى
حقنده « بو حديث باطلدر » دييور . [۲] بوروايتك ايكنجى راوىسى
(فليت عامرى) ياخود (افلت عامرى) در . اونى ده توثيق ايدنلر
بولونويورسه ده ائمه حديثك چوغنى اولك حقنده شومطالعهلرى درميان
ايدىيورلر : امام احمد اولك حقنده « روايتده باس كورميورم . » [۳]
(بغوى) ايله (خطابى) يه كوره امام احمد اولك حقنده « مجهولدر » [۴]
ديمش : ابن حزم « بو آدام ، غير معروفدر . موثوقيتله مشهور ده كلدر .
خاصة رحديثى باطلدر » ديمشدر .

[۱] عند جسرۃ عجائب (تهذيب) [۲] تهذيب [۳] لا باس به [۴] مجهول

(ترمذی) نك نقل ايتديكى بروايتہ كوره بردفعه رسول اكرم
 حضرت صفیه بی آغلا یورکن کورمش ، سببى صورمش ، اوده ،
 «عائشه ایله حفصه : بر رسول اكرمك نظریده دها معزز، چونکه هم
 اولك روجه لری ، هم ده اولك عمجه زاده لری یز، دیورلر» دیمش . رسول
 اكرم صفیه به تسلی ویرمش ، صو کرا اوکا سن ، یچین اولره جواب
 ویروب : «سر نامل بدن معزز اولاییلر سکنز که روجم محمد ، بابام
 هارون ، عموجهم موسی در» دیمه دك ؟ سیرت محررلرینك هپسی بو
 روایتی نقل ایدرلر . فقط امام (ترمذی) نك بو روایت حقه کی
 مطالعه سی شودر : «بو غریب بر حدیثدر . براونی آنجا حاشم الکوفی
 طریقی یله یلیورز» دیور [۱] محدثلرک هاشم الکوفی حقه کی مطالعه لری
 شودر : امام احمد «اونی طانیما یورم» [۲] ، ابن معین «بو آدم برشی
 دکلدر» [۳] ، ابوحاتم «بو آدم ضعیف الحدیثدر» [۴] ، ابن عدی ،
 «اولك روایت یتدکری ، درس آرقاداشلری تصدیق و تأیید
 ایته یورلر» [۵] دیور . بو بدن باشقا حضرت انسك حدیثده عائشه نك
 اسمی مصرح دکلدر .

امام (احمد بن حنبل) ك مسندنده روایت اولوندیغنه كوره برکیجه
 ام سلمه ، حضرت عائشه نك حجره سنده ایدی . رسول اكرم طیشاردن
 کادی . ام سلمه بی طانیما دی . حضرت عائشه ، رسول اكرم اشارت
 ایتدی . رسول اكرم اشارتی آ کلامای . ام سلمه صیقیلدی .
 رسول اكرم حدتله نوب عائشه به شدتلی سوزلر سوبله دی ، صو کرا

۱ [هذ حدیث غریب لائعرفه الا من حدیث هاشم الکوفی ... ترمذی
 (فضل ازواج النبی) ۲ [لائعرفه ۳ [لیس بشی ۴ [ضعیف الحدیث
 ۵ [مقدار مایورده لایتابع علیه

قالقوب حضرت فاطمە نك يانە كيتدى . او كا « عايشە سىنك حەقنە شوبلە سوبىلور ، بوبلە سوبىلور » ديدى . بو حديثك راويلرى ايچىندە ايكنجى اولان (على بن زيد تىمى) در . اونك حەقنە ابن سەد : « اوندە ضعف واردر . اونكلە احتجاج اولونماز » [۱] ، امام احمد : « بو قوتلى دكلدر ، برشى دكلدر ، ضعيف الحديث » ، [۲] يحيى : « ضعيفدر ، هرشيدە ضعيفدر » [۳] ، جوزانى « واهيدر » [۴] حاكم : « محدثين نزدندە متين دكلدر » [۵] ابوزرعه : « قوتلى دكلدر » [۶] امام بخارى « اونكلە احتجاج اولونماز » [۷] ديبور .

سير كىتابلارندە بونارە مائىل روايتلر چوقدر . بونلرك منبى اك زياده « واقدى » ايله « كلې » در . واقدى ، اك مشهور كذابدر . (كلې) نك صفى ايسە « متروك » ، غير موثوق و رافضيدر . امام احمد ديركە : « بو آدام ماصالچى و داستانچيدر . بر كيمسە نك اوندىن حديث روايت ايدە جگى ظن ايتزدم . » [۸]

[بوقيصاجق تحقيقايدن دە آكلاشيلديغى وجهلە بر طاقم ماصالچيلر ، داستانچيلر ، مشهور ياللاجيلر هر كسى اكەندىرەيم ديركن ، رسول اكرمك حيات زوجيه سەنە دىل اوزاتدقارينك فرقنە وارمايارق درلو درلو اويدورمالر ، ارجوفه لر براقشيلر ، اسلاميتك دشمنلرى

[۱] فيه ضعف ولا يحتج به (بن سعد)

[۲] ليس بالقوى ، ليس بشئ ، ضعيف الحديث (امام احمد)

[۳] ضعيف ، ضعيف فى كل شي (يحيى) [۴] واهى الحديث (جوزانى)

[۵] ليس بالمدين عندهم (حاكم) [۶] ليس بالقوى (ابوزرعه)

[۷] لا يحتج ، (بخارى)

[۸] ان كان صاحب سمر ونسب ماظنت ان احدا يحدث عنه (امام احمد)

بۇنىلاردىن استفادە وبۇنىلارنى استناد ايدىرك بىر طاقم ھىيانلار دەبولۇنمىشلاردىر .
 بۇنىلارنىڭ علمى وحقىقى بىر طرفە بىراق قىر يالانچىلار ، ماسالچىلار ،
 استناد ايتىملىرى ، اۇنلارنى ياقىشىر بىر ھالدا . اۇنلار اىچىن ، تارىخى
 حقيقتى بىر قىممىتى يوقدۇر . چۈنكى ھەقىقىتى علم دەكل ، كىندى
 مقصدلارنى كۆرەپروپاغاندا دۇر . بۇكى پروپاغاندا لار ، بۇكى ساختەكارلار ،
 علمى قاطم بىر ھانى قارشىسىندە مقهور و پرىشان قالمىغە محكومدۇر .
 بىز كىتب صحىيەدن استىخراج ايتىدىكىمىز حقايق ، خانە سعادىتى ،
 اك تام واك كامل معناسىلە بىر كاشانە نبوت اولدىغى و اورادە حاكم
 اولان يكانە شىئىك معالى اخلاقى و فضائل انسانىيە اولدىغى اك صريح
 و قاطى صورتدە كوسترىيور . اك معتمد و موثوق منابعك ، تارىخى
 حقايقى بىزە كوستردىكى منظرە بودۇر . [۱]

سكزنجى فصل

پيغمبرى مېركى اولادلىرى ۋە حضرت عائشە

حضرت خديجه بك دوغوردىنى چوققلاردىن دوردى، حضرت عائشە بك اوەكى اولادلىرى اولشلاردى . بولار: زىنب، رقيه، ام كلثوم، فاطمە در . زىنب، رقيه، ام كلثوم، حضرت عائشە بك پيغمبرى مېركى وارماسىندىن مقدم اولەمش بولونويورلاردى . حضرت رقيه هجرتك ايكىنجى سەنەسەندە، حضرت زىنب هجرتك سكرنجى سكرنجى سەنەسەندە، ام كلثوم هجرتك دو قوزنجى سەنەسەندە وفات ايتىشلاردى . حضرت عائشە ايله رسول اكرمك اولادلىرى آراسىندە بركو ما اختلاف چىقدينى كوسترە جك برشى يوقدر.

حضرت عائشە رسول اكرمىدىن شو حديث شريفى نقل ايدىيور: « بنم آغوش شىقتىدىن قايلان قىزم انى قىزمدى . » [۱] رسول اكرم بو حديثله شهيد ايدىلان حضرت زىنبى صوك درجه سەودىكىنى آ كلاتمقەدر . رسول اكرم زىنبى قىزى اولان طورونى (امامه) نى ، چوق سەوەر ، اونى مسجەدە كىتىر ، نماز قىلاركن يانە بولۇدورردى .

حضرت عائشە بك ازدواجى اتىسىندە (فاطمە) نوز اولەنمە . مشدى . حضرت عائشە بك ازدواجىدىن بىر سەو كرا حضرت (فاطمە) حضرت (على) يە وار مشدى . حضرت عائشە ، فاطمە بك دو كونى ايچىن بايىلان حاضرلە اشتراك ايتىش، دو ئون ايچىن ياك پيشىر مشدى .

حضرت عائشه بك روایتہ كوره حضرت فاطمه بك دو كونی اوزمان
 یاپیلان دو كونلرك اك ایسی ایدی . ۱۰] فاطمه بك دو كوندن صو كرا
 اقامت ایتدیكى خاه ، حضرت عائشه بك حجره سنه متصلدی . ایكى
 مسكنی آیران دیوارك اورناسنده بر حجره واردی ، عائشه ایله فاطمه ،
 بو حجره دن بر بر لریله قونوشورلردی . ۲۰]

هیچ بر حدیث کتابی ، حضرت عائشه ایله حضرت فاطمه آراسنده
 بر كونا اختلاف و مناره و قوعندن بحث ایتمه یور . بونون حدیث کتابلری
 عائشه ایله فاطمه بك غایت ابی کچیندکلرینی ، ایکیسی آراسنده محبت
 و صمیمیتك حاکم اولدیغنی تأیید ایدیور . بر كره ، زوجات طاهرانك ،
 حضرت فاطمه پی نزد رسالتپناهی به كوند دکلری ، اولجه موضوع بحث
 ایتش بولونویورز . اوزمان رسول اکرم حضرت فاطمه به قیزم ، سن ده
 بنم سه و دیکمی س و مز میسك ؟ ، دیتش ، حضرت فاطمه ، حرکتندن
 محجوب اولارق دوشمش ، زوجات طاهرانك اونى بردها كوندرك
 ایسته مه لرینه رغماً بواشی در عهده ایتك ایسته مه مشدی . ۳]

حضرت عائشه ، فاطمه حقنده دیور كه : « حضرت پیغمبردن
 صو كرا حضرت فاطمه قادار ابی بر انسان كورمه دم » ۴]
 بر كون تابعیندن بری حضرت عائشه به « رسول اکرم اك چوق
 کیعی سه وردی ؟ » سؤالی صورمش ، عائشه شو جوابی ویرمشدی :
 « فاطمه پی ! ، حضرت عائشه دیور كه : « فاطمه قادار رسول اکرمه

[۱] بولك تفصیلاتی (ابن ماجه) نك (باب الولیه) سنده در .

[۲] خلاصة العرفانی اخبار المصطفی : فصل رابع

[۳] صحیح بخاری

[۴] زرقانی (طبرانیك معجم الاواسطندن نقلا)

بر لکده بولونان بر کیمسه یوقدی. فاطمه کلدیکی زمای رسول اکرم
آیاغه قلقارق اونی استقبال ایدر، اونک آلتی اوپر، صو کرا برینه
اوتورتوردی « ۱ » حضرت فاطمه نك اهل بیتدن و آل عبادن اولدیغنه
دائر اولان حدیث حضرت عائشه دن مرویدر « ۲ »

عائشه دییور که : « بر کون، بوتون زوجات طاهرات، حضرت
پیغمبرك حضورنده ایدك. بزاوتورییورکن (فاطمه) کلدی. فاطمه نك
بوتون احوال و حرکاتی، رسول اکرمك اوضاع و حرکاتنه بکزه ردی.
رسول اکرم فاطمه نی چاغیردی ویاننه اوتورتدی. صو کرا اونک
قولاغنه برشی فیصیلادی. فاطمه نك کوزلرندن یاش کلدی. رسول
اکرم، فاطمه نك تأثرینی کوردرک اوکا برشی دها فیصیلادی. اوده
تسم ایتدی. اوزمان فاطمه یه بونک سببنی صوردم. فاطمه، بونک
سببنی افشا ایتک ایسته مدهی. حضرت پیغمبرك ارتحال دن صو کرا
فاطمه دن بر کره دها صوردم. فاطمه شو جوانی ویردی : «بابام اولاه،
خاستالغی نتیجه سنده ارتحال ایدم جگنی سویله دی. کوزلرمدن یاش
کلدی. صو کرا بکا، عائله بی ایچنده کندیسنه ایلک ملاقی اولاجق
اولانک بن اولدیغمی خبر ویردی، بنده اوندن ممنون اولدم « ۳ »

بو حدیث، عائشه ایله فاطمه نك ارتحال نبویدن صو کراده غایت
ای کچیندکلرغی، میراث مسئله سندن طولانی فاطمه نك ابوبکره مغیر
اولماسنک اونک حضرت عائشه ایله مناسباتنه تأثیر ایتمه دیکنی کوسترییور.
حضرت عائشه ایله حضرت فاطمه آراسنده کی مناسباتک ای

[۱] جامع ترمذی. باب المناقب

[۲] صحیح مسلم : باب الفضائل

[۳] کذا صحیح بخاری، باب من ناجی بین یدی المسلمین

حضرت عایشہ : پیغمبر یمزك اولادلری و حضرت عایشہ ۹۳

اولامسنه مبنی ایکی مسکنی آیران دیوارده کی پنجره نك سد اولوندیغی
خبر ویریلورسه ده بو خبرك راویسی اولان ابن عبدالحمید ، اعتباردن
ساقط برآدامدر ، صوکر ا شیعیدر . بۇ شیعیلکی سبب ضعف تاقی
ایتمه مکه برابر ، شیعیلرک حضرت عائشهیه متعلق روایتلری قبول ایدمه یزه .

دوقوزنجى فصل

افك واقعسى

مسلمانلار كى مدينه يە مواصلەتدن سو كرا دوچار اولدقلارى فلا كتر،
(مكه) ده دوچار اولدقلارى فلا كتر دن باشقا رماهيته در. مدينه ده،
منافقلردن متشكل بر زمرة پيدا اولمشدى. بونك ايشى كوچى، مسلمانلق
عليه نده ترتيباتده بولومقدى. منافقلر كى اسلاميته قارشى دشمنلقلرى،
اك چير كين واك فجيع دشمنلقدى. چونكه بونلر، صورتا دوست
كورون، فقط ايچين ايچين اذليل واك مستهجن تعرضلرده بولونان
كىمسه لردى. مسلمانلق، مدينه ده اك خالص واك صميمى دوستلردن
برچوقلرني قازاندينى كى اوراده اك ريكار و اك عدار دشمنلرله ده
قارشىلاشدى. منافقلر كى هدف تعرضى، مسلمانلر كى شرف وحيثيتى
ايدى. منافقلر، مسلمان عائله لرى ايچنده رطاقم منازعلر چيقارمق
ايچين نصيحتاتده بولونورلر، بو تصنيعات ايله خانمان سوندورمك كى
دنى مقصدلر تعقيب ايدرلردى. مسلمانلر متيقظ داورا ماسهلر
ودشمنلرينك ماهيته واقف اولماسهلر منافقلر كى تصنيعاتى اونلرى برلرینه
دوشورر، مسلمانلر آراسنده بو تصنيعات يوزندن قانلى مجادله لر وقوع
بولوردى.

منافقلر كى بوچير كين تصنيعاتندن برى، حضرت عائشه يه افترا در.
بوافرا «افك واقعسى» ناميله معروفدر.

مدینه دہ کی منافقوں کے بویوک دشمنوں کی، ابوبکر ایہ حضرت
 عمر دی، منافقوں، حضرت عائشہ ایہ حضرت حفصہ بی لکھلہ مکہ
 موفق اولورلر رسول اکرمی بویکی آرقاداشندن آیراییلہ جککری نی
 ظن ایدرک بویکی تمیزناصیہ قارش برطاقم تعریضاتده بولومشاردی.
 «نجد» قربند، (بی مصطابق) ک (مریسیع) نامند برصوبی
 واردی. هجرتک بشنچی سنه سی شعبان آینده مسلمانلر ایله بوقبیله
 آراسنده بر منارعه وقوع بولمشدی. منافقوں، بنی المصطلق ایله وقوع
 بولاجق محاربه ک شدتلی اولمایاجغنی بیلدکلی ایچین مسلمانلرله
 برلکده حرکت ایتشاردی. (ان سعد) دیورک: «رسول اکرمله
 برلکده برچوق منافقوں حرکت ایتشاردی. منافقوں، هیچ برغزیه
 بوقادار واسع مقیاسده اشتراک ایتدهشاردی.»

اولحه ایضاح ایتدی کمز وجهله رسول اکرم بر سفره چیقده
 زوجه لریدن بری برلکده کوتورردی. بوسفر اثناسنده رسول اکرمه
 حضرت عائشه رفاقت ایدیوردی. عائشه، سفره چیقورکن، همشیره سی
 اسمادن برکردنلق استعاره ایتمش، اونی بویوننه طاقمشدی.

بوسفر اثناسنده منافقوں برقاچ دفعه مسلمانلری بر برینه دوشورمک ایچین
 اوضراشدیلر، بر دفعه منافقوں انصار ایله مهاجرینی قلیج قلیجه کتیره جک
 درجه ده آرالرینه فتنه وفسادالقا ایتشاردی. منافقوں رئیس (عبدالله بن ابی)
 انصاری، مسلمانلره یاردیمدن واز کچیرمک ایستیور، و «مدینه یه
 دونجه عزیز اولاندرک ذال اولانلری اورادن چیقاراجقلری» [۱]
 سویلیوردی.

رسول اکرم، انصاری طویلایارق اونلره وقعہ بی آکلاندی.

انصار ، بوجرمده در خلد او اولا متله برابر متأثر اولدیله . (عبدالله بن ابی) عمومك نفرتی قازاندی اولك كندی قیزی بیله كندیسندن نفرت ایدرك آتنك یولاری طومش ، و ذلیل اولدیغی ، محمدكده عزیز اولدیغی اقرار ایتهدن سنی براقاه جغم . دیمشدی [۱]

بر کیجه قافله بر یره قوندی . کیجه یاریسندن صو کرا حرکت حاضر لادی . حضرت عائشه ضرورت اقتضاسیله قافله دن بر آز آیریلشدی ، دوندیکی زمان بویوننده کی کردانانك قویوب دوشدیکنی حس ایتدی . بو کردانلق ، آبلاسنك اولدیغی ایچین اونی آریوب بولق ایسته دی . عائشه کردانانی بولوب دوندیکی زمان قافله حرکت ایتشدی . قافله نك قوندیغی یرده بر کیجه قالماشدی .

حضرت عائشه چارشافنه بورونهرك قافله نك بولوندیغی یرده بکله دی . هر حالده کندیسنی تحت رواننده بولامانجه آریاجقرو بوراده بولاجقاردی . (صفوان بن المعطل) عسکرک کریسندن کلیوردی .

(صفوان) ك وظیفه سی عسکرک لوازمیله مشغول اولمقدی . صباحه دوغرو عائشه نك بولوندیغی یره وارانی صفوان ، حضرت عائشه یی طاییدی ، دوه سندن اینهرك اونی دوه سینه بیندیردی و اونی قافله یه اولاشدیردی . حضرت عائشه دوه دن اینهرك كندی دوه سینه بیندی و یولنده دوام ایتدی . بوپك بسیط و یولده معتاد اولان وقعه ، منافقار ایچین بر سرمایه مقال تشکیل ایتدی . منافقارک رئیس (عبدالله ابن ابی) در حال حضرت عائشه علینده بهتانه بولوندی . بو بهتانی هر طرفه اشاعه ایتدی . تمیز قلبی مسلمانلر ، بو شایعه یی دویدقلری زمان ، « یارب ، بونه مدھش بهتان ! » دیدیلر . حضرت (ابی ایوب) ، زوجہ سی

«ام ایوب» ه شو سوزلری : سویله دی « ام ایوب ! سنك حقكده بویله
برشی سویله نسه قبول ایدرمیسك؟ .. » ام ایوب « حاشا ، دیدی ، اصیل
و شریف بر انسان بویله برشی یاماز . »

(عبدالله بن ابی) دن باشقا شایعه یی ترویج ایدن بر قاج کیشی دها
واردی : حسان بن ثابت ، حمه بنت جحش ، مسطح بن اثاثه .
حال بوکه (حسان) ایله (حمه) بوسفره اشتراك ایتمه مشلردی . (حسان)
نشر اولونان شایعه نك دوغرو اولدیغنه اینانما یور ، فقط (صفوان) ك
محجوب دوشمه سندن ممنون ایدی . (حمه) پیغمبریمزك زوجه سی
حضرت زینبك همشیره سی ایدی . اونك مقصدی ، حضرت عائشه یی
دوشوره رك کویا همشیره سنه خدمتدی . (مسطح) ایسه حضرت ابوبكر ك
بر لطف دیده سی ایدی ، بوتون حیاتی اوکا مدیوندی .

شبهه سز دنیاده شرف قادار عزیز برشی یوقدر . اك كوچوك
تعریض اونى صوك درجه اینجیتیر ، ناموسلو و شرفلی بر انسانك
حیثیتنه قارشى بر یالان بیله سویله نسه بو اونى اوزره وازر . حضرت
عائشه ، ملعونانه بر طاقم مقصد لرله علیهنده تصنیع اولونان افترا دن
تمامیله خبر سزدی . بر کیجه حضرت عائشه ، (ام مسطح) له بر لیکده
طیشاری چیقش ، (ام مسطح) ك یولده آیاغی قایدیغی زمان اوغلنه
بد دعا ایتشدی . حضرت عائشه بوکا اعتراض ایدرك « اصحاب دن برینه
فاصل بد دعا ایدیورسك؟ » دیدی . (ام مسطح) ده وقعیه یی آ کلاتدی .
حضرت عائشه علیهنده کی افترا دن خبر دار اولونجا عادتاً کندنن کچدی .
والده سنك زردینه قوشارق بو افترا نك زردن چیقدیغنی صوردی .
والده سی اوکا تسلی و یردی . بو آراق انصار دن بر قادین کلدی و حضرت
عائشه یه بوتون دیدی قودی یی آ کلاتدی . دیمك که عائشه حقنده بویله

بر افتراك اغزىدن آغزه دولاشدىغى محققدى . عائشه يە ، بردن بىرە
 فئالق كلىدى ، يىرە دوشدى ، بايلىدى ، حضرت ابوبكر ايله زوجەسى ،
 قوشوب عائشەنى قالدېردىلار . اوكا بوكى افتارلرە اهميت وېرمەسنى ،
 چونكى حقيقتك ھىر حالە آ كىلاشلا جىغنى سويلەدېلار . حضرت عائشە دە
 قالىقوب اوينە كىتدى . فقط اوينە كىتەكەن سوكرە خاستالاندى ،
 شدتلى بىر ھايە اوغراىدى . رسول اكرم اوغراىر وعائشەك خاطرې
 استفسار ايدردى . فقط عائشە ، رسول اكرم كەندىسەنە اسكىسى
 كى التفات اىتمەدىكى ظن ايتدى ، بونك اوزرىنە مساعىدە اىستە يەرك
 باباسنك اوينە كىتدى . حضرت عائشە ، عاپىندە اويدورولان بو افترادن
 او درجە متأردى كە كىجە كوندوز آغلايوردى . حضرت ابوبكر قىزىنك
 بو حالندن متأثر اولويور ، او كاسكونت توصىە ايدىيور ، فقط سوزلر ،
 حضرت عائشەنى تسكىن ايتىيوردى . حضرت عائشەك والدىسى اوكا
 « قىزم ، قوجەسى سەون بىر قادىن ، بوكى صدمەلرە قارشى كلك
 مجبور ايتىندەدر . » دىيوردى .

(صفوان) ، حسانك كەندى عاپىندە سوز سويلەدىكى واونى ھجو
 ايتدىكى خبر آلاق قىلىجى چكەش ، حسانى اولدىرمك ايچىن حرەكەت
 ايتىشدى . (صفوان) بو حال ايله ياقالانارق رسول اكرمك حضورىنە
 كىتىرىلش ، رسول اكرم اونی بو حرەكتەن واز كچىرىش ، حسانى دە
 چاغىرارق تلطف ايتىشدى .

حضرت عائشەك معصوم اولدىغىدە شەھە يوقدى . بونى ھىر كەس
 كوسترمك ايچىن ، تحقيقات اجراسى ايجاب ايدىيوردى . رسول اكرم ،
 حضرت على و حضرت اسامە ايله استشارە ايتدى . اسامە ، حضرت
 عائشەك معصوم اولدىغى سويلەدى . حضرت على ايسە « دنيادە قادىن

قېتلغى يوقدر. دېدى وبوصورتله دېدى قوديدن قورقولويورساوونى
 بوشامق لازم كلدېكنى آ كلاتدى، سو كرا عائشه نك خدمتچىسىندىن
 تحقيقات اجراسنى توصيه ايتدى. عائشه نك خدمتچىسى چاغىر يلاق
 كندىسنه بعض سؤاللار ايراد اولوندى. اوده يالكىز حضرت عائشه نك
 دالغىن اولديغنى وخامورك باشنده بكار كن اويويارق خامورى كچلره
 بيدردىكنى سويله دى. حضرت عائشه نك معصوميتنه شهادت ايتدى.
 بعض روايتلره كوره حضرت (على) خدمتچىنى اقراره سوق ايچىن
 دوكمش، حضرت (على) نك كوستردىكى بوشىدت، اولك عائشه يه
 قارشى بر اغبرارى اولديغى حسنى ويرمش؛ امويلر، حضرت على
 عليهنده كى ادعالرنده بوندن ده بحث ايتىلاردى. امام زهرى، بونى او
 زمان شدتله رد ايتىلدى. زوجات طاهرات ايچنده كندىنى حضرت
 عائشه نك مقامنده كورهن برى، حضرت (زينب) دى. زينب ك شمشيرى
 (حنه) عائشه عليهنده ايدى. حضرت (على) زينبه كيدرك عائشه حقنده
 فكرينى صورمش، اوده «عائشه نك ايلككندن باشقه برشى بىلاميورم.»
 دىمىلدى. بونك اوزرينه رسول اكرم اصحابى طوپلادى. حرملىرىنى
 معصوم وپاك دامن اولديغنى آ كلاتدى. سو كرا اهل بيتى حقنده
 اسناداتده بولونان بو آدامك جزاسنى كيمك ويره جكنى صوردى.
 اوس رئيسى (سعد بن معاذ) آياغه قالقدى: «يارسول الله، بن !
 ديدى. شايد بو آدام اوس قبيله سندن ايسه، اوكا درحال جزاسنى
 ويررم. خزر جدىن ايسه، امر ايدىكز، اونى ده يوله كتيريرم.» سىدك
 بوسوزى خزر ج رئيسى (سعد بن عباد) يه دوقوندى. (سعد بن عباد)،
 (سعد بن معاذ) ه شدتله اعتراض ايتدى: «سن بنم قبيله مه منسوب
 بر آدامى اولديره مىزىك! سندن ده او قوت يوقدر.» ديدى. بوسفر،

«سعد بن معاذ» ك عجمه زاده سبي (اسيد بن حضير) قالقدى: «بو منافقانه بر سوزدر، سن منافقلر طرفدار اولويورسك.» ديدى. ايكي طرفك حسياتى آله ونمئش، وضعت صوك درجه نزاكت كسب ايتشدى. رسول اكرم مداخله ايدرك ايكي طرفى صوصدوردى و غليانه باشلايان حسياتى تسكين ايتدى.

بوني متعاقب رسول اكرم حضرت عائشه نك اوينه كيتدى. حضرت عائشه خاستا و مضطربدى. آناسى و باباسى اونك صحتيله مقيد ديلر. رسول اكرم، عائشه نك ياننه كيتدى. حضرت عائشه يه شوسوزلرى سويله دى: «عائشه، بر كناه ايشله دكسه توبه ايت، جناب حق توبه لرى قبول ايدر. بر كناه ايشله مه دكسه، جناب حق سنك پاك و طاهر اولديغكه شهادت ايدى جكدر.» حضرت عائشه، جواب ويرمه لرى ايچين وائده سيلاه، باباسنك يوزينه باقدى. فقط اونلرده بر شى ديمه ديلر. حضرت عائشه ديوركه: «بو حالى كور و مچه كوزلرمك ياشلرى قورودى. قلمده معصوميتك ويرديكى حضور حاكمدى. بى كناه اولديغم حالده كنديمى كناهكار كوسترسم هر كس بوكا اينانا جق، بى كناه اولديغمى سويله سهم كيمسه اينانماياجق، بوكا قارشى نه ياپايم. بنده حضرت يوسفك باباسى كى «سزك بو حال و حر كتكزه تلاشسز قاتلانمقدن باشقه چاره يوق. سزك بو حال و حر كتكزه قارشى آنجاقللهك يارديمى ديلرم، ديوردم.» منافقلر بو فتنه و فسادايله شو مقصدلرى استهداف ايدىيورلردى:

۱ — رسول اكرم و حضرت ابوبكر ك شان و شرفنه اهانت ايتمك.

۲ — اهل بيت آراسنده تفرقه وجوده كتمرمك.

۳ — مسلم انلرك اتحاديى بوزمق و اونلرك اجتماعى قوتنى تارمار ايتمك.

منافقلر ياواش ياواش امللرينه نائل اولويورلردى.

فقط بوصیراده غیك اسانی قونوشدی وحق ایله باطلی آیردی.
حضرت عائشه دییور که : « رسول اکرمه ، وحی زمانلرنده دوچار
اولارق الكصووق کونلرده آلندن انجی دانه لری کی تر دو کدیرن
حالت کلش ، صو کرا بو حال کچمش ورسول اکرم شو آیتلری تلاوت
بویورمشدی :

« حضرت عائشه یه قارشى بهتان ایدنلر سزك ایچکزدن بر طاقه در .
سز بوافترایى حقکزدده فنا برشی صامایک . بلکه بوافترا سزك حقکزدده
خیرلیدر . اونلرک هر بری ایشله دیکی کناهک جزاسنه چار پیلاجق
افتراک بویوکنی اوزرینه آلان مدهش بر عذابه اوغرایا جقدر .
مؤمنلر و مؤمنه لر بوافترایى ایشدکلری زمان عائله لری حقنده حسن ظنده
بولونه رق ، « بواب آچیق بوافترادر . » دیلمیدی . مفتیرنر نیچین درت
شاهد کتیرمدیلر ؟ مادام که شاهد کتیرمه دیلر . اونلر نظر الیهیده
یالانچیدرلر . اللهم دنیا و آخرتده حقکزدده عنایت و رحمتی اولماسه یدی
بوافترا کزدن دولایى بویوک بر عذابه اوغرازدیکیز . سز بوافترا
حقنده بر یلکیکیز اولمادیفی حالده دیلر یکیزله نقل ایدیور ، آغز لریکیزله
سویله یوردیکیز . نظر الیهیده بویوک بر وبال اولدیفی حالده سز اونی
اهمیتسز برشی صانیوردیکیز . بوافترایى دویدینگیز زمان نیچین « بویله
برشیشی آغزه آلق نزه یاراشماز . آمان اللهم بر سنی تنزیه ایدرز . بونه
بویوک بهتاندرا ! » دیمه دیکیز ؟ مؤمن ایسه کیز جناب حق سزه
بوکا بکیزر برشیشی اصلا تکرار ایتمه مکیزی اخطار ایدر . جناب حق
سزه ایاتی بیلدیریور . علیم و حکیم اودر . اونلر که اهل ایمانی بدنام
ایتمه یی سوه رلر ، اونلر ایچین دنیا ده ده ، آخرتده ده الیم بر عذاب
واردر . جناب حق بیلیر وسز بیلمز سکیز . اونلر که با کدامن ،

معصوم و مؤمن قادينلر حقه افتراده بولونورلر ، دنيادده عبادده لغته دوچار اولورلر ، قيامت كوني اونلرك ديللري ، اللري و آياقلىرى يابدقلىرىنه شهادت ايدر . [۱۰]

رسول اكرمك بو آيات كريمه يي تلاوتى متعاقب حضرت عائشه بك والده سى قيزينه « قيزم ، قلق ، زوجكك يانه كيت . » ديدى . حضرت عائشه : « بن يالكز جناب حقه شكر ايدرم . باشقه كيمسه يه متم يوقدر . » ديدى . بونى متعاقب مجرملر حقه جزالر تطبيق اولوندى . [۲] شاعر حسان اولجه وقوع بولان قصورينه قارشى حضرت عائشه مدحده برقاج شعر يازدى . ابن اسحاق بونلري نقل ايدر . بخارى ح . مالك يازديغى شعرلردن بريى نقل ايدر . [۳] بو بيتده حضرت عائشه بك معصومتي ، وقارى آكلاشيلمقده ، اونك بوصفتلرينك هر شئك وشبهه بك فوقده اولديغى سويله نيلمكده در .

انكابر مستشرقى ويليام ميور (حيات محمد) عنوانلى اثرده

(۱) ان الذين جاؤا بالافك عصبة منكم لا تحسبوه شراً لكم بل هو خير لكم اكل امرئ منهم ما اكتسب من الاثم والذي تولى كبره منهم له عذاب عظيم . لولا اذ سمعتموه ظن المؤمنون والمؤمنات بانفسهم خيراً وقالوا هذا افك مبين . لولا جاؤا عليه باربعة شهداء فاذلم يأتوا بالشهاداء فاولئك عندالله هم الكاذبون . ولولا فضل الله عليكم ورحمته فى الدنيا والاخرة لسكنم فى ما افضتم فيه عذاب عظيم اذ تقونه بالسفككم وتقولون بافواهكم ما ليس لكم به علم وتحسبونه هيناً وهو عندالله عظيم . ولولا اذ سمعتموه قلتم ما يكون لنا ان نتكلم بهذا سبحانك هذا بهتان عظيم . يعظكم الله ان تعودوا لمثله ابداً ان كنتم مؤمنين . ويبين الله لكم الايات والله عليم حكيم . ان الذين يحبون ان تشيع الفاحشة فى الذين آمنوا لهم عذاب اليم فى الدنيا والاخرة والله يعلم وانتم لاتعلمون . . ان الذين يرمون المحصنات الغافلات المؤمنات لعنوا فى الدنيا والاخرة ولهم عذاب عظيم يوم تشهد عليهم لسنتهم وايديهم وارجلهم بما كانوا يعملون . (سورة نور)

افك حادثہ سی مناسبتیہ سورو سورو خطا لردہ بولونور . بواثر دہ کی
 ہدفز بوخطا لری برر برر تصحیح ایتك دگلسہ دہ بونلرك برغونہ سنی
 کوسترہ جکز . میور دیورکہ :

« (بنی مصطلق) ہ قارشی کوندریلن قوت مدینہ یہ عودت ابتد کی
 زمان عائشہ نك تخت روانی مسجدہ متصل قاپی یانندہ یرہ ایندیریادی .
 تخت روان آچیلنجہ ایچندہ برکیمسہ بولونادیفی آ کلاشیلدی . براز صوگرا
 مهاجرلردن اولان صفوان کوروندی . عائشہ اونك دودہ سنك اوزرندہ ایدی .
 صفوان دودہ نك یولارینی طوتیوردی . صفوان استعجال کوسترمہ سنہ رغماً
 آوردوہ یتیشہ مہ مشدی . اونك ایچون عائشہ آجاق خلقك کوزی اوکنندہ
 شہرہ کیرہ بیلادی . »

میورك بویاماتی حدیث کتابلرینك روایتلرینہ وبوتون اسلامی
 روایتلرہ مخالفدر . میورك مقصدی حقیقی تمامیلہ تحریف ایتمکدر .
 چونکہ بالاتفاق ثابت اولدیفی وجهلہ صفوان حضرت عائشہ نی آوردوہ
 یتیشدیرمش و حضرت عائشہ آوردو ایلہ برلکدہ مدینہ یہ کیرمشدی .
 بناء علیہ میورك بوتصویری کندی خیالاتنك محصولیدر .

میور دہا صوگرا حسامك عائشہ حقندہ یازدینی نظمندن بحث
 ایدرك شو سوزلری سویلر :

« حسان حضرت عائشہ حقندہ کی فکرینی دکیشدیردرك اونك حنندہ
 غایت کوزل برنظم یازدی . بونظمده عائشہ نك عفتندن ، حنندن ، کیاستندن ،
 سیرسنك لطافتندن ، وجودینك تاسبندن بحث ایتدی . حسامك عائشہ نی
 بوشکلده مدحی باریشمالرینہ سائق اولدی . »

انکلیزلرك اك بویوك مستشرق ، اك متبحر اسلامیات عالمی
 طانیلان بوآدام ، حسامك هانکی بیتندن ، عائشہ نك حسنندن ،
 وجودندن بحث ایدیلدیکنی چیقاریبور ؟ حسامك شعرندہ بویلہ رشیدن
 ذرہ قدر اثر یوقدر . میورك بوشخصی وکیفی بیاناتی اونك وقوفسزلغنی

بوتون چيپلاقغىلە شەھىر ايدىيور .

انكلىزلرك بومتبحر مستشرقى بوتخيلاتندە دوام ايدرك ديركە :

« حساك شعرندە عائشەك كوزەلكى وبدنندەكى تناسب تعريف ايدلەكەن باشقە عائشەكك نحييف اولديغندە دە بحث اولونيوردى . حسان شعرىنى انشاد ايدركەن بومصراعە كلدىكى زمان عائشە شاعرك شيشمانلغنى يوزبەنە اوردى . »

ميورك بوسوزلرى نرەدن چيقاردىغنى آكلامق ايچىن حضرت عائشەدن باحث بوتون اثرلرى ، بوتون روايتلرى برر برر تدقيق ايتدك . فقط هيچ بريردە بوكا بىكزەر برشيئە راست كەدك . نتيجه دە آكلا دق كە اوروپا لىلرك الك متخصص عربيات عالمى صاييلان (ميور) دە صر بجه يي آكلامقدن عاجزىر . حسان شعرندە حضرت عائشەكك عفيف ، وقور برقادىن اولديغنى ، عفت ووقارينك هر شك وشبهه فوقندە اولديغنى سويلەدكەن صو كرا اونك هيچ بر زمان انسان اتى يمه دىكى سويلە يوركە صر بجه دە بوتعبير حضرت عائشەكك بر كيمسەك غيبتندە بولونما دىغنى آكلا تير . حسان بو سوزلە حضرت عائشەكك عمرندە بر كيمسە يە فنالق ايتىدىكى ، بر كيمسە حقندە ديدى قودى يانما دىغنى آكلا تيوردى . حسان بو مصراعنى اوقودىغى زمان حضرت عائشە اوكا ، بالخاصە اونك افك حادثە سەندە اختيار ايتدىكى وضعيته ايما ايدەرك « فقط سن بويلە دكلسك ، يەنى سن غيبت ايدرسك . » ديمشدى . ويليام ميور ، حضرت عائشەكك وجودندىن ، نحيفلەكەندىن ، حساك شيشمانلغندىن بحث ايدىن سطرلرىنى حساك بو مصراعندىن چيقارييور . اونك بو كولونج علمنە شاشمامق ممكن دكلدر . بو كى حاللر آوروپا علماسىنە مخصوصدر . مع مافيه (ميور) دە حضرت عائشە حقندەكى بهتانك باطل اولديغنى انكار

ایدیه مہرک اثرندہ بونی اعتراف ایدیور .

[بوتون روایتلر حضرت عائشہ مک معصومیتنی اثبات ایتدیکی کبی درایت اساسلرینی بوحادثہ یہ تطبیق ایتدی کمز تقدیرده یہ حضرت عائشہ مک معصومیتنی درحال توضیح ایدر . بر کره حضرت عائشہ ابوبکرک کریمہ سی ایدی . حسب ونسب تربیہ واصلت اعتباریلہ اک یوکسک موقعده اولان حضرت عائشہ رسول اکرمک زوجہ سی اولق اعتباریلہ ، بوتون مسلمانلرک اک یوکسک اک واک علوی حرمتیلہ قارشیلان بوردی . اک نریہ محبط ایچنده بویوین ، کندین بیلدیکی کوندن بری مسلمان اولان حضرت عائشہ ، اک تمیز اخلاق ایلہ منخلق ، عقیف ووقور برقادیندی ، هرکسه حرمت حصی ویرهن کامل بر انساندی . انک ایچین حیاتده احراز اولوناجق اک یوکسک موقع ، رسول اکرمک زوجہ سی اولمقدی . حضرت عائشہ ، بو موقعی احراز ایتمش ، بو موقعی احراز ایتدکدن صوکره هر اعتبار ایلہ اوکا اهل اولدیغنی اثبات ایتمش ، تقواسیله ، مسلمانلرک احکامنی قاورامقده کی ذکاسیله ، صمیمی ایمانیله ، الحاصل تام معناسیله دیندار برانسانک کوستره بیلہجکی بوتون مزایا ایلہ محیطنده طائمشدی . حضرت عائشہ ، رسول اکرمه هر خصوصده پیرو ایدی . رسول اکرمه بوتون حیاتده پیرو اولان حضرت عائشہ رسول اکرمک ارتحالندن صوکراده عینی خط حرکتی تعقیب ایتدی . چونکه دینی بوتون برقادیندی ، چونکه سجیه سی صاغلام ، روحی تمیز ، تربیه سی مکمل برانساندی . بویله برانسانک ، برآنده موقعی ، حیثیتنی ، شرفنی ، دیننی ، تقواسنی ، فدا ایتمه سنه امکان تصور اولونورمی ؟ حضرت عائشہ مک نه سویه ده برقادین ، مسلمانلر آراسنده ناصل برموقعی حائز اولدیغنی آکلادقدن صوکره (صفوان)ک ناصل برآدام اولدیغنی نظر دفته آلق ایجاب ایدر . (صفوان) ده اسلام مهاجرلرننددی . یعنی مسلمانلق اوغورنده دار و دیارینی ترک ایدن ، دینی قناعتی یولنده هیچ بر فدا کارنقدن چکینمه یین برآدامدی . بو آدم غزادن دونویوردی . دینی اوغورنده جانی فدا ایتمه سنی استلزام ایدن بر حربہ اشتراک ایتشدی . بونلری بیلدکدن صوکره عجب اک کوچوک شبهه یه محل قالیرمی ؟ بویله بر شبهه یه دوشمک ایچین بر انسانک هرشیدن فضله سویه اخلاقیه اعتباریلہ چوق کریده اولماسی ایجاب ایدر . نته کیم حضرت عائشہ علیهنده ایتنده بولونانلر ، منافقلردی ، بر طاقم ایکی یوزلو آداملردی . مسلمانلره دوست

گورون ، ايچين ايچين دشمنلق ايدن ، دساس ، حيله كار آداملردى . كرك حضرت عائشه ، كرك صفوان حتمده برشبههيه دوشمكه امكان بولونماقدن صوكرا منافقلىك تصديعاتته اينانغه هسچ امكان قالماز .

(صفوان)ك بوتون ياپدينى يولده تصادف ايتديكى حضرت عائشه يي قافله يي اولاشديرمقدن عبارتدى . صفوان ، بر اشقيا ويا برمتسلط ده كل ، رسول اكرمله غزايه چيقن بر مجاهددي . هم مهاجر ، هم مجاهد اولان صفوان ، وظيفه سنى انفا ايتمش ، حضرت عائشه يي كورور كورمن ، درحال او كادوه سنى تقديم ايتمش واوونى درحال قافله يي اولاشديرمشدى .

بوتون بوتاريخى حقائق نماكه ايدنجه واراچقمز نتيجه ، غايت قطعيدير . منافقلىك حضرت عائشه يي اتهاملى ، اصلى اولمايان براتهامدى . چونكه عفتلى ، نراهنلى هر شبهه لك فوقنده اولان انسانلره متوجهدى . منافقلىك ، سياستلى اوغورنده هر اخلاق قيدي استحقار ايتدكلى ايچين بو تصديعاتى ايلرى سورمشلر و مسلمانلر آراسنده برهرج مارج وجوده كتيرمشلردى . فقط منافقلىك مقصدلى سرعتله آكلاشيلمش ، وحى الهى سايه سنده مسلمانلر حقيقتى آكلامش و منافقلىك سياستى عقيم قالمشدى . ع . ر . ا

اوتنجی فصل

تیممه عائد امامك نزولی

حضرت عائشه دیگر بر سفرده رسول اکرمه رفاقت ایدیوردی.
بو یوننده ینه همشیره سی حضرت اسمایه عائد کردانلق بولونیوردی.
کردانلق ینه یوله دوشمش، حضرت عائشه در حال رسول اکرمی
خبردار ایله مشدی. رسول اکرم کردانلقی آرامق ایچین بر آدم
کوندردی. [۱۰] صباح وقتی حلول ایتمشدی. عسکرک قرارگاه
اتخاذ ایتدیکی یرده صو یوفدی. نماز وقتی حلول ایدمجه هر کس
صو فقداننه مبنی تلاشه دوشدی. اصحاب حضرت ابوبکره مراجعت
ایتدیلر، حضرت عائشه نك کردانلقی یوزدن قفلانك حرکت
ایده میهرک نماز وقتی قاچیراجاغنی سویله دیلر. حضرت ابوبکر
قیزینك یانه کتدی و «بوسنك یایدیغك نه در؟ بوتون خاقی نمازدن
آلیقویورسك.» دیدی. رسول اکرم وقعه دن خبردار اولدیغی
زمان تیممه عائد احکامی تبلیغ ایتدی. اساساً بوتون احکام اسلامیه نك
خصوصیتلرندن بری، بوا حکامك مناسب وقعه لر مناسبتله تقرر ایتمیدر.
نماز ایچین، آبدست فرضدر. فقط انسان صو بولونمادیغی بریره واریرسه
نماز قیلمایه جقمی؟ خایر، انسان بویله بروضعیتده تیمم ایدر و فریضه بی
ایفا ایدر. بوسفر ائناسنده بویله اولمشدی. رسول اکرمده تیممه

عائد آيت كريمه يي تبليغ ايتدى. بو آيت كريمه شودر :

« شايد خسته اولور، ياخود يولده بولونور، ياخود قضاي حاجت ايدر، ياخود قادينلره ياقلاشيرده صو بولمازسه كز تميز طوبراق ايله تيم ايديكز. يوزلريكزى والاريكزى اونكله مسح ايديكز. جناب حق عفو ايديجى، مغفرت بخش ايديجيدر. » [۱]

رسول اكرمه رفاقت ايدن مجاهدلر بورحمت ربانيه دن سوينديلر، هپسى ده ام المؤمنينه دعايه باشلاديلر. اصحاب كزيندن اولان (اسيد ابن حضير) حضرت عائشه يه « اى حضرت ابوبكر ك قيزى ا سنك اسلاميته بوايلك خدمتك دكلدر. » ديدى. [۲] حضرت ابوبكر ده قيزنى آزارلاديغندن متأثر اولدى. او كا : « بن سنك بو قدر مبارك اولديكى بيلميوردم. مسلمانلرك نه قدر سهولته فائل اولمالرينه سبب اولدك. » ديدى. [۳]

[۱] وان كنتم مرضى او على سفر او جاء احد منكم من الغائط اولامستم النساء فلم تجدوا ماء فتيمموا صعيداً طيباً فامسحوا بوجوهكم وايديكم منه ان الله كان عفواً غفوراً (نساء سوره سى)

[۲] وقعه نك تمامي صحيح بخارينك كتاب التيممده مفصلاً مذكوردر .

[۳] مسند ابن حنبل جلد ۶ صفحه ۳۷۳

اون برنجی فصل

نهم ، ایوو ونجیر و فوسی

نهم:

اولجده بحث ایتدی کمز وجهله زوجات طاهرات ایکی دائرده اقامت ایدیورلردی. دائرنک برنده حضرت عائشه، حفصه، سوده، صفیه اقامت ایدیور، دیگر دائرده حضرت زینب ایله سائر زوجات طاهرات اقامت ایدیورلردی.

رسول اکرمک عادت ایکندی نمازینی ادادن صو کرا بوتون زوجات طاهراتی زیارت ایتک، اونلرله اوتورمقدی. رسول اکرم بوتون زوجهلرینه مساوات دائرهنده معامله ایتمکله برابر تصادفاً برقاچ کون حضرت زینب نزدنده فضله قالش ایدی. حضرت عائشه بونک سینی تحقیق ایتدی. نتیجهده احبادن برینک حضرت پیغمبره بر مقدار بال کوندردیکی، رسول اکرمک ده بونی تناول ایچین زینبک نزدنده کجیکدیکی آ کلاشیلدی. عائشه، حفصهیه وسودهیه دیدی که: «رسول اکرم نظافته صوکه درجه دقت ایدر. حال بو که آریلر هانکی چیچکی امرلرسه بالدهده او چیچکک رایحه سی حس ایدیلیر. عربستانده (مغافر) دینیلن چیچکک قوقوسی بر آز سرتدر.» حضرت عائشه حفصه ایله

سوده يه تايه ايتدى : « رسول اكرمك آغزنده بونك قوقوسنى حس ايدرسه كز بونك مغافر بالى اولديغنى كنديسنه سويله ييكز . » رسول اكرمه بونقطه آكلاتيلمش ، اوده بالدن تيكسينمش و بردها بال تناول ايممه يه عهد ايتمشدى .

بو حادته عوام ناسدن برينه تعلق ايتسه ذره قدر اهميتى حائر اولمازدى . فقط بو حركت برشارعك حركتى ايدى . اويله برشارع كه اونك هر قولندن ، هر فعلندن حكملر استخراج اولونيور . بونك ايچون قرآن رسول اكرمك بو حركتنى عتابكارانه بر صورتده ياد ايدر و ديركه : « اي پيغمبر ! زوجه لريكي خوشنود ايتك ايچين نه دن اللهك حلال قيلديغنى حرام ايدىيورسك ؟ الله غفوردر ، رحيمدر . جناب حق عهد لريكز ايچين كفارة امر ايتمشدر ، مولا كز اودر ، علم و حكيم اودر . » [۱]

بوصيرالرده رسول اكرم حضرت حفصه يه برسوز سويله مش ، اوده بسوزى حضرت عائشه يه آچمشدى . قرآن كريم بوندن بحث ايدهرك ديركه :

« پيغمبر زوجه لرندن بعضيلرينه كيزلى برسوز سويله مشدى . وقتا كه زوجه سى او سوزى خبر وىردى ، الله ده پيغمبرى بو حالدن آگاه ايله دى . پيغمبر اوسوزك بر قسمنى بيلديرمش ، بر قسمى حقنده سكوت ايتمشدى . پيغمبر زوجه سنه اولانى بيتنى خبر وىرنجه زوجه سى « بونى سكا كيم خبر وىردى ؟ » ديهه صوردى . پيغمبرده « بونى بكا حقيه عالم وهرشيدن خبردار اولان الله خبر وىردى ، ديدى ؛ سز ايكيكز

[۱] يا ايها النبى لم تحرم ما احل الله لك تبغى مرضاة ازواجك والله غفور رحيم قد فرض الله عليكم تحلة ايمانكم والله مولاكم وهو العلم الحكيم (تحريم)

توبه ايدرسه کز قبلر کز اخلاص ايله دولار . پيغمبره قارشى
بربريکزه مظاهرت ايدجک اولورسه کز اونک يارديمجيسى اللهدر ،
جبريلدر و مؤمنلرک صاحباسيدر . بوندن صوکراملکرده اوکا
ظهردر . « ۱]

عجبا اخفاسنه بو قدر اهميت ويريلن سر نه ایدی ؟ صحیح بخارینک بیانه
نظرأ بو واقعه بالک تحریمی وقعه سندن عبارتدی . غیر صحیح بعض روایتلره
کوره ۲] رسول اکرمک (ماریه) نامنده بر حرمی واردی ؛ رسول
اکرم حضرت عائشه ايله حفصه یی خوشنود ایتک ایچین اونى کندینه
حرام ایتمش ، اونى حفصه یه سویله مش ، فقط بونی حضرت عائشه یه
آچامسنى تنیه ایتمشدی ، بو آیت کریمه بونک اوزرینه نازل اولمشدی .
فقط بوندن مقصد ، یالکیز حضرت عائشه نک خوشنودیسى دکلدی .
سائر زوجات ده بونمکه علاقه دار ایدی . حضرت عائشه نک بوندن
خبردار ایدیللمسند بر معنی قالما یوردی . باخصوص بو وقعه عائشه یی
منون ایتک ایچین وقوع بولدیغی جهتلر اوندن اخفاسی دوغرو اوله مازدی .
او حالده حاده رسول اکرمک کندیسنه حرام قیلدیغی بر زوجیه
متعلق اوله مازدی . چونکه آیت کریمه اک از اوچ زوجیه اشارت
ایدیور . صوکراملرک رسول اکرمک ییه جک برشیئه ، یاخود ماریه یه
متعلق برسر ، یرده کی مسلمانلرک ، کوکده کی ملکرک یارديمی نیچین

۱] واذ اسرانی الی بعض ازواجه حدیثاً فلما نبأت به واطهره الله
عليه عرف بعضه و اعرض عن بعض فلما نبأها به قالت من انباك هذا قال
نبأني العالم الحبير . ان تتوبا الى الله فقد صفت قلوبكما وان تظاهرا عليه فان الله
هو مولاه وجبريل وصالح المؤمنين والملائكة بعد ذلك ظهيرا (تحریم)

۲] اکابر محدثین بوروايتلرک صحیح بر طریق ايله ثابت اولما دیغنی
تصریح ایدرلر .

استلزام ایتسین ؟ رسول اکرم بال یمه مش ، یاخود زوجہ سی ماریہ
ایله مناسباتده بولونماش اولسه هر کس رسول اکرم بویله یادی
دیردی و مسئله بوندن عبارت قالیردی . حالبوکه حقیقت بام باشقه در .
چونکه نص قرآنده تحریمدن بحث اولوندقدن صو کرا (واذ) کله سیله
باشلایان آیت دیگر بر حادته دن بحث ایدیور . قرآن کریمک لسانه و طرز
سیانه واقف اولانلر بونی بیلیرلر . تحریم سورده سنک ایلاک آیت
کریمه سی رسول اکرمک بالی کندیسنه تحریم ایتدیکنی موضوع بحث
ایتدکدن صو کره (واذاسرالنبي) کله لریله باشلایان آیت باشقه
بر حادته دن بحث ایدیور . بو حادته ایلاء حادته سیدر .

ایله و هادسی :

مدینه منافق لری حقنده آکلاتدیغمز حادته لردن آکلاشیلاجنی
وجهله بونلر هر وسیله دن استفاده ایدهرک درلودرلو ترتیباتده بولونورلر ،
مسلمانلر علیهنده متبادیا چالیشیرلردی . منافق لری بو حاللری نصوص
قرآنیله ایله ده ثابتدر . قرآن کریم دییورکه : « ای پیغمبر ، کافر لر
و منافق لره جهادایت ، اونلره قارشى شدت کوستر . اونلرک کیده جکی
یر جهنمدر . او ، نه فنا یردر . » [۱] بونی متعاقب قرآن کریم نوحک
ولوطک زوجہ سنی موضوع بحث ایدهرک بونلرک ایکی پیغمبره خیانت ایتمکه
یرشی قازانمادقنری ، بالعکس اونلرکده جهنمه کیردکلری بیان اولونیور .
بو صورتله منافق لری بعض زوجہ لر طرفندن کوستریلن عدم خوشنودیدن
دولایی رسول اکرمده بر ضرر کله یه جکی آکلاشیلمقده در . [۲]

[۱] یاایهاالنبي جاهد الکفار والمنافقين واغلظ علیهم ومأفهم جهنم
وبئس المصیر (تحریم) [۲] صحیح المسلم ، باب الایلاء

مفسر لر (واذا سر النبی) یعنی «پیغمبر بعض زوجہ لرینہ کیزی برسوز سویلیدی.» آیت کریمہ سنی تفسیر ایدیور کن بعض خطا لرده بولونمشدر . مفسر لرہ کوره (ان تتوبا) آیت کریمہ سنک شوشکلده آکلا شیلیمی ایجاب ایدر: «سز توبہ ایدر سه کز۔ که بو، پک ضروریدر۔ چونکه قلبلریکیز گمراه اولمشدر . اوکا قارشى بربریکزه ظهیر اولور سه کز جناب حق اونک مولاسیدر . « فقط بو آکلایش دوغرو دکلدرد . چونکه :

(۱) جمله نك اصلی شرطیدر . شرطك جزاسی محذوفدر . جزا محذوف اولونجه اونک (لا بأس) یعنی «سز توبہ ایدر سه کز بونده بر بأس یوقدر.» دیمک لازم کلیر . عربجهده جزا محذوف اولدیغی زمان بویله حرکت ایدر لر واونک یرینه «لا بأس» یعنی «بأس یوقدر» یاخود (لا حرج) حرج یوقدر، (لا ضرر) ضرر یوقدر، یاخود «فهو هیئى: بوقولای برایشدر.» کلهلری تقدیر اولونور . قرآن کریمده بونک مثاللری چوقدر. ۱]

(۲) «صفت» کله سنک (زاغت) معناسنده تلقیسی دوغرو دکلدرد . (زاغ) میل ایتدی ، صایدی دیمکدر . حضرت عائشه ایله دیگر امهات مؤمنینک قلبلری هیچ بروقت صاپامشدر . (صفت) کله سنک معناسی ، برشیدن چکیلمک ، برشیئه دوغرو میل ایتمکدر . ۲] برنجی معنا ایچین عربجهده (انحراف ، ارعوی ، زاغ ، حاد) کلهلری ، ایکنجی معنا ایچین (فاء ، تاب ، التفت ، توجه) بوایکی معنایده (مال ، شغل ، عدل ، رجوع) کلهلری قولالانیلیر . (صغی)

[۱] ان یکذبوک فقد کذب رسل من قبلك . ۲) الاتنصروه فقد نصره الله . ۳) وان یعودوا فقد مضت سنة الاولین . ۴) فان یکفر بها هؤلاء فقد وکلنا بها قوماً لیسوا بها کافرین .

[۲] لسان العرب ، بیضاوی . مولانا حمیدالدین : سورة تحریم تفسیرنده بونقطه یی غایت محققانه برصورتده ایضاح ایدر .

كلمه سى ايكنىچى معناده مستعملدر . بعض مفسرلر بونى اوچونىچى معناده تلىق ايتىشلر ، مفسرلر ك ا كثرىسى برنجى معنای قبول ايتىشلردر . حال بوكه بودوغرو دكلدر . قرآن كريمك بريرنده (و لتصنى اليه افئدة الذين لا يؤمنون) يعنى « تا كه ايمان ايتمه ينلرك قابلىرى اونى خواهشله ديكه سين . » دىنيلىوركه بوراده (تصنى) كلمه سى (ميل) معناسنده قوللانىلما مقدهدر .

(۳) موضوع بحث اولان آيت كريمه ده حضرت عائشه ايله حفصه نك هانكى شيشه متايل بولوندىقلى ذكر اولونما مقدهدر . بعض مفسرلره كوره بونلر ، العياذ بالله ، حضرت پيغمبره اذا وجفاه متايلديلر . حال بوكه قاعده يه كوره بريرده محذوف اولان لفظ دائماً يادها اول ويا دها صوكره بريرده ذكر اولونور ، ياخود قرينه غالبه ايله آكلاشيلير . آيت كريمه ده توبه دن بحث اولونيور . بونك ايچين بونقطه اولده محذوفدر . آيتده كي محذوفاتى ذكر ايدرك عبارته شويله اولور : ان تتوبا الى الله (فهو هين) فقد صغت قلوبكما (الى التوبة الى الله) . بواعتبارله آيتك معناسى شويله اولور : « الله قارشى توبه ايدرسه كز بوتوبه قولايدير . قابلىرىكز توبه ايله الله رجوع ايتىش اولور . »

تحریم ايله ايلاء وقعهلرلى هجرتك دو قوزنجى سنه سنده تحدث ايتمشدى . اوزمان عربستانك الكاوزاق يرلى مسلمانلره اطاعت ايدييورلردى . مدينه يه كلن اموال و غنائم ، واردات صوك درجه مبذولدى . هر طرفدن مدينه يه ذخيره كوندريليوردى . بوكا رغماً رسول اكرم اوننده كي حياتى ذره قدر دكيشديرمدى . خيرك فتنندن صوكر ازوجات طاهراته بغدادى ايله خورما تخصيص

اولونمىشدى. فقط فقرایه تصدق و هر مسافری اعزاز دولایسیله بو واردات کافی کلمه یوردی. بعض کونلر بوتون اهل بیت عادتاً آج قالیورلردی. زوجات طاهرات ایچنده ایسه امر اورۇساقیزلری ده واردی. بونلر بابالرینىک ویا سابق قوجه لرینک اولرنده غایت مرفه یاشایورلردی. بونلر مدینه ده هر کسک رفاه ایچنده یاشادیغنی کوره رک بوندن مستفید اولمق ایسته دیلر. حضرت عمر بو حادثه دن خبردار اولونجه صوگ درجه متأثر اولدی. اولاقیزی حفصه یی کوره رک دیدی که: «سن رسول اکرم دن وارداتک تزییدینی ایسته یورمشسک. سن نه ایسته یورسه ک بندن ایسته. یمین ایدرم که حضرت پیغمبر بنم خاطری صایورده سنی طوتیور. یوقسه سنی تطلیق ایدردی.» دیدی. صوگرا دیگر زوجات طاهراته ده اوغرایه رق اونلرده نصیحت ایتدی. حضرت ام سلمه عمره شو جوابی ویرمىشدى: «عمر، سن هر شئه مداخله ایدیورسک، شمدی ده رسول اکرمک زوجهلرینه عائده ایشلره کیریشیورسک.» دیدی. حضرت عمر بوسوز قارشیشنده سکوت ایتدی.

بردفعه حضرت ابوبکرله حضرت عمرک ایکیمی ده حضور نبویده بولونیورلردی. عمر، زوجات طاهراتک معیشتلرینک ترفیهی ایچین اصرار ایتمکده اولدقلرینی کوردی. حضرت ابوبکر ایله حضرت عمر کندى قیزلرینک بو حرکتلرندن متأثر اولدیلر. بوکا قارشى عائشه ایله حفصه ده بعدما بوکی مطالب درمیان ایتیه جکلرینه سوزویردیلر. دیگر زوجات ایسه طلاقلرنده اصرار ایدیورلردی. بوصیرالرده رسول اکرم آتندن دوشمش، بر آغاجه چارپارق وجودی برار زده لنىمىشدى. [رسول اکرم حضرت عائشه نك حجره سینه متصل

مشر بهیه چکیدی. [۱] بوراده اقامت ایتدی و زوجات طاهراتدن برآی
آریلمايه عهد ایتدی. منافقار بوندن استفاده اینوک حضرت پیغمبرک
بوتون زوجه لرینی بوشادیغنی اشاعه ایتدیلر. بوشایعه هر کسی متأثر
ایتمشدی. اصحاب، مسجد نبویه طویلاندی. هرأوده عادتاً بر ماتم حاصل
اولدی. زوجات طاهرات ایسه صوک درجه مأیوس و مکدر بر حالد
حجره لرینه چکیلیمشاردی. اصحابدن هیچ بری وقعهی رسول اکرمدن
صورمایه جسارت ایده میوردی.

حضرت عمر بوشایعه یی دویاردویمازدر حال مسجده کلشدی. بوتون
اصحاب متأثر اوتوریورلردی. عمر حضور نبوی به قبول اولونمق ایچین
مساعده ایستهدی. ایکی دفعه بر جواب آلامادی. اوچونجی مراجعت
اوزرینه مساعده ایدیلدی. رسول اکرم برسدیر اوزرنده اوزانمشدی.
مشر به نك بوتون مفروشائی برسدیر ایله بر قاچ طوپراق طباقدن
عبارتدی. حضرت عمرک بومنظره دن کوزلری طولدی وشو سؤالی
صوردی : «زوجه لریکزی بوشادیکزمی؟» رسول اکرم : «خایر.»
دیددی. عمر، بومژده یی مسلمانلره بیلدیرمک ایچین مساعده ایستهدی،
رسول اکرم ده مساعده ایتدیکندن عمر دیشاری چیقدی وهرکسه
حقیقی بیلدیردی. رسول اکرم ۲۹ کون دوام ایدن برآریلقدن صوکرا
اولا حضرت عائشه یی زیارت ایتدی.

تخیز :

زوجات طاهراتک توسیع نفقه خصوصنده کی مراجعتلری اوزرینه
تخیز آیتلری نازل اولدی. بوآیت کریمه زوجات طاهراتی دنیا زینتی

[۱] ابو داوود ، امامة من صلی قاعداً .

ایله رسول اکرمك زوجیتی آراسنده مخیر بیراقیوردی . بونلردن ایسته یه نه ایسته دیکی ویریله جك ، رسول اکرم له قالمای ترجیح ایدنلر زوجیت شرفنی ادامه ایده جکلریدی . تخیر آیتنی اولجه یازمش و ایضاح ایتمش بولونیورز [۱۰] رسول اکرم بو آیتی حضرت عائشه یه اوقومش ، عائشه نك ابوینیه استشاره دن اول قرار ویرمه سنی سویله مش ، فقط حضرت عائشه شو جوانی ویرمشدی : « بارسول الله ، بن اللهی واونك رسولنی اختیار ایدیورم . » رسول اکرم اونك بو خط حرکتندن ممنون اولمشدی . [۲]

[۱] صحیفه ۶۴ . [۲] صحیح بخاری ، صحیح مسلم ، باب الایلاء .

اون ايكنجى فصل

حضرت عائشه نك دوللافى

حضرت عائشه رسول اكرم له دو قوز سنه قدر ياشادقدن صوكرا دول قالمشدر. هجرتك اون برنجى سنه سنك صفر آينك صوك كونلر نده رسول اكرم باش آغرى سندن مضطرب اولدينى حاليده حضرت عائشه نك حجره سنه كلىدى. بوشكلده باشلايان خستهلق رسول اكرمك ارتحالنه قدر دوام اتمشدر. رسول اكرم صوك كونلرينى عائشه نك نزدنده كچيرمك ايسته يرك اورايه كيمس و صوك نفسى اوراده ويرمشدر.

حضرت پيغمبرك صوك كونلرينى عائشه نك نزدنده كچيرمه سنك سببى يالكز عائشه يه محبتى دكل، بوندن فضله صوك كونلرينه عاذاقوال و افعالك اونك طرفندن حفظ ايديلمسيدر. عائشه نك عقلنده كى، حافظه سنده كى كمالى، هر مشه يي قاورا مقده كى اقتدارينى، الحاصل معنوى كالاتى حاز اولديغنى اولجه ايضاح اتمشدر. بوعبارله رسول اكرم صوك كونلرينى عائشه نك نزدنده كچيرمه يي ايسته مشدى. نته كيم رسول اكرمك ارتحالنه متعلق اك صحيح روايتلر حضرت عائشه دن منقولدر. رسول اكرمك خستهلنى كسب شدت ايتديكى زمان امامت وظيفه سنى ايفا ايدميوردى. رسول اكرم جماعته امامت ايتك

ایچین برندن قالمغه غیرت ایتمش، فقط هر دفعه سنده بیوش دوشدیک
 ایچین حضرت ابوبکرک جماعته نماز قیلدیرماسنی امرایتمشدی. حضرت
 عائشه دیورکه : رسول اکرمک مقامه کچه جک اولان هر هانکی
 ذاتک (او مقامک رسول اکرمدن بوشالیدیغنی کوستره جکی
 ایچین) مشئوم عد ایدیله جکنی صانه رق ابوبکرک امامته کچه مسنی
 ایسته مشدم . رسول اکرمه : یار رسول الله ، حضرت ابوبکر صوک
 درجه قلبی رقیق بر آدامدر ، اونک ایچین بو ایشی یاپه ماز . سزک
 مقامکزه کچه جک اولورسه آغلامغه باشلار . باشقه برینی امامته
 کچیریکز دیدم. رسول اکرم امرینی تکرار ایتدی . ۱۰ [حضرت
 عائشه بونی متعاقب عینی رجایی حضرت حفصه واسطه سیله تکرار
 ایتدیردی . رسول اکرم عینی امری ویردی : ابوبکر جماعته امامت
 ایتمسین، دیدی. حضرت ابوبکرده امامت ایتدی .

رسول اکرم خسته لغندن اول حضرت عائشه یه بر مقدار پاره امانت
 ایتمش ، بو پاره اونک نژدنده قلمشدی . رسول اکرم خسته لاندقدن
 صو کرا بونلری خاطر لایه رق عائشه یه « بو پاره لری همان الله یولنده صرف
 ایت ! محمد اللهنه قاووشور کن ذمتنده بویله برشی قالماسون . » دیدی.
 حضرت عائشه ده بو پاره نی در حال فقرایه داغیتدی . ۲۰ [

رسول اکرمک صوک دقیقه لری یاقلاشمشدی . حضرت عائشه
 رسول اکرمک یاننده اوتوریووردی . پیغمبریمز باشنی اونک کو کسسه
 دایامشدی . بو صیراده عائشه نک برادری عبدالرحمن النده طاشیدیغنی
 برمسواک ایله ایچری کیرمش، رسول اکرم مسوا که باقمش ، عائشه

اونك مسواك قوللاقمق ايسته ديكنى آ كلامش، مسواكى يوموشا تاقدين
صوكر ا حضرت پيغمبره ويرمشدى .

حضرت عائشه رسول اكرمك صحت و عافيتى ايچين دعا ايله
مشغولدى . رسول اكرم عائشه نك الى ايچنده اولان الى بردن بره
چكدى ، « اللهم الرفيق الاعلى - اللهم الرفيق الاعلى - اللهم الرفيق الاعلى » كله لرني
سويلهدى . [۱] حضرت عائشه ديوركه : رسول اكرم هنوز حال
صحتده ايكن شوسوزلري سويله مشدى : « پيغمبرلر اولور كن كنديلرينه
دنيوى و يا اخروى حياتدن برني ترجيح ايتلري تكليف اولونور . »
بن بوسوزلري ايشيدنجه قورقمشدم . چونكه حضرت پيغمبرك آرامزدن
چكيايمك اوزره اولديغنى آ كلامشدم . [۲] حضرت عائشه پيغمبريمزك
صوك دقيقه لرني تصوير ايدرك ديوركه : « رسول اكرمك بردن بره
وجودينك اغيرلاشديغنى حس ايتدم . كوزلرينك فرى اوچمشدى .
مبارك باشنى يا صديغك اوزرينه قويدم . و آ غلامغه باشلادم . » [۳]
بو حجره ، يعنى عائشه بك حجره سى ، رسول اكرمك مدفن اولمشدى .

حضرت عائشه پيغمبريمزك ارتحالندن برمدت اول بررؤيا كورمشدى .
كويا اوچ قمر برر برر قيريلوب اونك حجره سنه دوشمشدى . عائشه
رؤياسنى باباسنه آكلاتدى . رسول اكرم وفات ايتديكى زمان حضرت
ابوبكر قيزيه : ايشته بو ، اوچ قمرك برى واك ايشيدر ، ديدى .
بالاخره آ كلاشيلدى كه ديكرايكى قمرك برى حضرت ابوبكر ،
برى حضرت عمردى . چونكه بونلرده حضرت عائشه بك حجره سنده
رسول اكرمك ياننده دفن اولونمشاردى .

[۱] مسند احمد ۶ صفحه ۱۲۶ [۲] كذا . [۳] بو واقعه لرك تفصيلاتى

حضرت عائشہ رسول اکرمؐ وقاتندن سوکرا عمرینک متباقیسی
دول اولارق کچیردی و مرقد مبارکک یاسندن آریلمادی . برکون
حضرت عائشہ روایده رسول اکرمی کورمش، اونک اوزرینه حجره ده
یاتمقدن واز کچمشدی .

ازواج طاهراتک رسول اکرمدن سوکرا تکرار ازدواجاری
نص قرآن ایله ممنوعدر. قرآن کریم دیرکه: پیغمبر مؤمنلره جانلرندن
دها یقیندر . اونک زوجهلری مؤمنلرک آینه لیدر . « ۱ » [سزک
رسول الله اذیت ایتکیز یاقیشماز . سوکرا اونک زوجهلری قطعاً
آینه ماز . « ۲ »]

بونک اصل سببی شودر : ازواج طاهراتدن هربری رسول
اکرمک محرم رازی ایدی . اونلره یاقیشان حال حیاتلری رسول
اکرمک تعلیماتی دائرہ سنده یاشامق ، اونک سیرتی جانلاندیرمقدر .
زوجات طاهراتک وظیفه سی وقارنبوتی محافظه ایتمکدر . اونلرک باشقه
برار ککله اولملری ، باشقه ارککلرک تأثیری آلتندہ قالمالری بوکامانع
اولور . زوجات طاهرات مؤمنلرک آینه لری اولق اعتباریه اونلرک
وظیفه لری اولادلرینک تعلیم و تربیه سیله مشغول اولمقدر . قرآن کریم
اونلرک بو وظائفنی تعیین ایدرک دیرکه : « ای پیغمبرک زوجهلری !
ایچکزدده هرکیم بر فئالق ایشلرسه اوکا ایکی قات جزا ویریلیرکه
بو ، الله ایچین چوق قولایدیر . ایچکزدده الله وپیغمبرینه اطاعت
ایدن ، اعمال صالحه ایشلهین ایکی قات ثوابه نائل اولور . بوندن
باشقه جنتده بویوک بر اجره نائل اولور . ای پیغمبرک زوجهلری

(۱) النبی اولی بالمؤمنین من انفسهم وازواجه امهاتم (سورة احزاب)

(۲) مالکم ان تؤذوا رسول الله ولان تنکحوا ازواجه من بعده ابدأ .

سزدىكر قادينلرك هيچ بىر كى دكلسكز . اللهدن قورقيور
 و پيغمبرك رضاسنى قازانق ايسته يورسه كز سوري يوموشاق
 سويله مە يىكز . تا كه قىلارنده مرض اولانلر سزه كوزديكمه سونلر .
 سز سوزك ايسنى وهر شهيدن اوزاق اولاتى سويله يىكز ،
 سز اولريكزده قرار قىليكز . اسكى جاهليت قادينلرينك زىتلىرىنه
 هوسله مە يىكز . نمازى ادا ايدىكز ، زكاتى ويرىكز . الله و پيغمبرينه
 اطاعت ايدىكز . الله ، سز اهل بينى لكه ليه جك هرشيدن پاك ايله مك ،
 هر معصيتدن آزاده ايله مك ايسر . اويكزده اوقونان آيات الهيه يى
 و حكم ربانيه يى دائما ياد ايدىكز . جناب حق لطيف و خيردر . ۱]
 حضرت عائشه نك بوتون حياتى بو آيات كريمه نك عملى و جانلى
 بر تفسيرى ايدى .

[۱] يانساء النبي من يأت منكن بفاحشة مبينة يضاعف لها العذاب ضعفين
 وكان ذلك على الله يسيراً ومن بقى منكن لله ورسوله وتعمل صالحاً نؤتيها
 اجرها مرتين واعتدنا لها رزقاً كريماً يانساء النبي لستن كاحد من النساء ان التقيتن
 فلا تخضعن بالقول فيطمع الذي فى قلبه مرض وقلن قولاً معروفاً وقرن فى بيوتكن
 ولا تبرجن تبرج الجاهلية الاولى واقمن الصلاة وآتين الزكاة واطعن الله ورسوله
 انما يريد الله ليذهب عنكم الرجس اهل البيت ويطهركم تطهيراً واذ كن مايتلى
 فى بيوتكن من آيات الله والحكمة ان الله كان لطيفاً خبيراً . (احزاب)

اون اوچنجى فصل

خلفای راشیده دورنده حضرت عائشه

حضرت ابوبکر دورنده عائشه :

پیغمبرك ارتحالی متعاقب حضرت عائشه نك باباسی حضرت ابوبکر ریاست اسلامیة مقامنی احرازایتدی . رسول اکرمك تجهیزوتکفیننی متعاقب زوجات طاهرات حضرت عثمانی ابوبکرک نزدیکه کونده رهرک میراث طلبنده بولونمق ایستدیلر . حضرت عائشه اونلره رسول اکرمك شوحدیث شریفنی ایراد ایتدی : « بزپیغمبرلرک وارثلری یوقدر . بوتون متروکاتمز صدقه در . » زوجات طاهرات بوشحدیث شریفنی دیگه دکن صوکر ا برمطالبه ده بولونمقدن واز کچدیله [۱]

اساساً رسول اکرم حال حیاتنده میراث اولاییله جک برشی براقلا مشدی . صحیح بخاریده بیان اولوندیغه کوره پیغمبردرهم و دینار نامه برشی براقادیفی کی پازه ایدم جک برشی ده براقامشدر . [۲] یالکمز رسول اکرم حال حیاتنده ولایت عامه طریقله و مختلف مقاصده صرف اولونمق اوزره برقچ پارچه اراضیه متصرف بولونیوردی . رسول اکرم بو اراضینک وارداتی نزهیه صرف ایدیورسه حضرت ابوبکرده بو وارداتی عینی طرزده صرف ایتدی . رسول اکرم

(۱) صحیح بخاری ، کتاب الفرائض . (۲) صحیح بخاری ، کتاب الوصایا .

بواراضينك وارداتندن زوجات طاهرلك تخصيصاتى ويريوردى .
 حضرت ابوبكرده عيني خط حر كتي تعقيب ايتدى . [۱ .
 حضرت ابوبكر ك رياستى ايكي سنه دوام ايتدى . مشاراليه هجرتك
 اون اوچونجي سنه سنده ارتحال ايتدى . ابوبكر صوك نفسى وپرر كن
 حضرت عائشه ياننده بولونيوردى . حضرت ابوبكر كندى املا كندى
 بر قسمنى او كا ويردى همشيره لرينه ، برادر لرينه ده باقاسنى توصيه
 ايتدى . [۲ . بونى متعاقب حضرت ابوبكر رسول اكرمك نه صورتله
 تكفين اولونديغنى صوردى . حضرت عائشه پيغمبريمزك اوچ بياض
 قوماش پارچه سيله تكفين اولونديغنى سويلهدى . بونى متعاقب حضرت
 ابوبكر ، رسول اكرمك هانكى كون اولديكنى صوردى . عائشه :
 بازار ايرتسى كوني ، ديدى . او كوند ده بازار ايرتسى ايدى .
 حضرت ابوبكر ، بوند بو كيجه ارتحال ايدى يورم ، ديدى . نيته كيم
 كنديسى صالى كيجه سى ارتحال ايتدى . حضرت عائشه لك حجره سنده
 مرقد مباركك براز كريسنده دفن ايدى . بو صورتله زوجتك ارتحاليله
 دول قالان حضرت عائشه باباسنك ارتحاليله ده يتيم قالدى .

حضرت عمر دورنده عائشه :

حضرت عمر دورى تنظيمات و تسيقات نقطه نظرندن صوك درجه
 ممتاز و فياض بر دوردر . حضرت عمر مسلمانلره باغلانان تخصيصاتى
 نقده تحويل اتمشدى . قاضى ابو يوسف كتاب الخراجده ايكي روايت
 ايراد ايدى يور . بوروايتلرك برينه كوره حضرت عمر زوجات طاهرلندن
 هر برينه اون ايكيشربيك درهم تخصيصات باغلادى . ديكر روايته
 (۱) صحيح بخارى ، كتاب الفرائض . (۲) ترجمه سعد ، ترجمه حضرت ابوبكر .

گوره زوجات طاهرانك هر برينه اونز بيك درهم ويريلديكى حالده حضرت عائشه يه اون ايكي بيك درهم تخصيص ايتمشدى. [۱] بوصوك روايتى حاكم، بخارى ومسلم تأييد ايتمكده درلر. حضرت عمر، عائشه يه ديكر زوجاتدن فضله تخصيصات ويرمه سنك سيبني ايضاح ايدر كن ، اونك حضرت پيغمبر نر دنده حائز اولديغى موقعدن بحث ايتمشدر.

حضرت عمر زوجات طاهرانك هر شيدن حصه لريني آيور، اونلره كوندردى. [۲] عراقك فتحى ائناسنده غنائم آراسنده بر مقدار انجى ككشدى. بو انجىلر ك تقسيمنده مشكلات ظهور ايتديكندن حضرت عمر : « مساعده ايدرسه كز بن بونلرى حضرت عائشه يه كوندريرم. » ديدى . جماعت ده موافقت ايتدى . حضرت عمر بونلرى عائشه يه كوندردى. [۳]

حضرت عمر ده عائشه نك حجره سنده، رسول اكرمك آياقلىرى ديبنده دفن اولونمايى تمى ايدىوردى . عمر فراش احتضارنده ايكن بوتميسنى تكرار ايتدى. كريمه سنى حضرت عائشه نك نر دينه كوندردى. او كا : « ام المؤمنينه كيت. بندن سلام سويله. دى كه : عمر ايكي آرقاداشنك ياننده دفن اولونمق ايسته يور. » ديدى . حضرت عائشه شو جوابى ويرمشدى : « بن او يرى كنندم ايچين صاقلايوردم. فقط عمرى كندى نغسه تقديم ايدرم. »

حضرت عمر بو مساعده يي آلدقندن صو كرا جنازه سنى حجره يه قدر كوتورد كدن صو كرا تكرار اذن ومساعده ايسته ملرينى، ام المؤمنين مساعده ايدرسه كنديسنى دفن ايتملرينى ، عكس تقديرده مزارلغه

۱ [مستدرک : حاکم ، جزؤ صحابیات ، ذکر عائشه . ۲] امام مالک ، باب جزية اهل الكتاب . ۳ [مستدرک ، حاکم .

كوتورولوب دفن ايديلمىنى وصيت ايتمشدى . ۱] حضرت عائشه عمر ك
مرقد مبار كده دفته مساعده ايتديكندن اوده رسول ا كرم له يار غارك
ياننده دفن اولونمشدى .

حضرت عثمانه درنده عائشه :

حضرت عثمانك دورى اون ايكي سنه دوام ايتدى . بومدتك نصقى
حضور و سكون ايچنده دوام ايتمش ، اوندن صو كرا شكايترل باشلامشدى .
حضرت عائشه دييور كه : « رسول اكرم حضرت عثمانه شويله بروصيتده
بولونمشدى : » جناب حق سكا خلافت كو ملكنى كيدر رسه سن
اونى كندى آرزوك ايله چيقارما . ۲]

حضرت عائشه عامه امت نزدنده بويوك براعتبارى حائزدى . ۲]
كنديسى اساساً ام المؤمنين موقعنده بولونيوردى . بوندن دولايى
حجازده ، عراقده ، شامده ، مصرده ، هر يرده هر كس طرفندن
بروالديه كوستريلان حرمت و محبتله قارشيلانيوردى . بالاآخره بونى
دها مفصل صورتده موضوع بحث ايده جگىز . خلق شكايترينى
حضرت عائشه يه عرض ايدر ، اوده اونلره تسلى ويرردى . ۳]

حضرت ابوبكر ك و عمر ك دوريله حضرت عثمان دورينك ايلك
زمانلرنده اصحاب كزين وارباب مشورت بر حيات بولونيورلردى .
مهام امور بونلرله استشاره اولونيوردى . بوذواتدن هر برى استعداد
واستحقاقنه كوره ممتاز بر موقع اشغال ايدينيوردى . حضرت ابوبكر
ايله حضرت عمر صوك درجه عادلانه بر نظام وجوده كتير مشلردى .
بونلكه عمومى موازنه يي تاامين ايتمشلردى . بوندن دولايى حا كيتارى

آلنده اولان بوتون مملکتلرده امن وامان قائمیدی . اکا بر اصحابدن هیچ بری بوذواته قارشى بر ادعا درمیان ایده میوردی . کنجلر بوايکی ذاته قارشى حدلرندن فضله برشى ایسته یه میورلردی . مثلاً عبدالله بن زبیر ، محمد بن ابی بکر ، مروان بن حکم ، محمد بن ابی حذیفه ، سعید بن العاص کی کنج ، فقط اقتدار واستعداد صاحبی آداملر کرک حضرت ابوبکر ، کرک حضرت عمر دورلرنده کندی استحقاقلرندن فضله برشى ایسته یه یه جسارت ایده میورلردی .

عبدالله بن زبیر حضرت ابوبکرک طورونی ایدی . حضرت پیغمبرک خاله زاده سی ، یکنی ایدی . اونک باباسی حضرت زبیر رسول اللهک حواریسی ایدی . عبدالله هر کسندن فضله کندی باباسنی خلافته لایق کورور و خلافتک باباسندن کندی نه انتقالنی برحق طایردی . محمد بن ابی بکر ، حضرت ابوبکرک کوچوک اوغلی ، حضرت عائشهک برادرى ایدی . محمد بن ابی بکرک والده سی حضرت ابوبکرک وفاتندن سوکرا حضرت علی ایله ازدواج ایتمشدی . محمد بن ابی بکر حضرت علی طرفندن تربیه اولونمشدی . حضرت علی اونى کندی اولادلری درجه سنده سوره و تعزیز ایدردی . [۱]

محمد بن ابی حذیفه حضرت عثمان طرفندن تربیه ایدیلش ، بالا آخره بویوک بر مأموریته طالب اولمشدی . حضرت عثمان بومأموریتی اوکا مناسب کورمديکندن محمد بن ابی حذیفه مصره چکیلمش و غیر ممنونلره التحاق ایتمشدی .

مروان ایله سعید بن العاص اموی ایدیلر . ایکسی ده چوق کنج اولدقلری حالدیه بویوک منصبلر ایسته مشلردی . حضرت عثمان ده

اموی اولدیغندن بنی امیه یه منسوب کنجلی انتخاب و ترجیح ایدردی .
اونک ایچین مروان ایله سعید بن العاصه بویوک مأموریتلر ویرمشدی .
حضرت عثمانک امویلری ترجیح ایتدی ، قریشک دیگر کنجلی
رنجیده ایتدی . بونک نتیجه سی اوله رق ابوبکرک اوغلی محمد ، ابو-
حذیفه ک اوغلی محمد حضرت عثمانه قارشى وقوع بولان اغتشاشلره
اشتراک ایتشلر ایدی . طبیعی حضرت عثمانک تعیین ایتدیکی بو کنجیلر ده
کبار اصحاب درجه سنده عدل و مساوات ، صدق و اخلاص ، زهد
و تقوی یوقدی . بوندن دولایى اصحاب کرام حضرت اتنک خط حرکتلری ،
معامله لری کورن اهالی و عسکر بو کنجیلرک حالندن غیر ممنون دیلر .
بو خوشنودسزلغک برنجی سببی شوایدی : عربلر اوتنه دنبری برسلطه یه
تابع اولمای برلکه عد ایدرلر ، چولک سربست هواسی ایچنده باشی
بوش دولاشمق ایسترلردی . اسلامیت بین الناس مساواتی تعمیم ایتدیکی
ایچین بوتون قبائل بر سوویه یه یوکسه لمشدی . بومساوات قبیله لر
آراسنده کی منافرتلری ازاله یه خدمت ایتدیکنندن اصحاب کزین اولرله
معامله ایدرکن بوقاعده یه رعایتی دائما نظر دفته آلیرلردی . اصحابدن
صوکر اکلن مأمورین ورؤسا بونی اهل ایتدیلر . بوندن باشقه
کندی اصالت و شرافت لری ایلری سورده رک برطاقیم امتیازلر ایدیندیلر .
بو کیفیت دیگر عربلره آغیر کلدی ، عرب قبیله لری عصر سعادتدن
صوکر افتح اولونان ایران ، سوریه ، مصر و آفریقانک یالکزامویلرله
قریشیلر طرفندن دکل ، بلکه بوتون عرب ملتی طرفندن فتح ایدیلش
اولدیغنی ، بناء علیه اولرکده قریشیلر و امویلر درجه سنده حق فتحده
مشترک اولدقلری سویه مشلردی . بونک ایچین عربلر هرفتنه یه
و هرفساده قاریشیلر و بوحرکتی مشروع کورورلردی .

کوفه شهری عربلرله عجملرک نقطه اتصالی صایلا بیلیردی. بونک ایچین فتنه و فساد بوشهردن باشلامشدر. بوشهر عرب قبیله لرینک تحصنکاهی ایدی. سعید بن العاص ایسه کوفه والیسی ایدی. شهر رؤسای اکثریتله اونک اوندە طویلانیر، هپسی ده عربلرک مفاخرندن بحث ایدرلر، اوراده طویلاندقلرندن هربری کندی قبیله سنی یو کسه لتمکە، دیگر قبیله لری آچالتمغه باقار، نتیجه ده بونلر آغیر سوزلر مبادلە ایدەرک آریلیرلردی. بردفعه سعید بن العاصک آغزندن قریشیلک حقنده صادر اولان مفتخرانه سوزلر بوفتنه آتشی بوسبوتون آله ولندیرمشدی. هر قبیله رئیس بوسوزلری کندی قبیله سنه یتیشدیرمش وبوصورتله بونلر فساد ترتینه قویولمشلردی.

بوصیراده (ابن سبأ) نامنده بریهودی مسلمان اولدیغنی اعلان ایتدی. یهودیلرک کندیلرینه خاص عادتلرندن بری دشمنلرندن انتقام آلق ایسته دکلری زمان اونلره دوست کورونملری وال آلتندن کیزلی کیزلی ترتیباتده بولونمالریدر. مثلاً یهودیلر حضرت عیسانک دعوتی قوت استعمالیه عقیم براقامایه جقلرینی آکلادقلری زمان ایچلرندن (پاولوس) نامنده بری خریستیانلغی قبول ایدر کوروندی و حضرت عیسانک بوتون دینی کوکندن افساد ایتدی. (ابن سبأ) ده عینی منافقانه مقصدله اسلامیتی قبول ایتدی. بوسیاسی اغتشاش اونک مفسدانه ترتیباتی ایچین اک مساعد فرصتی تشکیل ایدیوردی. ابن سبأ همان هر طرفده دولاشمغه باشلادی. کوفه، مصر، بصره واوردو مرکزى اولان بوتون یرلری برر برر زیارتله غیر ممنونلرله تماس ایتدی. حضرت عثمانک حکومتی تقلیب ایتک فکرنده اولانلرله دوشوب قالدی. مصرده یرلشهرک بربرندن آیری بولونان غیرممنونلری

بر آرایه کتیردی. بوجمیتیه (سبایه) نامی ویریلشدر.

حضرت عثمانك زماننده آق دكز آدالرنده و آفریقاده محاربهر
دوام ایدیوردی. عسكرك چوغی بوحوالیده ایدی. محمد بن ابی بکر،
محمد بن حذیفه محاربیه اشتراك ایتك اوزره كلهرك عسكركلرله سربستجه
تماس ایدیور و بونلری كندی لهلرینه تحريك ایدیورلردی. بونك
نتیجه سی اولارق مصر، عسبان مرکزی اولمشدی. حضرت عثمانك
مصره تعیین ایتدیكى والی، عبده بن ابی سرح ایدی. ابوبكرك اوغلی
محمد، محمد بن ابی حذیفه و اونلرك طرفدارلری مصرده حضرت عثمان
ایله عبده بن ابی سرح علیه علناً تحریكاته بولونیور و بوسورتله
مصرده تعضو ایتیه باشلايان مخالف فرقه سیاسیه رهبر اولیورلردی.
بوصیراده حج موسمی یاقلاشدیغندن اتخاذا اولونان تدبیرلره توفیقاً
كوفه، بصره و مصردن بیکر كیشیلک بر جماعت حجتی بهانه اتخاذا ایله
حجازه حرکت ایتدیلر و مدینه یه یاقین بر یرده چادیرلرینی قوروب
حضرت عثمانك علیه دیدی قودی یه باشلادیلر. بونلر حضرت علی
ایله اصحاب كزینك مداخله سی نتیجه سننده داغیلمشلردی. فقط
داغیلدقن صوكراتكرار دوندیلر، حضرت عثمان طرفدن مصر
والیسنه یازیلان بر مکتوبی ابراز ایدهرك حضرت عثمانك عسبان
مرتبلرینك قتل و حبسنی توصیه ایتدیكنی كوستردیلر. بومکتوبك
مروان طرفدن یازیش اولدیفنی ظن اولونیورلردی. اونك ایچین یامروانك
عاجلاً تسلیمنی، یاخود حضرت عثمانك مقامندن چكیمسنی ایسته دیلر
و حضرت عثمانك اوینی محاصره ایتدیلر. حضرت عثمان بو مطالبك
ایکیسنی دهر دایتدی. حضرت عائشه، برادری محمد بن ابی بكرك عاصیلرله
برلكده اولدیفنی كورهرك اوكانخالفین صیراسندن چكیمه سی اخطار

ایندی. محمد بواخطاری دیکله مدی. بونی متعاقب حضرت عائشه حجه چیقمش، قارداشی محمدی برالکده کوتورمک ایسته مش، فقط محمد بونی ده رد ایله مشدی. بوحادثه نك نتیجه سی اوله رق حضرت عثمان ایکی اوج هفته محصور قالدقن صو کره عاصیل طرفندن شهید ایدیلشدی.

حضرت عثمانك شهادتندن صو کره خلافت لایق کورولن درت ذات واردی: (۱) طلحه، (۲) زبیر، (۳) سعد بن ابی وقاص، (۴) علی. حضرت سعد بن ابی وقاص انزوایه چکیلمش بولونیوردی. بصره لیلر طلحه یه طرفدار دیلر. کوفه لیلر زبیری ایسته یورلردی. مصر لیلرله ثعلب حکومت طرفدارلرینك اکثریسی حضرت علینك لهنده ایدیلر. مخالفلرک بر قسمی حضرت عمرک اوغلی عبداللهمی، امویلر حضرت عثمانك اوغلی (ابان) ی نامزد کوستریورلردی. نامزدلر آراسنده حضرت ابوبکرک اوغلی عبدالرحمنك ده اسمی کچیوردی. حضرت عثمانك شهادتندن اوج کون صو کره عاصیلک اصراری وبرقاج کیشینك استثناسیله مدینه اهالیسی حضرت علی یه بیعت ایتشار وبوصورتله اوده خلافت کچمشدی.

حجازده بوحادثات جریان ایدیورکن شامده معاویه استقلال اعلان ایتیهی دوشونیوردی. مصرده محمد بن ابی حذیفه مستقلاً حرکت ایدیوردی. حضرت عثمانك حرام آیاردن برنده حضرت پیغمبرک مرقدی جوارنده عاصیلر طرفندن شهید ایدیلسی مهم بر حادثه ایدی. عامه امت بوحادثه دن دهشتناک اولمشدی. چونکه حضرت عثمانه مخالفت ایدنلرک اکثریسی اونك قتانی ایسته میورلردی. (اشترنخی) حضرت عائشه دن عثمانك قتلی حقنده فتوا ایسته دیکی زمان حضرت عائشه شو جوابی ویرمشدی: « معاذالله بن امام مسلمینك قتلی ایچین قطعاً

حكم ويرمى ۱۰] بر كون حضرت عثمانك ذ كرى كچر كن عثمانك مخالفان دن اولان حضرت عائشهك اونك قلى حقندهكى مطالعهسى صورتلش، اوده شو جواپى ويرمشدى: « قسم ايدرم كه بن حضرت عثمانك قتل اولونماسنى ايسته مدم . شايد بويله بر شى ايسته دمه بن ده عيني عاقبتہ او غراييم.» [۲]

حضرت عائشه، باباسى حضرت عليك رفقاسندن اولان (عبداء بن عدى) شو سوزلرى سويله مشدى: « اصحاب رسول بووقته قدر بويله بر حقارته دوچار اولمادى . آنجاق او فرقه پيدا اولدقن صوكرامى بولنمه مى ايجاب ايدن شير سويله ندى، اوقونامى ايجاب ايمه ين شير اوقوندى . نمازلى، ادا اولونامى ايجاب ايدن شكلك غيريستنه ادا اولوندى . اونك حركاى تدقيق وتعميق ايتديكم زمان اونك، يعنى حضرت عثمانك آرقداشلىرى طرفندن وقوع بولان حركاكه بيله واقف اولماديغنى كوردم. ۳۰] [

حضرت على دورنده عائشه:

حضرت عليك رياست اسلاميه كچديكى صيرالرده بوتون مملكت ايجين ايجين قايناوردى . اصحاب كزيندن متشكل كوچوك بر زمرة اك بويوك فداكارلقلار اختياريله قورولان بنيانك ياواش ياواش خراب اولمقده اولديغنى تاثيرلره مشاهده ايديوورلردى . بوزمرهك اركانى مياننده حضرت طلحه، حضرت زبير و حضرت عائشه بولونيوردى . طلحه قريشى ايدى . اسلاميتى ايلك قبول ايدنلردندى . عصر سعادتده بر چوق خزالره اشتراك ايتمشدى . حضرت ابوبكر ك دامادى و رسول

[۱] ابن سعد ، جزوالنساء صحيفه ۳۵۶ . ۲] ابن سعد ، كذا

[۳] صحيح بخارى ، خلق افعال العباد .

اكر ملك ده باجاناغي ایدی. حضرت زبیر قهرمان برآدامدی. الكشجیع مسلمانلردن صایلیوردی. حضرت پیغمبرك حواریسی نامیله معروفدی. پیغمبرك خالا زاده سی و حضرت ابوبكر كده دامادی ایدی. بونلرك ایکیسی ده حضرت عثمانی انتخاب ایدن شورا ارکانندن بولونیورلردی. روایت کوره حضرت عثمان محاصره ده ایکن حضرت عائشه هر سنه یایدیغی کبی حجه چیقمش، فریضه بی ایفا ایدرک عودت ایدرکن یولده طلحه و زبیر ایله قارشیلانمش و اونلرله قونوشمشدی. بونلر حضرت عائشه یه شوسوزلری سویله مشلردی: «بزم دینه دن قاجیورز، اوراده کی آیاق طاقیمندن، بدویلردن اوزاقلاشیورز، کریده بیراقدقلریمز شاشیرمشلر، اوقدر که نه برحق طانیور، نه برباطلی انکار ایدیور، نه ده کندیلمی مدافعه ایدم بیلورلر» [۱] بالمقابل حضرت عائشه : «او حالده استشاره ایدیکنز، بویله بر وضعیتده نه یایمق لازمه اولی یاییکنز. دیدی. سو کر امدینه یه کیتمه یهرك مکه مکرمه یه جکیادی. خلق بونی دویارق فوج فوج اونك اطرافنه طویلانمغه باشلادی. حضرت عائشه ده اصلاح دعوتنه ابتدار ایله دی. عمره بنت عبدالرحمندن روایت اولوندیغنه کوره حضرت عائشه شوسوزی سویله مشدر: «بو ملت قدر شوایت کریمه نك معاسنه اویمایان واوندن یوز چورن بر ملت کورمه دم: (مؤمنلردن ایکی طائفه دو گوشه جك اولورسه اونلری؛ باریشدیریکنز. بری دیگرینه ظلم و تجاوز کوستره جك اولورسه تجاوز ایدم نه اللهك امرینه رجوع ایدنجه یه قدر حرب ایدیکنز. رجوع ایتدیمی دیگر طرفی باریشدیریکنز.» [۲]

[۱] تاریخ طبری . ۲ وان طائفتان من المؤمنین اقتلوا فاصالحوا بينهما فان بغت احديهما على الاخرى فقاتلوا التي تبتغي حتى تفي الى امر الله فان فئت فاصالحوا بينهما . موطأ ، امام محمد بن مالك ، باب التفسير

اون دردنجي فصل

حضرت عائشه نك اصمراع وعرفي

دور نبوتده اصحابدن بري، قيزينك رأيي صور مقسزين وورخاسني
آلمقسزين اوني برينه تزويج ايتمشدي. قيز حضور نبوي به كلهرك
استمداد ايتدي. رسول اكرم قيزك باباسني چاغيرتدي واوركا نكاحي
فسخ ايتدير مك ايتتدي. قيز: (يارسول الله، بو نكاحي قبول
ايدويورم. مقصدم، حقوقك توضيحي در.) [۱] ديدى.

حضرت عائشه نك سياسي ايشلره اشتراكى مسلمان قادينك حائر
اولاديني حقوقك محدود اولماديغنى كوسترن برديلدر. حضرت عائشه
يوكسك فطرتلي، آچيق ذهلي برقاديندى. حضرت عائشه نك، قادينلر
جهاده اشتراك ايتمه بهرك حجه كيتمارى امر ايديلمه دن و حجاب عائد حكم
مارل اولمادن اول بعض غزالره اشتراك ايتديكى آ كلاشيلور. [۲]
حقى بعض روايتلره كوره حضرت عائشه بدر محاربه سنده حاضر
بولومشدر. احد محاربه سنده حضرت عائشه ياراليلره صيرتنده طاشيدينى
قربادن صو ويريوردى. [۳] خندق محاربه سنده مسلمانلر محصور
ايكن حضرت عائشه محاربه يي سير ايدويوردى. [۴]

(۱) سنن نسائي، باب البكر. سنن دارقطني، كتاب النكاح. مسند احمد

(۲) صحيح بخاري، باب حج النساء (۳) صحيح بخاري، غزوة احد. (۴) مسند

قادینلره مخصوص بعض طبیعی احوال شهره سز امامت فرائضنه منافیدر . امامت ایچین ضروری اولان شرائط قادینلرده اجتماع ائمه - مکده در . بوندن دولاییدر که قادینلر جمهوره امامت و یا خود عمومی ریاست کی فرائضی ایفادن مستثادرلر . بوندن قادینلرک سیاسی وء کمری رهبرلک وظیفه لرینی درعهده ائمه یه جکمری آ کلاشیلماملیدر . امام مالک و طبری ، برروایت کوردهده امام اعظم ابوحنیفه ایله سائر ائمه قادینلرک امارت و قضا وظیفه لرینی درعهده ائمه لرینه جواز ویرمشلردر . [۱]

حضرت عمر کندی زماننده بازار و چارشی ایشلرینک تدویرینی بر قادینه ترک ائتمشدی . [۲] حضرت عائشه قادینلرک اجتماعنده بولوندیغی زمان نماز و وقتی حلول ایدرسه اونلره امامت وظیفه سنی ایفاییدردی . [۳]

حجج موسملرندن برنده وقوع بولان دعوت اوزرینه حرمین اهالیسندن آلتیوز کیشی عائشه نك دعوتنه اجابت ائتش ، ابن عامر ایله ابن منیه لازم اولان دوه لری حاضر لادقن صوکراره یه کیدیله جکنی قرار لاشدیر مق ایچین حضرت عائشه نك اونده طویلانمشلردی . حضرت عائشه (ابن سبأ) ایله عموم عاصیلر مدینه ده بولوندقلری جهتله او طرفه کیدیلسنی مناسب کوردی . بونقطه مناقشه اولونمش ، نتیجه ده بصره طرفه کیدیلسنی تقرر ایدرک حضرت عائشه بصره یه دوغرو حرکت ائتمشدی . حضرت عائشه نه تون زوجات طاهرات طرفدن تشیع اولونمش ، خاق اوکا و داع ایییورکن هم آغلا یور ، هم ده (یارب نه حاله دوچار اولدق که قارداش قارداشک قاننه صوصامش ، ام المؤمنین اوینی بیراقه رق

[۱] فتح الباری و قسطلانی ، باب کباب رسول الله صلی الله علیه و سلم الی کسری . [۲] کتاب اسماء الرجال ، شفاء العدویه . [۳] طبقات ابن سعد ، جزؤ النساء ، کتاب الام ، امام شافعی ، جلد اول ، صحیفه ۱۴۵

سفره حقيقتى بولونيور !) ديوردى . حضرت عائشه نك بصره يه
 كيتمى مكه يه فرار ايدهرك حرم شريفه التجا ايدن امويلر ايچين بر
 فرصت تشكىل ايتدى . بونلر همان حضرت عائشه نك قافله سنه
 قاريشديلر واونلر بركت ايتديلر . يولده حضرت عائشه نك
 بصره يه كيتديكى دويان خلق اوكا التحاق ايتمش ، بوصورتله بصره يه
 واريلديغى زمان قافله نك اوچ بيكه بالغ اولديغى كورولمشدى . حضرت
 عائشه نك هدفى اصلاح دعوتى ايدى . امويلر ايسه بودعوتك عقامته
 اوغراماسنى ايسته يور و بوصورتله حضرت علي نك مشكلاتنى آرتيرماي
 استهداف ايدى يورلرى .

حضرت عائشه نك حر كتنده اوچنچى برقوتك ظهورى كورهن
 فتنه جيلر درحال كيمك رئيس حكومت اولاجنى مسئله سنى ايلرى
 سورديلر ، بوصورتله حضرت عائشه نك اطرافنده طويلانلرى ايكي يه
 بولهرك ورياست اطرافنده ديدى قودى چيقارهرق اصلاح دعوتى
 عقامته اوغراتمق ايسته ديلر .

حضرت عائشه بوفتنه يى برطرف ايتمكه موفق اولقله برابر ايكسنى
 رفته قارشيسنده قالدى . اوده شوايدى : رياست مسئله سنى صوكرا
 حل اولونا جق ، فقط نمازده كيم امامت ايده جك ؟ طلحه مى ، زبير مى ؟
 حضرت عائشه بومسئله يى ده حل ايتدى . نمازده امامته طلحه ايله
 زبيرك اوغللرىنى مناوبه ايله تعيين ايتدى . (حواب) ايرماغنه مواصلت
 ايديلديكى زمان ايرماغك اطرافنده طويلانان كوپكلىر قالا بالقدن اور كدرك
 حاولامغه باشلاديلر . حضرت عائشه بودقيقه ده رسول اكرمك حديث
 شريفنى خاطر لادى : « الله بيلير ، حواب كوپكلىرى هانكي كسزه قارشى
 حاولا يه جق ! » حضرت عائشه بو حديث شريفنى خاطر لادقدن صوكرا

دو نمکه عزم ایتدی . قافله کونلرجه بوراده قالدی . بالا آخره کوی اهالیسندن الی کیشی بورانک (حوآب) اولمادیغنه شهادت ایتدکلرندن حضرت عائشه ده مطمئن اولارق یولنه دوام ایتدی . حضرت علی عائشه نك بصره یه حرکت ایتدیکنی خبر آلینجه اوده اورایه کیتمک نیتله مدینه دن چیقدی . بو خبر واصل اولونجه حضرت عائشه نك قافله سی سرعتله ایاریله یه رك بصره یه موصلت ایتدی . طبری وسائر تاریخ کتابلری بووقعه یی روایت ایدرلر . بالذات حضرت عائشه بووقعه یی شویله جه آکلاتیور :

« حوآبه موصلت ایتدبکم زمان کوپکلرک حاولاماسنی دویدم . آرتیق بکا دونمک کرک ، دیدم . رسول اکرم صلی الله علیه وسلم بزه (عجبا هانکیکنزه قارشى حوآب کوپکلری حاولایه جق ؟) دیمشدی . بوکا قارشى زییر عائشه یه : دونه جکمیسک ؟ دیدی ؛ دونمه ، بلکه جناب حق انسانلر آراسنده صلح و مسالمتی سنکله تأمین ایدر . [۱] دیگر برروایت ده شـو شکله در : « حضرت عائشه نك رفاقنده بولونانلراوکا : دونمه ییکز ، ایاریله ییکز ، مسلمانلر سزی کورسونلر . جناب حق انسانلر آراسنده صلح و مسالمتی سنکله تأمین ایدر . » [۱] بوروایتلر بزه حضرت عائشه نك محضا صلح و صلاح مقصدیله حرکت ایتدیکنی کوسترییور .

مکه مکرمه ، مدینه منوره وبصره دن سوکرا اک بوپوک اسلام شهرى کوفه ایدی . بورانک حاکمی ابوموسی الاشعری ایدی . بوصیرالرده هرطرف ، هرفرقه کندى حقنى مدافعه و اثبات ایله مشغول اولدیغی ایچین ابوموسی الاشعری خطبه لرنده هرکسه عزالت

وانزوایی توصیه ایدیوردی . حضرت عائشه کوفه رؤسائنه مکتوبلر
 کوندردی . حضرت علی ایسه عمار بن یاسر ایله اوغلی حضرت حسنی
 کوندردی . عمار کوفه جامع شریفده احوال حقده برنطق ایراد
 ایتدی . و حضرت عائشه نك كرايتد كدن صو كراشو سوزلری
 سويله دی : « جناب حق سزی امتحان ایدیور . تا كه حق و باطلی
 بر برندن آیرد ایدم بیلوب ایتدیك كز آ كلاشیلین . » عمارك بوسوزلری
 تأثیر ایتدی . برقاج بيك مسلمان اونلكه بر اولدی . بونلكه برابر
 هر كس مترددی . چونكه بر طرفده حضرت ام المؤمنین ، دیگر طرفده
 پیغمبرك عمجه زاده سی و دامادی حضرت علی بولونیوردی . عجیبا بونلرك
 هانكيسنه التحاق ایتلی ایدی ؟ حضرت عائشه بصريه باقلاشدق دن
 صو كره شهره برقاج كیشی کوندردی . شهرده کی رؤسایه مکتوبلر
 یازدی . بصريه مواصلة ن صو كرا بصريه رؤسائنه اولرینه کیتدی .
 قبیله رئیس لرندن بری حضرت عائشه نك فكرنده دکلدی . حضرت
 عائشه اولك اوینه کیتدی . دعوتی آكلاندى . اوده اوکا : « والده مك
 سوزینی ديكلمه مكدن حیا ایدرم . » دیدی .

حضرت علی طرفندن نصب اولومان بصريه والیسی عثمان بن
 حنیف ایدی . عثمان بن حنیف عمران ایله ابوالاسودى حضرت
 عائشه نك نزدینه کوندردی . بونلرك ايكیسی حضرت عائشه یه ملاقی اولارق
 سبب سیاحتی صور دیلر . عائشه شو جوابی ویردی : « قسیم ایدرم كه
 نیم کی برانسان کیزی بر مقصد ایچین اوندن چیقماز . بر والده
 حقیقی اولاد لرندن صاقلاماز . وقته ششودر : بر طاقم سر كشی
 قبیله لر حرم رسول اولان مدینه یه هجوم ایتدیلر . اوراده
 فتنه چیقار انلری حمایه ایتدیلر . بونلر اللهك و رسول اللهك

لعنتہ مستحقدرلر . بوندن باشقہ بونلر بیکناه اولان خلیفہ بی
اولدوردیلر ، اونک معصوم قاتی دوکدیلر . ماللرینی آلمق
جائز اولمایانلرک ماللرینی یاغما ایتدیلر . پیغمبرک حرم محترمنہ حرمتسیرلک
کوستردیلر . حرام برآی اولان ذی الحجہک حرمتی هتک ایتدیلر .
حضرت عثمانک شهادتی ، خاقی تذلیل ایتدی ، مسلمانلرک ناحق یرہ
قانلرینک دوکولمسنہ سائق اولدی . یابانچیلری اولرینہ صوفق ایستہ .
مہینلرک حریمہ جبراً کیریلدی . مسلمانلرک بونلردن قورتولمق
و کندیلرینی صیانت ایتک ایچین قدرتلری یوق . کریدہ بیراقدیغم
مسلمانلرک بونلردن نہ قدر ضرر کوردکلرینی ، بونلرک نہ قدر جانیتلر
ارتکاب ایتدکلرینی آکلاتمق ایچین یامدہ کی مؤمنلری آلوب یولہ
چیقدم . جناب حق دیورکہ : (اونلرک سوزلرینک چوغندہ خیر
یوقدر . خیر برصدقہ ویردن ، معروفی امر ایدن ، انسانلرک
آراسنی تألیف ایدندہ در .) [۱] بزده جناب حق ایلہ رسول اکرمک
بویوک ، کوچوک ، ارکک ، قادین هرکسہ امر ایتدبکی اصلاح دعوتی
ایچین قیام ایتدک . مقصدیمز بوندن عبارتدر .

عمران ایلہ ابوالاسود حضرت عائشہک حضورندن قالقارق
زبیرک یانہ کیتدیلر . اونلرلہدہ قونوشدیلر . سوکرا تکرار حضرت
عائشہک زردینہ کلدیلر . حضرت عائشہ ابوالاسودہ شوسوزلری
سویلدی : «ابوالاسود! دقت یت ، نفسک سنی جہنمہ کوتورمسون .»
سوکرا شوآیت کریمہ بی اوقودی : (کونوا قوامین لله شهداء بالقسط)
یعنی (الله ایچین قیام ایدنلردن اولوک . انصاف و عدالت دائرہسندہ
شهادت ایدک .)

بوملاقانك نتیجه سی شواولادی : بصره والیسی عثمان بن حنیفك
 کوندردیکی ایکی کیشیدن بری اولان عمران مجادله دن چکیلدیکنی
 سویله مش ، بصره والیسنده چکیلیمه یی توصیه ایتشدی . فقط عثمان
 بن حنیف بو توصیه یی دیکله ده مش ، جمعه کونی برآدام تدارك ایدرك
 اوکا شونطق ایراد ایتدیرمشدی : « ای ناس ! دیشاریده طویلانان
 انسانلر ، ظالمردن قاجوب کلیور وسزدن یاردیم دیله یورلرسه بونك
 اصلی یوقدر . چونکه بونلر مکهدن کلیورلر . مکدهده هیچ برکیسه
 برقوشه بیله دوقوناماز . یوق ، بونلر بزدن عثمانك انتقامنی آلق
 ایچین کلیورلرسه عثمانك قاتلاری بز دکلز . بونلر نرمدن کلدیلسه
 اورایه کیتسونلر . » خطیبك بومطالعہ سی منطق تاثیرنی اجرا ایتمشکن
 جماعتك ایچندن قالقان برخطیب شو جوابی ویردی : « دیشاریه
 کلنلر بزه ، سز عثمانك قاتلیسکلز ، دییورلرمی ؟ بونلر بورایه عثمانك
 قاتلارینی تأدیب ایچین بزدن یاردیم ایسته یورلر . بوکلنلر کندی یوردلرندن
 قوغولمشلرسه اونلری محافظه کیمه ترتب ایدر ؟ »

نطقلر بو صورتله ایراد اولونیور ، خطیبلر بربرینی تعقیب ایدیورکن
 بردن بره حضرت عائشه ایله طلحه و زبیر طرفدارلریله برلکده
 کوروندیلر . اولاً ، طلحه ایله زبیر نطقلر ایراد ایتدیلر ، ایضاحات
 ویردیلر . دها صوکر حضرت عائشه قالدی و صوڪ درجه منانت
 و بلاغتله ، یوکسك و حاکم برسسله سوزه باشلادی ، الله محمد
 ایتدکن صوکر شوشکلده نطقنه دوام ایتدی : « حضرت عثمانه اعتراض
 ایدنلر چوقدی . هرکس اونك مأمورلرندن شکایت ایدیور ، مدینه یه
 کلنلر بنمله استشاره ایدیور و بو حالی اصلاح ایتمه نك یولنی صوریورلردی .
 اونلر صلح و مسالمتك دوامی ایچین سویله دیکم سوزلری آکلایورلردی . »

بونلرک عثمان حقهده کی شکایتلرینی عریض و عمیق تدقیق ایتدکدن
 صوکر ا عثمانی بیکناه، متقی و صمیمی بولویوروم. فتنه و فساد چیقارانیلر
 ایسه کناهکار، غدار و یالانچی کیسه لردی. اونلرک دیللریله
 سویله دکلری قیللرندە کیزله دکلرینه اویمایوردی. اونلر عددلرینک
 آرتماسندن استفاده ایدهرک عثمانک اوینه کیردیلر، اونک معصوم
 قانی دوکدیلر، آل اوزاتیلماسی حرام اولان ماللری یاغما ایتدیلر،
 حرمت کوستریلمسی فرض اولان یولره حرمتسزلک ایتدیلر. شیمدی
 ایپیلماسی لازم اولان شی، عثمانک قاتللرینی یاقلامق واحکام التهییه یی
 حققلرندە تطبیق ایتمکدر. « حضرت عائشه صوکر ا شوآیت کریمه یی
 اوقودی : « کتابدن نصیبی اولانلرک کتاب الله کوره حکم و یرمه یه
 دعوت اولوندقلری حالده ایچلرندن بفرقه نک یوزچویروب دوندکلرینی
 کورمیورمیسکیز ؟ » [۱]

حضرت عائشه نک بومناسبتله ایراد ایتدیکی دیگر برنطق ده قید
 اولونمقده در. بونطق بلاغت و بیان اعتباریله ده مینکی نطقدن ده
 یوکسکدر. حضرت عائشه خلقی سکوته دعوت ایتدکدن وهرکس
 صوصدقن صوکر ا شو سوزلری سویله مشدی : « ای ناس ! بنم
 اوزریکزده والده لک حقم واردر. سزه نصیحت ایتمک شرفنی حائزم.
 اللهک مطیع قولی اولیاندن باشقه سی بکا برسوز سویله یه من. رسول
 اکرم باشی کو کسمه دایایه رق ارتحال ایتدی. بن اونک زوجه سی یم.
 جناب حق بنی هر صورتله محافظه بویورمشدر. بنمله، مؤمن منافقدن
 آیریلمشدر. وینه بنم سبیمله، تیم حکمی نازل اولمشدر. بابام

(۱) الم ترالی الذین اوتوا نصیباً من الکتاب یدعون الی کتاب الله لیحکم بینهم
 ثم یتولی فریقاً منهم وهم معرضون. (آل عمران)

مسلمانان فی قبول ایدنلرک اوچونجیسیدر . حرا غارینه التجا ایدن
ایکی آرقداشک ایکنجیسی او ایدی . صدیق لقبی احراز ایدنلرک
برنجیسی او ایدی . حضرت پیغمبر اوندن خوشنود اولارق اونی
امامته کچیردی . پیغمبرک ارتحالندن سوکرا اسلامیت رابطہسی
کوشه مهیه باشلادیغی زمان بابام اوکا رصانت ویردی . نفاقک اوکئی
او آلدی . وارثدادک منبعی قوروتدی ، یهودیلرک فسادلرینی ازاله ایتدی .
سز اوزمان فتنه وفسادی بکله یوردیکز . شورش واختلال ایچنده
قالا جقکزی ظن ایدیور دیکز . فقط او ، بوتون فسادلری برطرف
ایتدی . هر درده بر درمان بولدی ، صوسزلره صوویردی ، یولسزلقلری
قالدیردی ، الحاصل هر ایشی تمملادقن سوکرا اللهنه قاووشدی .
بابامدن سوکرا اونک یرینه اویله بری کلدی که هر شیئی محافظه ایتدی .
دائما ضالالتدن اوزاق قالدی . دشمنلری تأدیب ایتدی . جاهللری
عفو ایله دی . اسلامیتک نصرتی او غورنده کیجه لری کوزینه اریقو
گیرمه دی . هر یرده ، هر خصوصده هر آدیم باشنده امته رهبرلک ایتدی .
فتنه وفسادی تارمار ایتدی . شیمدی بکا عسکرله نیچین یوله چیقادیغی
صوریورسکز ! معصیت پشنده قوشمیورم . فتنه وفساد چیقارمق
ایسته میورم ، کمال صدق وانصاف ایله سویله یورم ، جناب حقن حتی
اتمام وبزی ایقاظ ایتمیسی تضرع ونیاز ایدیورم . «
حضرت عائشه نیک بویاناتی اوقادار تأثیر ایتدی که مخاصملر ایچندن
برچوقلری اونک طرفه کچدیلر وسوء ظن بسله ینلر سینوب قالدیلر .
بونی متعاقب ایکی طرف آراستده مناقشه باشلادی . حضرت عائشه
کندی جماعته عودت امرینی ویردی . بصره والیسنک طرفدارلرندن
انضمام ایدنلرده اونکله برابر حرکت ایتدیلر . ایرتسی کون ایکی

طرف میدانہ چیقہدی . مخالفلرک قوماندانی (حکیم) نامندہ بری ایدی .
اصلاح طلب ایدن عسکرلر سکونتلرینی محافظہ ایدیورلردی . حضرت
عائشہ اونلرہ تانی توصیه ایتمشدی . فقط حکیم تجاوزکارانہ بر خط حرکت
تعقیب ایدیورلردی . اصلاح طرفدارلری اوکا مقابلہ ایتدیار . حضرت
عائشہ نك طرفہ طاش و طوغلہ پارچہلری آتیلدینی حالہ حضرت
عائشہ ینہ حرب ایتہمہیی وعسکرلر ینہ باشقہ بر برہ چکیلیمہیی امر
ایتدی . حکیم اورایہدہ کلدی وتکرار تجاوزہ باشلادی . یالکتر
اورتہلق قاراردیغندن کری چکیلدی . حضرت عائشہ بوندن استفادہ
ایدہرک بر منزل کریلہدی . حکیم ، صباحلین تکرار عائشہیی تعقیب ایتدی .
مناسبتسز بر طاقیم سوزلر سویلہدی . بونلر حرب و ضربہ حاضرلانمش
بولونیورلردی . حضرت عائشہ ینہ حربدن توقی ایچین امر ویردی .
فقط متجاوزلرک خط حرکتی هر کسی حدتلدیردیکندن و هر کسی
مداخلہ مجبور ایتدیکندن ایستہ من حرب باشلادی . حرب
شدتہ جریان ایتمش ، بر چوق مقتوللر دوشمشدی . بوکا قارشی صلح
قرارلاشدیریش ، طلحہ ایلہ زیرک حضرت علی یہ ایستہ یہرکمی ،
ایستہ یہرکمی بیعت ایتدکلری مسئلہ سنک تحقیقاندہ حاضر بولونمق
اوزرہ کندی طرفلرندن مدینہ یہ بر مثل کوندرملری تقرر ایتمشدی .
ایکینک ایستہ یہرک بیعت ایتدکلری ثابت اولورسہ بصرہ اونلرہ
ویریلہجک ، عکسی تقدیردہ اوراسنی ترک ایدوب چکیلہجکلردی .

طلحہ ایلہ زیرک ممثلی بر جمعہ کونی اصحاب ایلہ اہالی مسجد
نبویدہ نماز قیلارکن مدینہ یہ واردی . نمازدن صوکرہ مسئلہیی اورتایہ
آتدی : زیر ایلہ طلحہ نہ شکلدہ بیعت ایتشاردی ؟ ایستہ یہرکمی ، مجبور
اولارقمی ؟ بوتون جماعت سکوت ایتدی . نہایت اسامہ بن زید

قالقدى واونلرك جبراً بيعت ايتدكلارنى سويلەدى . بونك اوزرىنه انصاردن سەل بن حنيف اسامەنك اوزرىنه آتيلدى واونى چكدى . بوحالى كوردن حضرت صهيب ، حضرت ابى ايوب و محمد بن مسلمە ايلە سائر اصحاب «اسامەنك ديدىكى دوغرودور» ديدىلر ، اسامەنى سەل بن حنيفك النـدن قورتارارق اوينە كوتوروب يىراقدىلر . حضرت صهيب ، اسامەيە : « بز فاصيل نـكوت ايتدك ايسە سىندە سكوت ايتىلىدك . » ديدى . حضرت على دە بصرە واليسە شوسوزلرى يازدى . « خلقدن جبراً بيعت آلىنمىش ايسە مسلمانلر آراسىندە افتراقە ميدان ويرمەك ايجىندى . »

سفير بصرەيە عودىتىندە مدينەدەكى وضعيتنى آكلاتدى . بوصيرادە حضرت علىنك مەكتوبى ورود ايتدى . طرفين دە بوزمانە قدر عىنى جامەدە عىنى امامە اقتدا ايدىيورلردى . فقط اصلاً عجم اولان قرق كيشى بوحداتات اوزرىنه مخالفلرە قىلىج چكدىلر ومقابىلدە كوردىلر بوصيرادە بصرە واليسى اولان عثمان بن حنيف دە توقىف ايدىلشدى . حضرت عائشە بوندن خبردار اولونجە اونى تخليه ايتدىردى وعثمانك قاتللرندن باشقە بر كىمەسەيە تعرض اولونمامسنى امر ايلەدى . بوندن باشقە خلقك اللرندهكى سلاخلرى يىراقلارنى امر ايتدى . حكيم بوتنبهاق دىكلەمەيەرك حال حربى ادامە ايتدى وبر كىجە حضرت عائشەنك قراركاھنە سوقولوب اونى اولدورمك مقصدىلە عائشەنك اقامتكاھنە قدر واردىسەدە مقصد آ كلاشيلدى وبومجادلە اصلاح طلب ايدنلرك موفقىتلە نتيجهلەنەرك بصرە شەھرى اونلرك الە كچدى . بصرە اھالىسنىك اكثريسى حضرت عائشەيە التحاق ايتمشدى . عسكەرلرە بصرەدەكى خزينەدن معاشار ويرىلدى . بورادن مدينە ، كوفە ، شام وسائر شەھر

وقصبه لره نامه لر کوندریلدی.

حضرت عائشه نك كوفه يه كوندردیكى مکتوب شو مآله در :
 « سزه جناب حقى واسلامىتى خاطر لاتير ، كتاب اللهك احكامنه توفيقاً
 حرکت ایتمکزی دیلرم . اللهدن قورقو کز وحبل السهى به صیم صبقى
 صاريلکيز . اللهك کتابندن آیریلمايکيز . بن بصره يه کلوب خلقى
 کتاب الله دعوت ایتدم . صلحای امت بو دعوتى قبول ایتدیلر .
 صلح وصلاحه قارشى کلنلر بزه قيلججه مقابله ایتدیلر : « سنى ده عثمانك ياننه
 کوندره جکيز » دیدیلر . عناد کوستره رک بزی کفر ايله اتهام ایتدیلر .
 حقمزده مناسبستز سوزلر صرف ایتدیلر . بز اونلره قرآن کریم
 اوقودق . اونلره (کتابدن نصیبى اولانلرک کتاب الله موجبجه حکمه
 دعوت اولوندقلىرى کورميورميسکيز) آيتنى تلاوت ايله دک . بونى ايشيدنلرک
 بعضيلرى بزه اطاعت ایتدیلر . بعضيلرى اختلاف چيقاردیلر . بز اونلره
 التفات ایتدک . بصره واليسى عثمان بن حنيف بزمه حرب ایچین
 هر کسدن عهد وميثاق آلدی . فقط جناب حق بزه یارديم ایتدی .
 اونلری مقهور و پریشان ايله دی . بز اونلری ۲۶ کون کتاب الله
 دعوت ایتدک . مجرملردن ماعدا کيمسه لرك قانى دو کوله مى ایچین
 اخطار انده بولوندق . اونلر عليهمده دلائل اقامه ایتمک ایسته دیلر . بوکا
 رغماً بز اونلره صلح ایتدک . اونلر عهدلرنده ثبات ایتدیلر . خیانت
 ایتدیلر . عسکر طوپلادیلر . جناب حق عثمانك قصاصنى آلق اسبابى
 اکال ایتدی . فتنه جیلر ایچنده بر کیشیدن باشقه کيمسه قورتولمادی .
 جناب حق بزه قیس ، رباب ، از دقبيله لری واسطه سیاه یارديمده بولوندى .
 سزده دقت ایدیکيز . عثمانك قاتللرندن ماعدا هر کسه حسن معامله ده
 بولونوکيز . يالکيز بوخائن قاتلاره طرفدار اولمايکيز . اونلری حمایه

و محافظه ائمه بيگن . عذاب الهى به مستحق اولانلره خير خواه
كورونمه بيگن . اولنره خير خواه اولورسه كز سزده اولنره التحاق
ائمش اولورسكز . »

حضرت عائشه ديكر الله خاصه كوندردىكى مکتوبلرده شوسوزلری
سويله يوردی : « خالق قاتللره يارديمدن منع ايدىكز . هر كس كندى
اونده كندى ايشيله مشغول اولسون . حضرت عثمانى اولدورنلر ، دائما
امى اضلال ايدورك ، كتاب الله قارشوكلنلر بويادقاريله ا كتفا ائمه يهرك
امى كتاب الله دعوت ايتديكندن دولايى بنى تكفيره قيام ايتديلر .
حقمده مناسبتنر الفاظ استعمال ايتديلر . صلاحى امت بونلره :
سز حضرت امامك قزيله ا كتفا ائمه يوره سزه حق يولنى كوستره
زوجه مطهره يده عصيان ايدىيور ، پيغمبرك اصحابيله مسلمانلرك
رهبرلر بنى اولدورمك ائسته يورسكز ، ديديلر . كرك بو آداملر ،
كرك بصره واليسى عثمان بن حنيف ۲۶ كون بزمله مجادله ايتديلر .
بز اولنارى دائما طريق حقه دعوت ايتدك . فقط اولنر دائما خيانت
ايتديلر . طلحه ايله زبيرك بيعتى بهانه انخاذا ايتديلر . بركيجه
قارا كلغنده قراو كاهمه كيزليجه صوقولارق بنى اولدورمك ائسته ديلر .
نم محافظه مله مشغول اولان قيس ، رباب ، ازد قبيله سنه منسوب آداملر
جانبارى كورمرك جرملرينه مانع اولديلر . بوتون بصره اهالىسى
طلحه ايله زبيره التحاق ايتدى . قصاصدن صوكرا عفو اعلان
اولونه جقدر . »

بو حادته عجزك ۳۶ نجي سنه مى ربيع الآخر آينك ۲۶ نجي كوني

وقوع بولشدى .

اون بېشېنچى فېصل

مەملەت ۋەقەسى

حضرت علي مەدېنەدەن ئىككى يۈز كېشى ئايەلە يولە چىقىدى، كەندىسەنە كوفەدەن التحاق ئايدىن ئىدى بىك كېشى ئايەلە بىرەيە ھەركەت ئايتىدى . بىرەيە مەۋاسەت ئايتىدىكى ئاندە ۋە سىكرلەرنىك يىكرىمى بىك كېشى يە ۋاردىغى كوردى . حضرت عائشەنىڭ اطرافىدە توپلانغانلار سە ۋتوز بىك قەدر ۋاردى . ئىككى تەرەپ قارشى قارشى يە كەلدى . ھەرقىيە رەقىبى اولان قىيەلە يە قارشى ۋەسىت ئالدى . بولدىن دىھا شايان تەلەف بىر ھال ۋە ھەركەت كوردەلە مەزدى . ھەرقىيە سىياسى مەقسەتلەر ۋە قارداشلار بىر بىلە دو كۈشمە يە سوق ئايدىيوردى . دۈنە قەدر دىشەنلە مەجادلە ئايدىن قارداشلار بۈكۈن بىر بىرنىڭ جانە قىياچقۇردى . بىر چوق مەسلمانلار بولمىز دەن مەئار اولدىلار . حضرت زەبىر « مەسلمانلار بوقايە كى مەتىن ئىكەن بۈكۈن بوقايە پارچالايورلار » دېدى . ھەرقىيە كەندىنى ۋاقادار ھەقىقەتەن سەنىيوردى كە بىر دە دۈنەك ئاستە مەيوردى . كوفەلەردەن بەئىز رۇسا بىرەدە مەقىم كەندى قىيەلە مەنسۇبلەرنە فەتەدەن ۋاز كچەلەرنى سۈيەلەدىلار . بولنىك ھەسەدە « ئام المۆمىنىننى يالەكەز بىراقامەز » دېدىلار . قىيەلە رەئىسلەردەن بىرى حضرت ئىلىنەك يەنە كەتتى . سەلەھ تەكلىفەندە بولۇندى . حضرت علي سەلەھە ذاتا راضى ئايدى . ئونىڭ ئىچىن سەلەھە مەۋافىقت ئايتىدى . ئىبنى ئادام سەلەھە ۋەزىرەك نەزەدەن كەتتى . ئونلار دەدە

عینی تکلیفی در میان ایتدی . سوکرا حضرت عائشهیه خطاباً شو
سوزلری سویلهدی :

— ای مؤمنلرک والدهسی ! بو حرکتدن مقصدیکز نهدر ؟

حضرت عائشه شو جوابی ویردی :

— عثمانک قاتلارینی تأدیپ وهر کسی صلاحه دعوت !

— او حالده دوشونو کز . حرکتکزک نره لره واردینغی تأمل

ایدیکز . بشیوز قاتل ایچین بش بیک کیشینک قانی هدر اولدی .

شیمدی ده بش بیک کیشینک قانی ایچین دهابیکلرجه انسامک قانی آقه جق .

صلاح واصلح بومیدر . ؟

بوسوزلر او قدر بلیغ و مؤثر برطرزده ایراد اولوندی که بر کیمسه

جواب ویره مدی . هر کس صلاحه موافقت ایتدی . نهایت اصحاب

برلشدی وائتلاف حاصل اولدی [۱۰]

آرتیق هرایکی طرف دو گوشمک فکرندن وازچمشدی . صلحک

تقرر ایده جکنه شبهه قالمامشدی . فقط حضرت عثمانک قاتلاری صلحک

تقرری تقدیرنده فلا کته اوغرایه جقلرینی ، جزایه چارپیلاجقلرینی

آ کلایارق فساددن کری قالمادیلر . حضرت علینک معیتده (ابن سبا)

فرقه سینه منسوب برچوق آداملر واردی . بونلرک هدفی یوقاریده

سویله دیکمز وجهله مسلمانلری بر برینه کچیرمکدی . بونک ایچین جنک

وجدال فکری تمامیه زائل اولدینغی وهر کس راحت راحت او یودینغی

صیراده یلرلرندن آریلار قارشى طرفه آگسزین هجوم ایتیشلر و بوتون صلح

و صلاح تشبثلرینی عقامته اوغرا اتمشلردی . حضرت علی معیتنی حرکته

کچمکدن آلقویمق ایسته مش ، فقط بر کیمسه یه سموز دیکله تهمه مش ،

سلاحه ساریلان حربه قوشمش ، هر طرف دیگر طرفی خیانت
و عهد شکنندگه اتهام ایتشدی .

بومجادله صباحه قدر دوام ایتدی . حضرت عائشه بردن بره وقوعه
کلن بو کورولتونک نه اولدیغنی صورمش ، هر کسک حربه طوتوشدیغنی
آ کلامشدی . بصره قاضیسی کعب بن سور حربه مانع اولق ایچین
میدانه چیقمش ، صو کرا حضرت عائشه به کله رک وضعیتیه مداخله
ایتمسنی رجا ایتشدی . حضرت عائشه قالقدی ، عسکرلرک اورتاسنه
کلدی ، طلحه ایله زبیری یاغیردی ، اوچی نه آتلی اوزورده
دوردیلر . بر طرفده بدر قهرمانلری ، دیگر طرفده احد قهرمانلری
قارشی قارشی به کلمش ، بر لرینه قلیج چکمش بولونیورلردی . حضرت
علی بردن بره رسول اکرمک بر حدیثنی خاطر لادی . حضرت
طلحه ایله زبیرده بر رؤیای خاطر لادیلر . زبیر بردن بره آتی چویردی .
مدینه یولنه قویولدی . اوننی کوردهن (ابن جرموز) نامنده برسبای
آرقاسندن تعقیب ایتدی . حضرت زبیر بر مدت ایلمیله کدن صو کرا
نماز ایچین آتندن اینمش ، نماز قیلار کن ابن جرموزک بر قلیج ضربه سیله
اولمش ، ابن جرموز اونک باشنی وجودندن آیرارق حضرت علی به
کتیرمشدی ، علی بومنظره قارشیسنده متأثر اولمش ، « زبیر پیغمبرک
قارشیسندن نیجه نیجه مشکلائی قیلجله بر طرف ایتشدی . » دیمشدی .
طلحه عودت ایتک اوزره ایدی . مروان اوننی کورده رک امویلره
قارشی بر مانع تلقی ایتدیکی طلحه به زهرلی براوق آتهرق اوننی اولدوردی .
حضرت عائشه (کعب بن سور) کندی مصحفنی وپردی ، کعب بو
مصحف شریفنی آچارق ایکی طرفی صلحه دعوت ایتدی . خائنلر
اوکاده براوق آتهرق اولدوردیلر .

وقت اوكله اوزرى ايدى. اوردو قوماندانلىرى مجادله ساحه سندن
 اوزاقلاشمىلاردى. عائشه طرفدارلىرىنىڭ جناحلىرى ضعيفدى. فقط
 محاربلىك غلىانى اكسىلمەشىدى. قارشى طرفك عسكرلىرى حضرت
 عائشەنى ياقتالايدۇ. اوڭا حقارت ايتىك ايتىپ يوردى. كوفەلىر طلحه
 ايله زبيرك ارتىمالىدىن سوڭرا بوتون قوتلىرىلە حضرت عائشەگە هجوم
 ايتىمىلاردى. عائشەنىڭ طرفدارلىرى اونىڭ دىرت طرفى احاطە ايتىمىلار،
 بوتون قوتلىرىلە مدافعه ايلەمىشلار، قانلىرىنىڭ سوڭ داملاسىنى اونىڭ
 اوغورنىدە فدا ايتىپ عەھد ايتىمىلاردى. حضرت عائشەنى مدافعه
 ايدىنلار (عدى)، (ضبه)، (بكر بن وائل)، (ازد)، (بنو ناجيه)
 قىيىلەلىرى ايدىلار. بونىر معارضىنى بوسكورتىپ يوردى. حضرت
 عائشەنىڭ دۈشمەنى طوتانلار ايتىپ بىر دۈشەنچە دىكرى اونىڭ يىنى
 طوتىپ، بو صورتلە تىش كىشى جان وىرمىش بولۇپ يوردى. حضرت
 عبدالله بن الزبيردە حضرت عائشەنىڭ ياندى ايدى. عائشەنىڭ دۈشمەنى
 ياقتالاشانلىرى بىر بىر اورىپ يوردى. حضرت على بو ازدحامى داغىتىپ
 ايتىپ بالذات ايلەپلەدى. اشترىنى، عبدالله بن زبير ايله دوڭوشمىش،
 ايكىسىدە يارالانمىشى.

بوصىرادە حضرت عائشەنىڭ دۈشمەنىڭ آياغى بىر ضربه اصابت
 ايتىش، دۈشمەن دۈشمەشدى. عمار بن ياسر ايله محمد بن ابوبكر
 ھەن قوشىدىلار، حضرت عائشەگە يىتىشىدىلار. محمد ھەشېرەنىڭ تىخت
 روانىنى سوقدى، اونىڭ يارالانوب يارالانمايدىغى يوردى. حضرت
 عائشە تىخت روالىك ايتىپ بىر كىر دىكى كورونچە «بوھانكى ملىونىڭ
 ايدىر» دىيە باغىردى. محمد عائشەگە كىندى برادىرى اولدىغى سۈيەلەدى.
 عائشە اوڭا «سەن ممدوح بر آدم دىك، مدموم بر آدمىك» دىدى.

حضرت علی ده کلدی . حضرت عائشه نك بر ضرره دوجار اولوب
اولمادیغنی صورتی . حضرت علی حضرت عائشه نك خاطرینی استفسار
ایتدی . سوکرا اونی کندی طرفدارلرندن بر بصره لیک اویته
کوندردی . بصره لیلردن مجروح دوشنلرده اوراده ایدیلر . متعاقباً حضرت
علی ایله حضرت ابن عباس و سائر ذوات حضرت عائشه یی زیارت ایدهرک
اونکله قونوشدیلر . بونی متعاقب عائشه محمد بن ابی بکرک محافظه سنی
آلتنده معیتنه ترفیق اولونان قرق قدار قادینله حجازه دوغرو حرکت
ایتدی . ۱]

حضرت عائشه حرکت ایدرکن « قسم ایدرم که علی یه قارش
هیچ براغبرارم یوقدر . آرامزده اولسه اولسه برزوجه ایله قوجه سیک
اقرباسی آراسنده اولا بیلن شیلردن باشقه برشی یوقدر . » دیدی .
حضرت علی ده عینی طرزده مقابله ایتدی . اونک اوزرینه عائشه نك
قافله سنی یوله قویولدی .

حجج موسمنه برقاج آی قالمشدی . اونک ایچین حضرت عائشه
مکه یه کیتمش ، حجدن سوکرا مدینه یه عودت ایدهرک روضه نبی یه
مجاورت ایتمشدی . حضرت عائشه بوتون حیاتی آشناسنده اصلاح ایچین
طوتدیغنی یولک طوغرو اولوب اولمادیغنی دوشونور و حرکت واقعه سنی
تأثرله خاطرلاردی . ابن ابی شیهه مسندنده حضرت عائشه نك شوسوزلری
نقل اولونیور : « کاشکی بن یکرمی سنه اول اولمش اولایدم ! » [۲]
طبرینک روایتته کوره برکون بصره لیلردن بری حضرت عائشه یی

۱] بونون بو حادثات طبرینک آلتنجی جلدنده مفیددر . مع الاسف
بو واقعه لرك معتبر سندلری پك یوقدر . حدیث کتاباری بو واقعه لردن بحث
ایتمز . ۲] ازاله الحفا ، شاه ولی الله صاحب

مدینه‌ده زیارت ایتمش ، حضرت عائشه اوکا : « سن محاربده بزمه
بر ابرمیدك ؟ » دییه صورمشدی . اوده « اوت » دیمشدی . حضرت
عائشه اوحالده اوکون « ای والده لرك اك خير ليسی ! » طرزنده
شعر انشاد ایدەك کیم اولدیغنی صورمش ، اوده « اوشعری انشاد
ایدن بتم قارداشمدی . » دیمشدی . حضرت عائشه متأثر اولمش
و آغلامشدی . صحیح بخارینک بیاننه نظراً ، حضرت عائشه ارتحالی
آننده حیانتده بویله بویوک برخطا ایشله دیکنی سویله یهرك ۱ [روضه
مطهره یه دفن اولومامسنى و دیگر زوجات طاهراتك یاننه ، بقیعه دفن
ایدیلسنی وصیت ایتمشدی . ۲] ابن سعد حضرت عائشه ك جل
وقعه سندن صوکره (و قرن فی بیوتکن) یعنی « ای پینمبرك
زوجه لری ! اولریک زده قرار قیلیکیز . » آیت کریمه سنی اوقودقچ اوینی
ییراقوب بویله بر ایش پشنده قوشدیغندن دولایي خطا ایتدیکنی
و قرآنك زوجات طاهراته اولان امرینه مخالفت ایتدیکنی دوشونەرك
صوك درجه متأثر ونادم اولوردی .

(۱) مستدرک حاکم (۲) صحیح بخاری کتاب الجنائز .

على ابد عائشه آراسنده كى كركينك

بعض سوء نيت صاحبلى حضرت عائشه بك افك واقعسى ائناسنده حضرت على طرفندن سويله ن سوزلره حدت ايدرك اوكا قارشى مغبر اولديغنى و بويوزدن اوكا قارشى مشكلات چيقارديغنى سويلر لرسده حضرت عائشه بك حضرت على به قارشى فنا ر فكر بسله ديكي دوغرو دكلدر. چونكه حضرت عائشه بك ايراد ايتديكي خطبه لرى ، يازديغى مکتوبلى نظر دفته آلايغمز تقديرده بونلرك برندهده على حقنده ، ائما ايلهده اولسون، الك كوچوك بر تعريضك بيله بولونماديغنى كورورز. ايكي طرف آراسنده كى حرب، اوني ايقاعه تشبث ايدن وبونك ايچين نيسيسه كارانه بر صورتده حر كت ايدنلرك اثرى ايدى .

(ابن سبأ) فرقهسى حضرت عليك خلافته هر كسدن فضايله لايق اولديغنى، حضرت بيغمبرك بومقامى اوكا وصيت ايتديكى ادعا ايديبوردى. حضرت عائشه بوكا جواباً : « رسول اكرم، باشى بنم كو كسمده ايكن اورتحال ايتدى. بويله بر وصيتده بولونمش اولسه هر كسدن اول بزم خبريمز اولماسى ايجاب ايدردى. اولماديغنه كوره بو وصيت نه زمان وقوع بولدى ؟ » [۴۰۱] ديمشدى. حضرت عائشه بك (سبأ) ليلر طرفندن وقوع بولان ادعايه

(۱) ابن سعد، جزؤ النساء ، صفحه ۵۶ ، سفیان ثورینك روایتی

(۲) صحیح بخاری، باب وفات النبی صلی الله علیه وسلم.

بوجوابی ویرمی اونک حضرت علی علیہندہ اولدیغنی هیچ بروجهله
کوسترمز. چونکه حضرت عائشه تاریخی بروقعہ پی ایضاح و بیان ایتمش
اولویوردی.

بر کون آدامک بری حضرت عائشه یہ مراجعت ایدہ رک شو
آیتک معناسنی صورتی : « کتابی قوللریمزدن اصطفایا و انتخاب ایتدکلمریمزه
میراث بیراقدق. اونلرک ایچنده کندیلرینه ظلم ایدنلر، ایچلرندہ معتدل
اولانلر و اییلکلره مسابقه ایدنلر وارد. » [۱] حضرت عائشه شو
جوابی ویردی : « اوغلم، دیدی، بواوچ فرقه ده جنتہ کیره جکدر.
چونکه بو آیتدن صوکررا بونلر عدن جنترلرینه کیررلر، دہ نیلیور. »
صوکره دوام ایدوب شو بیاناتده بولوندی : « اییلکلره مسابقه ایدنلر
حضرت پیغمبرک کوزی اوکنده اولنلر، اونک تبشیراتنه فائل اولانلردور.
معتدللرده حضرت پیغمبره تمامیلہ پیرو اولانلر، حتی او یولده استحقار
حیات ایدنلردور. کندی نفسلرینه ظلم ایدنلر سه اونلرده سنک و نیم
کبی اولانلردور. » [۲]

حضرت علینک طرفدارلرندن و جمل وقعه سی قهرمانلرندن اولان
عمار بن یاسر ایله اشتراخی حضرت عائشه پی زیارتہ کلنلردی. عمار
حضرت عائشه یہ « آنه !.. » دیدی. حضرت عائشه : « بن سزک
آنه کز دکلم » دیدی.

عمار : — سز ایتر قبول ایدیگز، ایستر ایتہ بیگز. هر حالده
سز بزم آنه مز سکز.

(۱) ثم اورثنا الكتاب الذين اصطفينا من عبادنا فهم ظالم انفسه ومنهم
مقتصد ومنهم سابق بالخيرات.

(۲) مسند طرابلسی، مسند عائشه.

بونك اوزرينه حضرت عائشه صوردی : « يانكزده كي كيمدر ؟ »
 عماد جواب ويردی : اشتر نخعيدر . « حضرت عائشه اشتره خطاباً
 « دائي زاده مي اولدورمك ايسته ين سن دكليدك ؟ » اشتر : « اوي
 اولدورمه يه قالقيدي . اونك ايچين بن ده اوني اولدورمك ايسته دم »
 ديدى . بونك اوزرينه حضرت عائشه شوسوزلري سويله دى : « اكر
 سن اوني اولدورسه يدك هيچ بروقت راحت يوزي كورمه يه جكديكز . »
 ابن حنبلك برروايتنه كوره حضرت عائشه رسول اكرمدين نقللا ،
 طيالسي نك روايتنه كوره بالذات حضرت عائشه شوسوزلري سويله مندر :
 « ارتداد ، زنا ، قتل مستثنا اولق اوزره هيچ بر مؤمنك حق حياتنه
 تجاوز اولونه ماز . » بونلر كوسترييور كه جمل حادثه سنده حضرت
 عائشه هيچ بر زمان قان دو كولسنه طرفدار دكلدى .

بالاخره امويلر حضرت على عليه السلام حركته كچدكلري زمان اونك
 عليه السلام بولونمق ايچين بو حادثه لري ايلري سورمشلر ودرلو درلو پروپلا
 غاندالرده بولونمشلردى . مثلاً بونلر حضرت عايك حضرت عائشه يي اتهام
 ايدنلردن اولديغنى ، عائشه يي اتهام ايدنلر ك نص قرآن ايله جهنمك
 اولدقلىنى سويله يور ، قرآنده كنياه ايله موضوع بحث اولان
 شخصك ده على دن باشقه كيمسه اولماديغنى سويله يورلردى .

بر دفعه امام زهرى ، امويلردن وليد بن عبدالملك نزده
 بولونيور كن وليد افك حادثه سندن باحت آيت كريمه يي اوقومش «
 (والذى تولى كبره منهم له عذاب عظيم) يعنى « ايچلرندن
 افترايك اك بويوكنى ايلري سورمن بويوك بر عذابه اوغرايه جقدرد . »
 بو آيتده موضوع بحث اولان شخصك حضرت على اولديغنى
 سويله مشدى . امام زهرى ، وليدك بو جراتندن شدتله متأثر اولمش

وحضرت عائشه نك شو سوزلرني ايراد ايتمشدى : « حضرت على
حضرت عائشه نك شائى تسليم ايدنلردندر . » امام زهرينك بويامانى
وليدى اقناع ايتمه مشدى [۱۰]

پيغمبريمز خسته لاندقلىرى زمان عباس ايله علي نك قوللرينه كيره رك
عائشه نك حجره سینه كمشدى . حضرت عائشه بونى روايت ايدر كن
« رسول اكرم عباس ايله ديكر برذاته دايانه رق كلى . » دير . سوه
بيت اصحابى حضرت عائشه نك حضرت على يه قارشى اغبرارندن دولايى
بوروايتده اونك اسمنى ذكر ايتمديكى سويلرلر . حضرت پيغمبرك
برطرفدن حضرت عباسه ، ديكر طرفدن بعضاً اسامه يه ، بعضاً على يه
دايانه رق كلسندن دولايى حضرت عائشه ايكي سنك ده اسملرينى ذكر
ايتمه مشدر . بونك سببى حضرت على يه اغبرار دكل ، روايتى اختصاردن
عبارتدر . [۲۰]

حضرت عائشه نك حضرت على يه قارشى اغبرارى بولونمايغنى
اينات ايدن دلائلدن برى اونك شوروايتى در : بركون حضرت عائشه دن
رسول اكرمك اك چوق كيمى سويكى صورولمش ، اوده شو جوابى
ويرمشدى : « رسول اكرم اك چوق حضرت فاطمه يي سوه ردى . »
رسول اكرمك ار ككرايچنده اك چوق كيمى سويكى صورولوچه ، اوده
« فاطمه نك قوجاسى ! ديدى . چونكه او ، چوق نماز قيلار وچوق
اوروج طوتاريدى . »

حضرت علي نك اهل بيت و آل عبا يه داخل اولدينى براهل سنت

(۱) بوافعه صحيح بخاريده وفتح الباريده افك حديثك ترجمنده مذكوردر .

(۲) صحيح بخارى ، ذكر وفات النبي

حضرت عائشه نك روايتندن او كره نيورز. ۱] حضرت عائشه كنديسندن
 فتوى المقيمين مراجعت ايدنلر ك بر چوغنى حضرت على يه كوندريردى. ۲]
 حضرت على سفردن دوندكجه عائشه او كا ضيافت ويرردى. ۳]
 حضرت على كوفه ده خارجيلر طرفندن شهيد ايديلمىدى. معاويه
 ايله على آراسنده حكمه مراجعت ايديلمىسه خوارج مخالفت ايتمشلر
 و على يي ده، معاويه يي ده اولدورمه يه عهد ايتمشلردى.
 حضرت عائشه حضرت علينك شهادتى خبر آلدىغى زمان متأثر
 اولمش، «الله على به رحمت ايتسين»، بر سوز بكندىمى (صدق الله
 ورسوله) ديردى. اهل عراق اونی حقسز يره اتهام ايتمشلردر. ۴]
 ديمىدى.

۱] ترمذى، مناقب. ۲] صحيح مسلم، ۳] مسند احمد بن حنبل، جلد ۱
 صحيفه ۹۶ و جلد ۶ صحيفه ۱۵۵. ۴] مسند بن حنبل، جلد ۶

اون يدنجی فصل

معاویہ دورندہ حضرت عائشہ

حضرت علیہ السلام خلافتی دوت سنہ دوام ایتدی . اوندن سوکرا معاویہ گلدی . یکر می سنہ قدر حکم سوردی . حضرت عائشہ معاویہ دورینک ختامندن ایکی سنہ اول ارتحال ایتدی ، حضرت عائشہ بوتون بومدتى سکون ایچنده کچیرمشدر . بردفعه معاویہ مدینه یه گئش و حضرت عائشہ یی زیارت ایتمشدی . حضرت عائشہ اوکا : «سن بورایه قورقمادن ، پروا ایتمه دن ناصیل کلدک ؟» دیدی ؛ بوراده سنی برینه اولدورتمک ممکن دکلیدی ؟ «معاویہ ، «بورامی دارالاماندر . ایمانلی بر انسان بقتة بر کیمسه یی قتل ایتمز ، دیدی . بونی متعاقب حضرت عائشہ یه قارشى معامله سنک ناصیل قارشیلاندىغنى سوردی . عائشہ ایی و دوغرو معامله کوردیکنى سوبله دی . اونک اوزرینه معاویہ : «او حالده بنی هاشم ایله آرا مزده کنی بزه بیراقیکمز . اونلرله حضور السیدہ آ کلاشه جغز .» دیدی . ۱۰]

حضرت علیہ السلام طرفدارلارندن (حجر بن عدی) کوفه ده علوی فرقه نك رؤساسلندی . بو آدام بعض اشخاصک شهادتی اوزرینه کوفه والیسی طرفندن طوتوله رق شامه کوندریلدی . حجر (کنده)

قيلاه سنه منسوبدى . كوفه ده كنده قيهلاه سنه منسوب بر كيمسه يوقدى .
 بونك ايچين او كايارديم ايدن بولونماشدى . حضرت عائشه بوقعه دن
 خبردار اولونجه اصحابدن اولان (حجر) ي قورتارمق ايچين در حال
 بر آدام كوندردى . بو آدام شامه وارمادن حجر اولدورولمشدى . معاويه نك
 مدينه ي زيارتي ائناسنده حضرت عائشه بو مسئله ي آچهرق او كا
 « حرك قتل زمانى زوده ايدك ؟ اللهم قورقماذك مى ؟ » ديدى .
 معاويه « بو خصوصه بر قصورى اولماديغنى ، قصورك اونك عاينده
 شهادتده بولونانلره عايد اولديغنى » سويله دى . [۱۰]

عراق ايله مصر اهاليسى حضرت عثمان ، شام اهاليسى حضرت
 على عاينده ايديلر . خارجيلر هرايكيسنه عاينده ايديلر . عائشه
 بو فرقه لرك حاله مطلع اولديغنى زمان : « قرآن كريم ، پيغمبرك
 اصحابنه رحمت و مغفرت ديله ييكز ، ديديكى حالده بونلر اصحابه ديل
 اوزاتيورلر . » ديمشدى . [۲۰]

خارجيلر فرقه سنك اصل اسمى (حروريه) ايدى .
 بردغه بر قادين حضرت عائشه يه شويله برسوال صورمشدى :
 « اوروجك بالا آخره قضاسى جائز اولديغنى حالده نمازك قضاسى
 ايچين جائز اولمايور ؟ » حضرت عائشه بو سواله قارشى قاشلاريني
 چاندى : « سن حروريه دن ميسك ؟ » ديدى . [۳۰] بوندن ده حضرت
 عائشه نك بو فرقه دن نفرت ايتديكى آ كلاشيلور .

بر كره معاويه حضرت عائشه يه بر مکتوب كوندره رك اوندن
 وجيز بر نصيحت ايسته دى . حضرت عائشه شو جوابى ويردى :

(۱) طبرى ، جلد ۷ صفحه ۱۴۵ (۲) صحيح مسلم ، كتاب التفسير ،
 نووى (۳) صحيح بخارى ، كتاب الحيض (۴) جامع ترمذى : ابواب الزهد

« سلام عليكم . اما بعد . رسول اکرم دن دویدم که بر آدام انسانلرک رضاسنی تحصیله دکل ده . رضای باری بی قزانمغه چالیشیرسه جناب حق اونی انسانلرک رضاسنی قزانمادیغدن حاصل اولاجق هرشیدن صیانت ومحافظه ایدر . الله رضاسنی برطرفه بیراقوبده انسانلرک رضاسنی تحصیله چالیشانلری اللهده انسانلره بیراقیر . والسلام . » معاویه حضرت عائشه نك بونصیحتنی بوتون حیاتنده رهبر اتخاذا یتمشدی .

معاویه کندی حیاتنده اوغلی یزیده بیعت آلائی زمان حضرت عائشه نك برادری عبدالرحمن بوکا مخالفت ایتدیکندن مروان اونی توقیف ایتک ایسته مش ، عبدالرحمن ده همشیره سنك اوینه التجا یتمشدی . مروان حضرت عائشه نك اوینه کیرمکه جسارت ایدمه مش و « بوأو اوکیمنه نك اویدر که اونك حقنده (والذی قال لوالدیه اف لکما) آتی اینمشدر . » دیمش ، حضرت عائشه بونی دویارق « حقمزده یالکیز برآیت نازل اولمشدر . اوده بنم برائتمی اعلان ایدیوردی . » جوابی ویرمشدی . ۱] بوندن ده حضرت عائشه نك یزیده بیعت اولوماسنه طرفدار کورونمادیکی آکلاشیلیور .

حضرت حسنك ترفیئی :

حضرت حسن هجرتك ۹ھ نجی سنه سنده معاویه نك زمانده ارتحال ایتمشدر . حضرت حسن ، عائشه نك حجره سنده رسول اکرم ، ابوبکر و عمرک یاننده دفن اولونمهی ایسته مش ، فقط بووصیتك انفادی ایچین برقاوغا ویا کورولتو چیقمامسنی ده سویله مشدی . مروان بوکا مخالفت ایتدی . حضرت حسین ایسه وصیتك یرینه کتیریلسی اوزرنده

اصرار ایتدی . بوحادثه هاشمیلرله امویلرک سناحلاغلرینه منجر اولدی . حضرت ابوهریره ایکی طرفک آراسینه کیره رک مروانه شوسوزلری سویله دی : « حسین ، قارداشنی بویوک باباسنک یانه کومک ایسته یور . بوندن سکا نه ؟ » صو کرا ابوهریره حسین دوندی و اوکا شو سوزلری سویله دی : « مرحومک وصیتی ، حضرت عائشه نک حجره سنه دفنی ممکن اولمادینی تقدیرده قاوغا ویا مجادله چیقارما یه رق باشقه بریره دفنی دگلی ؟ » بونک اوزرینه ایکی طرفده مجادله دن وازکچمش ، حضرت حسین (بقیع) ده والده سی حضرت فاطمه نک یانه دفن اولونمشدی .

بووقعه ده حضرت عائشه نک وضعیتی نه ایدی ؟ بعض شیعی مورخلرله کوره ، حضرت عائشه حضرت حسنک جنازه سی یولنده دورارق عسکرلرینه اوق آتمالی ایچین امر ایتمش ، فقط بوصیراده برادری کلرله هنوز جل وقعه سی اونوتولمادن باشقه برحربه سی آتیلیورسک ؟ دیمش ، حضرت عائشه ده بونک اوزرینه کری دونمش ا بوروایتی طبرینک هندستانده مطبوع بر فارسی ترجمه سنده کوردک . عینی اثرک اورویاده طبع اولومان اصل عربی نسخه لرینی برر برر تدقیق وتبع ایتدی کمر حالد هبج بر یرده بویله بر روايته تصادف ایدمه دک . بوندن ده طبرینک فارسی ترجمه سنده برچوق شیلرطی و بعض شیارده علاوه اولوندیغنی آکلادق .

اوچنجی عصرده یاشایان اهل شیعه مورخلرندن یعقوبی بونی نقل ایتکده ایدمه ده اونک بونقل واقتباسی برسند تشکیل ایدمه مز ، بووقعه ده اصل شخص مرواندر ، حضرت عائشه طرفندن اوق آتیلدیغنی ، یاخود حرب ایدیلدیکی حقنده هیچ برشی یوقدر .

مورخ ابو الفداء بنى هاشم ايلہ بنى امیہ آراستہ منازعہ وقوع بولدى
زمان حضرت عائشہ نك شوسوزلى سويله ديكنى نقل ايدىيور: «بو خانہ
نم ماگمدر. بر كيمسه نك بوراد. كوموله سنه مساعدہ ايتيورم. فقط
بوروايت صحيح دكلدر. ابن الاثير ايلہ ديكر معتبر مورخلر ام المؤمنينك
كوكل رضاسيله مساعدہ ويرديكنى بيان ايدىيورلر. معاويه نك مدينه ده كي
واليسى ده بوكا مساعدہ ايتشدى. مروان ايسه بوفسادى ترتيب ايدرك
حضرت حسنك اورادہ دفته مانع اولشدى. اساساً حضرت حسين ده
قارداشك باشقه بر يره دفتيله وصيتدن انحراف ايديله چكى قبول
ايتشدى. اسماء رجال كتابلى ايلہ معتبر تاريخلر بوقعه ي بام باشقه
بر صورتہ نقل ايتكمدر. محدث ابن عبدالبر (استيعاب) نده، ابن الاثير
(اسد الغابہ) سندہ، سيوطى (تاريخ الخلفاء) سندہ حضرت حسنك ارتحالى
ايتاسندہ يانسندہ بولونان برذاتك شوروايتنى نقل ايتكمدر اتحاد ايدىيورلر:
حضرت حسن ديوركه: «ارتحال ايتديكم زمان رسول اكرمك
يانندہ دفن اولونمقلم ايچين حضرت عائشہ نك اذن و مساعدہ سنى ايتسه مشدم،
اوده موافقت ايتشدى. بلكه اونك بوموافق حيا ائيدى. اولديكم
زمان بونى اوكا خاطر لايكيز، قبول ايدرسه بنى اونك حجره سنه دفن
ايديكيز. فقط هر حالده بوكا مانع اولاجقلى بنى ظن ايدىيورم. بويله
بر شى وقوع بولورسه بر مراجعتده بولونمايكيز و بنى بقيه دفن
ايديكيز... حضرت حسن ارتحال ايتديكى زمان حضرت حسين عائشہ يه
مراجعت ايتمش، حضرت عائشہ «نمونيتله قبول ايدىيورم. ديمش،
مروان بونى خبر آلنجه» بويله شى اوله ماز، ديمش، حسن هيچ بر
وقت اورايه كوموله مز. حضرت عثمانك قبرستانده دفته مساعدہ ايتمكلرى
حالده حسنى عائشہ نك حجره سنه مى كونك ايتسه يورلر؟»

اۋون سىكزىنجى فەسىل

ھىزرىت عائشەنىڭ ارتىخالى

ھىزرىت عائشە، معاۋىيە دورىنىڭ سۈك زىمانلىرىنىە قىدر ياشامىشدر. عائشە ھىجرىتىك ۵۸ نىجى سەنىدە خىستە لائىس، خىستە لىنى شىۋىع بولور بولماز ھەركىس عىادەتە قوشىمىشدى. [۱] بۇ ھىزىرادە ھىزرىت عائشەنى عىادەت ايدىن ابن عباس ۋ عائشە ازىلدىن بىرى مۇمىنلىك والدىمى ايدى. ھىزرىت پىغمبىرىكك سۈككىلى زۈجە سىدىر، اۋنىك يۈزىدىن تىم ھكىمى نازل اولمىشدر. قرآن كرىمك اۋنىك شەندە نازل اولان آيتلىرى مسلمانلار طرقتىدىن مسجىدلردە وىخرا بىلردە او قونىور. « دىمىش، ۲ » ھىزرىت عائشەدە لوكا ۋ ابن عباس ا بنى بۈكى تىلاردىن عفو ايت. « دىمىشدى. ۳ »

ھىزرىت عائشەنىڭ سۈك دىققەلەرنىدە وىيىقى شو ايدى : « بنى ھىزرىت پىغمبىرىكك يەنە دىكل، سائر زۈجات طاھراتك يەندە بىقىدە دىفن ايدىكىز. چونكى بىن رسول كرىمدىن سۈككرا بۈيۈك بىر خىطالەشەدم. ۴ » ھىزرىت عائشە ھىجرىتىك ۵۸ نىجى سەنىسى رىمىزاننىڭ ۱۷ نىجى كۈنى، مىلادىك ۱۳ نىجى ھىزىران ۶۷۸ تارىخىندە وىر نىمازىنى مەتەقب كىچە لىن ارتىخال ايتىمىشدر. ھىزرىت عائشەنىڭ ارتىخالى بۈتۈن امت اسلامىيەنىڭ قەلبىدە سۈكك درجەدە ھىزىن وىتأىر وىجۈدە كىتىردى. بۈتۈن انصار اولرىدىن

(۱) ابن سعد ، جزؤ النساء ھىقىفە ۵۱ ۲) بۈرۈايت صحىح بخارىدە ھىزرىت عائشەنىڭ مەناقىبىدە ، سورە نور تەسىرىندە ، ھاكىمك مىستىر كىندە ، امام احمدك مىستىدىن مەقۇلدر . ۳) بخارى ، كىتاب الجنائىزك سۈكك طرقتىرى ، الاعتصام بالسنة . ۴) موطأ ، امام عىمد ، باب النوادر .

چيقارق جنازه يە اشتراك ايتديلر. حضرت عائشه ارتحالنى متعاقب در حال تجهيزيله تكفيننى وصيت ايتمش اولديغندن جنازه كيجه لين قالد يريمش، عظيم برجماعت اونی مزارينه قدر تشيع ايله مشدى. قادينلر جنازه يە او قدر واسع مقياسده اشتراك ايتمشلردى كه بويله برمنظره هيچ بروقت كورولمە مشدى. حضرت ام سلمه بوصيراده «جناب حق عائشه يە رحمت ايله سين. اونی باباسنندن صوكر ا ك چوق سوهن ذات حضرت پيغمبردى. ديمشدى. ۱»

بوصيراده حضرت ابو هريره مدينه واليسنك قائممقامى ايدى. حضرت عائشه نك نمازى ده اوقيلديردى. جنازه يى قبرينه اينديرنلر قاسم بن محمد بن ابى بكر، عباد بن عبدالرحمن بن ابى بكر، عباد بن عتيق، عروة بن زبير، عباد بن زبيردى. ۲» بونلر حضرت عائشه نك برادر زاده لرى وهمشيره زاده لرى ايديلر. مدينه ده كى حزن وتأثر صوك درجه يى بولارق هر كس «حرم نبوتك برمشعله سى دها سوندى ۱» ديه رك آغلامشدى.

بركون تابعيندن برى مدينه ليلردن برينه «حضرت عائشه نك مائى كيملر طوتدى؟» ديمش، اوده «حضرت عائشه يى والده طائيدانلر كه سى ۱» ديمشدى. ۳»

حضرت عائشه نك متروكاتى مياننده براورمان واردى. براورمان حضرت عائشه نك آبلامى اسمايه اصابت ايتمش، معاويه بونى يوز بيك درهم مقابلنده تبركاً صاتين آلدیغندن اسماء نومهم مبلغى عزيز دوستلرى آراسنده تقسيم وتوزيع ايتمشدى. ۴»

(۱) طيالسى، مسند ام سلمه، صحيفه ۲۲۴، ۲ (بوحادثات حاكمك

مستدر كندن آلينمشدر. ۳) ابن سعد، جزؤ النساء، صحيفه ۵۴،

(۴) صحيح بخارى، باب هبة الواحد للجماعة.

حضرت عائشہ نك اولادلقارى

حضرت عائشہ نك اوز اولادى يوقدى . ۱ [كنديسى بوندن
مشتكى دكلدى . فقط عرب اصيلازاده لرى اولادلرينك اسملريله
كنيه له نك كارندن و اثر حرمت اولارق اسملريله چاغيريلما دقلرندن
حضرت عائشہ ده همشيره سنك اوغلى عبداللہك اسميله كنيه لشمس ،
(ام عبدالله) كنيه سيله طائمشور . ۲ [ابن الاعرابى حضرت عائشہ نك
(ام عبدالله) عنوانيله طائماسنى اساس اتخاذايدهرك اونك عبدالله
ناميله تسميه اولرمان برچوجوق دوشوردىكنى ۳] ، بوچوجوغه عبدالله
نامى ويريلدىكنى سويلرسه ده بوروايتى قبوله امكان يوقدر . اساساً
بوروايتك سىندى ده صوك درجه ضعيفدر . بوتون صحيح روايتلر
بالاتفاق بوخصوصه برشى سويله ميور . احاديث شريفه ده حضرت
عائشہ نك چوجوق دوغورمادىنى تصريح اولونيور . ۴]

حضرت عائشہ نك همشيره زاده سى اولان عبدالله بن زبير هجرت
محمدية دن صوكراتولدايدن ايلك مسلمان چوجنى ايدى . حضرت عائشہ
بوچوجنى اولادلق ايدىشمس ، اونى تربيه ايتشمس ، يتيشديرمشدى .
عبدالله ده حضرت عائشہ يى كندى اوز آنه سندن فضله سوهردى .

(۱) ابوداورد ، كتاب الادب . ۲ (كذا . ۳) زرقانى ، جلد ۳ صحيفه

۲۶۹ . ۴ (مسند احمد جلد ۶ صحيفه ۱۵۱ .

حضرت عائشه عبداللہدن باشقہ متعدد چوجقلری یقیشدیرمشدر . [۱]
رسول اکرمک زمانندہ اونک انصار قیزلرندن برینی بویوتدیکی وقوجہ یه
ویردیکی احادیثده مذکوردر . [۲]

حضرت عائشه نك تربیه استدیکی چوجقلر آراسنده مسروق ابن
اجدع [۳] ، عمره بنت عائشه بنت طلحه ، عمره بنت عبدالرحمن ،
اسماء بنت عبدالرحمن بن ابی بکر الصدیق ، عروه بن زبیر [۴] ، قاسم
بن محمد [۵] واردر . قاسمك برادری عبدالله بن یزید [۶] ایله دها
باشقلری حضرت عائشه نك بویوتدکلری آراسنده بولونیورلر . عائشه نك
برادری محمد بن ابی بکر ك قیزلری ده اونك طرفندن یقیشدیرمشدر . [۷]
حضرت عائشه بوقیزلری بویوتد کدن صوکر اولنلری اولندیرمشدر . [۸]

- (۱) موطأ ، امام محمد ابن مالک ، کتاب الزکاة . ۲ (مسند احمد ، جلد ۲
صحیفه ۲۶۹ . ۳) تذکرۃ المعالی ، ترجمه مسروق . ۴ (اسماء رجال اثرلرندن . ۵)
موطأ ، امام مالک ، کتاب الزکاة اموال الیثامی . ۶ (مسند احمد ، جلد ۲ صحیفه
۳۲ . ۷) موطأ ، زکاة الحلی . ۸ (موطأ ، کتاب الطلاق .

يکړمنجی فصل

حضرت عائشہ نك اغېز وړه رڼا داني

حضرت عائشہ نك كنجلكندن كاله قدر حياتي مكارم اخلاقك جانلي برنمونېسي اولان رسول اكرمك زوجيتته كچمشد. لك يو كسك تربيه يي انسانلغك مريسندين و حريم نبوتدن آلان حضرت عائشه اخلاقك لك يو كسك درجه سنده ايدي . حضرت عائشه متين ، متقي ، سخى ، قناعتكار ، شفيق و عبادته منعمك برقاديندى .

حضرت عائشہ نك قناعتكار لى :

قادينلق ايله قناعتكارلق مفهوملى بربرينه ضد ايكي مفهوم كي كورونور . بونلك ايكيه ده حضرت عائشه ده طويلاغمشد . رسول اكرمك خانه سنده معيشتك ناصيل كچديكني كوسترمشدك . حضرت عائشه هيچ بروقت معيشت دارلغندن شكاييت اتمه مشدر . حضرت عائشه خانه سعادتته رفاه كورمه مكله برابر باشقه لرينك رفاهني ايستر وقناعت حياتي مرثيه ترجيح ايدردى . اسلام فتوحاتنك نتيجه سي اولارق بوتون خلق رفاه ايرديكي حالده حضرت عائشه رسول اكرمك دورنده كي جيانندن قيل قدر آريلمادى . دايما قناعتكار ياشادى .

انباي مېنە مهارت :

حضرت عائشه چو چوق طوغور مادىنى حالەدە مسلمانلار ك اولادلارنى ،
بالخاصە يقيم چو چوقلارنى آلير ، بونلارە باقار ، تربيه ايدر ، يقىشديور
و اولنديرردى . بونى يامايى بر بورج عد ايدردي . [۱۰]

اطاعتى :

حضرت عائشه رسول اكرمك هرأمرينه اطاعت ايدر ، اونى
خوشنود ايتىمى الك بويوك وظيفه بيليردي . رسول اكرمى كورمك ،
اوندن برشى صورمق ايستەين قادينلر حضرت عائشه واسطە سيله
مراجعت ايدرلر ، عائشه كيجه كوندوز رسول اكرمە خدمت ايدردي .
رسول اكرمك ذره قدر اينچىنمى اوكى صوك درجه متا ايدردي .
حضرت پيغمبرك اقربا و تعلقاى عائشهك هيچ بر تكليفنى رد
ايتمزلردى . [۲۰]

قيمت و ذممه اهترازى :

حضرت عائشه كيمسەينى اينچىتمز ، كيمسەينە قنالق ايتمزدى .
عائشه بيكلرجه روايت ايراد ايتديكى حالە اونك بر كيمسە حقندە قنار سوز
سويلەديكى واقع دكلدر . قادينلر ك اور قاقلرينە فنا كوزلە باقماقلىرى
اونلر ك باشليجه خصائىصندن بريدر . حضرت عائشه ايسە اور قاقلرندن
برينەدە بر دقمە اولسون سرت و يا چاتيق برسما ايله باقماشدر بالعكس
حضرت عائشه رسول اكرمك زوجيتندە آرقداشلىرى اولان قادينلر ك

(۱) مسند احمد ، جلد ۶ . صحيح بخارى ، باب شهادة القاذف . (۲) صحيح

بخارى ، باب الاعتصام بالسنة .

فضائل و مناقب ، محاسن اخلاقی حرمتله نقل ایتمشد. شاعر حسان عائشه یه فنالق ایتدیگی حالده عائشه اونك زیارتی قبول ایدر و اوکا قارشى هیچ مغبر دکلش گبی اوکا حسن قبول کوستردی . برکون بعض ذوات حسان علیهنده سوز سویله مشر ، اونك افك حادثه سی ائساننده مفتریلره اشتراك ایتمسی تقییح ایتمش ، حضرت عائشه اونلره شو مقابله ده بولونمشدی : « حسان علیهنده فنا سویله مک بزه یاقیشماز . چونکه او ، رسول الله طرفندن مشرک شاعرلره جواب ویرردی . » [۱]

بردغه آدامک بوی حضرت عائشه مک مجلسنده موضوع بحث اولمش ، حضرت عائشه اوشخصه ای نظرله باقادیغنی احساس ایتمش ، بونك اوزرینه بوشخصك وفات ایتدیگی سویله بجه ام المؤمنین اللرینی قالدیرارق او آدام ایچین مغفرت نیاز ایتمشدی . حاضر وندن بوی حضرت عائشه یه : « دمین بو آدمی بکنم دیککزی کوسترمشدیکز . شیمدی ایسه اوکا دعا ، اونك ایچین مغفرت نیاز ایدیورسکزه بونك حکمق نه در ؟ » دیدی . حضرت عائشه شو جوابی ویردی : « رسول اکرم بزى بویه ارشاد ایتدی . أولولری ایلسکه یاد ایدیکز ، دیدی . » [۲]

احسانه قبول ایتمسی :

حضرت عائشه کیمسه نك احساسی قبول ایتزدی . شاید قبول ایدرسه همان مقابله ده بولونوردی . بردغه عراقدن کلن غنائم آراسنده بر مقدار اینجی جیقمش ، حضرت عمر بونك عائشه یه اهداسنی تکلیف

ايتىش وبوتكلىف قبول اولونمىشى . حضرت عائشه بوانجىلىرى آلدېنى
زمان : «يارب، بنى عمر ك هديه لىنى آلق ايچىن ياشاتما .» دېمىشى . [۱]

مدح و ثناده خوشنوماسى :

حضرت عائشه مدح و ثنادن خوشلانمازدى . دها مقدم اونك
احتضارى اثناسنده ابن عباسك مدح و ثناتنه فاصيل مقابله ايندىكى
كوسىتمىشك . ابن عباس حضرت عائشه يى زيارت ايتدىكجه عائشه
اونك كندىسى مدح و ثنا ايچىن كلىكى آكلار ، اوكا مساعده
ايتىزدى . [۲۰]

عزت نفسى :

حضرت عائشه بوتون محويتكارلىق و تواضعى ايله برابر صوك
درجه و قور ، صوك درجه عزت نفس صاحبه سى ايدى . افك حادثه سى
موضوع بحث ايدر كن كوسىتردىكمز وجهله عائشه نك معصومىتى
آكلاشيلقدن صوكرا عائشه نك والده سى اوكا رسول اكرمه شكر
ايتمه سنى سويله مش ، عائشه ، يالكز جناب حقه شكر ايتدىكى و كېسه يه
مستدار اولمادىغى سويله مىشى .

حضرت عائشه نك همشيره زاده سى عبدالله بن الزبير ، تيزمه
صوك درجه حرمت ايدردى . بركون عبدالله ، تيزمه نك سخاسنه مانع
اولق ايتمه مش ، اوكا بووادىده برقاق سوز سويله مش ، حضرت عائشه
اوكا دارىش و آنجاق برچوق ذواتك توسطى نتيجه سنده اونك
بارىشمىشى . [۳]

(۱) مستدر ك حاكم (۲) صحيح بخارى ، مستدر ك حاكم ، مسند احمد

(۳) صحيح بخارى ، زياره القبور

حضرت عائشه ك جسامتی :

حضرت عائشه صوك درجه جسور بر قادیندی . کیجه نری قالقوب
یا لکیز باشنه قبرستانه قادار کیده بیلیردی . حرب میدانلارنده دولاشیر
و خدمت ایدردی . احد غزاسنده طاشیدیغی بر قیربادن یارالیلره صو
داغیتمشدی . [۱] خندق محاربه سنده تهلکه نك اڭ شدتلی هنکامنده
قادینلرک بولوندیغی قلعه دن دیشاری چیقوب مسلمانلرک وضعیتنی تدقیق
ایتمشدی . [۲] حضرت عائشه حربلره اشتراک ایچینده مساعده ایستره
فقط رسول اکرم مساعده ویرمزدی . [۳] حضرت عائشه حمل
وقعه سنده عسکرلرینی مکمل و منتظم بر صورتده اداره ایتمش ، اوللره
قوماندانلقده بولونمش ، بوده اولنك جسامتی کوسترمشدر .

حضرت عائشه ك سخاسی :

حضرت عائشه نك ممتاز اولدیغی خصائلدن بری اولنك سخاوعاو
جنابیدر . عائشه نك همشیره سی اسما ده عینی صفتلرله ممتازدی . ابن زبیر
دیورکه : «بوا یکی همشیره دن فضله سخی و کریم بر کیسه کورمدم .»
حضرت عائشه آله کچنی بریکدیرر ، اوللار بریکنجه تقسیم و توزیع
ایدردی . اسماء ایسه آله کچنی ویرردی . [۴]

حضرت عائشه کندیسندن برشی ایسته نیلیدی ، آزا اولسه ده
اونی ویرردی . آله ده بر خورما دانه سی بيله اولسه اونی تصدقین
کری قالمازدی . بو خصوصده اولنك رهبری (من یعمل مثقال ذره خیراً

(۱) صحیح بخاری ، ذکر احد . (۲) مسند احمد ، جلد ۶ صحیفه ۹۹
(۳) صحیح بخاری ، حج النساء ۴ (۴) ادب المفرد ، امام بخاری ، باب
سخاوة النفس .

بره) يعنى « بر ذره آغیرلغنجہ ايلك ايدن اونى بولور. » آيت كريمهسى ايدى. بر کره معاويه حضرت عائشه يہ يوز بيك درهم کوندرديكى حالده بويارمەدن اقشامہ برشى قالمش ، مېسى محتاجينه توزيع اولومشىدى . او کون حضرت عائشه اوروجلیدی . خدمتجیسی اوکا : اقشامہ برشى پیراقالیدیگز، دیدی . حضرت عائشه « بونی اولجہ سويله ملیدیگز. » جوابی ویردی . [۱]

حضرت عائشه کندی اوتوردیغی برأوی بيله معاويه صائمش ، اونك پاراسنی محتاجينه داغیتمشدی . [۲]

وقت قلبی واللهم ربه قورقوسی :

حضرت عائشه نك قلبی رقیق ایدی . قلبی خشية الله ايله طولوایدی . کندیسى وقتك قسم اعظمی عبات ايله کچیردی . رسول اکرم له برلکده کیجه لری تهجد هارینه دوام ایدردی . کندیسى رسول اکرمك اورتحالندن صوکراده بومارلری ترك ایتتمشىدى . بر کون حضرت عائشه تهجد نمازینی ادا ایدرکن یکنی قسم کیش ، عائشه نمازینی اکمال ایتدکن صوکر اوکا نه نمازی قیلدیغنی صورمشدی . حضرت عائشه ده رسول اکرمك قیلدیغنی تهجد نمازی اولدیغنی آکلاتمشدی . [۳]

حضرت عائشه رمضانده تراویح نمازینه بویوک بر اهمیت ویرردی . اونك کوله سی ذکوان اوکا امام اولور ، حضرت عائشه ده اوکا اقتدا ایدردی . [۴]

حضرت عائشه کونلرینك چوغنی اوروجلی کچیرر، برروایتہ کوره

(۱) مستدرک حاکم (۲) ابن سعد ، ذکر حجرات امهات المؤمنین .

(۳) دارقطنی ، کتاب الصلاة . (۴) موطأ ، بخاری ، باب قیام رمضان .

دائماً اوروج طوتاردی [۱۰]

بر دفعہ حضرت عائشہ عرفہ کوئی اوروج طوتامش ، ہوانک
سوک درجہ صیباک اولماسنہ مبنی باغیناق کچیرمشدی ، عائشہ مک
برادری عبدالرحمن ہوانک صیباقلغہ مبنی اوروجی بوزماسنی سویلا مش ،
حضرت عائشہ دہ شو مقابله دہ بولونمشدی : « رسول اکرم مدین دویدم ،
عرفہ کوئی اوروج طوتانک برسناک کناہلری باغیشلانیر . » [۲۰]
حضرت عائشہ فریضہ حجی دہ منتظماً ایفا یہ اہتمام ایدردی ، اونک ایچین
حیاتدہ بولوندیغی مدتجہ ہرجہ اشتراک ایتشدہ ، حضرت عمر کندی دورندہ
حضرت عثمان ایلہ عبدالرحمن بن عوفی زوجات طاہراتلہ برلکدہ حجہ
حیقا یردی ، [۳۰] زوجات طاہراتک حج اٹناسندہ کی یرلری معیندی ،
رسول اکرم عرفات میدانک سرحدندہ اونلرہ بش رقلی موقعی
تخصیص ایتشدی ، شاید ازدحام فضلہ اولورسہ زوجات طاہرات
جادیرلرینی بر آژ دہا کری یہ قورارلردی ، زوجات طاہرات ایلہ
معینلرندہ بولونان اشخاص اورادہ بولوندقلری مدتجہ تکبیر کتیرلردی ،
اولدن بری جاری اولان برعادتہ کورہ حجدن سوکرا ینہ ذی الحجہ
آیندہ عمرہ ادا اولونوردی ، بالآخرہ محرم علالی کوروندکن سوکرا
عمرہ یہ نیت ایدیلیردی ، [۴۰] حج موسمندہ عرفہ کوئی اوروج
طوتولور ، آقشام اوستی افطار ایدیلیردی . [۵۰]

کولہ لره متفقنی :

حضرت عائشہ طرفدن ازاد اولونان کولہ لڑک عددی ۶۲ یہ

(۱) ابن سعد . جزؤ النساء . ۲۰۰) مسند احمد ، جلد ۶ صفحہ ۱۲۸

(۲) صحیح بخاری ، باب حج النساء . ۴) موطأ ، صحیح بخاری ، باب

طواف النساء ۵) موطأ ، امام مالک ، صیام یوم عرفہ

بالغدر ۱۰] مدینه ده یاشان (بریره) نامنده بر جاریه صاحبزیننه بر مقدار یاره اوده مک مقابلنده آزادایدیله جگدی. بریره اهلیدن اعانه ایستهدی. حضرت عائشه یوندن خبردار اولارق تکمیل پاره یی ویردی و اونی آزاد ایتدی. [۳۰] بر دفعه حضرت عائشه خسته لانمشدی. خسته لاق اناسنده بر کیمسه نك اوکا بددعا ایتش اولاجغنه ذاهب اولمش و جاریه سی چاغیرارق اوکا صورمشدی. جاریه : « اوت ، اولورسه نك قور تولورم دییه سکا بددعا ایتشدم ، دیدی . حضرت عائشه ده بو جاریه یی آزاد ایتشدی. [۳۰]

فقرا یدورلکی :

حضرت عائشه فقرا و محتاجلره حیثیتلریله مناسب برشکلده یاردیم ایدردی. بر کون بر سائل مراجعت ایتش ، اوکا بر دیلیم اکمک ویریش ، اونی متعاقب اوستی باشی تمیزجه دیگر بر سائل کلش ، اوکا دها فضله حرمت کوستریش و کندیسنه یمک اکرام اولونمشدی. حضرت عائشه یه بونک سببی صورولمش ، اوده رسول اکرمک شو حدیثی اوقومشدی : « هر کسه حیثیته کوره معامله ایدیگز. » [۴۰]

تستره رعایتی :

حضرت عائشه تستره صوک درجه رعایت ایدردی. حجاب آیتلرینک بزلندن صوکرا تستر فرض اولمشدی. [۵۰] بر دفعه حج موسمنده قادینلر حضرت عائشه یه کله رک ، اونکله برلکده حجر اسودی زیارت

(۱) شرح بلوغ المرام ، امیر اسماعیل ، کتاب المتق (۲) صحیح بخاری ، صحیح مسلم ، مسند احمد (۳) دارقطنی (۴) ابوداود ، کتاب الادب . (۵) صحیح بخاری ، حدیث افک

ایمک ایستہ دیلر. حضرت عائشہ اونلرہ سز کیده بیلیرسکز. فقط بن
ار ککلرله برلکده کیده م. دیدی. ۱] حضرت عائشہ کعبہ بی، ار ککلردن
جوشالقدن صو کرا طواف ایدردی.

تایعندن اسحاقک کوزلری کورمزدی. حضرت عائشہ اونی قبول
ایتدکجه باشی اورتردی. بر کون اسحاق حضرت عائشہ ۵ بن اعمما
اولدینم حالده بندن ده تستر ایدیورسکز. حال بو که بن سزی کورمیورم. ۵
دیدی. حضرت عائشہ: ۵ اوت، دیدی، کرچه سن بنی کورمیورسک،
فقط بن سنی کورمیورم. ۲]

(۱) مجمع بخاری، کتاب الحج، طواف النساء، ۲) ابن سعد،
جزء النساء.

يکرمی برنجی فصل

حضرت عائشہؓ نیک فضل و کمالی

صحیح مسلمہ کتاب الفضائلہ رسول اکرمؐ شوحديث شریفی
منقولہ: «سزہ ثقلینی ترک ایدیورم. بونک برنجیسی اللہک کتانی...
ایکنجیسی اهل بیتدر.»

بوحديث شریفدن مراد شودر: کتاب الله سهولت بیانی اعتباریلہ
انسانلری عملی مثالره محتاج بیراقمایه جق بر حالده در. بونکله رابر
کتاب اللهک امرارینی، علمی و عملی بیاناتی تفسیر ایدہ جک ذواته دائماً
احتیاج واردر. رسول اکرمؐ صوکر ا بوذواتی اهل بیت ایچنده
آرامق ایجاب ایدر. اهل بیت تعیرندن مقصد نه اولدینی احزاب
سوره سنده بیان اولونمشدر.

[احزاب سوره سی زوجات طاهراتدن بحث ایدر، اونلر طرفندن
تعقیب اولونه جق خط حرکتی ایضاح و اونلرک حائر اولملری
ایجاب ایدن صفاتی تقریر ایدر کن هم اونلرک اهل بیت اولدقلری،
همده اونلرک اولرنده اوقونان آیات التہیہی وحکم ربانیہی دائماً یاد
ایتملری ایجاب ایتمدیکنی بیان ایلر. بواعتباریلہ قرآن کریمک افاده سنہ
کوره اهل بیت زوجات طاهراتدر.] ۱

اهل بیت ایچنده رسول اکرمک حضرت عائشه حقنده کی محقق
 اونک رسول اکرمک رفاقت و تربیه سندن صوک درجه استفاده ایتسنی
 تأمین ایتدیکی کبی بالذات حضرت عائشه نك فطری استعدادی ده بوکا
 یاردیم ایتدی. بونک ایچین اهل بیت ایچنده حضرت عائشه نك ممتاز
 بر موقعی واردی. کتاب اللهک الک قیمتی مفسری ، سنت محمدیه نك
 اک دکرلی شارحی ، احکام اسلامیه نك اک ممتاز معلمی اوایدی. هر کس
 رسول اکرمی بالکمز حیات عامه ایچنده کوردیکی حالدده حضرت
 عائشه اونک هم حیات عمومیه سنی ، هم حیات خصوصیه سنی کوریوردی.
 حضرت عائشه موقعی اعتباریه عمومیتله قادینلره و زوجات طاهره
 تفوق ایتدکن باشقه بر چوق اصحابده تفوق ایتکده ایدی. ترمذی
 حضرت ابوموسی الاشعری نك شو روایتی نقل ایتکده در: « بز اصحاب
 رسول بر حدیث اوزرنده مشکلاته اوغرایه رق اونی حضرت عائشه یه
 سوردیغمز زمان محقق اونک اوکا دائر علمی بولوندیغنی کوروردک. [۱۰]
 متعدد اصحابک تلیدلرندن اولان عطاء ابن ابی رباح دیورکه :
 « حضرت عائشه فقهده اک متبحر ، علمده اک درین انسان اولدیغنی
 کبی عامه ناس حقنده اک این فکر صاحبه سی ایدی. [۲۰]
 تابعینک رئیس اولان امام زهری اکابر اصحاب طرفندن یتیشدیر یلشدر ،
 مشارالیه دیورکه : « حضرت عائشه هر کسک اک عالمی ایدی. اصحاب
 کزینک اک بویوکلری اوکا مراجعت ایدرلردی. [۳۰]

اصحاب کزیندن حضرت عبدالرحمن بن عوفک اوغلی اولوب
 قدری یوکسک تابعیندن اولان (ابوسلمه) دیورکه : « حضرت عائشه

[۱] جامع ترمذی ، مناقب عائشه . (۲) مستدرک حاکم / (۳) طبقات

ابن سعد ، جزو ثانی ، قسم ثانی ۱۲۶

قدر رسول اکرمک سئنه وفتھه واقف بر کیمسه کورمبورم. نازل
اولان بوتون آیتلر، بوتون فرائض حقنده عائشه دن لصله علم صاحبی
اولان کیمسه یوقدی. « ۱]

بر کون معاویه آداملرندن برینه « اک بویوک عالم کیمدر؟ » دیمش،
کندیسنه : « سز سکنز ! » دیمشلر، معاویه : « بونک طوغروسنی
سویله ییکنز » دیمش، بالمقابله « او حالده عائشه در » جوابی ورمشلردی. [۲]
پیغمبریمزک حواریسی زبیرک اوعلی عروه دییورکه : « ام المؤمنین
حضرت عائشه قدر حلال و حرامه، علمه، شعره، طبه واقف بر کیمسه
کورمدم. » [۳] دیگر بر روایت کوره عروه شو شکله اداره کلام
ایتمشدر : « حضرت عائشه قدر قرآن بیان، فرائضی طابیان، حلال
وحرامه واقف اولان، فقهده متبحر، شعرده، طبه، تاریخ و انسایده
رسوخ صاحبی بر کیمسه کورمدم. »

حضرت عائشه طرفندن تربیه اولونان مسروق تابعییه حضرت
عائشه نك وقوفی حقنده بر سؤال صورولمش، اوده شو جوابی ویرمشدی :
« نفسمی ید قدرتنده طوتان ذات کبریا نامنه قسم ایدرم که اصحابک
اختیارلرینی حضرت عائشه یه فرائضی صورارکن کوردم. » [۴]

حدیث از برله مک، سنت نبویه یی نشرایتمک خدمتی دیگر زوجات
طاهرات ده ایفا ایدیوردی. فقط بونلرک هیچ بری حضرت عائشه نك
مرتبه سنه ایرمه مشدر. محمود بن ابید دییورکه : زوجات طاهرات احادیث
نبویه نك چوغنی از برله مشلردی. فقط ایچلرنده حضرت عائشه ایله
حضرت ام سلمه درجه سنده بر کیمسه یوقدی. [۵]

(۱) ابن سعد، جزؤ ثانی، قسم ثانی ۱۲۶ (۲) مستدرک حاکم (۳) کذا

[۴] زرقانی جلد ۳ [۵] ابن سعد، ایکنجی قسم ایکنجی جزؤ صحیفه ۱۲۶

امام زهري دييور كه : « هر كسك علميله زوجات طاهراتك علمى
 طوپلانسه عائشه نك علمى هپسندن فضله قالير .
 بعض محدثين حضرت عائشه نك فضائلنه دائر شو حديثي نقل ايتمشلردر :
 رسول اكرم دييور كه : « دينكيزك نصفنى شو حميرادن ، يعنى شوبياض
 قاديندن آليكر .
 فقط بو حديثك سندی ثابت دكلدر .



يکرمی ایکنجی فصل

حضرت عائشہ نك علم و امتهادی

حضرت عائشہ نك علم و اجتهاد اعتباریله موقعی چوق یو کسکدر .
عائشه، کتاب و سنته، فقه و احکامه و قوف اعتباریله حضرت عمر، حضرت
علی، عبدالله بن مسعود و عبدالله بن عباس ایله برسویده صایلیوردی .
حضرت عائشہ نك هر علمده کی و قوفدن آیری آیری بحث ایده جکیز .

قرآن کریم :

قرآن کریم یکرمی اوچ سنهده جسته جسته نازل اولمشدر .
حضرت عائشه قرآن کریمك نزوله باشلاماسنك ۱۴ نجی سنه سنهده
رسول اکرمه ازدواج ایتمشدر . عائشه ، رسول اکرمه تقریباً
اون سنه یاشامشدر . قرآن کریمك نصفندن زیاده سی حضرت عائشه نك
ازدواجندن اول نازل اولمله برابر رسول اکرم حضرت ابوبكر
خانه سنی دائماً زیارت ایتدیکنندن ، حضرت ابوبكرك خانه سنهده
یایدیردیغی مسجدده دائماً قرآن تلاوت ایدلدیکنندن فطرة ذکی
و حافظه سی قوتلی اولان حضرت عائشه رسول اکرمه و ارمادنده
قرآن ایله مشغول اولویوردی . حضرت عائشه دیورکه : « بل الساعة
موعدهم والساعة ادهی و امر » آتی نازل اولدیغی زمان بن اویون

اوینایان بر قیژدم . « ۱]

قرآن کریم حضرت پیغمبرك ارتحالنه قادار بر جلد حالنده جمع
اولونماش ، حضرت ابوبكرك زماننده طویلانمشدر . حضرت
عائشهك بر كولهسی اولان (ابویونس) یازمشدی اشنا ایدی . [۲]
(ابویونس) حضرت عائشه ایچین بر مصحف یازمشدی . قرآن کریمك
قرائتده کی اختلاف ، ایرانه قریقی حبیبه الك زیاده عراقده شایعیدی . [۳]
عراقدن کلن بر آدام حضرت عائشهیه شوسوزلری سویلهدی :
بزده خلق قرآن کریمی ترتیبسز او قویور ، مصحفكزی ویریگزده
قرآنی اوکا کوره ترتیب ایدم . حضرت عائشه شوجوابی ویرمشدی :
« سورهلرك تقدیم وتاخیرنده بر بئس یوقدر . » سو کره کندی مصحفی
چیقاروب کوستردی وهر سورهلرك باش آیتنی او قویوب اوکا یازدیری . [۴]
معناسی آکلاشیلامایان آیتك معناسی حضرت پیغمبردن صورو -
لوردی . نته کم حدیث شریفده رسول ا کرمدن صورو لان سو اللر نقل
اولونویور ، زوجات طاهرات ایسه شوا امر السی بی تلقی اتمش بولونویورلردی .
« او یگزده او قونان آیات السیه و حکم ربانیه بی خاطر یگزده طوتیکز . » [۵]
حضرت پیغمبر تهجد نمازنده اوزون سورهلری او قوردی .
حضرت عائشهده رسول ا کرمه بونمازده اقتدا ایدر ، رسول ا کریمك
او قودینی سورهلری خضوع وخشوع ایله دیکلوردی . [۶] قرآن ، نازل
اولدینی زمان بونی ایلك ایشیدن ، حضرت عائشه اولوردی . رسول

[۱] صحیح بخاری ، تفسیر سورة قر . ۱۲ بخاری ، تفسیر صلاة الرسول .

[۲] صحیح بخاری ، باب جمع القرآن .

[۳] صحیح بخاری : باب تألیف القرآن

[۴] واذکرن ما یتلی فی بیوتکن من آیات الله والحکمة (احزاب)

[۵] مسند احمد جلد ۶ صفحہ ۹۲

اكرم قرآنى اونك حجره سنده تاقى ايدردى . ۱۰ [

حضرت عائشه دىيورگه : بقره ايله نسا سوره لرى ، بن حضرت پيغمبرك نزدنده ايكن نازل اولدى . ۲ [حضرت عائشه قرآن كريمدن هر آيتك طرز قرائتقنه ، هر آيتك معنوى اشارتقنه ، هر آيتدن نه صورتله استدلال ونه صورتله استنباط اولو ماجنه تاميله واقفدى . عائشه هر مسئله يه دائر جواب ويرمهدن قرآنه مراجعت ايدر ، صوكراجواب ويردى . حضرت عائشه هر شيدن فضله رسول اكرمك اخلاق و آدابى كنديسنه رهبر اتخاذايتمشدى . بركون حضرت پيغمبرك اخلاقي حقنده صورولان سؤاله جواباً ، حضرت عائشه : « سز قرآن او قويورميسكز ، حضرت پيغمبرك اخلاقي باشدن باشه قرآدى . » بونى متعاقب رسول اكرمك كيجه لرى ناصل عبادت ايتديكى صورولش ، حضرت عائشه ده (مزمل) سوره سنه اشارت ايتمشدى . ۳ [

حضرت عائشه عقائد ، فقه و احكامك استنباط و استدلالنده قرآن كريم آيتلرينه استناد ايدردى . بواصول استناد ، اونك مسائلك غوامض و دقائققنه نه قدر واقف اولديغنى اظهار ايدر .

اصحاب كرامدن قرآن كريمك تفسيرى پك آزي مرويدر . امام بخارينك صحيحنده بونك بويوك بر قسمى موجوددر . فقط بو قسمده موضوع بحث اولان لنتلر الك زياده تابعينك اروايتلريه حل اولونمشدر . اونلر عادتلى وجهه تفسيرده مختلف وقايعى ، بونايله جزئى بر علاقهي حازر آيته نظراً نقل ايدرلر . بوقسه اصل تفسير پك آزدر . ترمذيه ده تفسيره عائد بويوك برباب وارددر . فقط بوراده

۱۱ صحيح بخارى ، باب تاليف النران ۱۶ كذا ۱۲ [انى داوود :

قيام الليل ، مسند احمد جلد ۶ صفحه ۵۴

سندلرك صحته اهميت ويريلىمىشدر. ثانياً حقه قى تفسير نظر دقته آلىنامىشدر. امام مسلم خالص تفسيرك بر قسمنى صحيحه نقل ايتىش و بولك نقلنده بويوك براحتياط كوسترمىشدر. بولراك زياده ابن عباس ايله حضرت عائشه بك روايتلريدور. حضرت عائشه بك تفسيره عايدروايتلرى آزاوالماقله برابر بولالكر شايان دقت برنكته يى حائز ايتلرك تفسيرى نقل ايله اكتفا ايده جكر. ۱ - حج مناسك كندن رى « صفا » ايله « مروه » آراسنده قوشمقدور. قرآن كريمده بولكا متعلق آيت كريمه شورد : « صفا ايله مروه شعائر الله هدى و نورا . بيقى حج ايدىك ، ياخود عمر دى ايفاليدىك اونلرى طواف ايتىمىشده ربأس يوقدر . » [زبيرك اوغلى (عروه) تيزه يى حضرت عائشه يه مراجعت ايدرك بولآتى اوقردى . صوكر ا شوشوالى صوردى : « او حالده صفا ايله مروه آراسنده طواف ايدىلرسى بولده ربأس اولماز مى ؟ » حضرت عائشه : خاير ، دى . مقصد او اولسه آيت كريمه ده « بوللرى طواف ايتىمىشده ربأس يوقدر » دىليردى . بولآيت اساساً انصار حقتنده مارل اولمشدر . اسلاميتدن اول « اوس » ايله « خزرج » « منات » دعا ايدىلردى . « منات » (مشال) ده نصب اولومىش ريتى . بولك ايچون انصار نزدنده « صفا » و « مروه » بك طوافى حسن تاقى اولومىشوردى . انصار اسلامى قبول ايتدكدن صوكره رسول اكرمه مراجعت ايدرك « بولاسكيدن بولله ياپاردق . » ديدىلر . بولك اوزدبنه آيت كريمه مارل اولدى : « صفا و مروه يى طواف ايدىكز . بولده ربأس يوقدر . » حضرت عائشه ده « حضرت پيغمبر صفا و مروه بك طوافى امر ايتىمىشدر . سناء عليه كيمسه بولنى ترك

۱۱ ان الصفا والمروة من شعائر الله فمن حج البيت او اعمر فلا جناح عليه

ان يطرف بهما .

ايدەمز » ديدى .

محدثيندن ابوبكر بن عبدالرحمن بومناسبتله دىيورگە : ايشته علم
بويله اولور . [۱]

حضرت عائشه بوصول تفسيرك بويوك برعقدەسى
چوزمش ، مهم براساسنى تنوير ايتمش بولونيور .

چونكه عربجه نك عربلر آراسنده قونوشولدينى و آكلاشيلدينى
وجهله لغتلك معناسنه كوره قرآنى تفسير ايتك كركدر .

۲ — قرآن كريمده دهنيليورگە : « پيغمبرلر نوميد اولمغه باشلايلاق
انكار ايله قارشىيلاندقلىنى ظن ايتدكلى زمان اونلره نصرت
ايريشير . » [۲] (عروہ) حضرت عائشه دن بونك معناسنى صوردى
وشو جوابى آلدى : « بوآيت كريمه نك معناسى شودر : پيغمبرلر
وظيفه لرىنى ايفا ايدەرلر . اونلره اينانانلر اينانير ونبوتلرىنى
تصديق ايدرلر . اينانمايانلر بونلره تجاوز ايتدكلى حالده امداد
الهي اونلره يتشمكده تأخير ايدر . اوقادارگه پيغمبر كندى قومنده كى
منكرلك ايمانندن نوميد اولور ومدد الهي نك تأخيرندن دولايى
مؤمنلك صارصيلمغه باشلادقلىنى ظن ايدر . اوزمان الهي نصرت
بردن بره تجلى ايدر . » [۳]

۳ — تعدد زوجاته جواز ويره ن آيت كريمه شودر : « يتيملر حقنده
انصاف وعدالت دائرە سنده حركت ايدەمه مكدن قورقارسا كزقادينلردن

[۱] صحيح بخارى باب وجوب انصاف والمروء .

[۲] حتى اذا استأيس الرسل وظنوا انهم قد كذبوا جاءهم نصرنا

[۳] صحيح بخارى ، تفسير سورة يوسف .

بکندیککزدن ایکی ، اوچ ، دورث آلیکز . ۱۰] عروۃ حضرت عائشه دن بوآیت کریمه نك ایضاحنی رجا ایتدی . حضرت عائشه شو جوابی ویردی : « بوندن مقصد او او کسوزدر که ولسنك قوجاغنده . بویورسه ولسی اونك کوزهلکنی بکنیر ، اونك مالنه طمع ایدر ، اوکا مهرینی ویرمکده عدالت وانصاف کوسترمه دن اونی آلق ایسترم . اونك ایچین بونلره مهرلرینی اعطا خصوصنده عدالت کوسترمه دجه . اونلره اوله نیلمه سی ہی اولونمش ، وباشقالریله اوله نمه سینه مساعده اولونمشدر . »

۴ — بو سوره ده کی دیگر آیت کریمه شودر : « سندن قادینلر حقنده استفتا ایدرلر ، ده که جناب حق حکمنی بیان ایدر ، کتابلر ده سزه او قونان ده اونی توضیح ایلر . » (۲) حضرت عائشه بونك معناسی حقنده سورولان سوآله شو جوابی ویردی : « قرآن کریمه بوندن اول بومسئله حقنده نه وارسه بوکاده شامل در . بو حکم کوزهل اولمادقلری ایچین ولسلری طرفدن آلینمایان ومالترینه طمع اولوندینی ایچین باشقالرینه ده تزویج اولونمایانلر حقنده در . »

۵ — شوآیت کریمه حقنده اختلاف واردی : « زنکین اولان عفت کوسترسین ، فقیر اولان معروف ایله یسین . » [۳] بو آیت او کسوزلرک ولسلری حقنده نازل اولمشدر . بوآیه کوره ولسلر محتاج اولورلرسه بو ماللردن آلابیلرلر . ابن عباس دییور که : بومساعده شو آیتله نسخ ایدلمشدر :

[۱] وان خفم الا تقسطوا فی الیتامی فانکحوا ما طاب لکم من النساء متی وتلات ورباع (۲) ویسفتونک فی النساء قل الله یفتیکم (نساء) ۱۳ من کان غنیا فلیستغفف ومن کان فقیراً فلیأکل بالمعروف

« يتيملك ماللىنى ظلم ايله ييهنلر ، آنجق قارينلرينه آتس
ميورلر . » (۱۰)

حضرت عائشه ديور كه : « بوندن مقصد شودر : او كسوزلرك
ماللىنى محافظه و اداره ايدن و ليلى ايچنده حال و وقتى يرنده اولانلر
طبيعى او كسوزلرك ماللارندن برشى آلفه محتاج دكلدرلر . فقط اولانلردن
محتاج اولان آداملرك ايشلرى ايچين مصرف اختيارندن عاجز اولان
وليلر بوماللردن اصولى دائرهمنده آله بيلورلر .

۶- قوجهلرى حقنده شكائى اولان قادينلرك وضعى حقنده
نارل اولان آيت شودر :

« قوجه سندن عدم خوشنودى و يا عدم اتمامدن قورقان قادين
بولونورسه بونلرك بيللىنى تأليف ايتمكه باس يوقدر . صاح خيردر . » (۲)
حضرت عائشه بو آيت حقنده ديور كه : « بو آيت ، قوجاسى ياننه
بك كلوب كيتمه ين ، يا خود قوجه سنك كوزندن دوشن ، يا خود قوجه سنه
خدمت ايدمه ين ، زوجيت و طائفى ايفا ايدمه ين قادين حقنده در .
شايد قادين بو كى شرائط تحته بوشامق ايسته ميورسه و قوجه سنى
گندينه عاندر ائض عموميه دن تجريد ايد ميورسه بو صاح قطعى آيريلقدن
دها ايدر . »

۷- قرآن كريمده وعد و وعيده متعلق برشى وارد اولدجقه مفسرلر
اونى قيامته متعلق عدايدر و او طرزده تفسير ايلرلر . اصحاب كرام حقيقتيه
وائف اولدقلىرى ايچون بو آيتلىرى الكدوغرو شكلده تفسير ايدرلردى .

(۱) ان اندين يا كون امراء الينامى ظلماً اننا يا كلون فى بطونهم ناراً (نساء)
[۲] وان امرأة خافت من بعلها نشوزاً او اعراضاً فلا جناح عليهما ان يصلحا
بينهما صلحاً والصلح خير . (نساء)

حضرت ابن عباس، یاخود ابن مسعود « یوم تأتی السماء بدخان مبین » یعنی « او کون سما آب آچیق بردومانله کورونور » آیتدن بحث ایدرک بونک حاصل اولان قحطدن کوزلرک فرسز قلماسی دولایسبله اوله اولدیغنی سویلر .

قرآن کریمده « هانی اونلر ، اوستکزدن ، آلتکزدن کلملر ، کوزلر قایمش ، جانلر بوغازلره کلمشدی » ده نیلور . (۱)

حضرت عائشه دیور که : « بو آیت مسلمانلرک خندق غزاسنده کی

اضطرابلرینی تصویر ایدیور . »

۸- قرآن کریمده نماز تعلق ایدن حکم شودر : « نمازلره وصلات

وسطایه مواظبت ایدیکیز . » (۲) صلات وسطادن مقصد نه در ؟ بعض

روایتلره کوره بوندن مقصد اوکله نمازی ، اصحابه کوره صباح نمازیدر .

حضرت عائشه به نظراً بوصلات وسطی ایکندی نمازی در . حضرت

عائشه بوندن او قدر امین ایدی که بونی کندی مصحفک بر کنارینه

بیله یازدی رمشدی . بو تفسیرک صحیحی ، حضرت علی ، حضرت عبدالله

بن مسعود و حضرت عروة بن جندب طرفندن ده تأیید ایدلمشدر .

۹- سورة بقره نهایتنده (یچکیزده کنی بلای ایتسه کزده ، کیزله سه

کیزده لاله اونی سزدن سؤل ایدر ، ایسته دیکه منفرت احسان ایدر ،

ایسته دیکنی عذاب او عرا تیر .) (۳ [آتی ، جناب حقک انسا مک

ایچندن کچه نی ده صوراجغنی کوستریور . انسا مک ایچندن کچن شیلردن ده

حساب صورولورسه انسا مک حالی به به واریر ؟ حضرت علی ایله ابن

(۱) اذ جاؤزا من فوقکم ومن اسفل منکم واذا زاغت الابصار وبلغت

القلوب الحاجر . (۲) حافظوا علی الصلوات والصلات الوسطی (۳) وان تبدوا

مافی انفسکم ارتخفوه یحاسبکم به الله فیغفر لمن یشاء ویعذب من یشاء .

عباسه كوره «جناب حق انسانه طاقتندن فضله برشى يوكله مز.» [۱]
 آيت كريمه سى بو آيتى نسخ ايتىشدور. بو آيتك تفسيري حضرت عائشه دن
 سورولش، اوده بومالده ديكور بر آيت اوقومشدى : (برفنالىق ايدن
 اونك جزاسنى بولور.) [۲] فقط حضرت عائشه يه سورولان سؤال دن
 مقصد، انسان ايچندن كچن ايچين ده جواب ويره جكسه حالنك نه يه
 وارا جفنى آكلامقدى. عائشه شوسوزلىرى سويله دى :

«جناب حقك سوزى دوغرودر. فقط، جناب حق كندى قوللرينك
 كوچوك كوچوك كناهلرينى، اوافق اوافق امتحانلر وابتلالر مقابلنده
 باغشلايور. بر مؤمن خاستا اولدينى، بر مصيبت ده چار اولدينى، حق
 كندى جينه برشى قويوب اونى اونوتدينى وبونى بويوك بر تلاش ايله
 اراديني زمان بوكا مقابل اوكا مغفرت ورحمت قپوسى آچيلور،
 آلتون آتشدن نصل خالص چيقارسه مؤمن ده دنيادن اوقادار پاك
 وصاف چيقار. (۳)

حضرت عائشه بو آيتلر تفسيرندن باشقه آيتلر تفسيري ده
 روايت ايتىشدور. فقط بو آيتلر عموميتله معلوم واونلر حقنده معاصرلىرى
 آراسينده بر اختلاف موجود بولونما ديغندن اونلرى موضوع بحث
 ايتمه يورز. حضرت عائشه نك قرآن كريمه متعلق واسع معلوماتندن
 حديث، فقه و كلامه عائد فصللر يمز دوده بحث اولونا جقدر.

حضرت عائشه نك (رضاع) حقنده شوروايتى نقل اولونمقده دره
 «اولا اون يودوم ايچيلديكى زمان رضاعك ثابت اولاجنى بيان

(۱) لا يكلف الله نفسا الا وسعها (بقره) - (جامع ترمذى) .

(۲) من يعمل سوء يجزيه (بقره)

(۳) جامع ترمذى .

بولونمشكن بالاخره بش يودوم ايچين حكم ويريلدى . بوكا متعلق
آيت قرآن كريمده موجود ايدى . قرآن كريمده بويلاه آيت بولونمادى
بالاتفاق ثابتدر . حديثك سندی صحيح اولمقله برابر روايتده ياكشلق
وقوعى محتملدر . راوى حضرت عائشه نك سوزين ياكليش آكلامش
اولاجق . ۱]

[۱] حضرت ابوبكر عنوانلى اثر يمزده جمع قرآن قسمنده حضرت عائشه نك
بوروايتى حقهنده مفصل تنقيداتمزه مراجعت ايديكيز .
ع . ر



يکرمی اوچنچى فصل

حضرت عائشه نىك علمى ھېرىتە ھېرىتى

حديث علمنىك اصل موضوعى حقيقت حالده، رسول اكرمدر .
بو علمه اك زياده واقف اولانار رسول اكرمە اك چوق ملازمت
ورفاقت ايدنلردر . حضرت عائشه كرك رسول اكرمە وارمادن ،
كرك رسول اكرمە واردقن صو كرا اوزون برمدت رسول اكرمە
برلكده بولونمشى ، بو اعتبارله ديكر زوجات طاھراتدن فضله احاديثه
وقوف كسب ايتمشدى .

حضرت سوده رسول اكرمە عائشه دن اول وارمش اولمقله برابر
ايكىسى آراسنده كى استعداد فرقى چوق بويوكدى . حضرت سوده
رسول اكرمە واردىغى زمان ياشلىدى . ملكاتى انحطاطه باشلامشدى .
حضرت عائشه ايسه كنجلكنىك اك فياض دورنده ايدى . قواى
عقليه سى تماميله انكشاف ايتمشدى .

ديكر زوجات رسول اكرمە بالآخره وارمشلردر . حضرت
عائشه نىك حجره سى هر كون مسجد نبويده قورولان حلقه تدريسك
اتصالنده ايدى . اونك ايچين ھېچ بر كيمسه احاديثه ووقوف اعتباريله
حضرت عائشه يه رقابت ايدە ميوردى .

حضرت عائشه نىك روايتارى او قدر چوقدر كه بونلر يالكز زوجات

طاہراتك روایتلرندن دكل ، درت بش ذاتك استثناسیله بوتون اصحابك روایتلرندن فضلہدر .

حضرت ابوبكر ، حضرت عمر ، حضرت عثمان و حضرت علی کبی اصحاب کزین شہہ سز ہر اعتبار ایله حضرت عائشہ یہ فائق اولمقلہ برابر رسول اکرمك ارتحالندن صو کرا پك مهم ایشلرله . شنول اولدقلری ایچین رسول اکرمدن روایتلرده بولونہ مامشلردر . اولردن روایت اولومان احادیث و یردقلری قرارلرله حکملردن عبارتدر . فقہمزك اصل تملی بو روایتلردر . فقط بوتمل اوزرینہ قورولان بنا باشقلری طرفندن انشا ایدلمشدر .

اکابر اصحاب دورنده بالذات رسول اکرمی کورده و اونکله برلکده یاشایان بوذواتك باشقله کیسه لره مراجعت ایتلرینہ احتیاج یوقدی . علم پشنده قوشان تابعین ۲۵ ، ۳۰ سنہ صو کرا ظهور ایتدیله . اوزمان اصحاب کزین دوری کچمش بولونیوردی . هر کس رسول اکرمك حال و شاننی آکلامق ایچین هر طرفه باش اورییوردی . خالقك بواحتیاجنی اصحاب ایچنده نسبتہ کنج اولانلر قطمین ایتدیله . بوندن دولای حدیث کتابلری بونلرک روایتلریله دولودر .

روایتلری پك چوق اولان اصحاب یدیدر :

- | | |
|----------------------|------|
| (۱) حضرت ابوهریره نك | ۵۳۶۴ |
| (۲) حضرت ابن عباسك | ۲۶۶۰ |
| (۳) حضرت ابن عمرك | ۲۶۳۰ |
| (۴) حضرت جابرک | ۲۵۴۰ |
| (۵) حضرت انسك | ۲۶۸۶ |

۲۲۱۰

(۶) حضرت عائشه نك

(۷) حضرت ابوسعید خدری نك ۲۱۲۰ روایتی وارد.

کثرت روایت اعتباریله حضرت عائشه آلتنجیدر .

اسملری حضرت عائشه یه تقدم ایدن ذواتك ا کثریسی حضرت عائشه دن سوکراده یاشامشارورروایتلرینی ایرادایتمکده دوام ایتشاردر . بوندن باشقه حضرت عائشه نك برقادین اولدیغنی ، کندینه معاصر ارککلر کی هر مجلسده بولونه مادیغنی ، طالب علم اولانلرک اوکا قولایلقله ملاقی اولامادقلرینی ، سوکرا حضرت عائشه نك دیگر ذوات کی اسلام مملکتلرینک بویوک شهرلرینه کیدوب کله مدیکنی نظر دقته آلیرسه ق اونک دیگر ذواتك کافه سنه تفوق ایتدیکنی در حال آکلاروز . یوقاریده کوستردیکمز وجهله حضرت عائشه دن روایت اولونان حدیثلر ۴۲۱۰ در . بونلرک ۲۸۶ سی صحیحینه داخلدر . صحیحینه داخل اولانلردن ۱۷۴ ی هر ایکیسینده موجود ، ۵۴ ی یالکز بخاریده ، ۵۸ ی یالکز صحیح مسلمده مرویدر . بوحسابه کوره حضرت عائشه نك صحیح بخاریده ۴۲۸ ، صحیح مسلمده ۳۳۲ حدیثی وارد . اونک دیگر حدیثلری سائر حدیث کتابلرینده در . امام احمدک مسندینک آلتنجی جلدنده حضرت عائشه نك حدیثلری طویلانمشدر . ۲۵۳ صحیفه اشغال ایدن بو حدیثلر یالکز باشنه بر آرایه کتیریلیرسه مستقل بر حدیث کتابی تشکیل ایدر .

حضرت عائشه نك حائز اولدیغنی مزیت یالکز روایتلرینک کثرتنده دکلدر . اونک اصل مزیتی اعتنا ودقتنده در . اصحاب کزینک اک بویوک عالملری قلیل الروایه درلر . هر کون هر انسانه سوز سویله مک مجبوریتنده اولان ذوات اکثریتله اعتنا ودقتدن محروم اولورلر .

بیشه کیم کثیر الروایه اولمقله معروف یدی ذاندن بشی ارباب اصول
نزدنده محضا راوی عد اولونورلر ، فقهای صحابه دن عد اولونمازلر .
مثلا ابوهریره ، عبدالله بن عمر ، انس بن مالک ، جابر ، ابوسعید
خدري هر هانکی فقهی اجتهاد ویا قرآن وسنتدن عقلی بر استنباط
مروی دکدر . بوفضیلت و مزیت حضرت عائشه ایله عبدالله بن عباسه
عائدر . بونلر کثرت روایتله برابر مجتهد ، متفقه واستنباط قوتی
حائز دیلر .

حضرت عائشه روایتلرینک کثرتی ، اجتهادی وقوة استنباطی ایله
تمتاز اولدقدن باشقه اونک روایتلرنده بر خصوصیت دهاواردر . اوده
روایت ایتدیکی احکام وحادثاتی نقل ایله قالمایه رق بونلرک علل
واسبابی ده بیان وبونلرک هانکی مصالحه متعلق اولدیغنی تشریح
ایتمسیدر .

صحیح بخاریده حضرت عبدالله بن عمر ، حضرت ابوسعید خدری
وحضرت عائشه دن شوحدیثی روایت ایدر : « جمعه کونی غسل ایتمک
لازمدر . »

بو اوچ ذاتک روایتلرینی برر برر اوقویالم . ابن عمر دیورکه :
« رسول اکرمک شو سوزی سویله دیکنی دویدم : « جمعه یه کلن
غسل ایتسین . »

ابوسعید خدری دیورکه : « جمعه کونی غسل ایتمک هراحتلام
اولانه واجبدر . »

عینی مسئله یی حضرت عائشه شوشکلده روایت ایده راکدیورکه :
« هر کس ، اولرندن اوزاق پرلردن کلیوردی . بونلر توز طوپراق
ایچنده قالیور و ترله یورلردی . رسول اکرم بنم یانمده ایکن بونلره

شوسوزلرى سويلەدى : « كاشكە بۈگۈن ايچىن تىمىزلەنەيدىكەز ! »
 حضرت عائشەنك دىكر بر روايتى شۇدر : « انسانلر جمعه يە
 چىقدىقچە ايش البسەلر يە چىقىورلردى . اونك ايچىن اونلرە » يىقانسە كز
 ابي اولور ! » دەنىلمىشى .

بر دفعە حضرت پىغبر قربان اتىك اوچ كۈن ايچىندە يەنىلمىنى
 سويلەمىشى . عبدالله بن عمر ، ابوسعيد خدرى وسائر ذوات بو حكمى
 دائمى اولارق تالق ايتىملاردى . فقط حضرت عائشە بو حكمك استحيانى
 اولدىغنى آكلامش ، بو حكمە عائد روايتى شوشكەندە نقل ايتىمىشى :
 « قربان اتى طوزلار ومدينەدە رسول اكرمە تقديم ايدردك ،
 رسول اكرم « قربان اتى اوچ كۈندىن فضلە يەيەيكەز ! » ديدى .
 رسول اكرم بو صورتلە باشقەلرينك دە اطعامنى ايستەيوردى . » [۱]

حضرت عائشە دىكر بر روايتدە بونك اصل سىنى آكلامىشدر .
 بر كۈن حضرت عائشە يە صوردىلر : « ام المؤمنين ! قربان اتى يىك
 ممنوعميدر ؟ » حضرت عائشە شوجوابى ويردى : « خاير . فقط قربان
 كىنلر آزدى . رسول اكرم قربان كىسە يىنلر ك دە ات يەيەلر يى ايستەدى . » [۲]
 احاديث شريفەدە بيان اولوندىغىنە كۈرە رسول اكرم مرسە
 خيبرە بر آدم كۈندىرردى . بو آدم اورادەكى محصوللرى كۈرۈر
 واونلر ك مقدار يى تخمين ايدردى . بو كاعائد روايتلردىن ياللىكز بونى
 آكلايۈرۈز . فقط حضرت عائشە بونى شو صورتلە ايضاح ايدىيور :
 « رسول اكرم ك هدفى ، محصولك طويلا ناسندى ، ميوەلر ك ويرىلمەسندى
 زكاتى تعيين ايدى . » [۳]

(۱) صحيح بخارى ، كتاب الاطعمه . (۲) ترمذى . (۳) مسند احمد .

حضرت عائشہ طرفندن روایت اولونان مسئله لرده خطابولونمامسنگ سبی باشقه لرینگ رسول ا کرمدن ایشتمدکلی ویا کوردکلی شیلری عیناً حکایه ایدوب آکلاندقلری حالدہ حضرت عائشہ نک کوردیکی ایشتمدیکی هر مسئله بی تمامیه آکلاینجیه قدراونی رسول ا کرمدن تحقیق ایتمه سی، اونی تمامیه آکلادقدن صو کرا مستریح اولماسیدر .

حضرت عائشہ باشقه لرینگ ایشتمدیکی روایتلر حقنده بک احتیاطلی داورانیر، اونلری ایجه اولچوب بیچدکن صو کرا نقل ایدردی . بردقه عبدالله بن عمرو بر حدیث روایت ایتدی . عبدالله بر مسئله صو کرا تکرار کلدیکی زمان حضرت عائشہ اونک یانسه بر آدام کونده رهرک اوحدیثی تکرار صوردوردی : حضرت عائشہ نک کوندردیکی آدام قارشیدسنده حدیثی قصورسنر، نقصانسنر تکرار ایتدی. حضرت عائشہ ده عبدالله بن عمروک بو حدیثی حافظه سنده ایجه ضبط ایتدیکنه قانع اولدی. حضرت عائشہ، رسول ا کرمدن ایشتمدیکی شیلر حقنده صو ک درجه احتیاطلی داورانیردی . اونی آنجق تحقیق ایتدکن صو کرا اوکا اعتماد ایدردی. (۱)

بر روایتی تحقیق ایتک ایسته بن اولورسه حضرت عائشہ اونی اصل راوی به کوندیردی . حضرت پیغمبر ایکندی نمازندن صو کره اوه کلوب سنتی ادا ایدیوردی. حال بوکه ایکندی نمازندن صو کرا بویه بر نماز یوقدی. بر ذات بونی تحقیق ایچین حضرت عائشہ به مراجعت ایتمش، حضرت عائشہ اونی (ام سلمه) به کوندیره رک : « اوکا کیتا چونکه بونک اصل راویسی اودره دیمشدی. (۲)

[۱] صحیح بخاری، جلد ۲، باب مایند کر من ذم الراوی .

(۲) صحیح بخاری : مسح خفین

بر کره آدامک بری مست اوزرینه مسح مسئله سنی صور مغه کلمشدی .
حضرت عائشه اونی حضرت علی به کوندردی . چونکه حضرت علی
سفر لرده حضرت پیغمبره رفاقت ایدیوردی .

امام حازمی حیدر آبادده طبع اولونان (کتاب الاعتبار) نده حضرت
عائشه نك اصوله اشارت ایتشدرد .

حضرت عائشه یالکیز کندی روایاتی هر درلو خطا واهالدن صیانته
چالیشما یور ، باشقه لرینک ده خطا و سهولرینی تصحیح ایدیوردی .

حضرت عائشه نك اسلامیه ایفا ایتدیکی خدمتلك اك بو یوکی ،
علم حدیثه عاندرد . عائشه ، معاصرینك ذهوللرینه دقت ایدر ، اونلرك
یا کلیش آ کلا دقلری هر شیئی تصحیح ایدردی . محدثلك اصطلاحنده
بوکا (استدر اك) دینلیر . متعدد ائمه حدیث بو (استدر اك) لری بر آرایه
کتیر مشلر در . بو وادیده یازیلان اك صووك اثر جلال الدین سیوطینك
(عین الاصابه فی ما استدر کته عائشه علی الصحابه) در . محرر عاجز
بو اثری فقه بابلرینه کوره ترتیب ایتشدرد .

علم حدیث اصحاب کزین زمانه قدر مدون اولما مقده برابر بونك
مالزومه سی تگون ایتشدی . حضرت عائشه نك معاصرلری حقنده کی
تدقیقات و تنقیداتی بونی صریح بر صورتده کوستریور .

حضرت عائشه نك (حدیث) ده اك زیاده رعایت ایتدیکی اساس ،
روایتلك قرآنه مخالف اولماسیدر . (عبدالله بن عباس) ، (عبدالله
بن عمر) ایله بعض اصحاب ، رسول اکرم دن شو حدیث شریفی روایت
ایدیورلر : «أولوا عائشه نك اوکا آغلاماسیله عذابه اوغرار .» بوروایت
حضرت عائشه نك حضورنده ایراد اولوندیغی زمان حضرت عائشه
بونی قبول ایتدی ، (حضرت پیغمبر قطمیا بویله برشی سوبله مدی .) دیدی .

وقعہ شو شکلدہ جریان ایتشدرد: بر کون رسول اکرم ، بر یہودی
 قادیفک جنازہ سی یانندن کچدی . قادیفک اقربا و تعلقاتی فریاد ایدیورلردی .
 رسول اکرم : « بونلر فریاد ایدیور و بوفریادلر اولنک اوزرینہ عذاب
 اولویور . » دیدی . بخاری ، بدر غزاسندن بحث ایدر کن آغلامانک
 عذابی موجب اولمادیغنی ایضاح ایدر . بر اولو ، آنجق کندی عملنک جزاسنی
 چکر . حال بو کہ آغلامق اولونک دکل ، باشقہ سنک عملیدر . بو عملک
 بر جزاسی وارسہ اونی یاپان چکر . یوقسہ اولو مسئول اولماز . بونک
 ایچین حضرت عائشہ بو ایضاحاتی ویرد کدن سوکرا « برشینک و بالی
 باشقہ سنہ یوکلہ مہ پیکز ! » مالندہ کی آیت کریمہ یی اوقومشدر .
 راوی دیور کہ : ابن عمر ، حضرت عائشہ نک بو بیان واستدلانی
 ایشیتدیکی زمان بر جواب ویرمہ مشدر .

امام بخاری حضرت عائشہ ایله ابن عمری محاکمہ ایدیور کن ،
 اولن آدامک اقربا و تعلقاتی بو کی مذموم عادتاردن منع ایتدیکی و اونلری
 بو کی عادتلری قبولدن منع ایدہ جک بر تربیہ ویرمیدیکی ایچین عذابہ
 اوغرا یا جغنی سویلر و قرآن کریمک « ای ایمان ایدنلر ، کندیگز ی
 و اهلکزی آتشدن صیانت ایدیگز . » [۱] آیت کریمہ سنی ایراد ایدر .
 شاید بر آدامک عائشہ سی اولنک تعلیم و تربیہ سنہ رغماً فریاد ایدرسہ
 حضرت عائشہ نک رأینہ اتباع اولونہ جغنی ، چونکہ جناب حقک
 « هیچ برشینک و بالی باشقہ سنہ یوکلہ مہ پیکز . » بو یوردیغنی علاوہ ایدر .
 فقط بزجہ بو مطالعہ دوغرو دکلدر . حضرت عائشہ نک مطالعہ سی
 صحیحدر . نیتہ کیم ائمة مجتہدین ایچندہ امام شافعی [۲] ، امام محمد بن

(۱) یا ایہا الذین آمنوا قوا انفسکم و اہلیکم ناراً .

(۲) جامع ترمذی ، کتاب الجنائز .

مالك [۱] ، امام اعظم ابو حنيفه [۲] بونقطه ده حضرت عائشه ايله متفقد لر .

بدرده مقتول دوشن كفارك قبرلرى اوزرنده رسول اكرم شوسوزلرى سويله مشدى : « اللهم سزعه وعدايتدكارينك حق اولديغنى كورديكزمى ؟ » اصحاب ، برروايته كوره حضرت عمر ، شوسؤالى صوردى : « يارسول الله ! سز اولولرى چاغيريورسكز . » رسول اكرم جواب ويردى : « سز اولردن فضله دويمازسكز ، يالكز بونلر جواب ويره مزلر . »

بوروايت حضرت عائشه يه نقل اولونديغى زمان ، حضرت عائشه : (رسول اكرم بويله دكل ، شويله سويله مشدى : اولر محقق شيمدى بيليرلر كه بنم ديديكم دوغرودر » ديدى . بونى متعاقب حضرت عائشه شوايتى اوقودى : « سن اولولره برشى دويورامازسك وسن مزارلرنده اولانلردن برشى دويمازسك . » [۳]

بر كون بعض كيمسلر حضرت عائشه يه كلرك شو سوزلرى سويله مشدى : « ابوهريره سزك اوچ شيده - قادينده ، آتده ، اوده - اوغور اولماديغنى سويله ديككزى سويله يور ، نه ديرسكز ! » حضرت عائشه : « خاير ، ديدى ، دوغرو دكلر . ابوهريره سوزك ياريسنى ايشيتمش ، ياريسنى ايشيتمه مشدر . بن شونى ديمشدم : يهوديلر دپرلر كه اوغور سزلق اوچ شيده واردو : قادينده ، آتده ، اوده . » [۴]

امام (احمد بن حنبل) ك مسندنده روايت اولونديغنه كوره ، رسول

(۱) كذا . (۲) موطأ امام احمد ، كتاب الجنائز .

(۳) انك لاتسمع الموتى - وماتت بسمع من فى القبور .

(۴) ابوداوود طيالسى ، مسند عائشه (حيدر آباد طبعى)

اکرم بد مختلف اثر تقدیر اولدیغنی سوبله مشدر . بر روایت کوره
حضرت عائشه ، ابو هريره نك بورواتنی دویدیغنی زمان حضرت
پیغمبرك بویه برشی سوبله مه دیکنی بیان ایدرك ۱] شو آیت کریمه یی
اوقومشدر : «یر یوزنده ، یاخود نفسک زده هیچ بر مصیبت یوقدر که
یارادیلادن اول بر کتابده خبر بولونماسین .» ۲]

۴ — حضرت ابن عباس (غالباً کتب تابعی یا استاداً) رسول اکرمك
ذات کبریایی ایکی دفعه کوردیکنی روایت ایدر . حضرت عائشه ،
بوکا قارشی : «اویله برشی سوبلیورسکز که توپلری اورپر تیر . حضرت
پیغمبرك ذات کبریایی کوردیکنی سوبله یین یالان سوبلیور .» دیدی ،
صوکره شو آیت کریمه یی اوقودی : «کوزلر اونی ادراک
ایده من . اوهر شیشی کورور . لطیف وخیر اودر .» ۳] حضرت
عائشه بونی متعاقب شو آیت کریمه یی اوقودی . «بر انسا مک الله
ایله قونوشماسی امکانسزدر . مکر که وحی ایله ، یاخود ماورای
محجاندن اول !» ۴]

۵ — متعه نکاحی ، جاهلیت زماننده واسلامك بدایتی اثناسنده
جاری ایدی . هجرتك یدنهی سنه سنه قدار بوکا جواز واردی . خیر
اثناسنده بوکا نهایت ویریلدی . بونی متعاقب روایتلرده اختلاف
واردر . ابن عباس ایله دیگر بعضیلری متعه نك جائز اولدیغنی سوبلیدی .
جمهور اصحاب متعه نك حرام اولدیننده متفقدرلر . بومسئله حضرت

[۱] مسند احمد ، جلد ۶ صحیفه ۱۳۰

[۲] ما اصاب من مصیبة فی الارض ولا فی انفسکم الا فی کتاب من قبل

ان نبأها .

[۳] لاتدرکه الابصار وهو یدرك الابصار وهو اللطیف الخیر .

[۴] وما کان ابشر ان یکلمه الله الا وحیا اومن وراء حجاب

عائشه دن سورولونجه، حضرت عائشه بومسئله نك جوابی حدیث ایله ده كل، كتاب الله ایله ویردی وشوآیتی اوقودی : « اونلر که ، زوجه لرندن وملك یمینلرندن باشقه هر شیئه قارشى عفتلرینی محافظه ایدرلر ، بونلره هیچ بر مؤاخذه توجه ایتمز . » [۱]

او حالده بوایکی صورتدن باشقه بر صورتله مناسبات زوجیه وجود بولماز .

۶ — بر مطلقه نك عدتی زوجنك اونده کچیرمه سی احکام اسلامیة جمله سندندر . حال بوکه فاطمه نامنده بر قادین « رسول اکرم ، عدت ائناسنده زوجنك خانه سندن چیقوب کیتمکله اذن ویرمشدی . » دیدی و بووقعه یی مختلف زمانلرده متعدد عالملر حضورنده تکرار ایتدی . بعضیلری بونی قبول ، بعضیلری رد ایتدیلر . مروانک مدینه امیرلکی زماننده بو حادثه مدینه ده مناقشه اولوندی . چونکه بوکا بمائل بر دعوت ظهور ایتشدی . اوزمان حضرت عائشه شو جوابی ویردی : « فاطمه نك سوزی دوغرو دکدر . چونکه رسول اکرمک عدت زماننده زوجنك اوندن چیقما سنه مساعده ایتمه سنک سبی زوجه عائد خانه نك غیر محفوظ اولماسیدر . » [۲]

حضرت عمر ایله دیگر اصحابک روایتنه کوره صباح وایکسندی نمازندن سوکرا نماز جائز دکدر . حضرت عائشه بوکا قارشى شو سوزلری سویله دی : « الله عمره رحمت ایتسون . بو خصوصده و همه دوشمش ا حضرت پیغمبر دیور که کونشک طلوع و غروبى وقتنده نماز قیلما مالیدر . »

[۱] والذین هم لغروجهم حافظون الاعلى ازواجهم او ماملکت ایمانهم فایم

غیر مالومین .

[۲] صحیح بخاری ، جامع ترمذی ، کتاب الطلاق .

فقها دیور که: بو وقتلرده نماز قیلنماسنک سبی کونشه طاپانلره امثال ایتمکدن احتراز اولونماسیدر. بو صحیح ایسه حضرت عائشه نك روایتی دها دوغرودر.

بر روایت کوره صباح نمازینک سنتی قضا اولونورسه بوسنتک صوکره قیلنمسی جائزدر. اهل مکّه بویله یاپارلردی. احادیثک افاده سنه کوره حضرت پیغمبر ایکندی نمازندن صوکره ایکی رکعت قیلاردی. حضرت عائشه دیور که: « حضرت پیغمبر بونمازی نیم اومده هیچ ترک ایتدی. » نته کیم بعض اصحاب ده بونمازی قیلارلر، بعضیلری بونمازی حضرت پیغمبرک خصائصندن عدایدرلری. حضرت (ام سلمه) بوا یکی رکعت حقنده سوال سور دینی زمان حضرت پیغمبر: « بوا یکی رکعت بر کون قضا ایدیلن اوکله نمازینک سنتیدر » دیمشدی.

اساساً کونش طلوع وغروب ایتدیکی زمان نماز ممنوعدر. فقط بومنعیت احتیاطاً صباح وایکندی نمازلرینه حصر اولونمشد.

حضرت ابوهریره نك روایت کوره « من لم یوتر فلا صلوٰة له » یعنی «وتر نمازینی ادا ایتمینک نمازی یوقدر. »

حضرت عائشه بونی ایشیتدیکی زمان شو جوانی ویردی: « بر حضرت پیغمبردن ایشیتدک که بش وقت نمازی ترک ایتیان کیمسه کندوسنه عذاب ایدلیه جکنه دائر جناب حقندن عهد المش اولور. نمازینی نقصان قیلان بر کیمسه بی جناب حق ایسترسه عفو ایدر، ایسترسه حساب صورار، وتر سنتدر. بونک قضارا ترکندن دولایی بر کیمسه نك هر هانکی نمازینک قبول اولونماسی جای دقتدر. او حالده وتری ترک ایدمک عفو بر امر یقینی دکلد، عذاب، فرائضی تر که طانددر. »

بر زوجه ، انسانك اك ياقين دوستارندن فضله اونك هر حالى بيلير . حضرت پيغمبرك افعالى حقنده زوجات طاهراتك وقوفى هر كسدن زياده ايدى . زوجات طاهراتك بيلدكلرينى باشقه لرى بيله مزلردى . حضرت عائشه وقوف ذاتيسنه استناد ايدرك ديكر اصحابك روايتلرينى رد ايدىوردى . اونك بومسائلده سوزى سندن تشكىل ايدره .

حضرت (ابو درداه) وعظ انساننده شو سوزلارى سويله مشدى :
صبح اولور ، وتر نمازى قضا ايديله مش اولورسه تكرار وتر قيلمق جائز دكلدر . « حضرت عائشه بونى ايشيدنجه شو جوابى وپردى :
« حضرت پيغمبر صبح اولديغى حالده ينه وتر قيلاردى . »

بعضيلرينه كوره حضرت پيغمبر يمن بزلريله تكفين ايدلدى . حضرت عائشه « خلقك كفن ايچون يمندن بركتير دكلرينك طوغرى اولديغى ، فقط رسول اكرمك او بزلرله تكفين اولونمادىغى » سويلادى .

حضرت ابوهريره بر كون وعظ انساننده « اوروج كونلرنده صباحلين ييقانمق ضرورتى حاصل اولورسه او كون اوروج بوزولور » ديمشدى . حضرت عائشه ، رسول اكرمك بومك خلافنده حركت ايتديكنى سويله دى . خلق حضرت ابوهريره كيدوب بونى آكلاتديلر ، اوده فتواسندن رجوع ايتدى .

حضرت عائشه ديبوركه : « حضرت پيغمبر احرامه كيرديكى صباحك كيجه سى عطر سورردى . بن كندى المله » حضرت پيغمبره عطر سورردم . «
حضرت عائشه هم ذكى ، هم ده حافظه سى قوتلى اولديغى ايچون چوجقاغندن برى ايشتيكى هر آينى حافظه سندنده طوتاردى . نته كيم احاديث نبويهك اس الاساسى ده اولك قوتلى حافظه سيدر . زيرار رسول اكرمك افعال وحرركات يوميه سنى حافظه سندنده طوتمق ، بونلرى

اولدینی کبی خلقه آ کلا تمق ، اونلری حضرت پیغمبرك لسانندن
 نه صورتله وهانکی الفاظ وجهه لرله ایشیتدی ایسه اونلری اویله جه نقل
 ایتک ، بر محمدك اک مهم وظیفه سیدر . شو صورتله ام المؤمنین حضرت
 عائشه نك معاصرلرینی تنقید ایتمه سنده حافظه سنك قوتی بویوک بر عامل
 اولمشدر .

حضرت سعد بن ابی وقاص وفات ایتدیکی زمان حضرت عائشه
 اونك جنازه نمازنده بولنه بیلک ایچین جنازه نك مسجده کتیرلسنی
 ایسته دی . خلق بوکا اعتراض ایتدی . حضرت عائشه : « خلق نه قدر
 چابوق اونوتیور ، حضرت پیغمبر ، سهل بن بیضانك جنازه نمازینی
 مسجده قیلیمشیدی . » دیدی . [۱]

(عبدالله بن عمر) رسول اکرمك عمره لرندن بحث ایدرکن بونلرک
 دورت اولدیغنی ، برینک رجیده وقوع بولدیغنی سویله مشدی . بونی
 دویان عمروه حضرت عائشه یه مراجعت ایتمش ، ابن عمرك سویله دکلرینی
 سویله مش ، حضرت عائشه ده شو سوزلری سویله مشدی : « رسول
 اکرمك هر عمره سنه اشتراک ایتدم . بونلرک بری ده رجب آینده
 وقوع بولمادی . »

بر کره (ابن عمر) ایک یکر می دوقوز کون اولدیغنی سویله مش ،
 حضرت عائشه بونی تصحیح ایدرک ایک بیضا اوتوز کون اولدیغنی
 سویله مشدی .

اصحابدن ابکی اوچ ذات طرفندن روایت اولوندیغنه کوره رسول
 اکرم « أولو ، اقرباسنك فریادنن دولابی عذابه اوغراره دیمشدی .
 حضرت عائشه بوکا قارشى : « سز یالانچی اولمایان ذواتدن نقل

ایدیورسکیز. فقط سامعه خطا ایدر. « دیگر بر روایت کوره » الله
 (ابو عبدالرحمن) رحمت ایتسین، برشی طویمش، فقط اوئی از برنده
 طو تامام شدی. دیدی. دیگر بر روایت کوره حضرت عائشه شوسوزلری
 سویله شدی : « جناب حق ابو عبدالرحمنی غریق رحمت ایتسین، او
 یالان سویله مه مش، آنجاق اونو تمش، یا خود خطا ایتمشدی. »

حضرت عائشه بو مسئله یی شوشکلده توضیح ایتمشدر : رسول
 اکرم یهودی بر قادینک جنازه سنی کوردی. أولن قادینک اقرباسی
 آغلا یور و فریاد ایدیورلردی. رسول اکرم « بونلر آغلا یورکن
 جنازه عذابہ اوغرایور. » دیدی. [۱]

اصحابك احادیث نبویه بی قید و تحریر ایتمه لری هجرتك برنجی
 عصرندن اعتبار آباشلار، هجرتك ۱۰۱ نجی سنه سنده (عمر بن عبدالعزیز) ك
 دورنده (ابوبکر بن عمرو بن حزم الانصاری) مدینه قاضیسی ایدی.
 (ابوبکر بن عمرو) علم و فضلی ایله مشهور تیزه سنندن درس آلمش،
 عمر بن عبدالعزیزده، اوکا (عمرو) ك بوتون احادیثنی طویللاماسنی
 امر ایتمشدی. [۲]

[۱] صحیح مسلم : کتاب الجنائز

[۲] ابن سعد ایکنجی جزء .

يکرمی دردنجی فصل

حضرت عائشہ نك فقه علمہ فہرمنی

کتاب وسنت فقه علمنك دلائل منزلہ سندندر . فقه بودلائلین استنتاج واستنباط اولونان احکامك اسمیدر . حضرت عائشہ نك قرآن ایله حدیثہ خدمتندن بحث ایدرکن اونك فتوالری حقندہ ویردیگمز معلومات اونك فقهده کی تبحرینی ده کوسترر .

رسول اکرمك حیاتی اثناسنده علمی هر مسئله ایچین اوکا مراجعت اولونور وهر فتوی اوندن آلینردی . رسول اکرمك ارتحالندن صوکر شریعتك اسرارینه و دین مبینك احکامنه وقوفی ایله معروف بولونان اصحاب او مقامی اشغال ایتدیلر . حضرت ابوبکر ایله حضرت عمر یکی بر مسئله چیقدیغی زمان علمایی طویلار ، اونلرله استشاره ایدرلردی . ایچلرندن بری بر حدیثه واقف ایسه اونی نقل ایدردی . بویله بر حدیث نقل او اونمازسه خصوصی احکام اوزرینه قیاس ایدیلیر و مسئله اویولده حل اولونوردی .

ایلك فقه مکتبی حضرت ابوبکر و حضرت عمر دورنده مدینه ده تأسس ایتدی . فقط حضرت عثمانك زماننده فتنه لر باش کوستردی . هر کس مکه ، طائف ، شام و بصره یه داغیلدی . حضرت علینك زماننده کوفه مقر حکومت اولشدی . تعلیم و تربیه کوردهلر اوتیه

برى به داغيلمقايه برابر اسكى اجتماعى رونقندن اثر قالمادى . بورونق
الكز حرم نبوينك درود يوارينه منحصر قالدى .

مدينه منوره ده فقه و فتوى مرجعى ، اكابر اصحابدن عبدالله بن
عمر ، عبدالله بن عباس ، ابوهريره و حضرت عائشه ايدى . منصوص اولان
احكامك حل و فصلنده بودرت ذانك حكى قبول اولونوردى . بونارك
قواعد و اصولى بربرندن آيرى ايدى . عبدالله بن عمر ، ابوهريره نك
مسلكى قرآن كريم و سنت نبويه ده برشى وارسه همان اونى كوسترمك ،
كتاب و سنتده برشى يوق ايسه سكوت ايتك ايدى . عبدالله بن عباس
ايسه منصوص احكام و مقرراته كوره قياس ايدرك كندى عقل و فهمنه
كوره جواب ويرردى . [۱]

حضرت عائشه نك استنباط اصولى هرشيدن اول قرآن كريمى
نظر ملاحظه يه آلىق ايدى . شايد قرآن كريمده آراديغنى بولمازسه
احاديثه مراجعت ايدردى . اوندن صو كرا قياس عقلى يه مراجعت
صيراسى كليردى . مثلاً حضرت عائشه يه (متعه) مسئله سى صورولديغنى
زمان حضرت عائشه بونك حرمتى حقتنده كى (والذين هم لفروجهم
حافظون...) آيت كريمه سنى او قومشدى .

بر كره حضرت عائشه دن (مجو سيارك معبدلرنده كسدكلرى حيوانلارك
آتى ييك جائز اولوب اولماديغنى) صورديار . حضرت عائشه جائز
اولماديغنى سويله دى و شو آتى او قودى : « اللهم نامنه كسيلمه يه نى
ييك حرامدر . » (۲)

قرآن كريم قادينك طلاقدن صو كرا (اوچ قروء) بلكه مسنى سويلر .
(قروء) ك معناسنده اختلاف وارددر . حضرت عائشه نك براقرباسى زوجى

طرفدن تطلیق اولونمیشدی . اوج طهر مدتتی چکدکن صوکر
حضرت عائشه اوننی قوجه سنک اوندن جلب ایتدی . بونک اوزرینه
بعض کیمسه لر اعتراض ایتدیلر ، (ثلاثة قروء) آیتله استدلال ایدرک
بونک قرآنه مخالف اولدیغنی سویلدیلر . حضرت عائشه : « اوت ،
دیددی ، (ثلاثة قروء) دوغرودر . فقط (قروء) ندر ، بیلورمیسکز ؟
(قروء) دن مقصد ، طهر مدتیدر . » [۱]

امام مالکک بیاننه کوره مدینه فقهای حضرت عائشهیه تبعیت
ایدرلردی . اهل عراق ایسه (قروء) دن « ایام مخصوصه » معناسنی آکلارلردی .
قرآن کریمدن صوکر حدیث کلیر . برزوج زوجهنه طلاق
حق ویرر ، زوج بوحقنی اعاده ایدر و زوجنی قبول ایلسه زوج
اوزرینه طلاق واقع اولورمی ؟ بویله بر مسئله تحدث ایتمیشدی . حضرت
علی ایله حضرت زیده کوره واقع اولویور ، حضرت عائشهیه کوره
ایسه طلاق وقوع بولمایوردی . حضرت عائشه دلیل اولارق تخییر
وقعه سنی ذکر ایتدی و اوزمان زوجات طاهرانک بوش دوشمه دیکنی
سویله دی .

حجة الوداعده یوز بیکه یاقین مسلمان حاضر دی . بوتون اعظم
اصحاب کزین اوراده ایدی . رسول اکرمدن بوحج اتناسنده صادر
اولان افعال و حرکاتی هر کس کندی حافظه سنده صاقلامیشدی .
بوتون بوافعال و حرکات حدیثلرده مذکوردر . فقها و مجتهدین حضرت
عائشه نک بوکا عائد بیانانندن برچوق اصول استخراج ایتملردر .
حضرت عائشه حجة الوداع اتناسنده راحتسزلانمش و فوق العاده متأثر
اولمیشدی . رسول اکرم اوکا تسلی ویره رک اونک بالآخره طواف
ایتمسنی سویله میشدی .

حافظ ابن قيم مذکور روایتی ذکر ایتد کدن صو کرا دییور که :
حضرت عائشه نك مذکور حدیثدن حجك مناسكنه طائڈ بويوك اساسلر
وقاعدلر استنباط اولونویور :

(۱) هم حج ، هم عمره یی بردن نیت ایدن بر کیمسه ایچون بر
طواف کافیدر .

(۲) معذرت حالده اولان قادین ایچین قدوم طوافی ساقط اولیور .

(۳) معذرتی بولونان قادین ایچین حجدن صو کرا عمره نیتی جائزدر .

(۴) بر قادین معذرت حالده طواف کعبه دن ماعدا بوتون مناسك

حجی ادا ایدیه بیلیرلر .

(۵) تنعیم حرمدہ داخل دکلدردر . او مثلدردر ..

(۶) عمره برسنه ده ایکی دفعه ، حتی بر آیدیه ایکی دفعه ادا ایدیه بیلیر .

(۷) متمتع اولان ، یعنی حج و عمره ایچین آیری آیری نیت ایدن

و عمره فوت اولور دییه قورقان بر شخص حجدن صو کرا عمره یی

ایفا ایدیه بیلیر . [۱۰]

(۸) عمره مکسیه نك جوازی حقندہ کی استدلال صرف بوندندردر .

حضرت صفیه بر کره حجك صو ك طوافندہ معذرتہ دوچار اولمشدی .

حضرت صفیه رسول اکرم دن بونی صورمش ، رسول اکرم :

« دها اول طواف ایتدہ دیکز می ؟ » دیمشدی . حضرت عائشه رسول

اکرمك بوسؤالندہ حجك صو ك طوافنك لازم و ضروری اولمادیغنی

استنباط ایتکده در . و معذورا اولان قادینلر بوندن مستنادر . صو کرا

حجج موسمندہ معذورا اولان قادینلر بوکا کوره حرکت ایدیورلردی . [۲]

[۱] زاد المعاد ، برنجی جلد ، صحیفه ۲۰ ، مصر طبعی

(۲) موطاً امام مالک : افاضة الحائض .

قیاس عقلی :

قیاس عقلیدن مقصد ، اہلیتی اولان ویا اولمایان هر کسک کندنی عقلی ایله احکام شرعیہ یی حل ایتسی دکلدن . قیاس عقلی ، اسرار شریعتہ وعلوم دینیہ یی واقف ، بونلری آکلامغه مقتدر ، کتاب وسفندہ ممارسه صاحبی ، هر هانکی یکی مسئلہ یی قاورامقده ملکه احراز ایتمش اولان ، شارع علیہ السلام بر حیات اولسه یدی اونک ویره جکی جوابی ویره بیلن علمانک ویردیکی حکمدر .

۱ — زمان سعادته قادینلرده ارککلر کی مسجدہ کیدوب جماعتله نماز قیلارلردی . مسجدده ارککلرک صفندن سوکرا چوجقلرک وچوجقلرک صفندن سوکرا قادینلرک صفلری تشکل ایدردی . رسول اکرم قادینلرک مسجدہ کله لرینه ممانعت ایدیللمسی ایچین امر ویرمش ، « اللهم قوللری اولان قادینلری اللهم مسجدلرندن منع ایتمہ ییکز » دیمشدی .

نبوت دورندن سوکرا اقوام مختلفه ایله تماس واختلاط ، مدنی ترقی وانکشاف ، رفاه و ثروت نتیجه سی اولارق قادینلر زیب وزینته انهماک کوسترمشله ، اوزمان حضرت عائشه « بوکون رسول اکرم حیاتده اولسه یدی قادینلری مسجدہ کلکدن منع ایدردی . » دیمشدی . حضرت عائشه نك قوللاندیغی الفاظ عیناً شویله در : « رسول اکرم قادینلرک یاپدقلرینی کورمش اولسایدی ، بنی اسرائیل قادینلری معبدہ کیرمکدن منع اولوندقلری کی اوده قادینلری جامعہ کیرمکدن منع ایدردی . » کرچه بورأی ایله عمل اولونماش ایسه ده بورأیک اساسی ، عقلی قیاسدر .

۲ — حضرت ابوهريره شوفتوای ویرمشدی : «أولو یقایان یقافمالیدر. جنازه قالدیرانلرده یکیدن آبدست آمالیدرلر.» حضرت عائشه بونی ایشیتدیکی زمان «مسلمانلرک جنازه سی انسانلری تلویث می ایدیور؟ سوکرا برتابوتی طاشیمقدن نه چیقار؟» دیمشدی .

سنک تقیمی :

فقهک یک اینجه برنقطه سی شودر: رسول اکرمدن صادراولان افعالدن برقسمی دینی برحیثیتی حائزدر. برقسمی ده محضا عادت اثری ویاهرهانکی دنیوی مصالحت دولایسیله وقوع بولمشدر. رسول اکرمدن صادر اولان فعله (سنت) دهنیلیر. فقها سنتی اولایکی. تقسیم ایدرلر: عبادی، عادی. عبادی افعال، صرف ثواب یتیه دینی طرزده وقوع بولان افعالدر. بوده ایکی قسمدر: ۱) مؤکد افعال، یعنی رسول اکرمک دائماً یاپدینی وهیچ ترک ایتدیکی افعال؛ ۲) مستحب اولان افعال، یعنی رسول اکرمک بعضاً ترک ایتدیکی افعال.

عادی افعال ایسه رسول اکرمک ثواب قازانمق ایچین یاپدقلریدر. رسول اکرم بونلری دینی برحیثیته یاپمامش، دنیوی برمنفعت، یاخود شخصی ویا آنی بر ضرورت سوقیله یاپمشدر. افعال عادیه یتبع، امت ایچین ضروری دکلدر.

احادیث شریفه دن آ کلاشیلدیغنه کوره حضرت عائشه، فقهادن اول بواصولی تعقیب ایدیوردی. یالکیز حضرت عائشه دن، رسول اکرمک اوچ کون جماعته تراویح قیلدیردینی روایت اولونیور. دردنجی کون رسول اکرم تراویحه کلمه مش، صباحلین نیچین کلدیکنی ایضاح ایتمش،

تراویحك فرض تاقی ایدیله سندن اندیشه ایدهرك اوکا دوام ایتدیکنی سویله مشدر . دیمك که حضرت عائشه ، رسول اکرمك دواملی بر صورتده یایدیغنی افعالك مؤکد اولدیغنی ورسول اکرم طرفدن آرا صیرا ترك اولونان افعالك وجوب و تأکید درجه سنه وارمادیغنی بیلور و آکلا یوردی .

(ابن عمر) عبادی افعال ایله عادی افعالك تقسیمنی دوغرو تاقی ایتمیوردی . اوکا کوره رسول اکرمدن هر هانکی سبيله صادر اولان فعل ، سنتدر . اونك ایچین ابن عمر یوله چیقادیغنی زمان رسول اکرمك اوغرا دیغنی یرلره اوغرار ، رسول اکرم نه یایدیسه اونی یاپاردی .

(ابن عباس) ایله حضرت عائشه افعال نبویه یی تقسیم ایدیورلردی . رسول اکرم حج ائناسنده (ابطح) ایتمیوردی . ابن عباس ایله حضرت عائشه بونی سنت عد ایتمز لردی . صحیح مسلم ایله امام احمدك مسنده شو روایت واردر : « ابطحه اینك ، سنت دکلدر . رسول اکرم بورادن حرکت قولای اولدیغنی ایچین اورایه اینشدی . »

حضرت عائشه نك معاصر لری مختلف اشتریکی نقطه لر :

حضرت عائشه ایله معاصر لری آراسنده آتیده کی مسائل فقهیه اوزرنده اختلاف حاصل اولمشدر . بو اختلافدن حضرت عائشه حقلی چیقمشدر . بز طویلادیغمز مسائلی جامع ترمذی ایله دیگر حدیث کتابلرندن انتخاب ایتدك :

(۱) حضرت عائشه یه کوره زوجیه یی تقیل ایله آبدست بوزولماز . ابن عمر ، بوزولور ، دیر .

(۲) حضرت عائشه ، جنازه قالدیرمقله آبدست بوزولماز ، دیر .

ابوهريره ، بوزولور ، دير .

(۳) حضرت عائشه ، قادينك ييقانير كن صاحلارنى آچماسى ضرورى
وكلدر ، دير . ابن عمر ، ضروريدر ، دير .

(۴) حضرت عائشه ، ار ككلرله قادينك تماسيله غسل واجب اولور ،
دير . جابر ، خروج شرطدر ، دير .

(۵) حضرت عائشه يه كوره ، (قروء) دن مقصد «طهر» در . ديكر
اصحابه كوره «حيض» در .

(۶) حضرت عائشه ، اولو ييقامقندن دولايى غسل واجب اولماز ،
دير . ابوهريره ، واجب اولور ، دير .

(۷) حضرت عائشه يه كوره ، اولو بر قادينك صاحى طارانماليدر .
اصحابدن ام عطيه يه كوره ، طارانماليدر . حنفيلىده حضرت عائشه نك
قوليله عمل ايدرلر .

(۸) حضرت عائشه ، نمازده قادينك او كدن كچمسييله نماز باطل
اولماز ، دير . ابوهريره ، باطل اولور ، دير .

(۹) حضرت عائشه ، صباح نمازى اورتالق قارا كلق ايكن قيليناليدر ،
دير . رافع بن خديج ، اورتالق آلاجالاندينى زمان قيليناليدر ، دير .
(۱۰) حضرت عائشه ، ايكندى نمازينك اداسى تسريع اولونماليدر ،
دير . ام سلمه ، تاخير اولونا بيلير ، دير .

(۱۱) حضرت عائشه ، آقشام نمازنده سرعت لازمدر ، دير .
ابوموسى ، تاخير اولونا بيلير ، دير .

(۱۲) حضرت عائشه انسائك جنب اولارق اويانماسيله اوروج
بوزولماز ، دير . ابوهريره بوزولور ، دير .

(۱۳) حضرت عائشه ، افطارده استعجال لازمدر ، دير . ابوموسى ،

دکدر ، دیر .

(۱۴) حضرت عائشہ ، قربان اتنی اوچ کون صو کرا یمک جائزدر ،

دیر . حضرت علی وابن عمر ، خایر ، دیرلر .

(۱۵) حضرت عائشہ ، حجدہ وادی محصبہ اینمک سنت دکدر ،

دیر . ابن عمر ، سنتدر ، دیر .

(۱۶) حضرت عائشہ ، حجدہ صاحبہ کسید کدن صو کرا عطر

سورمک جائزدر ، دیر . ابن عمر ، دکدر ، دیر .

(۱۷) حضرت عائشہ ، کعبہ یہ قربان کونده رنلر قربان کوندردکدرندن

دولای حجب شرائطی ایفا ایله مکلف دکدرلر ، دیر . ابن عباس ،

مکلفدرلر ، دیر .

(۱۸) حضرت عائشہ ، معذرت شہریہ یہ دوچار اولان قادینک

وداع طوافی ایچین بکله مسی لازم دکدر ، دیر .

(۱۹) حضرت عائشہ ، حجدہ بر قادینک صاحبندن جزئی بر مقدار

کسمه سی ، کافیدر ، دیر . ابن زبیر ، لا اقل درت پارمق کسمک

ضروریدر ، دیر .

(۲۰) حضرت عائشہ ، مزینات ایچین زکات یوقدر ، دیر .

بعض اصحاب ، زکات وارددر ، دیرلر .

(۲۱) حضرت عائشہ ، اوکسوز وغیر بالغ اولانک مالندن زکات

آلینیر ، دیر . ابن مسعود آلینماز ، دیر .

(۲۲) حضرت عائشہ یہ کوره ، حاملہ بر قادین دول قلیرسه اونک

هدتی وضع حملدر . ابن عباس ، دولاق عمومی عدتدر و وضع حملده کی

مدتدن زیاده اولان زمان عدت زمانیدر ، دیر .

(۲۳) حضرت عائشہ یہ کوره ، زوج زوجہ سنه طلاق و مفارقت

اختيارى ويرر ، زوجه بو اختيارى اعاده ايدر و زوجنى ايسترسه
طلاق واقع اولماز . زيد بن ثابت ايله حضرت على به كوره بر
طلاق واقع اولور .

(۲۴) حضرت عائشه به كوره ، رشيد و بالغ بر آدام بر قادينك
سودنى ايجرسه حرمت ثابت اولور . سائر امهات مؤمنينه كوره ،
ثابت اولماز .

(۲۵) حضرت عائشه به كوره ، رضاع لا اقل بش يودوم سوت
ايجمكه ثابت اولور . جمهورده بو فكرده در . بعض اصحاب بر يودومله
رضاعك ثابت اولاجنى سويلرلر .

(۲۶) حضرت عائشه به كوره ، اوزرينه بر حبه بيله واجب الادا اولدججه
بر كوله مكاتبدر ، دير . زيد بن ثابت كوره ، كوله مك اوزرينه واجب
اولان بر در همدن آز ايسه مكاتب اولماز .

(۲۷) حضرت عائشه به كوره ، مال مسروقك قيمتى لا اقل اوچ
درهم بيله اولسه سارقك الى كسيلير . (بخارى ، باب السرقة والحدود)
ابن عباس وابن مسعوده كوره مال مسروقك قيمتى بر در همدن اشاغى
اولما ملير . (دارقطنى : كتاب الحدود)

(۲۸) حضرت عائشه به كوره ، بر قادين قوجه سندن جبراً تطلق
ايتديريلير ، يا خود بر كوله جبراً افنديسنه آزاد ايتديريليرسه ، نه بو طلاق ،
نده بو آزاد واقع اولماز .

(۲۹) حضرت عائشه به كوره ، طلاق ثلاثه ايله بوشانان زوجه ده
عدت زمانى زوجنك خانه سنده كچيره بيلير . (فاطمه بنت قيس) .
كوره زوجنك أونده اوتوراما .

(۳۰) حضرت عائشه به كوره ، بر انسان ايكي قيز ايله بر حفيده

و بر حفيد ترك ايدرسه ميراثنك ثلثانی ایکی قیزه ، متباقیسی حفيد ايله
حفيدیه عائددر . عبدالله بن مسعوده كوره متباقی حصه حفيدكدر ،
حفیده برشی آلاماز .

بوندن ماعدا حضرت عائشه نك موضوع بحث ايتدیکی دیگر
مسائل ، فقها ایچین بویوك برخزینه در . بونلرك اكثریسی امام مالکك
(موطأ) نده محفوظدر . مدینه فقهنك تملى بونلرك اوزرینه قورولمشدر .

يکری بشنځی فصل

حضرت عائشہؓ کلام و عقائد علامہ فورمینی

کلام علمنک مسلمانن آراسنده ظهورینک اسبابی حقنده اختلاف افکار وارد. حضرت پیغمبرک حال حیاتنده هر مسئله حضرت پیغمبرک ارشادیه قطعی صورتده حل وفصل اولونوردی. بر مسئله یی آ کلام ایستین رسول اکرمه کیدر، ایستهدیکی تفصیلاتی آلیردی. حضرت پیغمبرک ارتحالندن صوکر ا بوکی احوالده کتاب الله مراجعت ایجاب ایدیوردی. بویه بر وضعیتده ایکی ذات آراسنده اختلاف ظهوری ممکندر. مع مافیه اصحاب دورنده عقائد اختلافنه میدان قالمادینی کی عقائد مسائنده مباحثه و مناقشه یه محل قلمازدی. هر کس کندی فکر استنباطندن، کندی مسئول ایدی. بومسئله لرده حضرت عائشہؓ دن روایت اولونان اجتهادلری بورایه نقل ایده جکزر.

بدالله، عین الله کی تعبیر لردنه مقصد. — حضرت عائشہؓ دن ارتحالندن بر مدت صوکر ا هجرتک ایکنجی عصرنده شو مسئله اوزون اوزادی یه موضوع بحث اولدی: قرآن کریم واحادیث شریفه ده (یدالله، عین الله) کی تعبیر ل وارد. بوندن مقصد، حقیقی می، یوقسه مجازی معنای؟ مثلاً (ال) دن مقصد، بزم بیلدیکمز ال میدر، یوقسه قدرت میدر؟ (کوز) دن مقصد، بصرمیدر، یوقسه علم میدر؟ حضرت

عائشہ نك برنجی مسلكه متایل اولدینی آ کلاشیلمقدهدر . بخاریده
بونك مثالی مذ کورددر: « حمد او اللهه که سسی بوتون سسلری صیفار. »

رؤیت باری. — انسان جناب حق کوره بیلیرمی ، کوره مزمی ؟
معزله نزدنده بو، محالدر. بوبابده حضرت عائشه دن پك صریح روایتلر
منقولدر. حضرت عائشه جواز رؤیته قئل دکادر . حضرت عائشه
کندینه مراجعت ایدنلره : « حضرت محمدك اللهی کوردیکی سزه
سویله یین یالان سویله مشدر. » دیدی. حضرت عائشه بو خصوصده قرآن
کریمك ایکی آتی ایله استدلال ایتدی. معزله ده قرآن کریمده بونلردن
دها قوتلی دلیل بولاماشدر. بونلردن بری : (لاتدر که الابصار وهو
یدرك الابصار) یعنی « کوزلر اونی کوره مز ، اوهر شیشی کورور. »
دیگری (وما کان لبشر ان یکلمه الله الا وحیاً او من وراء حجاب)
یعنی « هیچ بر بشر مخاطبه الهیه یه نائل اولاماز. مکر که وحی ایله ،
یاخود ماورای حجابدن اول. »

ابن عباس رؤیتك امکانه قئل ایدی وبوکا سورة نجمك شو
آیتلریله استدلال ایدیوردی : (ولقد رآه نزلةً اخری) یعنی « اونی
بر کره دها کورمشدی. » ، (لقد رأى من آیات ربه الکبری) یعنی
« او، اللهك اك بویوک آیتلرینی کورمشدی. »

حضرت عائشه بوندن مرادك الله دکل ، جبرائیل اولدینی سویله یور
نیته کیم (سورة نجم) ه عائد آیات کریمه بر آراده ارقونورسه بومعنی
در حال آ کلاشیایر .

معزله ، روایات صحیحیه به استناداً ، حضرت عائشه یی رؤیت باری
امکانی انکار ایدنلر آراسه صوقارلر سه ده حقیقت حالده حضرت عائشه

بورؤيتك يالكىز بوعالمده ممكن اولماديغنه قانعدر. فقط محشرده رؤيتك منكرى دكلدر. حضرت عائشه (من حدثك ان محمداً رأى ربه فقد كذب) [۱] يعنى «محمدك ربهنى كورديكسه دائر سوز سويلهين يالان سويله مشدر. «دييور.

علم غيب. — غيبى اللهمن باشقه بيلن يوقدر. بعض كيمسeler پيغمبرلر كده غيبى بيلدكلرينى ظن ايدرلر. حضرت عائشه بوكاشدتلها اعتراض ايدر ك «پيغمبرك غيبى بيلديكنى سويلهينلر يالان سويله مشدر. «دييور. حضرت عائشه قرآن كريمك شو آيتيله استدلال ايدييور. (لاتدرى نفس ماذا تكسب غداً) يعنى «هيچ بر كيمسه يارين نه ايدينه جكنى بيلمز. «

بردفعه برقاج قيز تغنى ايدر كن شو مصراعى اوقومشلردى: (وفينا نبي يعلم ما فى غد) يعنى «ايچمزدده يارين نه اولاجغنى بيلن بر پيغمبر واردر. « حضرت عائشه قيزلرى بوسوزلرى سويله مكدن منع ايتمشدى. [۲]

وهيك اخلاسى مستدرسى. — حضرت پيغمبرك كندينه نازل اولان وحيك بعضيسنى اخفا ايتديكنه امكان يوقدر. حضرت عائشه دييور كه: «سزه حضرت محمدك بعض احكام الهيه يي اخفا ايتديكنى وبونلرى خلقه تبليغ ايتديكنى سويلهين يالان سويله يور. اوكا اينانماييكىز. قرآن (يا ايها الرسول بلغ ما انزل اليك من ربك وان لم تفعل فما بلغت رسالته) «دييور، يعنى «اي پيغمبر، سكا كوندريلهنى تبليغ ايت. تبليغ ايتمزه سكا رسالتكى ايفا ايتمش اولمازسك. «

[۱] صحيح بخارى، ترمذى، مسند احمد.

[۲] بخارى، كتاب النكاح

حضرت عائشه ، دیگر وقایع ایله ده بونقطه یی تنویر ایتمشدر .
قرآن کریمده نیجه نیجه آیتلر واردر که حضرت پیغممه و وقوع
بولان اخطارات وتنیهات الهیه یی کوسترر . حضرت پیغمبرک زیدک
مطلقه سی زینبله ازدواجی عرب جاهللر نیجه شایان اعتراض کوروله بیلیردی .
حال بو که بوقعه قرآن کریمده صراحة ذکر ایدیلمشدر . حضرت
عائشه دیور که : « محمد جناب حقک بر وحینی صاقلامق ایسته سیدی
بو آتی صاقلار [۱] و جاهللرک اعتراضلرینه میدان ویرمزدی . حال بو که
حضرت پیغمبر بویله یامادی . بوندن ده آ کلاشیلیر که رسول اکرم
تلقی ایتدیکی وحی نقصانمز تبلیغ بویورمشدر . »

انبیائک عصمتی . — سورة یوسفده بر آیتک قرائتده حضرت
عائشه ایله ابن عباس آراسنده اختلاف واردر . ابن عباس بو طرزده
اوقویور : (حتی اذا استأیس الرسل وظنوا انهم قد کُذِّبوا) یعنی
« تا که پیغمبرلر نومیدییه دوچار اولمغه باشلار و تکذیب ایدیلدکلرینی
ظن ایدرلر . » حضرت عائشه نیک طلبه سنندن بری بونک دوغرو
اولوب اولمادیغنی صور و نیجه حضرت عائشه : « پیغمبرلر ملتلی طرفندن
تکذیب اولونور ، ملتلینک ایمان ایتمه سنندن مایوس اولورلر .
یوقسه جناب حقک نصرتندن مایوس اولمازلر » دیدی . [۲]

معراج روحانی . — بعض روایتلره کوره اصحاب آراسنده معراجک
جسمانی و یا روحانی اولوب اولمادیغنی حقنده اختلاف واردر . معراج
نقطه حالده می ، یوقسه منام حالده می وقوع بولمشدر ؟

[۱] مسند احمد ، جلد ۶ صفیحه ۲۳۷

[۲] بخاری ، سورة تفسیر .

قرآن كريم بوكا « رؤيا » دييور . (وماجعلنا الرؤيا التي اريناك
الافتنة للناس) يعنى « سكا كوسترديكمز رؤياي انسانلر ايچين امتحان
ايله دك . » صوكرا باشقه بريرده بونك رؤيت قلب ايله اولديغنى افاده
ايدىيور و (ما كذب الفؤاد ما رأى) دييور .

« صحاح » ده تصريح اولونان روايت شودر : « رسول اكرم
نوم ايله يقظه آراسنده ايدى . » معراجك بوتون مشاهدات ووقيعى
ذكر اولوندقن صوكرا رسول اكرم (فاستيقظت) ، يعنى « صوكرا
اوياندم » دييور .

ابن اسحاقك روايته كوره حضرت عائشه روحانى معراجيه قئلى .
قاضى عياض (شفا) ده بوكا اعتراض ايتمش ، (قسطالانى) ده
بواعتراضى حرفياً نقل ايتد كدن صوكرا حضرت عائشه بك معراج زماننده
حضرت پيغمبرك نكاحنده اولمادقن باشقه دنيايه بيله دها كلمه ديكنى
بيان ايتمش ، روايت واقعه بك صحيح اولماديغنى ايضاح ايتمشدر .
قاضى عياضك بوتنقيد اصولى قبول اولونديغنى تقديرده حضرت
عائشه دن روايت ايديلن دها برچوق حديثلرى برطرفه بىراقق ايجاب
ايدر . حال بوكه اونك بوتون روايتلرى قاضى عياض ايله جمهور
محدثين نزدنده صحيحدر . وحيك مباديسى حقنده حضرت عائشه دن
باشقه صحابه دن هيچ برى بوقدار وضوح ايله تفصيلات ويرمه مشدر .
بلكه وحيه عائد تفصيلاتك اساسى ، حضرت عائشه بك روايتلريد .
اوحالده تنقيده لزوم وارسه وحيه متعلق روايتلر تنقيد اولونمايدير .
چونكه معراجك وقوعى اثناسنده حضرت عائشه يتشمش برخانمدى ،
زرقانى ، ان دحيه ايله ابن شريح بو حديثك رواية صحيح
اولماديغنى تصريح ايدىيورلر . (زرقانى ، جلد ۶) بالذات ابن اسحاق

بعض محدثین نزدنده ضعیفدر . بوندن باشقه ابن اسحاق کیمدن
 اخذ ایتدیکنی ذکر ایتیه یور . یالکز (ابوبکر خاندانه منسوب
 بر شخص) دیور . صو کرا بوراوی حضرت عائشه نك اسمنی تصریح
 ایدیور . حال بوکه اونکله حضرت عائشه آراسنده لاقل برراوی دها
 بولونمسی ایجاب ایدر .

الصحابه عدول . — اهل سنتك مسلکی شودر : اصحاب کزین
 عدالت وموثوقیتلرینك علیهنده برشی ثابت اولمادجه تمامیه عادل ،
 ثقه وامین صاییلرلر .

حضرت عثمان وقعه سندن صو کرا حضرت علی ایله امیر معاویه آراسنده
 وقوع بولان داخلی محاربه ده مصریلر ایله عراقیلر وشاملیلر ،
 طرفدارلرندن اولماین اصحابه طعن ایدیورلردی . حضرت عائشه
 بونلره طعن ایتمه نك علیهنده بولوندی : «اونلر پیغمبرك اصحابنه مغفرت
 نیازیه مأمور ایدیلر . حال بوکه طعن ایدیورلر » دیدی . [مسلم ،
 کتاب التفسیر]

حضرت عائشه بو حکمی قرآن کریمك مهاجرین وانصاری
 تعریف ایدن آیتندن استنباط ایتدی . (والذین جاؤوا من بعدهم
 يقولون ربنا اغفر لنا ولاخواننا الذین سبقونا بالايمان ولا تجعل فی قلوبنا
 غلا للذین آمنوا ان ربك لرؤف رحیم .) یعنی «اونلردن صو کرا کله نلر
 دیرلر که : یاربی ، بزی وبزه ایمانده سبقت ایدن قارده شلریمیزی
 بارلیغا . ایمان ایده نلره قارشى قلمزده برکین بولوندورما . سن ،
 رؤوف ورحیمسك ! »

پیغمبرمزنك منافقلى . — صحیح مسلمده بیان اولوندیغنه کوره

(ابن ابى مليكه، حضرت عائشه يه رسول اكرم كى خليفه تعيين ايتىك فكرنده اولديغنى صورولاش، حضرت عائشه شو جوابى ويرمشدى: « رسول اكرم بر كيمسه يي تعيين ايتىش اولسه يدى او كيمسه ابوبكر، ابوبكر دن صو كرا عمر، عمر دن صو كرا ده ابوعبيدة بن الجراح اولوردى. »

— اوندن صو كرا ؟

سؤالنه قارشى حضرت عائشه سكوت ايتدى .

عذاب قبر . — قرآن كريمده عذاب قبر حقنده صراحت يوقدره بونك ايچين بوتون اصحاب بوكا واقف دكلدى . بعض اسلام فرقه لرى بوكا معتقد دكلدر . بومسئله ده حضرت عائشه دن تحقيق ايدىلشدر . ايكي يهودى قادينى حضرت عائشه نك زرينه كلش، سوز آراسنده بوقادينلر « الله سزى عذاب قبر دن قوروسون » ديمشلردى . حضرت عائشه ايلك دفعه اولارق ايشيتديكى بوسوز اوزرينه حيرته دوشدى وعذاب قبرى قبول ايتمىدى . صو كرا حضرت عائشه بومسئله يي حضرت پيغمبر دن تحقيق ايتىش، رسول اكرم (عذاب قبر دوغرودر) ديمشدى . بونى متعاقب حضرت عائشه رسول اكرمى بويوك بردقته ديكلمكه باشلامش، رسول اكرم كى قبر عذابندن الله صيغنديغنى كورمشدى .

يکرمی آلتنجی فصل

حضرت عائشہ نك حكمت تشريع علمه خدمتی

مسلمانانك بوتون احكامی مصالحه مبنی اولدینی حالدہ بعض اسلام
فرقلری بونی قبول ایتمه مکده درلر . قرآن کریم هر یرده احکامك
متضمن اولدینی مصالحی ایضاح ایدر . رسول اکرم ده وضع ابتدکی
احکامی بعضاً بالذات کنیدی توضیح بویورور ، بعضاً ایراد
اولونان سؤاللره جواب ویره رک بونقطه لری آکلاتیردی . اصحابدن
حكمت تشریعه آگاه اولان ذوات ، بودقائقه تماميله واقف بولونیورلردی .
« حکمت تشریع » دائر (حجة الله البالغة) عنوانلی اثری تصنیف
ایدن شاه ولی الله دهلوی بواثرنده « اسلاف » حکمت تشریعه اهمیت
ویرمدکلری حالدہ سن بوکا ناصیل اهمیت ویرمیورسک ؟ « سؤالنه
شوجوابی ویریور : اسلافك برعلمی تدوین ایتمه ملری برضرر
ویرمز . چونکه رسول اکرم بو علمك اساسلرینی وضع ایتمش ،
تفرعاتنی تثبیت ایتمش ، حضرت عمر و حضرت علی ، زید ، ابن عباس
و حضرت عائشه کبی ذوات اونك ایزندن کیتمش ، اونك وجوهنی
کوسترمش بولونیورلر . »

شاه ولی الله یرنده اولسه م حضرت عائشه نك اسمنی صوکه
دکل ، باشه قویاردم . چونکه حضرت عایشه بو علمه هر کسدن فضله

خدمت ايتدى . بوادعامك دايلى حديث كىتابلىرىنىڭ صحيفەلىرىدۇر .
 اولجەدە بىيان ايتدىكىمىز ۋەجھەلە عصر سعادىدە قادىنلار صورت
 عمومىيەدە مسجد نبوىيە كىدوب كىلىرلەر ، ار كىكلەرلە چوجوقلارك
 آرقالرىندە دورورلرايدى ، رسول اكرم ، قادىنلارك جامعدىن منع اولونمايلىرىنى
 مؤكەد بر صورتدە امر ايتىشىدۇر .

بالا آخرە نبوت دورىنىڭ سادەلىكى و نزاھتى زائل اولدۇقۇن ،
 تروت ورفاھىت عمومىيەلەشكەن و اجنبى ملتلەرلە اختلاط ايدلا كەن
 سو كرا حضرت عائشە قادىنلارك حالە باقارق « رسول اكرم بو كون
 بر حيات اولايدى قادىنلارك حال و حرەكت و طرز تلبىسە باقارق اونلارك
 جامعە كەلەلىرىنى منع ايدردى . » ديدى . (بخارى : خروج النساء الى المساجد)
 بو پك مەھم بر حادثە دەكلدۇر . فقط حضرت عائشە ، بوبىاناتى دە
 اسباب و مصالحە استناد ايتدىرەش ، اسبابك تەغىر و تەبدىلە احكامك دە
 تەبدىلى كوسترمەش . اسبابك تەغىر و تەبدىلەن احكام دىخى تەبدىلاتە
 اوغزار .

بر كون حضرت عائشەنك ، سوت والەسنك قان برادرى اونى
 زيارەت كەلشەدى . حضرت عائشە اونى قبول ايتەدى . رسول اكرم
 او كا بومسافرى نىچىن قبول ايتەدىكىنى سوردى . حضرت عائشە شو
 جوابى وىردى : « بكا بو ادامك برادرى سوت وىرمەدى . اونك برادرىنىڭ
 زوجهسى سوت وىردى . يەنكە ايلە قان برادر آراسىندە ئەمناسەت
 واردۇر ؟ » رسول اكرم : « خاير ، ديدى ، بو آدم سنك عەجەك
 صابىلىر . » [مسلم ، رضاە]

بواحكامدە عقلى مصالح بولوندىغى استدلال اولونويۇر . حضرت
 عائشەنك حكمتى توضحىح ايتدىكى مسائلى برر برر نقل ايدەجكۇر .

بومسائل طویلامغہ المدین کلدیکی قدر چالیشمش بولونویورم .

قرآنہ کریمک تریبی . — قرآن ایکی دورہده نازل اولمشدر :
مکہ دوری، مدینہ دوری. بودورلر، معنوی خصوصیت نقطہ نظرندن
بربرندن آیریدر . عوام بونک فرقہ وارانمازسده ارباب کمال بونک
دقائق وغوامضی تقدیر ایدرلر ، سورہنک الفاظندن اونک هانکی
دورہمنسوب اولدیغنی آکلارلر. ایکی دور آراسنده کی فرقلر شونلردر:
(۱) مکی سورہلر روحانی جذبہلرله جوشار . مدنی سورہلرده
درین درین دوشونجهلر حاکمدر.

(۲) مکی سورہلرده الفاظ، عظمت و احتشام ایله تمایز ایدر. مدنی
سورہلرده دها فضله شرعی الفاظه تصادف اولونور .

(۳) مکی سورہلر نصائح و مواعظله دولودر . بونلرده اللہک
وحدانیتندن ، قیامتدن، حشر و نشردن بحث اولونور. مدنی سورہلر
الہی احکام ایله مالا مالدر.

(۴) مکی سورہلرده آیتلر قیصہ جہدر . مدنی سورہلرده آیتلر
اوزوندور.

(۵) مکی سورہلرده یہود و نصارادن بحث یوقدر. مدنی سورہلرده
یہود و نصارادن بحث اولونور .

(۶) مکی سورہلرده اعمال و عباداتدن فضله عقائدن بحث اولونور.
مدنی سورہلرده اعمال و عباداتدن بحث اولونور.

(۷) مکی سورہلرده جہادک ذکری کچمز، دعوت و تبلیغ ایله
اکتفا اولونور . مدنی سورہلرده دعوت و تبلیغ ایله برابر جہاددن
بحث اولونور.

اوروپا مستشرقلىرى بوفارقەلىرى طائىقىدە مشكلاتە اوغرايۇرۇر .
فقط بونلر حضرت عائشە نىڭ ۱۳۳۵ سنە اول بونلرى ايضاح وبيان
ايتدىكىنى بيلمىزلر .

(صحيح بخارى) دە حضرت عائشە دىيور كە : « قرآن كرىمدىن
ايلك نازل اولان » مەفصلەدىن بىر سۇرە ايدى . بۇ سۇرە جنت و جەننەدىن
بىت ايدىيوردى . وقتا كە ھەكس مسلمانلارنى قبول ايتدى ، حلال
و حرام دە بيان اولوندى ؛ ايلك نازل اولان شى ، (ايچكى ايچمە يىگىز)
طرزىندە اولسايدى ، ھەكس ، « ايچكى يى اصلا ترك ايتمەيزا » ، ياخود
ايلك نازل اولان شى ، (زنا) يى ترك ايدىگىز ؛ اولسايدى ، ھەكس
« زنا يى اصلا ترك ايتمەيزا » دىردى . مەكەدە اويناين برقىز ايكىن « اونلوك
وعدەلىرى قيامتدر . قيامت ، نەمدەش ، نە آجى شيدر . » مەلندەكى آيت
نازل اولمشدى . بقرە ايله نسا سۇرەلىرى ايسە بن رسول اكريمك
نزدندە ايكىن نازل اولمشدى . » [بخارى ، باب تأليف القرآن]

اسلامك وضع ايتدىكى اصول ، كندى دائرە فىضنى تدرىجاً
كنيشلەتمەكدى ، اسلاميت جاھل بر ملت ايچندە ظھور ايتدىگىندىن
اولا بوملتى مؤثر سوزلرلە ارشاد ايتك ، اونلر جنت و جەننەنى آكلاقق
ايجاب ايدىيوردى . خلق بوندن متأثر اولدقدن سوكرە اسلامىك
احكامى ، قوانينى ، اوامر و نواھيسى نازل اولدى .

زنا و ايچكى كى مذموم عادتلارك تركى تا بدايتدن طلب ايدىلش
اولسايدى ، بونى بر كىمسە دىكلە مزىدى . قرآنك طرزىيانى ھەرموضوعە
كورە اك مناسب واك كوزل لساندر .

حضرت عائشە بقرە و نساء سۇرەلرىنىڭ مەينەدە نازل اولدقلىرى
ايضاح ايدىيور . مەينەدە يھود و نصارا بولونىيوردى . بوندن دولانى

بو سوره لرده بونلره جوابلر ویرلمکده در . اسلامیت مدینه ده نشر و تبلیغ وظیفه سنی ایفا ایتدیکی کبی احکامی ده تبلیغ ایله مشدر . قر سوره سی ایسه مکده نازل اولمشدر . بو سوره ده قیامتدن ، حشر و نشر دن بحث اولونویور . بویله جه مکی و مدنی سوره لر آراسنده فرقلر آکلاشیلش بولونیور .

مدینه ده اسلامیتک موقعتی . — مسلمانلرک اول امرده نه کی مشکلاته معروض قالدقلری قارئلریمزک معلومیدر . اسلامیت بونجه مخالفت و مقاومتلره رغماً انتشار ایتمشدر . معجزه نك اسباب عادیه ایله ظهور ایتسی ضروری دکدر . فقط بر شیئک حصول بولماسی ایچین مختلف سببلرک مناسب بروقتده بر آرایه کلسی ده بر معجزه در . اسلامیت ظهورندن اول مدینه ده مقیم اولان قبیله لر آراسنده شتملی اختلافلر و منازعه لر واردی . بواختلافلر یوزندن محاربه وقوع بولش ، سل کی قائلر دو کولمشدی . انصار بوحالدن او قدر بیقمشدی که اسلامیتک بویوک رحمت اولدیغنی آکلامش و اونی سرعتله قبول ایتمشدی . بوصورتله جناب حق مدینه ده اسلامک یولنی آچمشدی .

حضرت عایشه دییور که : « انصار آراسنده وقوع بولان بعث محاربه سی رسول اکرم دن اول وقوع بولمشدی . رسول اکرم کلدیکی زمان انصارک جمعیتی پریشان اولش ، رئیساری اولدورولمشدی . بو صورتله بوحادثه ایله جناب حق انصاری مسلمانلغه کیرمکه حاضر لامشدی . » [بخاری : باب القسامة فی الجاهلیة]

سفرده ایکی رکعت نماز قیلنماسی . — دوت رکعت اولان نمازلر قصر ایدیلدیکی زمان ایکی رکعت اولارق ادا ایدیلیر . بو صورتله

دوت ركعتك قولايلىق ايچين ايكي يە ايندىرىلدىكى ظن اولونور. حقيقت
 حالى حضرت عايشەدن ديكە يىكيز : «نماز ايكي ركعت اولارق فرض
 اولونمىشىدى . رسول اكرمك هجرتىزدن سوكر ا دوت ركعت فرض
 ايديلىدى . سفردە برنجى فرض قالدى .» [بخارى : باب الهجره]

صباح رايكندى نمازىدى سوكر ا نماز قىلىمى . — حضرت عمر،
 ايكندى وصباح نمازلىرىدن سوكر ا هر هانكى نمازك يعنى نافله وسنتكده
 اداسى جائز اولمادىغى روايت ايدر . بو عدم جوازك سببى نەدر ؟
 اور تاده هيچ بر سبب يوقدر ، ظن اولونور . حضرت عايشە بونى
 ايضاح ايدرك ديسوركه : «رسول اكرم نمازك طلوع وغروب آنلارنده
 قىلماستى نهي اتمشدر .» [مسند احمد ، جلد ۶]

او حالده بو ممنوعيتك سببى كوشه طاپانلره بكمزمه مك ، يا خود
 كوشه طاپانلره بر زمانده نماز قىلما مقدر .

نمازى اوطوروركى قىلىمى . — حضرت پيغمبرك نافله نمازى
 اوتوروركى ادا بووردىغى ناستدر . بونك ايچين بر چوق كيمسەلر ،
 معذرتلرى اولماسا بيله ، نافله نمازىنى اوتورارق قىلماي مستحب
 عد ايدورلر . حضرت عائشەدن ، رسول اكرمك اوتورارق نماز
 قىلوب قىلمايدىغى سورولش ، عايشە شو جوابى وىرمىشىدى : « رسول
 اكرم ، آنجاق هر كسك ايشنى كورمك يوزىدن بيتاب قالدىغى زمان ،
 اوتورارق نماز قىلدى .»

ديكر بر روايتە كوره حضرت عايشە شو جوابى وىرمىشدر :
 « رسول اكرمك كيجه نمازىنى اوتورارق قىلدىغى كورمەدم . آنجاق
 بختيارلادىغى زمان بويە يامىشىدى .»

ہوایکی روایت (ابوداؤد) ك (سنن) ندہ «باب صلاة القاعد» دہدر .
مسلمدہدہ (باب صلاة الليل) دہ ہوگا مائلروایتلر واردہ . ہوروايتلرك
برینہ كورہ حضرت عائشہ شوسوزلری سويلہ مشدر : «رسول اکرم
شيشمانلادینى و آغیرلاشدینى زمان نمازینك چوغنى اوتورارق ادا
ایدردی .»

اقشام نمازی . — ہجرتدن صوکرانمازلر ایکی رکعت برینہ
درت رکعت اولدینى حالده اقشام نمازی یچین اوچ رکعت قلدی ؟
حضرت عائشہ بوسؤالہ شوجوابی ویریور : «اقشام نمازی کوندوزك
وتریدر .» (مسند ، جلد ۶ صحیفہ ۲۴۱) دیمك کہ کیجه نمازندہ
اوچ رکعت و تراولدینى کبی کوندوز نمازندہ اوچ رکعت و ترواردر .

صبح نمازی . — صبح نمازی یچین ایکی رکعتدر : حضرت
عائشہ دیورکہ : «صبح نمازندہ اوقونان قرآن اوزون اولدینى یچین
ایکی رکعت اولارق قالمشدر . صبح نمازندہ بالخاصہ خضوع و خشوعہ
رعایت ایجاب ایدر . رکعتلرك عددینہ بدل تلاوت قرآن اوزادیلیر .»
(مسند احمد ، جلد ۶ ، صحیفہ ۲۴۱)

عاشورا اوروجی . — جاهلیت زمانندہ عاشورا کونی ، یعنی محرمك
دوقوزونجی ویا اونونجی کونی (روایتده اختلاف واردہ) اوروج
طوتولوردی . رسول اکرمده اوکون اوروج طوتاردی . رسول
اکرم ہواوروجی اسلامك بدایتندہ طوتمش ، فقط رمضان اوروجی
فرض اولوندینى زمان ہواوروج نسخ اولونمشدی . حضرت عائشہ
ہواوروجك جاهلیت زمانندہ یچین طوتولدینى ایضاح ایدیور : «رمضان
اوروجك فرض اولماسندن اول عاشورا کونی اوروج طوتولوردی .»

چونکہ او کون کعبہ اور تولوردی . (مسند احمد)

ابن عباسك ، بخاری ، مسلم ، ابوداؤد و ابن ماجہ طرفندن نقل اولونان روایتی باشقه درلودر . بوروایتہ کورہ رسول اکرم مدینہ یمہ کلدیکی زمان موسویلرک عاشورا کونی اوروج طوتدقلرینی کورمش ، بونک سببی سورمش ، اونلرده او کون جناب حقك فرعونی غرق ایتدیکنی و حضرت موسی ایله قومنی قورتاردیغنی سویله مشر . رسول اکرم ده او کونک اوروجه لایق اولدیغنی سویله مش و اوروج طوتمشدی . اصحاب کزین ده بو خصوصده رسول اکرمه اتباع ایتمشر . (بخاری) ده بوکادائر (ابو موسی الاشعری) دن برروایت واردر . حضرت عایشه نك روایتی ایسه موطناً ، صحیح بخاری ، صحیح مسلم ، ابی داؤد ، ترمذی ، مسند و ابن ماجه ده در . ابن عمرك ، (ابوداؤد) و (ابن ماجه) ده کی روایتی حضرت عایشه یی تأیید ایدیور . (طبرانی) نك (معجم کبیر) نده کی حضرت زیدك روایتی ده حضرت عایشه یی تأیید ایتمکده در . حضرت عایشه نك روایتی اوچ وجه ایله (ابن عباس) ك روایتی مرجحدر : چونکہ برچوقر روایتلر ، عایشه نك روایتی تأیید ایدیور . (ابن عمر) ده اونی تأیید ایتمکده در . سوکرا رسول اکرمك یهودیاره اولماق ایچین محرمك دوقوزنجی کونی اوروج طوتدیغنی سویله نیور . رسول اکرم ، عاشورا کونی اوروج طوتما یی یهودیلردن کورمشسه اونلره مخالفته لزوم الماردی . سوکرا ایکی روایتی تألیف ده ممکندر . مکدیلرده یهودلرده عاشورا کونی اوروج طوتارلردی . رسول اکرم (مکه) ده بولودیغنی مدتیجه بو اوروجی طوتمش ، مدینہ یمہ کیتدیکی زمان یهودیلرک عینی کون اوروج طوتدقلرینی کورمش ، یهودیلری تقلید ایتمه مش اولماق ایچین دوقوزنجی کون اوروج

طوتمای تفسیر ایتشدر .

تراویح نمازی . — رسول اکرم کیجه قیلدینی نماز لری حضرت عائشه دن فضله بیلن یوقدر . عائشه ، رسول اکرم کرم رمضان آئنده، کرم سائر زمانلرده کیجه لری اون اوچ رکعتدن فضله ادا ایتمه دیکنی سویله یور . رسول اکرم رمضانده بر کون مسجده تراویح نمازی قیلش ، یونی کوردهن خلق ده رسول اکرمه اتباع ایتش ، ایکنجی کون جماعت فضله لاشمش ، اوچونجی کون دها آرتمش ، دردنجی کون مسجد دولش ، فقط او کیجه رسول اکرم حجره سندن چیقماش ، خلق بر مدت بکله دکن سوکرا چکیلمشدی . رسول اکرم صباحین تراویحه یچین جیقما دینی ایضاح ایدرک شوسوز لری سویله دی : «دون آقشامکی حالکزی بیلیورم . فقط کیجه نمازینک اوزریکزه فرض اولماسندن وسرک بویوزدن زحمته دوچار اولما کزدن اندیشه ایتم .» (صحیح مسلم و صحیح بخاری صلاة الیل)

حجک حقیقی . — بعض عوام ناس ایله بعض وقوفسزلر حجب ائناسنده طواف ، سعی ، قیام ، بعض یرلرده توقف ، رمی جمار . . . کی حجک ارکانندن اولان اعمال و افعالی معاسر و فائده سز تاقی ایدرلر . حضرت عائشه دیور که : « انما جعل الطواف بالیت وبالصفا والمروة ورمی الجمار لاقامة ذکر الله عز وجل — یت الله ایله صفا و مروه نک طوافی ، رمی جمار ، آنجق جناب حجتک ذکر ایچیندر . » او حالده بونلردن قصد و غایه ، اعمال و افعال دکل ، بایکه ذکر اللهدر ، حتی قرآن کریمک بیاننه کوره حضرت ابراهیم زماننده بوکی اعمال و افعال ، عبادتهده شامل ایدی .

حج، حضرت ابراهيمك يادكاريدر . بوندن دولايي اونك ضرر عبادتي ابقايديشدر .

محب واديسنده اقامت . — رسول اکرم حج موسمنده محب واديسنده اقامت ايدردى . رسول اکرم دن صوگرا خلفاء راشدين ده اوراده اقامت ايتمىلردر . (ابن عمر) بوراده اقامتي حجك اعمالدن عد ايدىيور . فقط حضرت عائشه بونك علمينده ايدى . اونك ايچين بوراده اقامت ايتمه يوردى و « انما نزله رسول الله صام لانه كان منزلا اسمح لخروجه : رسول اکرم بورادن چيقيلماسى قولاي اولديغى ايچين بوراده اقامت ايدىيوردي . » دىيوردي . بو خصوصده ابن عباس ايله بورا فعهده حضرت عائشه ايله همفكر درلر .

كعبه نك تعميرى . — كعبه نك بر طرفنده آچيق بيراقيلمش بر ير واردر . بورايه (حطيم) ديرلر . بوراسى ده طوافه داخلدر . عجباً كعبه داخلنده اولمايان بو ير نيچين طواف اولونيور ؟ حديث كتابلى بوندن بحث ايتمه يور . يالكر حضرت عائشه بونى توضيح ايتمشدر .

حضرت عائشه بر كون رسول اکرمه شو سؤالى صورمشدى : « حطيم ده كعبه يه داخلميدر ؟ » رسول اکرم « اوت ! » ديدى . حضرت عائشه : « او حالده نيچين بو يرده كعبه نك ايچنه آينمادى ؟ » ديدى . رسول اکرم : « سنك قومنك النده سرمايه يوقدى . اونك ايچين انشا آتكم بو قدرى نقصان قالدى . » ديدى . حضرت عائشه تىكرار صوردي : « بونك قابوسنى نيچين او قدر يو كسك يامشدر ؟ » رسول اکرم جواب وىردى : « ايسته دكلرينى ايچرى بيراقمق ، ايسته مدكلرينى منع ايتكم ايچين ! »

حضرت پیغمبر کعبه نك اصل تملی اوزرنده قائم اولمادیغنی بیلوردی .
 رسول اکرم شریعت ابراهیمه نك مجددی صفتیه بونی بیقدیروب
 یکیدن انشا ایتدیرمك ایستردی . رسول اکرم حضرت عائشه به سنك
 قومك جاهلیت و کفر دوری پك یاقین اولماسایدی ، بن کعبه نی بیقوب
 اونی حضرت ابراهیمك قوردیغنی تمل اوزرنده تعمیر ایتدیردم . «
 دیمشدی .

حضرت عائشه نك یکنی ابن زبیر خلیفه اولدیغنی زمان ، حضرت
 عائشه نك روایت کوره کعبه نی بیقمش ، اونی اصل تملی اوزرینه
 انشا ایتمشدی . زبیرك شهادتندن صو کرا عبدالملک مکه نی اشغال ایتدیگی
 زمان (ابن زبیر)ك بوانشا آتی کندی اجتهاد ذاتیسی اوزرینه یابدیردیغنه
 ذاهب اولارق کعبه نی بیقمش واسکی هیئت اوزرینه انشا ایتمش ، فقط
 بالآخره حقیقی آکلایارق مادم اولمشدی . (مسلم ، باب نقض الکعبه ،
 مسند احمد جلد ۶ صحیفه ۲۴۲ ، ۲۵۳)

طواف . — رسول اکرم وداع جنده دوه سی اوزرنده طواف
 ایتمشدی . بوندن دولای بر حیوانه بینه رك طواف ایتمه نك سنت اولدیغنه
 قائل اولانلر واردر . بعض مجتهدلرده بو فکرده در . حال بو که رسول
 اکرم بونی خصوصی بر سبب دولایسیله یامشدر . بو خصوصده
 اصحابدن اوچنك روایتلری واردر . ابن عباسه کوره رسول اکرم
 خاستا ایدی . بونك ایچین دوه سی اوزرنده طواف ایتدی . حضرت
 جابر کوره رسول اکرم خلق طرفندن کوروله بيلمسی و اوکا هر سؤالی
 ایراد ایدیله بيلمسی ایچین بو شکله حرکت ایتدی . ازدحامده بونی
 ایجاب ایدیوردی .

حضرت عائشهیه کوره سبب شوایدی: قالابلق مدهشدی. رسول اکرم اوزرنده تراحم واردی. رسول اکرم خلقک جبرآداغیدیلینی ایسته میوردی. بونک ایچین دوه سنه بینمشدی.

ابن عباسک افاده سی قناعت بخش دکدر. جابرک افاده سی ایله حضرت عائشه نک افاده سی برینه یاقین و آرا رنده کی فرق چوق جزئیدر.

تجرت. — بو کون (هجرت) دن آ کلاشیلان معنی، انسانک دار و دیارینی ترک ایدرک مکیه و یا مدینه یه کیدوب اوراده اختیار اقامت ایتمسیدر. ائمه تابعیندن عطاء بن ابی رباح بر دفعه هجرتک نه اولدیغنی صورمش و شو جوابی آلمشدی:

« بو کون هجرت یوقدر. مؤمنلر دینلری اوغورنده هجرت ایدیور و فتنه یه اوغرا مقدر اندیشه ایدیورلردی. بو کون ایسه، مالماللق مظفر اولمشدر، هر انسان ایسته دیکی کی اللهه عبادت ایتمکده در. فقط جهاد و یتک ثوابی باقیدر. » (صحیح بخاری باب الهجرة)

بونقطه توضیح ایشدکن سوکرا حضرت ابن عمرک نیچین (لا هجرة بعد الفتح) یعنی « مکک فتحندن سوکرا هجرت یوقدر. » دیمه سنک معناسی آ کلاشیلیر. مکک فتحندن سوکرا هجرت یوقدر. چونکه اوندن سوکرا بوتون مملکتده امن و آمان قائم اولمشدی.

رسول اکرمک هجروه دفنی. — رسول اکرمک ارتحالنی متعاقب دفن اولونا جنی محل حننه احباب اراسنده اختلاف چیقدی. حضرت ابوبکر « پیغمبرلر اولدکاری یرده دفن اولورلر. » دیدی. بلکه رسول اکرم بویه دئمشد. فقط بوتاریخی بر مسئله در. اولی اثبات ایتمک لازمدر. بونک اصل سببی حضرت عائشه ایضاح ایدرک دئیورکه:

« رسول اکرم ارتحاللریله نتیجه‌لن خاستالقلاری اثناسسندده شو
 سوزی سویله مشدی: «جناب حق یهودیاره ونصرانیلره لغنت ایتدی.
 چونکه اونلر پیغمبرلرینک قبرلرینی عبادتگاه اتخاذا ایتدیلر. » بویله
 اولماسا رسول اکرم آچیقده دفن اولونوردی. حال بوکه اونک
 مسجدینک عبادتگاه اتخاذا اولونماسدن اندیشه اولوندی. » [صحیح
 بخاری، کتاب الجنائز.]

يکرمی یدبجی فصل

حضرت عائشہ نك تاريخ وادبياتہ وقوفی

حضرت عائشہ نك تاريخ وادبياتہ وقوفی ، خطابت وشعرده کی قوتی، اوندن درس او قویانلر طرفندن روایت ایدیلکده در. هشام بن عروه دیورکه : « حضرت عائشہ قادار قرآنہ ، حلال وحرامہ واقف ، شعر وانسابده رسوخ صاحبی بر کیمسه کورمدم . » [تذکرۃ الحفاظ ، ذہبی]

حضرت عائشہ او زمانك طنبده واقف ایدی . حضرت عائشہ رسول اکرمك خاستالغی اثناسنده اونی زیارت ایدن طیبیلرک ویردیکی علاجلری بللہر ، بونلری رسول اکرمہ حاضرلار ، بوندن باشقہ محاربہ لره اشتراك ایتدیکی زمان یارالیلری تداوی ایدر و یارالرینی صاراردی .

تاریخ :

حضرت ابوبکر عربلرک احوالی ، زمان جاهلیتده کی عرف وعادتلرینی ، عرب قبیله لرینك حسب ونسبنی بیلیردی . [اصابه واستیعاب] حضرت عائشہده بونلری عائله سنك قوجاغنده اوکره نمشدی . [مسند ابن حنبل] هشام بن عروه بر آز یوقاریده نقل ایتدیکمز بیاناتنده حضرت عائشہ نك بومزیتلرینه اشارت ایتشدی .

عربلرک جاهليت دورنده کی احوالی حقندہ حدیث کتابلرندہ کورولن قیمتی معلومات حضرت عائشه طرفندن ویرلمشدر . مثلاً جاهليت نکاحلری ، طلاقلری ، دوکونلری ، اوروجلری ، حجلری ، قریشک حج ائناسندہ نہ یابدیغی حضرت عائشه طرفندن ایضاح اولونمشدر . [بخاری ، ترمذی ، معجم صغیر طبرانی ، مسنداحمد] انصارک بعثت محاربہ سی ، انصارک جاهلیتدہ طابدیغی بتلرحقندہ کی معلومات ، و حیک باشلانغی ایلہ نبوتک بدایتی و هجرت حقندہ کی تفصیلات ، اسلام تاریخنه متعلق وقایع حقندہ کی ایضاحات ، قرآنک فاصیل نازل ونہ صورتلہ ترتیب ایدیلدیکنہ دائر معلومات ، نمازک نہ صورتلہ ادا اولوندیغنه دایر بیانات ، رسول اکرمک صوک خاستالقرینہ و اورتخاللرینہ ، تجهیز و تکفینلرینہ عائد تفصیلات حضرت عائشه طرفندن ویرلمشدر . [صحیح بخاری]

بوندن باشقه بدر ، خندق ، بنی قریظہ غزالرینہ متعلق معلومات ، ذات الرقاع غزاسی ائناسندہ خوف نمازی قیلناسنک سبیلری ، مکدک فتحندہ قادینلرک بیعتنه متعلق معلومات ، حجة الوداعه عائد تفصیلات ، حضرت عائشه طرفندن ایضاح اولونمشدر .

حضرت پیغمبرک کیجه عبادتلری ، مشاغل بیتیه سی ، اخلاق ذاتیه سی حضرت عائشه طرفندن تصویر اولونمشدر . حضرت پیغمبرک حیاتندہ کچیردیکی اک مشکل کونلرک هانکی کونلر اولدیغنی بزه آکلاتان حضرت عائشه در .

رسول اکرمدن صوکر حضرت ابوبکرک ریاستی ، حضرت فاطمه وزوجات طاهراتک ادعالری ، حضرت علینک بیعتی حقندہ کی صحیح روایتلری حضرت عائشه یه مدیونتر .

حضرت عائشه نك اسلام تاريخنه عائد معلوماتی كندی مشاهداتنه مبنی ایدی. عربستانك جاهلیتده کی احوال ووقایعی حقنده کی معلوماتی ایسه اوکا یاباسندن انتقال ایتمیشدر. حضرت عائشه نك طلبه سی بو خصوصده دییور که : « حضرت عائشه نك عربلرك احوالنه مطلع اولماسی شایان حیرت دکلدر . چونکه عائشه ابوبكر ك قیزی دی . »

ادبیات :

ادبیاتدن مقصدیمز ، عمومی بر سوزی بدیعی بر ترتیب ایله انشا ایتمکدر . روایتلر حضرت عائشه نك صوك درجه فصیح و بلیغ سوز سویله دیکنی آکلاتیور . حضرت عائشه نك طلبه سی موسی بن طلحه دییور : « حضرت عائشه دن دها فصیح بر کیمسه کورمه دم . » [مستدرک حاکم] حنیف بن قیس دییور که : « حضرت عائشه نك آغزندن دویدیغم سوز قدر محشم و کوزهل سوز دویمادم . » [مستدرک ، حاکم]

حضرت عائشه رسول اکرمك رؤیاسندن بحث ایدرکن «اونك کوردیکی هررؤیا کونك ایشینی کی ایدی . » ، اونك وحی اناسنده تردو کدیکنی آکلاتیرکن «آلتندن ترلراینجی دانه لری کی دو کولوردی . » دیمه سی اونك بلاغت بیانه مثال اولارق کوستریلیور .

خطابی :

خطابت ، یاخود تقریر قدرتی عربلرك بویوک مزیتلرندن بریدره اسلامك ایلک عصرلرنده مسلمانلرده اسلامیت روحی جانلی ایکن قادینلردن چوق قوتلی خطیبلر ظهور ایتمیشدر . (۲۰۴) ده ارتحال ایدن (احمد بن ابی طاهر) «بلاغات النساء» عنوانلی اثرنده مسلمانلرك قادین خطیبلری طرفندن ایراد اولونان خطبه لرینی درج ایتمش و بو

میانده حضرت عائشه نك خطبه لرینی ده طویللا مشدر . طبرینك قاریخنده و (ابن عبدربه) نك (عقدالفريد) نده ده حضرت عائشه نك خطبه لری نقل اولونمقده در .

حضرت عائشه نك بصره ده ایراد ایتمش اولدقلری نطقلری دیکله مش اولماسی محتمل اولان تابعیندن (حنیف بن قیس) : « بن حضرت ابوبکر ، حضرت عمر ، حضرت عثمان و حضرت علی ایله او زمان ظهور ایدن خطیبلرک نطقلرینی دیکله دم . بونلرک ایچنده هیچ برینك تقریری حضرت عائشه نك تقریری قدر یوکسك و کوزول دکلدی . « دییور . [مستدرک : حاکم]

بکالیرسه حنیفك یوسوزلری مبالغه سز دکلدر . مع مافیه حضرت عائشه نك فصاحتنده هیچ شهه یوقدر .

معاویه دییورکه : بن حضرت عائشه دن بلیغ ، ذکی برخطیب کورمه دم . « موسی بن طلحه ده حضرت عائشه نك صوك درجه فصیح اولدیغنی سویله یور . [زرقانی]

بر مقرر و خطیده حسن افاده و فصاحت شرطدر . حضرت عائشه ده یوشرطی جامعدی . بوندن باشقه عائشه نك سسی یوکسكدی . طبری دیرکه : « عائشه نك سسی یوکسك و صوك درجه حاکمدی . «

حضرت عائشه و شعر :

اسلامیتدن اول عربلرک بوتون علمی ، شاعرلکدن عبارت ایدی . عرب شاعرلری لسانلرینك قوتی کوسترمک ایچین بعضاً آتش یاغدیورر ، بعضاً رحمت سرپرلردی . بومزیت ارککلره منحصر دکلدی . قادینلرده شاملدی . اسلامیتدن یوزسنه صوکرایه قدر مسلمانلارده

بومریت دوام ایتدی . بیکلرجه قادین شعر وادیاتده احراز کمال ایتدی . بوقادینلرک شعرلری وسوزلری بوکونه قدر عرب ادبیاتی تزیین ایدیور . حضرت عائشه بودورده یتشمشدی . اونک باباسی عربلر آراسنده شعره فوقیله ممتاز ایدی . حضرت عائشه ده بونی باباسندن اوکره نمشدی .

امام بخاری نک «ادب المفرد» ده (عروه) دن نقله کوره حضرت عائشه (کعب بن مالک) ک بوتون قصیده سنی ازیردن انشاد ایدردی . حضرت پیغمبرک شعر اوقویوب اوقومادیغنی صوران برکیمسه یه حضرت عائشه شو جوابی ویردی : «أوت عبدالله بن رواحه نک بعض شعرلرینی اوقوردی .»

قریش مشرکلرینک رسول اکرمی عجبو ایچین یازدیغنی قصیده لره شعرای اسلامک ویردیکی جوابلر یالکیز حضرت عائشه طرفندن نقل اولونمقده در .

حضرت عائشه نک شعره اولان مراقنی بیلن شعرا شعرلرینی اوکا اوقورلردی . بونلر میاننده حسان ، کعب بن مالک ، عبدالله بن رواحه وارددر .

يکرمي سکيزنجي فصل

حضرت عائشہ نك تعليم و افتاسي

حضرت عائشہ نك علمي ڪمائي بر چوق مثال لاله ڪو سترمش
بولونيورز . فقط علمك غايه سي اوني باشقه لرينه او ڪره تهرڪ اونلري
مستفيد ايتك ، اونكله صلاح و تعاليٰ به خادم اولمقدر . عجبا حضرت
عائشه بووظيفه ي ايفا ايتش ميدر ؟ بزبوفصلده بوسؤالك جوابي ويرمه
چالشاجفز .

تعليم :

انسانلري تعليم و تربيه ايتمه نك ار ڪكلره مخصوص اولديغني ظن
ايدنلر حضرت عائشہ نك علمي و تربوي مساعيسي قارشيسنده حيرت
دوچار اولاجقلردر . حضرت پيغمبرك ارتحالندن صوڪرا اصحاب
علمي و مسلمانلغي نشر ايجين هر طرفه داغيلمشلردى . مكه ، طائف ،
بحرين ، يمن ، شام ، مصر ، كوفه ، بصره و سائر مركزلر ،
بويوكسك معلم و مرشدلرڪ قراركاھي اولمشدى . برآرالق كوفه
حكومت مركزى اولمش ايسهده مدينه منوره اسكي روحاني قوتى ،
اسكي علمي وقاريني محافظه ايتمشدى . ابن عمر ، ابوهريره ، ابن عباس ،
زيد بن ثابت و سائر ذوات مدينهده بررعلم اوجاغني تأسيس ايتشلردر .

فقط مدينه ده كى الك بويوك علم مركزى ، حضرت عائشه نك اوى ايدى .
 هر كس چو جوق ، قادين ، ار كك بورايه دوام ايدر و اونلر ك درسلىرى
 ويكارلردى . [مسند احمد ، جلد ۶]

خلق حضرت عائشه يه سؤال صورار ، اوده جواب ويرردى .
 حضرت عائشه ، طلبه سنك لسانه ، صحت تلفظلىرىنه اهميت ويرردى .
 بردفمه قاسم ايله ابن عتيق حضرت عائشه نك نزدينه كلديلر . قاسمك
 لسانى پروز سزدكلدى . اعرابده خطا ايدردي . حضرت عائشه او كا :
 « سن نچين برادر زاده م كى سويله ميورسك ؟ آكلاشيلان ، اونك
 آنه سى او كا دوغروسويله دى ، سنك والده كده سكايانكليس سويله دى . »
 ويدى . قاسمك آناسى جاريه ايدى . [صحيح مسلم ، كتاب الصلاة
 باب الاخبين]

حضرت عائشه يالكز تعليم ايله اكتفا ايتمه يور ، بيكس وفقر
 چو جقلىرى ده حايه سنه آليور ، اونلره هم باقيور ، هم اوقوتويوردي .
 حضرت عائشه نك همشيره زاده لرى اونك درسلىرىنه دوام ايدرلردى .
 (قيصه) ديبور كه : « عروه نك بكا علمده تفوق ايتمه سنك سببي ، اونك
 حضرت عائشه نك همشيره زاده سى اولماسى حسييله اونك ياننه سربست
 سربست كيروب چيقماسى ايدى . »

عراقك امامى اولان امام نخبى چو جقلاغنده حضرت عائشه نك
 نزدنده بولونديغى ايجين بوتون معاصرلى طرفندن غبطه يه شايدان
 كورولوردى . هر سنه حج موسمنده حضرت عائشه نك چاديرى
 « حرا » ايله « مروه » آراسنده قورولور ، مختلف ممالك اسلاميه دن
 حج ايجين كلن ارباب علم اونك درسنده بولونور ، بوتون مشكللىرى
 حل ايدرلردى . حضرت عائشه خلقه تام بروالده كى معامله ايدر ،

طلبہ سنہ مادرانہ شفقتہ باقار ، بیکس اولانلرک مصارفی تسوہ
ایدردی .

حضرت عائشہ نك طلبہ سی ده اوکاعینی صمیمیتله مربوط و حرمتکار
ایدیلر . حضرت عایشہ دن استفادہ و تعلم ایدنلرک عددی مهم بریکون
تشکیل ایدر .

(ابن حنبل) مسندنده کی حدیثلرک چوغی حضرت عایشہ دن
مرویدر . حضرت عایشہ دن حدیث روایت ایدنلرک مقداری ایکی
یوزی کچور .

حضرت عائشہ نك آرقاداشلری آراسنده ابوموسی الاشعری ،
ابوهریره ، ابن عمر ، ابن عباس ، عمرو بن العاص ، زید بن خالد
جهمی ، ربیعہ بن عمرو الجرشی ، سائب بن زید ، حارث بن عبداللہ
بولونیوردی .

ذهبی ، (تہذیب) ک حضرت عائشہ نك کولہ لرندن ابویونس ،
کوان ، ابو عمرو ایله ابن فرخک اسمنی قید ایدیور . بونلردن
باشقہ ترمذی (ابومدله) نك اسمنی علاوہ ایدیور . ابن سعد
(ابولبابہ مروان) ک اسمنی یازیور . امام احمد (ابویحیی) ایله
(ابویوسف) دن بحث ایدیور .

حضرت عائشہ نك سودکلری آراسنده اونک همشیره سی ام کلثوم
بنت ابی بکر ، سوت قارداشی عوف بن حارث ، قاسم بن محمد ، عبداللہ
بن محمد ، حفصہ بنت عبدالرحمن ، امماء بنت عبدالرحمن ،
عبداہ بن عتبہ ، محمد بن عبدالرحمن بن ابی بکر ، عبداہ بن زبیر ،
قاسم بن زبیر ، عائشہ بنت طلحہ ، عباد بن حبیب ، عباد بن حمزہ
واردی . بونلر اونک قوجاغنده یتیشمشدی .

حضرت عائشه يہ معاصر تابعين ميانندہ او زمانك بوتون حديث علماسى واردى . بونلرك صاييسى يوز اللى ، ايكيوزہ بالغ اوليور ، بونلرك هپسى اوندن فيض المثلردى . هپسنگ اسمنى ذكر ايتمكدن ايسه يالكز قادينلرى قيد ايتمهي مناسب كوردك .

اسماء بنت عبدالرحمن ، بريره مولاة عائشه ، بنانه بنت زيد ، بنانه مولاة عبدالرحمن ، بهينه ، تباله بنت يزيد البشيمه ، جسره ، حفصه بنت عبدالرحمن ، خيره حسن بصرى ، ذفره ، رميشه ، زينب بنت ابى سلمه ، زينب بنت محمد ، زينب بنت نصر ، سائبه ، سلمى البكرية ، سمية البصريه ، شمسية ، صفيه بنت الحارث ، صفيه بنت شيبة صاحبة عائشه ، صفيه بنت عبيد ، صفيه بنت عطيه ، عائشه بنت طلحة ، عمرة بنت عبدالرحمن ، عمرة بنت قيس العدويه ، فاطمه بنت ابى جيش ، قير بنت عمير الكوفيه ، كريمه بنت همام ، كلثم بنت عمرو صاحبة عائشه ، معاذه ، ميمونه بنت عبدالرحمن ، هنيد ، هنيدة ، ام بكر ، ام جدر ، ام حميدة ، ام الدرداد ، ام ذره مولاة عائشه ، ام سالم ، ام سعيد ، ام عاصم ، ام علقمه ، ام كلثوم بنت ابى بكر الصديق ، ام كلثوم بنت ثمامه ، ام كلثوم الليثيه ، ام محمد ، ام عبدالله ، ام هلال .

حضر عائشه نك اغوش تربيه سنده يتيشن واونك علمندن مستفيد اولان ارباب كال آراسنده حضرت زبيرك اوغلى و حضرت ابوبكرك طورونى ، حضرت اسماء بنت ابوبكرك اوغلى و حضرت عائشه نك همشيرہ زاده سى (عروہ) ايدى . بو ذات مدينه ده بر شهر يار كال ايدى . امام زهرى ايله سائر ذوات عروءك شا كردى ايدىلر . (عروہ) سيرتده امام صاييليوردي . حضرت عائشه نك روايتلر يله فتوالرينه ،

بو زاتدن دها واقف کیمسه یوقدی. عروه هجرتك ۹۴ نجی سنه سنده
ارتحال ایتمشدر.

عروه دن صو کر ا قاسم بن محمد کلیر. قاسم حضرت ابوبکرک طورونی
ومدینهك فقهاء سبعة سنندن بری ایدی. زماننده (امام الفقه)
صایلیردی. (قاسم) حدیث روایتنده صو ک درجه احتیاط کو سترردی.
قاسم هجرتك ۱۰۸ نجی سنه سنده وفات ایتدی.

قاسم دن صو کر ا (ابوسلمه) کلیر. ابوسلمه حضرت عبدالرحمن بن
عوفك اوغلی ایدی، هنوز چو جق ایکن باباسنندن محروم قالمش،
حضرت عائشه طرفندن تربیه ایدیلشدی. ابوسلمه، عروهك سویه سنده
ایدی. کندیسى مدینه ده درس او قوتمش و بویوک محدثلر اوندن
روایت ایتمشلردر. ابوسلمه هجرتك ۹۴ نجی سنه سنده وفات ایتمشدر.
اوندن صو کر ا (مسروق کوفی) کلیر. مسروق داخلی حربلره
اشترک ایتمشدی. امام احمد ابن حنبل (مسند) نده، بخاری (صحیح) نده
حضرت عائشهك بر چوق روایتلرینی اوندن نقل ایدرلر. مسروق،
عراق فقها سنندن، عابد و زاهد بر ذات ایدی. کوفه ده قاضیلق ایدن
مسروق، زهد و تقوا سنندن دولایى معاش آمازدی. مسروق، هجرتك
۹۳ نجی سنه سنده ارتحال ایتدی.

حضرت عائشهك تلیذرلرندن قادینلر ایچنده اک ایلری صفده
بولونانلر آراسنده (عمره بنت عبدالرحمن) ی کورورز. محدثین عمرهك
اسمینی بویوک بر تعظیمله ذکر ایدرلر.

(عمره) حقنده (ابن المدینی) شو سوزلری سویلیور: «عمره،
حضرت عائشه یی اک ای بیان موثوق عالملردندر.» (ابن حبان) اونك
حقنده «حضرت عائشهك احادیثنی اک ای بیلنلردندر.» دییور. سفیان

توری اونك حقنده شو بیانانده بولونویور : « حضرت عائشه نك اك د وغرو حدیثلری عمره ، قاسم ، وعروه طرفندن روایت اولونمشدر . »

امام بخارینك روایتنه کوره (عمره) حضرت عائشه نك باش کتابت وظیفه سنی ایفا ایدیوردی . [بخاری : ادب المفرد] حضرت عائشه یه تقدیم اولوفان هدایا واستدعالر اونك واسطه سیله تقدیم اولونوردی . امام زهری حدیث تحصیلنه باشلادیغی زمان محدثیندن بری اوکا « علم تحصیلنه خواهش کرسهك ، سکا بر عرفان خزینه سی کوستره ییم : عمره . اونك حضورینه کیت ، اوندن درس آل . چونکه او ، حضرت عائشه نك آغوشنده یتشمشدر . » دیدی .

زهری دییور که : « عمره نك یانه کیتدیکم زمان اونك علم و عرفان اعتباریله اوجی بوجاغی اولمایان برده کیز اولدیغی کوردیم . » [ذهبی] (عمر بن عبدالعزیز) احادیثی طویللامنه قرار ویردیکی زمان مدینه قضیبی (ابوبکر بن محمد بن عمرو بن حزم الانصاری) یه (عمره) نك روایتلرینی دقت واعتنا ایله طویللاماسنی امر ایتشدی . [موطأ]

(صفیه بنت شیبه) تابعین آراسنده مشهوردر . حدیث کتابلری اونك روایتلرینی ذکر ایدرواوندن بحث ایدرکن (حضرت عائشه نك دوستی صفیه بنت شیبه) دیرلر . شیبه ، کعبه نك آفاختارلرینی محافظه یه مأمور ایدی . صفیه ده حضرت عائشه نك تلیذلرندن ایدی . [مسند احمد] ابو داوود ، (باب الطلاق علی الغلط) ده شوروایتی نقل ایدر : « عدی بن عدی الکندی ایله برلکده چیقارق (مکه) یه واردق . او بی حضرت عائشه دن حدیث حفظ ایدن (صفیه بنت شیبه) یه کوندردی . » (اسماء رجال) کتابلری (کثوم بنت عمرو القرشیه) دن بحث ایدرکن

«عائشہ نك آرقاداشيدر.» ديرلر واوندن بعض احاديث روايت ايدرلر.
 حضرت طلحه نك كريمه سي و حضرت ابوبكر نك حفيدي (عائشہ
 بنت طلحه) ده حضرت عائشہ طرفندن تربيه اولونمشدر. (ابن معن)
 اوندن بحث ايدر كن «ثقه در، حجت در.» دير. محدث (عجلى) اونك
 حقنده «مدينه ليدر، تابعيدر، ثقه در.» دير، ابوزرعه اوکا دائر «فضل
 و كماله مبنى اوندن حديث روايت اولونمشدر.» دييور.
 (معاذہ بنت عباد العدويه) بصره لى اولوب حضرت عائشہ دن درس
 كورمشدر. حضرت عائشہ نك حديثلرينك چوغى اوندن روايت اولونمشدر.
 معاذہ صوك درجه متقى بر قاديندى. معاذہ بر كرم خاستالامش،
 طيب اوکا شراب توصيه ايتمشدى. معاذہ شرابى آلہ آلدی و دعا
 ايتدى: «ياربى، بيلورسين كه حضرت عائشہ رسول اكرمك شرابى
 منع ايتديكنى بكا سويله مشدى.» معاذہ نك النده كى شراب قدحى
 دوشمش، كنديسى ده خاستالندن شفاياب اولمشدى.

فتوالرى :

حضرت عائشہ نك فضل و كماله متعلق بحثلر يمزده اونك ،
 رسول اكرمك ارتحالندن صو كرا قرق سنه دوام ايدن حياتى
 فاصيل كچيرديكى آ كلاشيلمشدر. المزده موجود و نائقه كوره، حضرت
 عائشہ ، فتوى بختنده خلفاى اسلام ايله علمائى اصحابك و عامه اهل
 اسلامك مرجى ايدى. محدثين فتوالرى اوچ طبقه يه آيرمشلردر :
 برنجى طبقه ده كى فتوالر آيرى آيرى طويلانيقې تقديرده معظم جلدلر
 تشكيل ايدر. ايكنجى طبقه ده كى فتوالر برر رساله قاداردر. اوچونجى
 طبقه ده كى فتوالر ايسه بر رساله تشكيل ايدر.

برنجى طبقه ده حضرت عمر ، حضرت على ، حضرت عبدالله

بن مسعود ، حضرت زید بن ثابت ، حضرت عبدالله بن عباس ،
 حضرت عبدالله بن عمر و حضرت عائشه بولونیور . بوذواتدن هر برینک
 فتوالری طویلانه حق اولورسه برر مستقل اثر وجود بولور . [اعلام
 الموقعین : ابن قیم]

خلفای راشدیه دورمه حضرت عائشه . — رسول اکرمک
 ارتحالندن سوکرا حضرت ابوبکرک ریاستی دورنده حضرت عائشه
 فتوا مرجعی اولدی و بوتون خلفای راشدین زماننده بومقامی محافظه
 ایتدی . اصحابدن سوکرا مدینهک فقهای سبعه سندن اولان (قاسم) :
 « حضرت عائشه ؛ ابوبکر ، عمر و عثمان دورنده فتوا ایشنی مستقلاً
 در عهده ایتدی . دها سوکرا ارتحاله قدر بووظیفه یی ایفا ایتدی . »
 دیور . [ابن سعد]

بر اسلام مجتهدی اولان حضرت عمر بیله حضرت عائشهک
 فتوالرندن مستغنی قالامایوردی . ابن سعد بونی ایضاح ایدمک :
 « حضرت عائشه ، عمر و عثمانک دورلرنده و دها سوکرا فتوی ویریوردی .
 عمر ایله عثمان اونندن سنتی صورارلردی . » دیور . حضرت عمر
 دورنده اصحاب کزینندن باشقه سنه افتا ایچین اجازت ویریله مشدی .
 بوندن ، حضرت عمرک ، حضرت عائشهک علم و وقوفنه نه درجه اعتماد
 ایتدیکی آ کلاشیلیر .

معاویه زمانده عائشه . — معاویه شامده اجرای حکومت ایتدیکی
 حالده مسئله تحذث ایتدکجه مدینه یه آدام کوندیر و هر مسئله حقنده
 حضرت عایشهک نقطه نظرینی آ کلار ، بوندن باشقا حضرت عایشهک
 مواعظ و نصایحندن مستفید اولوردی . [مسند احمد ، جامع ترمذی]

اکابر اصحاب و عائشہ . — مدینہ منورہ اکابر اصحابک مرکز ایدی. حضرت ابوبکر ایله عمر دورنده حضرت عمر، حضرت علی، حضرت عبادہ بن مسعود، حضرت ابو موسیٰ الاشعری، حضرت معاذ بن جبل، حضرت عبدالرحمن بن عوف، حضرت ابی بن کعب، حضرت ابوذر، حضرت ابودرداء، حضرت زید بن ثابت اسلامک علم و فتوادہ مرجعلری ایدی. حضرت عثمانک دورنده بونلرک اکثریسی ارتحال ایتملردی.

اکابر اصحابدن صوکرانسیب کنج اولان اصحابک دوری باشلادی. بونلرک باشی حضرت عبادہ بن عباس، حضرت عبادہ بن عمر، ابو سعید خدری، جابر بن عبادہ، عبادہ بن زبیر و ابو هریره ایدی. حضرت عایشه ایسه کنجلکیلہ برابر اکابر اصحاب آراسنده ایدی و اکابر اصحابک حیاتنده بیله افتا صلاحیتنی احراز ایتشدی. اکابر اصحابک اک نامدارلری مشکل مسائلهده حضرت عایشهیه مراجعت ایدرلردی.

جامع ترمذینک بیاننه کوره اصحاب کزین مشکل بر مسئله قارشیننده قالدجه حضرت عایشهیه مراجعت ایدر، مشکلاته اوغر ادقلری حدیث حقنده اونک وقوفی بولوندیغنی کورورلردی.

ابن سعد، اکابر اصحابک حضرت عایشه دن هر شیشی صور دقلری بیان ایدیور.

(مسروق تابعی) شو سوزلری سویله یور: «شیوخ صحابهک حضرت عایشهیه مراجعت ایدرک اوندن فرائض صور دقلرینی کوردم.» [ابن سعد، حاکم]

فقه و اجتهادده حضرت عایشه ایله بر سویهده اولان ابن عباس،

ابن عمر کی ذوات بعض مسائلہ حضرت عائشہ دن استیضاح کیفیت
ایدرلردی .

علمای اصحابدن اولان ابوموسی الاشعری ده حضرت عائشہ
مراجعت ایدردی .

حضرت عائشہ واسلام عالمی . — مدینہ بوتون ممالک اسلامیه نك
قلبکاهی ایدی . اسلام عالمك هر طرفدن مدینہ پی زیارتہ کلنر رسول
اللهك زوجہ سی حضرت عائشہ پی ده زیارت ایدرلر ، اوکا مشکلمینی
آکلاتیرلر ، اوده اونلرہ جواب ویرردی . بونلر آلدقاری جوابلردن
محنون اولور ، ام المؤمنینی زیارت ایتک شرفیلہ مباہی اولورلردی .
حضرت عائشہ فریضہ حجی هیچ بروقت اہمال ایتہ مشدر . حج
موسمندہ حضرت عائشہك چادیری هر کس طرفدن زیارت اولونورہ
حضرت عائشہ کندیسہ ایراد اولوفان سؤاللرک ہپسنہ قرآن ایلہ
حدیثدن جواب ویرردی . بعضاً حضرت عائشہ کعبہ ده زمزم صوینك
آلتندہ اوتورور و علمہ تشہ اولانلر اونك قارشیسندہ طویلانیرلردی .
[مسند ، بخاری ، موطأ]

اصحاب آراسندہ کی اہمتر واردہ عائشہ . — اصحاب آراسندہ براختلاف
حاصل اولدقہ بواختلاف حضرت عائشہ طرفدن حل اولونویوردی .
عبدالله بن مسعود ایلہ ابوموسی الاشعری آراسندہ افطار وقتہ
دائر براختلاف حاصل اولمشدی . عبدالله بن مسعود افطار ایدر
ودر حال اقشام نمازینہ طوروردی . ابوموسی الاشعری ایسہ
ایکیسندہ ده تأخر ایدردی . کیفیت حضرت عائشہ پی عرض اولوندی .
حضرت عائشہ : « تعجیل ایدن کیمدر؟ » دیدی . (عبدالله بن مسعود)

دیدیلر. حضرت عایشہ ده « رسول اکرمک عادتیی بویله ایدی. » دیدی.
 حضرت ابوهریره کوره رمضان صبا حنده ییقامق لزومی حاصل
 اولورسه او کون اوروج طوتمق دوغرو اولماز. ابوهریره نک بوقتوایی
 حضرت عایشه یه وام سلمه یه عرض اولوندی. ایکیسی ده فتوانک
 دوغرو اولمادیغنی سویله دیلر. اوصیراده مدینه امیری اولان (مروان)
 مسئلهیی ابوهریره یه بیله بردی. ابوهریره ده فتوا سندن رجوع ایتدی.
 [مسلم ، کتاب الصیام]

بر مجلسده ابوهریره ایله ابن عباس حاضر بولونویورلردی.
 مجلسده « حامله برقادین دول اولور ، صو کرا وضع حمل ایدرسه
 اونک عدت زمانی نه قدردر ؟ » مسئلهسی موضوع بحث اولدی.
 قرآن کریمده هرایکی مسئله حقنده آیری آیری حکملر واردر.
 دولق ایچین عدت مدتی دوت آی اون کوندر. حامله ک ایچین
 وضع حمل زمانه قاداردر. ابن عباس « بویکی مدت ایچنده الاوزونی
 عدت اولور. » دیدی. ابوهریره « عدت زمانی وضع حمله قاداردر. »
 دیدی. ایکیسی ده اتفاق ایده دیلر. مسئله حضرت ام سلمه ایله
 حضرت عایشه یه عرض اولوندی. عایشه « وضع حمله قادار. » دیدی.
 ودلیل اولارق سبیعه وقعه سنی ذکر ایتدی. سبیعه دول قلدقن
 اوچ کون صو کرا دوغوردی. دوغوردقن صو کرا باشقه برنکاح
 ایچین مساعده آلدی. جمهورده بوقتوی ایله عمل ایتدی. [طبایسی ،
 مسند عایشه]

عبدالله بن عمر ایله ابوهریره آراسنده (جنازه آرقاسنده یورو مکده
 ثواب وارمی ، یوقی ؟) مسئلهسی اوزرنده اختلاف حاصل اولمشدی.
 ابوهریره « ثواب واردر. » عبدالله بن عمر « ثواب یوقدر » دییوردی.

حضرت عائشه يه مراجعت ايدىلش ، عائشه ابوهريره حق و ير مشدى .
[بخارى : كتاب الجنائز]

حضرت عائشه نك فتوالرى اك زياده قادينلره ، زوج و زوجة
مناسباتنه ، حضرت پيغمبرك احوالنه ، كيجه عبادتلىرينه ، اخلاق
ذاتيه سنه تعلق ايدر . علامه (ابن حزم) ايله حافظ (ابن قيم) ك
بياننه نظراً بونلر بر آرايه كتيريليرسه مستقل بر اثر تشكيل ايدرلر.
عراقدن ، شامدن ، مصردن و هر طرفدن فوج فوج كلهن قادين
وار ككلر حضرت عائشه يه مراجعت ايدر ك هر مسئله يي او كا عرض
ايدرلر ، اوندن آلدقلى جوابلردن خوشنود قاليرلر ، و مملكاتلىرينه
دونه رك آلدقلى فيضى نشر ايدرلردى .

حضرت عائشه نك تليزلردن اولان (عائشه بنت طلحه)
ديور كه : « هر كس ، هر طرفدن حضرت عائشه يي كورمكه كليرلردى .
حضرت عائشه نك نزدنده كي موقع دولاييسيله اختيارلر بكا حرمت
كوسترر ، كنجلر بكا قاردهش كي باقارلر ، بكا هديه لر كونده ريرلر ،
مملكاتلىرينه دوند كدن صو كرا بكا مكتوبلر يازارلردى . بونلردن
مكتوب كلدجه اونى حضرت عائشه يه كوسترر ، او كا : « تيزه جكم ،
ايشته بوفلانك مكتوبى و هديه سى ! » دير ، حضرت عائشه « قيزم »
سنده او كا جواب وير و هديه سنه مقابله ايت . « ديردى .

يکرى دوقوزنجى فصل

حضرت عائشه نىك ارشادى

بردينىك انسانلرى ارشاد ايدىن سىسى ، مرور زمان ايله ضعفه
لوغرادىنى زمان اودىنىده برتجده لىزوم حاصل اولور . فقط دينىك
هنوز يىكى تأسس ايتدىكى صيرالرده ياپىلاجىق ايش ، ارشاددىن
عبارتدر . حضرت عائشه بوارشاد فرىضه سنى بحق ايفا ايتمشدر . اونىك
بوخصوصده كى مساعيسى ديكر اصحابىك مساعىسندن كرى دكلدى .
حضرت عائشه بوفرىضه يى برزمان امال ايتمه دى . عائشه حجره سنده
مرشددى ، عمومى اجتماعلرده مرشددى ، حج موسمنده مرشددى ،
هرزمان وهرىرده مرشددى .

حضرت عثمانىك دورنده ايشلر بوزولارق فتنه وفساد باشلادىنى
زمان حضرت عائشه محضا اصلاح وارشاد اندیشه سيله قىام ايتمش
وآنحق بواندیشه ايله جمل وقعه سنه اشتراك ايتمشدى .

مصر ايله ايرانده حضرت عثمان عليهنده كى غليان صوك درجه يه
وارمش ، حضرت عثمانه لعنت اوقويانلر چوغالدقچه چوغالمشدى .
بوصيراده بصره رؤساسندن (مخارق بن شمامه) همشيره سنى حضرت
عائشه نىك زدينه كونده رهرىك اونىك عثمان حقتده كى فكرىنى صورمش ،
حضرت عائشه ، حضرت عثمانىك پىغمبره وحى كاتىلكنى ايتدىكىنى

بيان ايدەرك اونك يوكسك بر مرتبه يي حائز اولديغنى آكلاتش .
 عثمانە ديل اوزاتانلرك فنا اولدقلرينى سويلەمشدى . [ادب المفرد : بخارى]
 امام احمد بوروايتى باشقە برشككده قيد ايدەرك حضرت
 عائشەنك حضرت عثمانى تلعين ايدنلرك ملعون اولدقلرينى بيان ايتديكى
 آكلاشيلور ، ديبور .

عبدالرحمن بن عوفك اوغلى اولان (ابوسلمه) بر اراضى
 دولاييسيله برقاج كيشى ايله نزاع حالندە ايكن حضرت عائشە اوکا
 خبر كونده رەرك بو اراضيدن واز كچمىنى ، برقارش يري ظلماً غصب
 ايدنە يرك بوتون يدى طبقە سنك اوکا لعنت ايدە جكنى رسول اكرم دن
 دويدوغنى سويلەمشدر . [صحيح بخارى]

مدينەدە يكي تولد ايدن هرچوجق ، تبركا حضرت عائشە يە
 كئيريليردى . بر كره حضرت عائشە برچوجفك اوستندە براوسطورا
 كورهرك بونك نە يە قونولديغنى صورمش ، بونك نظر وسحرە قارشى
 قونولديغنى آكلامشدى . حضرت عائشە اوسطورايى آتقدن صوكر
 « جناب حق ايله پيغمبرى بوكى شيلرى منع ايتمشدر . » ديدى .
 [ادب المفرد ، امام بخارى]

عربلرله عجملرك اختلاطى ، حضرت عمر ك دورندە باشلادى .
 حضرت عمر ك همقى سايه سنده مسلمانلق ايرانك خرافاتندن آزاده قالدى .
 فقط حضرت عثمانك دورندە بونلر ياواش ياواش مسلمانلغە حلوۋە
 باشلادى . حضرت عائشە بونلرك هيسيله مجادله ايتمش ، از جمله مسلمانلر
 آراسندە طاوولا ، شطرنج كى اويونلرك رواجنە مانع اولمشدى .
 [بخارى : ادب المفرد]

تابعيندن ابن ابى السائب مدينەدە مسجع دعالر اوقور و اولور

اولماز یرده وعظ ایدردی . حضرت عائشه اوکا « دعالرك عبارله لرنده سجملردن اجتناب ایت . چونکه رسول اکرم واصحابی بویه یاپارلردی . هفته ده بر ، ایکی ، نهایت اوچ کون وعظ ایت . خلقك اوطوردینی یره کیدوب خلقك لاقیردینی کسمه و همان وعظه باشلامه . » [مسند احمد]

ایرانك قتحندن صوکره عربلر اوراده یاپیلان شرابلری کورمه واسملرینی اوکره نمکه باشلادیلر . بونلرك ایچنده (باذق) نامنده بر شراب واردی . عربجه ده بوکا (خر) ده نیلیردی . بونك استعمالی جائز اولوب اولمادیغنی حضرت عائشه یه صوردیلر . حضرت عائشه « بونی ایچمك حرام اولدقدن باشقه بونك محتوی اولدینی بر قابدن صو ایچمك ، یاخود اوقاب ایچنده یمك پیشیرمك بیله حرامدر » دیدی . [سنن نسائی]

حضرت عائشه نك یانه کلن واونك فیضندن مستفید اولان دها زیاده قادینلردی . حضرت عائشه بونلره ویردیکی درسی ، اوکر تدبیک مسئله لری ار ککله رینه ده سویله مه لرینی توصیه ایدردی . بر کره بصره دن بعض قادینلر کلشدی . حضرت عائشه اونلره کندیلرینه عائد بعض مسائلی آکلاتدقدن صوکره « بن ار ککله خطابه بولونمقدن صیقیلیورم . قوجالریکزه ده طهارت خصوصنده اعمالکار اولماملرینی سویله ییکزه » دیمشدی .

بر کره کوفه دن برقاج قادین کلشدی . حضرت عائشه نرمدن کلدیکلرینی صوردی . « کوفه دن ! » دیدیلر . بونك اوزرینه حضرت عائشه بر آزار شمزار کوستردی . کلن قادینلردن بری حضرت عائشه ایله (زید بن ارقم) آراسنده وقوع بولان حادثه یی صوردی . حضرت

عائشہ « کیدیکز ، زیدہ سویلہ ییکز ، اگر توبہ ایتمزسه رسول
اگرماہ برلکده یابدیغی جهادک اجریدہ زائل اولوب کیده جکدر ،
دیدى .

برکرہ شامدن بعض قادینار حضرت عائشہ یی زیارتہ کلدیلر .
حضرت عائشہ شاملی قادینلرک حاملرده چیرچیلاق ییقاندقلری
بیلدیکی ایچین بونلره « سز حمامده چیرچیلاق ییقانیورسکز ، دگلی ؟
دیدى . رسول اکرم هرهانکی برقادین اوینک خارجنده صویونورسه
اللهک غضبه اوغرایاغنی سویله مشدر . »

حضرت عائشہ کندینه عاڈاولان برمکاتب کوله یی آزادایتمشدی .
وداع ایدرکن « هایدی کیدیکز ، دیدى ، الله یولنده جهادایله مشغول
اولیکز . رسول اکرم ، هرهانکی برمسلمان الله یولنده جهاد
ایدرسه جناب حق اوکا جهنمی حرام ایدر ، بویورمشدر . »

حضرت عائشہ بردفعه حج موسمنده معیتنده بولونان بیکلرجه قادین
ایچنده برقادینک اوستنده کی چارشافده صلیب نقشلری بولوندیغی
کوردی . اوکادر حال بوچارشافی چیقارماسنی اخطار ایتدی و « حضرت
پیغمبر بویله البسه کوردیکی زمان اونى یرتاردی ، دیدى .

بعض انسانلر قرآن کریمی چابوق چابوق اوقورلر و قرآنی نه قدر
چوق ختم ایدرلرسه اوقادار ثواب قازانا جقلرینی ظن ایدرلر ، بعض
انسانلر برکیجه ده قرآن کریمی ختم ایدرلردی . حضرت عائشہ
بونک حقنده دیورکه : « اونلرک اوقومالری ایله اوقوممالری بردر .
حضرت پیغمبر بوتون کیجه آیاقده قالیردی . فقط بقره ، آل عمران
ونساءدن ایلری کچه مزدی . بواوچ سوره ایله کیجه نهایت بولوردی ،
رسول اکرم مژدهیه دائر بر آیت کلدیکی زمان الله نیاز ایدر ، بر

وعید آتی کلدیکی زمان اللہدن مغفرت طلب ایلردی. [مسند احمد]
 حج قافلہ سی مکہ یه دونویوردی. اصحاب آراسنده بویوک بر موقع
 صاحبی اولان اسید بن حضیر ، قافلہ مکہ یه یاقلاشجہ ، رفیقہ سنک
 وفات ایتدیکنی خبر آلدی. یوزینه مندیانی قاپایه رق هونکور هونکور
 آغلامغه باشلادی. اوت، انسا مک زوجہ سنہ قارشى محبتہ کیسه برشی
 دیمز. فقط بویله یوزینی کوزینی قاپایه رق خلک اورتہ سنده هونکور
 هونکور آغلامقده کبار اصحابه یاقیشماز. بو قافلہ ده حضرت عائشہ ده
 واردی. اسیدک آغلامقده کورونجه: «مزر رسول اکرمک اصحابندن سکر.
 ایلک مسلمانلر آراسنده بولونمق شرقه نائل اولدیکنز. بوقدر آغلامق
 اولورمی؟» دیدی.

حال حاضرده کی مسلمانلر کعبه مک اورتولریله تبرک ایدر، کعبه مک
 اورتولری تجدید اولوندینی زمان اسکی اورتولر هدیہ اولونور، بونلر
 جوامع شریفه ده آصیلیر. فقط ایلک عصرده بو اورتولرده کرامت
 کورولمزدی. بونکله برابر بو اورتولرک تمیز اولمایان انسانلر طرفندن
 قوللانیلماسنی تأمین ایچین بونلری یرہ کومرلردی. شریعت غوامضه
 واقف اولانلر بوتعظیمک غیر شرعی اولدینگه حکم ایتشلر، بو حرکتک
 بر طاقیم بدعتلره اساس اولما می احتماله مبنی بوندن واز کیلمسنى اخطار
 ایتشلردی. حتی بو اورتولرک تمیز اولمایان انسانلر طرفندن قوللانیلما
 سنده بر محذور اولمادیغنی سویله یرک بونلرک صاتیلماسنى و حاصلاتیله
 فقرایه باقیلماسنى توصیه ایتشاردر. [عین الاصابه]

بر کون، غالباً ابوهریره، سرعتله حدیث اوقویور، حضرت عائشہ
 اونى حجره سندن ایشیدیوردی. حضرت عائشہ ابوهریره خبر
 کوندردی و رسول اکرم بویله خیزلی خیزلی سویله مزدی. اونک

حدیثیله اشتغال ایدنلر اونک قول و عملنه رعایت ایتمیدولر . یوقسه
حدیث تأثیرسنر قالیر . « دیمشدی . [صحیح بخاری]

بر کره بر آدامک آیاغی چادیر ایینه دولاشدی ، دوشدی ، آیاغی
اینجیندی . بونی کوره نلر کولشاردی . حضرت عائشه بوندن خبردار
اولدایغی زمان « بر کیسه یه بر دیکن باتار ویا اونک باشنه دها ضعیف
بر مصیبت کلیرسه جناب حق اونک درجه سنی یو کسه لیر و کناهنی
حفظو ایدر . « دیدی . [صحیح مسلم]

ۋەتەنچى فەسل

عائشە نىك قادىنلىق، عالمە خىزمەتلىرى

آرتىق ائرىمىزك صوك فەسللىرىنە ، علمى سەفرىمىزك صوك مەزلە
ۋارىيۇرۇ .

حضرت عائشە نىك قادىنلىق عالمە خىزمەتلىرى چوق بويۇكدر .
قەدىن قەدىن قەلقلە بىر ابر اركل كى دىنى ، علمى ، اجتماعى ، سياسى ،
الحاصل ھەرىدىۋى ايشى و وظيفەى ايفا ايدەبىلىر . حضرت عائشە ،
كەندى حياتىلە بونى اثبات ايتىش ، بالخاصە اسلام قەدىنلىك حائز
اولادىنى حقوقك نەقەدار يوكسكك اولادىغى ، مسلمانلىك قەدىنلىغى نە
درجە يوكسككلىكىنى كوستەرمەش ، حضرت عائشە مسلمانلىك قەدىنلىغە
مىخس ايتىدىكى حقوقك جانلى بىر نەۋەسى اولمشدى .

اصحابدن اولان قەدىنلىر ، رسول اكرمە سويلەمك ايتەدىكلرىنى
حضرت عائشە واسطەسىلە بىلدۈرۈلدى . اصحابدن «عەمان بن مظعون»
صوك درجە زاھىد و متقى ايدى . بىر كۈن اونك زۈجەسى حضرت عائشە يە
مراجعت ايدەرك «زۈجەم بوتۇن كۈن اورۇچ طوتۇيۇر ، بوتۇن كىچە
نماز قىلىۇر .» دىدى . حضرت عائشە بونى رسول اكرمە بىلدۈردى .
رسول اكرم اوكا «بۇدە رەبانىت يوقدر . بىم طرز حياتم اتباعە
لابى دىكى ؟ بىن ھىكزەدن فضلە اللھدن قورقارم ، اونك احكامەنە
ھىكزەدن فضلە رعايت ايدرم .» دىدى .

بر دفعه قادينك بى سرقىت يوزىدىن جزايه اوغرامش ، اوندىن
 صوكرابر كيمسه اونىكله كورو شوب قونوشمق ايسته مه مشدى . بوقادين
 حضرت عائشه يه دائما كيدوب كلير ، حضرت عائشه اونىك سوزلىرى
 حضرت پيغمبره بيلد يردى . حضرت عائشه بوضورتله تصادفى بى
 خطاىك دائمى بى نقرتى اقتضا ايتمه ديكنى كوستردى .

حضرت عائشه قادينلىرى ذليل طائيفانلره صوك درجه مغبر اولور
 واونلىرى شدتله تكدير ايدردى .

اصحاب آراسنده اختلافى موجب بعض فقه احكامى واردر . فقها
 دائما قادينلر ايچون قولاي جهتى اختيار ايتمىلر وبوخصوصده كتاب
 وسنتدن استدلالا تده بولونمىلردى . فقهانىك قرارى عمومأ بومر كزده در .
 مالك اسلاميه نىك ا كثر يسنده بوضورتله عمل اولونور .

آلتون و كوموشدن ياپيلان زينت اشياى ايچون زكات ويريليرمى ،
 ويريلزمى ؟ اصحاب بومسئله اوزرندى اختلاف ايدرلر . عبدالرحمن بن
 مسعود كوره زكات ويريله ليدر . حنفى فقيهلرده بونى قبول ايدرلر .
 (ابن عمر ، اتس بن مالك ، جابر بن عبدالله) . كوره بونلر ك زكاتى
 يوقدر . امام احمد ايله امام شافعى وامام مالك بونلره استناد ايدرلر .
 چونكه زينت قادينلره مخصوصدر . حضرت عائشه نىك فكري امام
 شافعى وامام احمد بن حنبل تاييد ايدىيور . حضرت عائشه يقيم اولان
 عمجه زاده لر نىك زينت ايچين زكات ويرمزدى . حال بوكه اونلر ك
 اوزرندى متولى ايدى . حنفى فقيهلرده يقيمك ماله زكات يوقدر ،
 ديرلر . حضرت عائشه ده اونلر ايچين زكات ويرمزدى . حال بوكه
 حضرت عائشه يقيم اولان اركك عمجه زاده لر نىك مالى ايچين زكات
 ويرردى .

ابوداودودك روايتنه كوره حضرت عایشه نك اللرنده كوموش
 بيله زيكلر واردى . حضرت عایشه بونلر ايچون زكات ويريلوب
 ويريلديكنه دائر صورولان سؤاله « خاير ، ویرمه یورم » دیمشدى .
 بوجوابك معناسى شئودر : زكاتك وجوبى ايچين ايكى شرط
 واردر : بركره مال نما بولماليدر . مثلاً : آلتون ، كوموش ، پارا ،
 حيوان كى . زينت استعمالنده بويله برشى يوقدر . ايكنجى شرط ،
 مالك لزومندن فضاه اولماسيدر . حال بوكه قاديئلرك طاقدقلى زينتلر
 اولنرك احتياجاته داخلدر . بعض قاديئلرك بوتون ماملكى بوبرقاج
 زينت پارچه سندن عبارتدر . واولنرك وارداتى ضرورى احتياجلارندن
 فضله دكلدر . بوقاديئلر زكاتى ادا ايدمك اولورلرسه زينتلىرى
 ساتمغه مجبور قاله جقلر واللرنده قالان زينتلرك قيمتى برقاج سنه ايچنده
 نصابدن دوشه جكلدر .

برقاتل برمقتولك ديقنى ويرمك ايسته ديكي تقديرده مقتولك بوتون
 اقباسنك رضاسنى تحصيل ايتمى لازمدر . حضرت عایشه نك روايتنه
 كوره قاديئلرك رضاسنى تحصيل ايتمك شرطدر . چونكه قرابت حقى
 ارككلره منحصر دكلدر .

اسلاميتدن اول عربلر ميراثده قاديننه بر حصه آيرمازلردى .
 اسلاميت قاديئلره بو حق ویرمشد . وراثت مسائلى قرآن كريمده
 ذكر اولونمش ، قيزلرك حصه لرى ايضاح اولونمشد . فقط كتاب
 وسنده موضوع بحث اولمايان برچوق حادثه لر وقوع بولويوردى .
 حضرت عائشه بوكى حادثه لرده بالخاصه قاديئلرك حقوقنى مدافعه
 ووقايه ايدن برچاره حل بولورى .

شايد براركل وارت بولومازده يالكز قيزلر واركل وقيز طورونلر

بولونورسا ميراث ناصيل تقسيم اولونور ؟ (عبدالله بن مسعود) فير
طورونلره حصه ويرمه يور، يالكز ار كك طورونلره حصه ويرم يوردي .
حضرت عائشه ايسه قيز طورونلري ده محروم ايمه يوردي .

عرب قادينلري البسه لرينك اتكارينى يرلرده سورونه جك درجه ده
چوق اوزاتيرلردي . رسول اكرم جاهليتدن قالان بو عادتى منع
ايتدى حضرت عائشه اتكار ك اعضاينى ستر ايدم جك درجه ده اوزاتيلماسنى
بيان ايدر .

ازدواج ايچون قيزلر ك موافقى بر امر ضروريدر . فقط بونلر
حيا ايدم ك سكوت ايدرلر . حضرت عائشه ديور ك : « قيزلر ك سكوتى
رضا عد اولونور . برويا ايكي طلاق وقوعى حالده زوجنه ك نفقه سى
ار ككه دوشر . فقط طلاق وقوعنده اختلاف واردر . بعضيلرينه
كورم نفقه ويرمك ومسكن تدارك ايتك ار ككه ترب اتمز ، چونكه
برويا ايكي طلاق وقوعى تقديرنده مطلقه عدتى زوجينك اونده كچيرديكى
ايچون ايكي طرف آراسنده كى منافرتك زوالى وبونلر ك تكرار
باريشمالرى مختلدر . فقط طلاق تلاتهدن سو كرم بوتون اميدلر زائل
اولمشر . زوجنه ك ، زوجك اونده اقامتده بر قانده متصور نكلدر ،
بودوغرو اولقله برابر مسئله بونكه بيمز . طلاق تلاتهدن سو كرم
زوجنه ك زوج اونده قالماستك سببى حامله اولوب اولماديغنى آكلامقدر .
بو ايسه انتظار ايله آكلاشيلير . بومدت ظرفنده زوجنه ك نفقه ومسكنى
زوجه عاندر . حضرت عائشه نك مطالعه سى بودر .

بر قادين زوجنك وفاتندن سو كرم درت آي اون كون عدت
كچيرر وبومدتى اونده امرار ايدر . فقها بوندن شومعناي چيقار يورلر :
قادين زوجيله برابر بولونور كن زوجى اولورسه زوجنك وفات ايتديكى

برده ، برابر دكلسه وفات خبرینی آلدیغی برده عدتی کچیرمه لی وعدت زماننده یوله چیقما مالیدر . فقط حضرت عائشه فقهانك بو استدلالنی قبول ایتمه یور . حضرت عائشه نك همشیره سی (ام كلثوم) طلحه نك زوجہ سی ایدی . (ام كلثوم) جل وقعه سندم او کارفاقت ایدیوردی . طلحه بو وقعه ده شهید اولدی . (ام كلثوم) عدتی نروده کچیرم جکدی . فقهایه کوره (ام كلثوم) ك عدتی اوراده کچیرمه سی ایجاب ایدردی . حال بوکه حضرت عائشه اونی برلکده کوتوردی . بونی دویانلار اعتراض ایتدیلر . (ایوب) نامنده بری جواب ویره رک : « بو حرکت اودن دیشاری چیقما دکل ، بلکه اوه کیرمکدر . حضرت عائشه بو حرکتیه همشیره سنی دیشاریدن ایچری یه آلمش اولدی . » دیدی . بو جواب چوق دوغرودر . حضرت عائشه بومسئله یی توضیح ایتمه مش اولسه یدی نیجه قادیانلر اذیته دوچار اولاجقلردی .

زوج ایله زوجہ آراسنده حاصل اولاجق منافرت وسوء معاشرتك ازاله سنه امکان بولونمادیغی زمان مراجعت اولونا جق صوك چاره طلاق در . بونك ایچین ممکن مرتبه طلاقك دائرہ سی تحدید ایدیلمیدر . زوج زوجہ سنه طلاق اختیارینی ویرر ، زوجہ اختیاری اعاده ایدم رک زوجنك زوجیتی قبول ایلر سه بو حرکتله - بعض اصحابك فتوا سنه کوره - طلاق واقع اولور . حضرت عائشه بو فتوایی شدتله رد ایتمش ، دلیل اولارق تحیر وقعه سنی کوسترمشدی . حضرت پیغمبر تحیر آیتله زوجہ لرینه کنديسندن آیریلق اختیارینی ویرمشدی . فقط هیچ بری آیریلمادی . یعنی بو اختیار ویرمکه طلاق واقع اولماز . برکیمسه مجبورییت واکراه آلتنده ، مثلاً حبس ، قتل ویا باشقه بر جزایه اوغرامقدن قورقارق زوجہ سنی تطلیق ایدر سه حضرت عائشه یه

نظراً شرعاً طلاق واقع اولماز . امام ابو حنیفه دن ماعدا عموم فقها بونی قبول ایتشاردر .

زمان جاهلیتده بر زوج زوجہ سنی تطلیق ایدر ورجوع ایچین معین اولان مدتک انقضا ایدہ جکی صیراده تکرار ورجوع ایدر، بوصورتله قادینی عمری اولدجه کندی زوجیتی آلتندہ طوتار، قادین بوشکلده اذاوجفایہ معروض قالیردی . بردرلوزوجنک ظلمندن قورتولامازدی . فقط حضرت عائشه سایه سنده قادینلر جاهلیتک بوتضیقندن ابدیاً قورتولدیلر .

بردفعه مظلوم برقادین حضرت عائشه یه کیتدی . حضرت عائشه اونک دعواسنی حضرت پیغمبره عرض ایتدی . اونک اوزرینه بوآیت نازل اولدی : « الطلاق مرتان فامساک بمعروف اوتسریح باحسان » یعنی « طلاق ایکی کره در . اوندن صو کره یا ایلسکله طوتمق » ، یاخود کوزه لکله بیراقق . »

حجک زمان ایفاسی (ذی الحجّه) نک باشنه تصادف ایتدیکی ایچون قادینلر بوصیرالرده معذور اولویورلردی . اوحالده اونلرک معذرتدن قورتولمالرینه قادار مناسک حجی ایفا ایتمه لری ایجاب ایدر . بویوزدن قادینلرله برلکده اقربالری ده بکله مکّه مجبور قالیرلر . حضرت عائشه بومشکلی ده حل ایتمش ، رسول اکرمه مراجعت ایدرک بونک چاره سنی صورمش ، رسول اکرم ده « قادینلر اوحال ایله طوافدن ماعدا حجک بوتون مناسکنی ایفا ایدہ بیلیرلر . اگر معذرت ذی الحجّه نک اوحجی کوننه یاقین برزمانده وقوع بولورسه صو طواف ضروریدر . » دیمشدی . حضرت عائشه قادینلرله بواساس اوزرنده حج ایدر ، معذرتلری اولان قادینلری طواف اخیردن اول ترخیص ایدردی .

اگر احوال طواف اخیردن سوکرا وقوع بولایسه قادیان هیج
بکله مزیدی . اصحاب آراسنده حضرت زید ایله ابن عمر و حضرت عمر
بومسائلده حضرت عایشه ایله اختلاف ایتمشلردر .

فقط زید ایله ابن عمر گندی فتوالرندن رجوع ایتمشلرسده
حضرت عمر گندی فتواسنی ابقایتمش و بویله برحاله گرفتار اولانلری
معدرت زائل اولونجایه قادار مکده آلیقویمشدی . بومسئله حضرت
عائشه یم عرض اولونمش ، حضرت عائشه : « بویله یاپیامازسه (منی)
میداننده الی بیک قادیان بردن توقف ایده جکدر . » دیمش ، جمهور
اونی عملیه تأیید ایتشدی . (موطأ ، زرقانی باب افاضة الحائض)

اوتوز برنجی فصل

حضرت عائشہؓ نیک قارینلر عالمندہ موقعی

قارئانلر یمز ام المؤمنین حضرت عائشہ حقیقده طویلایا بیلدیکمز معلوماتی اوقومش، اونک لایموت حیاتی تسجیه ایدن حادثاتی کورمش بولونویورلر.

تاریخ برچوق مشهور قادینلرک ترجمه حالی قید ایتشدور. قارئانلر، بومشهور قادینلرک ترجمه حالیله مسلمان قادینلرینک حالی مقایسه ایتشلر میدور؟ دنیاده کی غیر مسلم قادینلر ایچنده شهرت قازانانلر، جنسی سویه لرندن برآز یوکسه لنلر در. بوجزئی یوکسکک اونلرک شهرتلری تأمین ایدن یکانه مزیتدر. بر قادین بر اجتماعده جوشدیرنجی بر نطق ایراد ایدر، بر تدبیر ایله دشمنلرک تربیاتی بوزار، یاخود بر محاربهده تمایز ایدر سه بونلر اونک نامنی ابقایه خادم اولور.

برچوق مشهور قادینلر محضا کوزه لایکلری یوزندن شهرت قازانمشلر، بوسایه ده تاج و تخته نائل اولمشلر در. مصر، روما و ایران تاریخلری کوزومزک اوکنده در. بونلر ده مقدس و تزیه بر سنیا، یوکسک و علوی بر سجیه آرامغه امکان یوقدر. بو محیطلر ده دینی، اخلاقی و قدسی نقطه نظر دن بیله قادینلق افقنده پارلایاجق برییلدیزک طلوعنه امکان یوقدی.

هندستانده بعض معصوم وعفیف قادینلار بویوک شهرت قازانمشلردور .
 بو شهرتک سببی صرف عصمت ، عفت و صفوت و زوجلره فرط
 مربوطیتدن ایلری کلمشدی . بوقادینلرک بوندن باشقا مزیتلری یوقدی .
 تاریمخک بوتون صحیفه لرینی قاریشديراجق اولورسه ق حضرت عائشه دن
 باشقه بوتون دینی ، اخلاقی ، علمی ، سیاسی ، مدنی ، مزایای شخیصنده
 طویلامش و بوتون بونلرک ایجاباتی ایضا ایتمش ، علمی و عملی بر رهبر
 اولمش بر قادین کورده مەیز .

اسلام تاریمخنده زوجات طاهرات ایله رسول اکرمک کریمه لرندن
 باشقه بر کیمسه نك حیاتی ، حضرت عائشه نك حیاتیله مقایسه ایدیله مز .
 بوتون اسلام عالملری حضرت خدیجة الکبری ، حضرت فاطمة الزهرا
 و حضرت عائشه صدیقہ نك بوتون قادینلره فائق و هیسنندن افضل
 اولدقلری اوزرندە متفقدرلر .

جهور علماء اولاحضرت فاطمه بی ، صوکره خدیجه بی ، صوکراده
 حضرت عائشه بی قید ایدرلر . فقط بو ترتیب نه بر نص شرعی ، نه ده
 بر حدیث صحیح ایله ثابت دکلدور . بواوچ مبارک و یوکسک قادینک
 فضائل و مناقبی آیری آیری مرویدر . بعض علماء بو ترتیبی تردیده
 قارشیلایور . علامه (ابن حزم) بوتون علمایه مخالفت ایدرک « حضرت
 عائشه یالکیز اهل بیتک و یالکیز قادینلرک افضل دکل ، حضرت
 پیغمبردن صوکره اصحابک هیسنندن افضلدر » دیر و بو ادعاسنی برچوق
 دایلارله تأیید ایدر . (ملل و نحل : باب افضلیة الصحابه)

بز بو خصوصده (ابن تیمیه) و اونک تلمیذی (حافظ ابن قیم) ایله
 همفکرزه بونلر دییورلرکه : « افضلیتدن مقصد ، اخروی یایه ایه بونی

ياالکز جناب حق بيلير. افضليتدن مقصد اصالت ايسه حضرت فاطمه الزهرا هيسندن افضلدر. مقصد، سابقيت يعنى ايلک ايمان ايدن اولوق، اسلاميتک ايلک دوچار اولديغى مشكلاته مقاومت ايدرك هر کسدن اول ايمان کتيرمک و حضرت پيغمبره معاونت ايسه حضرت خديجه هيسندن افضلدر. فقط مقصد کمالات علميه، خدمات دينيه و حضرت پيغمبرک تعليمات وارشاداتى نشر ايسه بو خصوصده هيچ بر کيمسه حضرت عائشه يه رقيب اولاماز .»

صوک

مقدمه

« دنيانك اك بويوك قادي نى » عنوانه هر كس دن فضله لايق اولان حضرت عائشه نك سيرتى اكمال ايتمش بولونويورز . تور كجه ده ايلك دفعه اولارق بوموضوع اوزر نده انتشار ايدن اثر ، بودر . مسلمانلنك قادينلق عالمه نه ياپديغنى ، مسلمانلنك ظهورينه قادار يالكز ازيلن ويالكز اسير طانيلان قادينلى ديمزك نه قادار يوكسلنديكى آكلامق ايسته ينلر ايچين ، ظن ايدر زكه بو اثر ، جدى برره بر اولاجقدر . قارئلر مزك اثرى مطالعه ايدر كن كوردكلرى وجهله اثر ك همان هيج بر سطرى سندسز ، وثيقه سز ده كلدر . اثر ك تحري رنده يالكز حقائقك جمع وترينه اهميت ويريلشدر . بو حقيقتلر ك بلاغى صوك درجه قوتلى اولديغدن بونلر ك اوزر نده خيال محصولى بر طاقم مطالعه لر سردينه ، بو حقيقتلر ك افاده سى صوك درجه جانلى اولديغدن ، بونلره دها فضله حيات ويرمك ايچين بر كلفته حاجت قالمامشدر .

اثر ك ، حقيقه اوزون تبعلر ك ثمره سى اولديغى بس بليدر . بوتون بومعلومات ، منابع اصلينه ك برر برر تدقيقيله ، منابع اصلينه ك باشندن صوكنه قادار مطالعه سيله طويلانمش ، نتيجه ده بر قاج سنه لك مطالعه وتبعك ثمره سى اولارق بو اثر وجود بولمش ، مسلمانلنك قادينلق عالمده باشارديغى معظم انقلاب ، بوتون شعشه سيله تجلى ايتمشدر . مسلمانلنك قادينى آچالتديغنى ، ياخود قادينى يوكسلتمه ديكنى ادعا ايدنلر ، بوقطعى دلائل قارشيسنده ، سكوته مجبور اولاجقدر ، مسلمانلنك ظهورينه قادار يالكز حياتك آجيدر نى طاتان ويالكز اسارت وذللك پنجه لر نده ايكله ين قادينلنك ، ناصل حياتك هر شعبه سنده

حياتك الـتميز والـيوكسك ساحه لرندە ، ار ككلىرى كرىدە پىراقچق ،
 ار ككلىرى مرجى اولاجق بر صورتدە تفيض ايتدىكى كوره جكلىردر .
 مؤلف ، ناصل بواثرى صوك درجه دقت واهتمام ايله يازمش ايسە ،
 مترجم عاجزده الـندن كلن غيرتى كوسترەرك وىك عظيم زحمتلرە
 قاتلاهورق بو ترجمەنى وجودە كىتىرمىشدر . قارئارىمىزك اثرى مطالعە
 ايدركن كوره جكلىرى وجهلە مترجم عاجز اثر كاستناد ايتدىكى وثيقەلرى
 عربجه اصللارندن تعقيب ايتمش ، بونلرى برر برر بولارق اونلرى
 دوغروندن دوغرويه اصللارندن نقل ايتمىشدر . بوندىن باشقا ، مترجم
 احباب ايتدكجە كىندى تدقيقاتى دە علاوہ ايتمش ، نتيجه دە اثر بوشكلى
 المىشدر . اثرى ، اصل يازىلدىنى «اوردو» لساندىن ، اثر ك منابع اصلەدىن
 نقل ايتدىكى سىندلرى اصل لسانلارندن ترجمە يە چاليشامىز بىرى صوك
 درجه يورمش اولمىشە برابر اثر ك شومطبوع شكلى المامى بوتون بومزاحمى
 اونوتدىرمىش وبوتون مساعىمىزى مكافالاتلاندىرمىشدر .
 بواثر ك تحرير و ترجمە مى ائناسندە عزيز ارقادشمن ظفر حسن
 يكك قيمتلى معاونتندن محرومىتمىز ، مساعىمىزى مشكالىشدىرمىش وبىرى
 اثر ك اصل هندجه سنى تماميله آكلامق خصوصندە باشقالرىنىك معاونتى
 آرامغە سوق ايتمش ايسە دە نتيجه دە جناب حقك عنايتلە بوتون مشكللر
 بر طرف اولمش و اثر باشندن صوك كنه قدار صوك درجه دقت و اعتنا
 ايله ترجمە و توضيح اولونمىشدر . بىرە بواثر ك ترجمە مى خصوصندە
 ياردىم ايدەنلرە ، بالخاصە محترم هندلى اصغر وعبدالرحمن رياض افنديلرە
 اختيار ايتدكلىرى زحمتدن دولايى تشكر ايدرز .
 جناب حقك عون وعنايتلە ختام بولان بو اثر دن دولايى باركاه
 كبرىايە نهايتسىز حمد وشكرانلە متجسسز .

عمر رضا

استانبول ، ۲۰ تشرىن ثانى ۱۹۲۸

عصر سعادت

اثری حقنڊه يازيرونه مطالعات

(عصر سعادت) ك دورديجي جلدينك نهايتنده افاضل علما وادبامزدن بعض محترم ذواتك اثر حقنڊه كى مطالعه لرينى نقل ايتمشدك. اثرى مطالعه ايدن ويزه قيمتلى مطالعه لرينى كونده رن چوق قيمتلى محرر و متفكر لريمزدن (على سعاد) بك افندى ايله فاضل عالم لريمزدن عمر نصوحى افندى حضر تلرينك مطالعه لرينى نقل ايدييورز . محترم محررك كرك اثر ، كرك اثر ك محرر و مترجم لري حقنڊه كى توجه لرنڊن دولايي متشكرز :

على سعاد بك افندى ك مطالعاتى :

« اسلام تاريخى » حقنڊه

هند علماسنڊن مولانا « شبلى » نك عمر رضا بك طرفڊن ترجمه ايديلن و برنجى ، ايكنجى جلد لري انتشار ايتمش اولان (اسلام تاريخى) اثر نڊن بحث ايتك وبومناسبتله بعض مطالعه لرو فكلر ل اوزرينه اوقويانلرك تدقيق نظرينى جلب ايتك ايستم .

مولانا « شبلى » نك بواثرى برچوق جهتلردن دفته شايدن وهله زمانمزد كى سطحى فكلر ، مادي دويغولر ، و طبيعى بونلرك نتيجه سى ياكلش ادعالر قارشيسنده انتقاد و ممكن اولدوغى قادار اينجه تحرياته

هم لايق ، هم ده محتاجدر .

فقط دىيورم كه : هرشيدن اول اسلامى واو حالده تاريخ اسلامى
تأسيس ايتمش اولان حضرت محمدى ابي طانيق ، بوتاريخى ادوار
كائناتك دورلرندن برينه قيد ايتديرن مؤسسك حقيقتنى بيلمك
ضروريدر . چونكه اسلام تاريخى ده مك ، جناب محمد ده مكدر . او حالده
بوتاريخى يازار كن ، يا خود حاضر لار كن محررويا مؤلفك بعض اساسلرله
فكراً و حساً مجهز اولماسى اقتضا ايدىيور ، بواساسلرده بكا قاليرسه :
قرآنك وحى ، محمدك پيغمبر اولدقلىنى قبول ايتمك تمللريد . بونى
بر غير مسلم قبول ايتمه بيله هيچ دكلسه فطره منصف وجدى بر موحد
اولماسى كافيدر . قرآن ، اوزمانلرده ضايع ايدلمش حقيقتلرى و بوميانده
اك اول «سجيه» يعنى صداقت و اخلاص ايمائى تبليغ ايتمش ، بوكاده
واسطه اولق شرفى حضرت محمد توجّه ايلمشدر . ايشته اسلام
تاريخى صحف عالمه يازديران مؤسس بو ذات عاليدر .

اسلام تاريخى خصوصى بر تاريخدر . يعنى بر دينك ، بر قانونك ،
بر فكريك ، بر انقلابك تاريخدر . او حالده طبق باشقه بونوع تاريخلر
كى او دينك ، يا خود مذهب و يا مسللك صاحبي حقهده كى تدقيق ايله
حقيقت وجديتنى محافظه ايدمكدر . اوتاريخده هله برده اخلاق ،
علم ، فن ، ادبيات ، حقوق ، فلسفه ، و بوتون بونلرك يكي حكيمياتى
مندج اولورسه ايش بوسبوتون باشقالاشير . چونكه جناب محمد
يالكرز بسيط بر فاعل ، محدود بر مبلغ ده كلدر ؛ تبليغ ايتدىكى حقيقتلرك
بوتون معنوياتى احاطه ايتمش ، حقى طائمش ، حقى بوتون وجدانيه
قوجا قلامش ، قلبنه ايجيرمش ، بويوك آداملرك بويوكودر . فقط
فوق البشر بر شخص مخيل ، يا خود باشقه تعبيرله طبعيلكدن چيقارلمش

برماصال قہرمانی دہ ہیچ دہ کلدہ . او حالہ اونک تاریخی کندی
حقیقتندہ آرامالی ، دیمک کہ تاریخی یاپانی چوق آی طانیالیدر .

بورادہ بر نقطہ نظر داہا بلیریور : حضرت محمد برداہیمیدر ؟

خایر علمی معنا ایلہ داہی دہ کلدہ . چونکہ دہاء افراطی اونده
یوقدر . او ، اولاک صاغلام واک یوکسک «سجیہ» صاحبارینک باشیدر ،
رئیسیدر . صوکرادہ الہی حقیقتلرک حاملی وزمانندن اعتباراً تک
مثلیدر . بشریتک بوتون مغویات و مادیاتی توثیق وتوزین ایتشدہر .
چونکہ ، ایتالیان حکیمی «لومبروزو» نک نظریہ سنی تشکیل ایدہن
علمی اساسلرہ کورہ «دہاء» دہ مغایر طبیعت اعراض ، یعنی افراط
ویا تقریط علائمی کورولور . فوق العادہ عزملر ، قدرتلر ، چوق
اینجہ دویغولر یانندہ مرضی باشقالقرده استغرابی جلب ایدہر .

حضرت محمدک ایسہ سجیہ قوتی ، فکر و مزاج اعتدالی ، عقل
سلامتی ، و او حالہ اخلاق و عرفان یوکسہ کلکی ہیچ بر انساندہ -
اوندہ کی کی ہیسی ممتزج و متوازن و خصوصاً عملی و تطبیقی شکلدہ
طویل و اولارق - کورولمہ مشدر . بناء علیہ جنابا کرمہ داہی دیمک
ایچین بوتعبیری ، مغویاتک اک یوکسہک مرتبہ سندہ تجلی ایتمش بر عقل
و منطق دیہ قبول ایتلی یز . و «دہاء» کلمہ سنہ الہی حقیقتلری ادراک
و حتی احاطہ معناسی و ہرمہ لی یز .

اوتہ طرفدہ برانکلیر مؤلفی «ساموئل» ، (Le caractère سجیہ)
اسمعی اثرندہ دیور کہ :

« داہی یہ یالکیز حیرت ایدیلیر ، سجیہ صاحبی ایسہ کمال حرمتلہ
تقلید ایدمک ایستہنیر ... الخ »

یعنی داهی به یتیشمك قابل اولماسی ذهنیتی تمامیه غالبدر . فقط سحیه صاحبی تقلید یولیه یو کسه لك ، حقیقه واصل اولمق ممکندر . وبونقطه نظر دن سحیه صاحبی ا کثرا داهیاردن زیاده انسانیه قائده لی و حقیقی بویوك آداملردر .

حضرت محمدك مستثنا بویوكلكی و صوك درجه ده سحیه یو کسه کلكی بونقطه ده - برده وحی صاحبی و دین مؤسسای اولمق اعتباریه - دهای طبیعیه کچور و اونك فوقنده بر معنویت موقعی ایدینور . چونکه یوقاریده دیدیکم کی اخلاق و عرفان یو کسه کلكینك خصوصاً عملی و تطبیقی شکله طویل اولارق برانسانده اجتماعی آنجق حضرت محمدده کورولمشدر . بومعنویت و سحیه نك یاننده دهاء ایکنجی درجه ده قالیر .

اسلام تاریخنه کله لم : مولانا « شبلی » و امثالی اسلام تاریخی یازمق ایچین مطلقا حکمت و فلسفه تاریخ آدمی اولارق حرکت ایتمشلردر . چونکه اوتاریخده زمان ایله اونوتولمش و غائب ایدلش حقیقتلرک محمد الیه و محمدك دیلیله یکیدن ظهوری و انتشاری اساسی وارددر . صو کرا او الهی حقیقتلرک ایچندن تشریعی و اجتماعی هیچ بر دینك قانونلرینه میسر اولماش علوم و ادبیات و حکمیات دوغمشدر . چونکه مؤسس اولان ذات ، کندی تعریفی و حمله ، بر علم مدینه سیدر .

بو علمدن مقصد ، بالطبع مادی فنلر و علملر ده کل ، فرنکلرک (Theosophie - تصوف) ویا (Mysticisme) دیدکلری « علم - لدن » در ، حقایقک کلیدر ، حقک منتها سیدر ، یعنی بوتون بر معنویات علمیدر .

او حالده اسلام تاریخی ساده جه وقایع و حادثات ، مناقب

قیودی دہ کل ، بر خصوصیت سلسلہ سیدر کہ باشندہ اجتماعی ومدنی
 بویوک بر تاج طاشیر . حقك حاکمیتی تاریخی اونده اوقونور .
 حق ایله باطلک اک کوزمل واصل مجادلہ سنی واک صو کرا حقك
 غلبہ سیلہ قوتی ، انسانی قوتك حریتی اونده تماشایا ایدرسکیز .
 خلقدن مرہانکی بر فردك حقہ دایانارق حقنی ایستہ سنی واونی
 سربستجہ مدافعہ سنی محمدك حضورندہ کورورسکیز . وجدانہ کووہ نین ،
 حقنہ یاصلانان ایمان صاحبك هیچ سسی تیرہ مکسزین دوغرو
 سویلایکینی ، عدل و حقانیت مشبوعی ، او هوای نسیمی ایچندہ ایشیدیرسکیز .
 صو کرا او عدالت سسنك ، او حق نداسینك دیارلری ، قطعہ لری آشراق
 تاهندده ، چینده چینلادیغنی بوتون عظمت واجلالیلہ بوتاریخده تماشایا ایدر
 سیکیز . خلق حکومتك ، خلق جمهوریتك - اولجہ شقی زادکان او کونمہ لرینہ
 ساحہ اولان - اومدهش بیابانلرده ، زمانہ کورہ عقیدہ لری وقانونلریلہ
 تأسیس ایتدیکنی واطرافدہ کی باطل مستبد حکمدارلرک تلاش وھیجانہ
 شور و آووج چول عشرتندن اک کنیش معمورہ لرہ قادار یاییلارق
 متحرلر ، عالملر ، فاتحلر ، ادیبلر اندہ ہی یوکسہلہ یوکسہلہ اک
 نورلو واک صمیمی برمدنیت دنیاسی یاراتدیغنه یینہ محمدك آچدیغنی
 محالکده شاهد اولورسکیز . دہانہ اولسون ؟ !

فرنك ، یعنی آوروپالی مؤرخلرہ کلنجہ :

بونلرده طبیعتیلہ قرآنك وحی ایدلیدیکی وحضرت محمدك نبیلکی
 اعتقادلرینی آراماغہ هیچ حقمنز اولمادکی یازدقلری تاریخی دہ قالدیروب
 آتمغہ صلاحیتمز یوقدر . بونی یامازدن اول مؤلفك بی طرف ، یعنی
 تاریخ علمنہ واقف و وجدان محاکمہ سنہ صادق ، حر بر آدام ،
 حقیقته حرمتکار برعالم اولوب اولمادیغنه باقہ جغز . بویکی تحقیقات

اجراسنه یردن کوکه قادار حقمر واردر . چونکه بز مسلمانلر موسایی ، توراتی ؛ عیسایی ، انجیلی بوتون ماهیت و حقیقتلریله طانییشز ، بویکی ذاتک امتلری ایسه جناب محمدی حقیقتیله ده کل حتی ظاهر یله بیله طانییه مدقلری کی قرآنی ده - عقیده لرینه اویمادیخی ایچین - آکلامقدن اوزاق قالمشردر . حال بوکه بز هپسینی بیلمش و طانییشزدر .

او حالده بونلردن بی طرف بر مؤرخ آله ایتک معناسز بر فکر اولور . خایر ، نیچین اولسون . اوبی طرف ده اسلام تاریخنک یالکمز وقایع و حادثاتی تدقیق حدودی ایچنده اولسون . فکر اعتدال ایله محاکمه سنی یوروتهرک کندینه و اثرینه قیمت ویرمش اولور ، مسلمانلغه ایسه مالک اولدیغدن فضله بر شرف اضافه ایتمش اولماز .

اسلام مدینتی ، اسلام سجیه سنی بو کون کندینه مال ایتمش و بوسایه ده علم دنیاسنی ده استیلا ایش اولان آوروپا عالمنده بو حقیقتی دستور ایدیش علمای دایما واردر . اونلری ده اربابی بیلیر و اوقور . آوروپانک بو کونکی متصوفلری و « علم لدن » منتسبلری چوق شایان دقتدر . یالکمز بودور اونلر ایچین یکی اولدیغدن سسلری بزم مادیات کورولتوسندن صاغیر اولمش قولانغمز و مادیات آلایشندن قاماشمش کوزلریمزه هنوز اولاشامیور . اونلر سینه ما آقتوری ، یاخود « سپور » قهرمانلری ده کیلدرلر که دنیایی دولاشاراق هنرمعرفت کوسترمک ایچین مشتری آراسینلر . اونلر ظاهرده عالمن مستغیدرلر ، باطنده ایسه دویغو دیلارینی آکلایانلرله طانییشیرلر . بالفرض آلمان متصوفی و کامل مرشد « آدولف اشتاینه » بر مؤرخ اولسه یدی اسلام تاریخنک حکمیاتی البته الا حاطه لی بر حکم ایله تشریح ایدردی . چونکه بو « علم لدن » عارفلرنده کی اصابت

نظر، هر نفسانی علاقہ نك و حتی عقلی ادله خطالرينك فوقنده و هله معاذالله ذره قادر تعصب شمه سیندن منزہ بر حقیرستاك ایچنده لمعان ایدر . فقط بو عارفلر ، حادثات بشریه نك ظواهریله اوغراشاجق قادارقیه نظری اولسه لردی بلكده «علم لدن»ی اهامال ایدر جكلردی . فقط بز بودوشونجه لردن واز كچهرك مولانا (شبلی) نك تاریخ اسلامنه و بونك مقدمه سنده کی بعض بیاناته كالم :

مولانا شبلی نك ، حقیقی هیچ بر شیئه فدا ایدمه یین و بومعزز شیئه وصول ایچین هر یورغونلغی ، هر مجاهده یی ، هر مشقتی یوكله نهن بر عالم اولدینغی بو اثری وجوده كتیرمك یولنده اختیار ایتدیکی فداكارلقدن بلیدر . حضرت ، نه بویوك بر سلامت نیتله ایشه باشلادینغی ، آوروپالی مورخلردن اسلام تاریخیه و جناب محمدك حیاتیله صورت مخصوصه ده مشغول اولان مؤلفلرك شهرتلی اثرلرینه واقف اولایلمك ایچین اونلری كندی بیلدیکی لسانه ترجمه لرینی یاپدیرمش و اوجهان افكار و تلقیاتینی ده آكلامدن كچوب ده یالكر كندی مسلمان دویغولریله محصور قالمامش ، اونارك دوغروسنی یاخود یاكلیشینی كندینه مجهول بیراقماشدر .

مولانا شبلی ، متصف اولدوغی صدقك و سلامت فكرك دلالتیه اسکی عرب تاریخچیلرینك اوصاف و شهرتلرینه ده چوق دقت ایتمش ، ایچلرنده سطحی نظری یاخود خفیف مشربلی و یاخود حتی بر آز حكایه جی و مبالغه جی اولانلری ده آیرارق هر برینی لایق اولدینغی درجه ده قبول و محاكمه دقتنی كوسترمش .

اساساً اسلام تاریخنه و دهاها دوغروسی اسلامیتك ایلک ظهورنده کی احوال و وقایعه ، یعنی مشركلرله مسلمانلر آراسنده کی دوشمانلق

وبونك بالخاصه پيغمبرك ذاته متوجه منافقلىق ومفسدلىكلرله سوء قصدلرله
 وهجرت ياخود غزا وياخود متاركه ومعاهدە كى اجراآت وحرڪاتە
 دائماً معنويات وحسيات قاريشير . پيغمبرك حكيماڻە واعتدال پرور
 حرڪات وسياساتلرى بوتون كوزەللكيله بونلردە كوزو كيور . حديث
 شريفلكر بررعمده وقاعدە كليه درجه سنده كى قيمت وحكماتلرى بوندن
 دولايى اهميت كسب ايدىيور . فقط بو خصوصاتى درپيش ايتمك ايچين
 مطلقاً بعض علوم وقوانين اسلاميه به آشنا اولمق ، عرفلر ، عادتلر
 وچول ذهنتلرىنى هيچ كوزدن قاچيرمامق وبرده ، ئەوەت پك مهم
 اولمق اوزره برده قومك و بناء عليه قرآنك لسانى يعنى عربجه يى
 مطلقاً بيلمك اقتضا ايدەر ، لسان كىفيتى شرط اعظمدر .

صوكر ا بوكا متفرع متعدد نقطه لر اورقا به چيقار . لسانك قوتى ،
 قرآن لسانينك عظمت ورقتى يعنى بلاغت اعتباريله اوچول و شراب
 حرارتيله بداوت و جهالت غلظيتك ، صوكر ا بونلره منضم اولان
 بيك تورلو باطل اعتقادلر وعادتلر محشرىنى آلت اوست ايدەرك محمدك
 حقيقتنى آلاھجه ، آكلامەنك بوتون بومرام آكلامازلرى يوله كتيرهرك
 تيرهتمەنك نەدن وناصل اولدوغنى وپيغمبرده كى بويوكلكك تسخير
 ايدىجى علويتيله نه قدار مانعەلر يقوبده ويرديكى آنجق بو سايلهده
 آكلابه بيله جكسر ...

وثوق واعتماد . مؤلفك هر واسطه و چاره يه مراجعت ايدەرك
 خصوصاً documentation . يعنى توثيق واحتجاجه محتاج موضوعلر
 ومختلرده اعتماد حسى ويرمك هم علمى هم وجدانى بر مجبوريتدر .
 بو آندە حسين جاهد بكك ايتاليانجه دن - بنجه يهوده يره
 يورولوب - ترجمه ايتديكى (غايتانو) نك اسلام تاريخى تخطر ايتدم .

بوخطالی حرکتی حسین جاہد بکک تاریخ بیلیدیکنی ، یعنی تاریخہ متعلق اثرلرک صحت وعلماً مقبولیتنی تفریق و تمیز ایتدیرہجک دهرین معلوماتک واربابنه خاص وثائقه وقوفک رهبرلکنه مالک اولمادیغنی عجا ادا ایدہ بیلیرمی یز؟ یعنی سوزک آچینی : حسین جاہد بک براسلام تاریخنی ترجمہ ایتک ایچون اثرآرادیغنی صیرادہ بوتون آثارغریبه تاریخنک الکمهم ومکملنی واوحالده برتورک تاریخ مراقلیسینی ویاتدقیق صاحبنی باشلی باشنه تطمین ایدہجک برکالی حائز اولانی بونیمی بولمشدر؟ چونکہ بویله بر بویوک موضوعلی اثرک هیچہ اینسی ایچین اونده اوفاجق برشمه تعصب بولونماسی کافیدر . بونی یالکز غرب حقندہ سویله میورم ، مسلمان بر مؤرخ ایچین ده عینی فکر جاری ودوغرو اولمالیدر . چونکہ اوندهده اسلامیت لهنه طبعیلک فوقنده یعنی خرافه یه میال ویایقین مبالغه لر اولا بیایرکہ ، حقیقتدن انحرافدن دولانی مردوددر .

(غایتانو) ایسه اسلام تاریخنی مؤلفلکنده برقاچ جهتلہ ومهم اساسلرله تمیز قابلیتندن محروم اولق لازم کلیر . او جهتلر یاخود اساسلرده : هم قاتولیک ، هم زادکاندن اولماسی وبونلرک نتیجه سی اولارق ، ده کیل کلیسادہ حتی نهوده بیله پاپاس سسی ونفسی ایله پرورده ، فطری وعرقی - حتی فرقه وارمیهرق - برمتعصب ذهنیتندہ یاراتیلمش بولونماسیدر . اونی تئلیشدن توحیدہ ، ظلمتدن نوره ، تاریخجیاکدن حکمتہ نقل ایچون بی طرف واینجہ ذکلی ، سلامت محاکمه یه مالک - ینہ غربلی - مؤلفلرله عجا ماصل ونه حقله مقایسه ایدہ بیلیرز .

(غایتانو) ، تاریخک صاحبی ومؤسسای اولان الله واونک تعزیر

ايتديكى واسطهسى اولان پيغمبر حقنده واضح وثابت برفكر ايدينه .
 مه مش كه فكر لر يني ده اويله قوللانسين . اونك نظر نده حضرت پيغمبر
 برمدى ، قرآن اونك مرتب بر كتابى ، دينك دنيايه نشر ايتديكى
 عرفان نوري ايسه بر حكايه ، يعنى موجود بر مدنيتك دوامى ... اراديني
 شى متصل نقايص ، ايمره نديكى موفقيت بي امان بر تناقض ، بريالان ، بر
 تاويل باطل ، بر عيب بولق .. بوندن كيمه ضرر ، كيمه فائده وار ؟
 اوراسى ده معلوم ده كيل ! .

مسلمانلق ، اكر بر مؤرخك اوآنه قادار بولوب چيقاراماديني
 بر دليل وبرهان ايله رخنه دار وياخللدار اولاجق بر دين ايديسه ذاتاً
 شيمدى يه قادار يرنده يللر آسهر ، محمدك نبوتى چوقدن سقوط
 ايدردى . چونكه جناب رسولك موقع ووضيقتى ، مأموريت و مقامى
 اوقادار مهم ، اوقادار نازك و اوقادار مسامحه و تاويل كوتور مزايدي كه
 اوفاجق بر نقصان ايله داهها ايلك ظهور نده معطل قايردى . ظهور ندن
 بر مدت سوكر بوتون عالمك كوزى اونك اوزرينه دوندى . حتى
 ارمحالى متعاقب ارتداد ايدمن قيله لر اولدى . اكر حقتك و حقيقتك
 قوتى پيغمبردن اخلاقنه استقال ايتش الهى بر اثر قدرت اولماسه يدي
 اونى عجاها نكي سوز ياخود هانكي قياچ مدافعه ايدم بيليردى .

مولانا (شبلې) بونقاط نظر دن سيرت و خصوصيات محمدية بي چوق
 آراشد ير مش و بواساسى يو كك بر علم و درين بر عرفان ايله محافظه
 ايتمشدر .



اسلام تاريخه و بومهم تاريخك فعال و مؤثر عنصر لر يه عائد تحريات
 و تدقيقات بزم الك بويوك بور جزدرد .

دینک سبب ولزوم نشرینی ، نه اساس اوزرینه قورولدیغنی ، قرآنک تبلیغاتندن وحديث شریفلردن استنباط واستدلاله و (خلق عظیم) ، (رحمة للعالمین) . توجهلرینه دقت ایتک اسلام تاریخلری یازان ویاتدقیق ایده نلر ایچین برر غایه ونتیجه تشکیل ایدرلر .

مولانا « شبلی » نك بو اثرنده شو عرض ایتدیکم نقطه لره دائما تماس ایدیلیور . صوکر او « رحمة للعالمین » حضرتلرینک قانون خلقت ، قانون بشریت نه دیرسه کز ده ییکز ، او کیزلی و عیان نظام عالم ایچنده بر بشر ، بر انسان صفتیه چکدیکی مشقت و اوغرا دیغی مشکلاتی تفصیلاتیه مطالعه ایتکده نه بویوک فائده و عبرت واردر .

مولانا « شبلی » حضرت نبی اکرمک خصوصیات ، عادات و اخلاق سامیه لری اوزرنده حقیقه توقف ایتش ؛ مترجمی عمر رضا بک ایجاب ایدن نقطه لر اوزینه نظر دقتی جلبه همت ایلشدر . یعنی بو اثره حقیقه جمعیلی ، دوغرو ، نوزی تمیز و جانندن یازلش بر شاه ائردردیه بیلیرز . فقط یز ، بر اسلام تاریخنده بو کون داهاباشقه شیلر آرامالی یز ، یعنی ایشک داهادرینه کیتیلی یز . چونکه علمی ، فلسفی ، ادبی ، اجتماعی افکار و حسیات و تفکر آنک زمانه زده کی قادر تصادم و مجادله سنه همین هیچ بردورده تصادف ایدمه یز . اسکی زمانلرک تعصب دورلرنده کی مجادله و حق مقاتله لر ، علمه ویاتعبیر یاخود شرح و تفسیر مناقشه لری ، عقیده یه متعلق افتراقلرده کی منطقی مدعیات یرینه بو کون بعضی صرف علمی ، بعضی صرف مادی ، بعضی ده مرکب اولارق علمی - فلسفی ، یاخود علمی - اخلاقی و یاخود اجتماعی - اخلاقی نه مدهش مذهب و مسلک لر میدان آتش و جهل ایله علمک ، فن ایله عرفانک ، ماده ایله معنائک بری یریه بو غوشارق جهانیه صالیدی ولوله دن همین هر کس شاشیر مشدر .

عقل ، حس ، دماغ ، قلب ، وجدان دائمی بر جدال و خفقان

ایچنده چارپنمقده درلر. بونکه برابر دوغرو یول و آچینی نتیجه داهای
 بلیرمه مشدر. بونک بلیرمه باشلادیغی یرینه، بر درجه یه قادار غربک
 علم و عرفان ساحه سیدر. شو قادار که علم داهای چوق یول آلمش
 و مسافه قطع ایتش، عرفان ایسه علمک باصمه قالب بر درس و از بر
 شکندن چیقاراق معرفت انسانیه یه لایق براق و شفاف حاله کله سینه
 انتظاراً آنجق کندینه مختص خواص ایچنده بطی آدیملرله یورو مک
 مجبوریتنده قالمشدر. عرفان ساحه سی آنجق حقیقتله برابر حقه ده
 رعایت ایله آچیلماق قدر. بونقطه یه اولاشمق ده کیل، تدریجاً یاقلاشمق
 ایچون ده اسلامی تاریخلره و حکمتلره متعلق آثاری اوقومغه محتاجر.
 هله بزشرقلیلر بوکا طبقی صو واکمک کی محتاج حالده یز. چونکه
 علماً، عرفاناً غربیلردن که ری یز، ماده اولدوغی کی معناده
 فقیرر. بزى اغنا ایده جک شی و واسطه بشریتک هیچ ده کیشمه بن
 الهی قانونلری احکامنجه محمدک عرفانه سالک و طالب اولمقدر.
 بونی عامه نك بعض عرف و عادات باطله سی استثنا ایدیلیرسه
 غربیلرک مدنی و اجتماعی اکثریتنده، چالیشمق، حق طانیق،
 سلامتی علمک و حسیاتک رهبرلکنده آرامق، خلاصه انسانلغه بر
 قیمت ویرمک عمده لرینه درت ال ایله صاریلدقلری و جناب نبی اکرمک
 «الدين المعامله» قول شریفه باغلاناراق کندی آرا لرنده دوغرو و رافت
 و شفقتله حرکت ایتدکلری کورولور. بزبویوله آنجق اسلام تاریخنک
 نظر حکمتله مطالعه سیله آدیم آتاجغز اعتقادنده ایم، اونده بوتون
 سیرت محمدیه نك اجتماعی یوللری کوزو کور.
 مولانا «شبلی» و امثالنه رحمت، اثرینک ترجمه و نشرینه همت
 ایده نلره شکرانله ممزوج دعای موفقیت.

عصر نوری افندی حضرت تباریک مطالعانی :

اسلام تاریخی : عصر سعادت

جهان تاریخك قید ابتدیكى معظم سیار ایچنده پیغمبر افندیمر شبهه یوق که هر وجهله برنجیلکی حائزدر .

فی الواقع بشریت ، حضرت محمد (صلی الله علیه وسلم) قدار بویوك، معالی پرور برسیای تاریخی کورمه مشدر . بونکچوندر که بوتون افاضل ، اوعالی پیغمبرك حیاتی تحلیل ایله اوغراشمش ، اونك بوتون افعال واقوالنی قیده چالیشمش ، اونك بویوك برخارقه فطرت اولدیغنی کوسترمك ایسته مشدر .

بو کون جهان تاریخنده هیچ بر پیغمبر ، هیچ بر حکمدار ، هیچ بر کاشف و یا داهی یوقدر که تاریخ حیاتی رسول اکرم افندیمرك سیرسنیه لری قدار اولانجه تفرعاتیله معلوم اولسون .

حضرت پیغمبرك تاریخ حیاتیله مشغول اولانلر یالکزمسلمانلر دکل ، بلکه بوتون برمدیت عالمیدر . عموم بشریته جناب حقك صوك واک بویوك پیغمبری اولان حضرت محمدك اوپرلمعان تاریخنه ، حیاته دائر بو کون یوزلرجه غرب علمایی طرفندن متعدد اثرلر یازیلش و یازیلقده بولونمشدر .

مع هذا هانکی بر غرب عالمی نه قدار منصف ، نه قدار متبحر

اولورسه اولسون خاتم الانبياء افنديمىزك فطرتينده كى علوتى، حياتينده كى نزاھتى، بعثتinde كى حكمت ومصلحتى، اجرا آتinde كى استقامت واصابتى بر مقتدر اسلام عالمى قادار احاطه ايدىمىز. بناءً عليه بو خصوصده كى احتياجات روحيه مزي تطين ايچون افاضل اسلاميه طرفندن يازيلمىش اثرلره مراجعت لزومى اشكاردى.

اسلام علماسى طرفندن حيات نبويه حقتده مختلف لسانلرده يازيلمىش بك چوق قيمتدار آثار واردى. فقط اعتراف ايديله ليدركه بوكون بزم ايچون مطالعه مى لك زياده استفادة بخش اولاجق اثر، هند منور عالملرندن مركب بر اسلام اقاده مىسى طرفندن احضار وآقاده مى رئيسى محققين علمادن مولانا شبلى طرفندن قلمه آلان وينه متبحرين علمادن سليمان ندوى حضرتلرينك قيمتلى معاوفيله ختامه ايرىدن « اسلام تاريخى = عصر سعادت » عنوانلى اثر كزىندى. بش جلدن متشكل اولان بومعظم اثر، بدايهً اردو لسانيله يازيلمىش، عمر رضا بك افدينك روحنواز قلميله تور كجه يه نقل ايدىلگده بولونمشدر. بو قيمتلى اثر، مطالعه اولونورسه تاريخه عائد هر تورلو علمى اصولك بو كتابده نه درجه مكمل بر صورتده ايضاح وتطبيق ايدىلگى كورولور، بومعظم اثرك نه درجه اعتنا ايله، نه قادار واقفانه بر طرزده يازيلمىش اولديغى بك قولاي آكلاشيلير. فى الواقع بو كتاب؛ (مه تودولوژى = منطق تطبيقى) لك تاريخى تقبعات خصوصنده درميان ايتديكى قواعد و اصوله بك مكمل بر طرزده منطق بولونمقدهدر، بوكون علم عالنده بوبوك بر رواجه مظهر اولان (مه تودولوژى) لك تاريخى تقبعات حقتده كى مباحثى؛ باقون كى، ده قارت كى فلسفه جديده ازبانك محصول مساعيسى عد اولونمقدهدر. دو غرو سنى

سوپلك لازم كليرسه بو خصوصده تقدم شرقى اسلام علماسنه متوجهدر . چونكه اسلام علماسى ، دىنى علملره وبالحاصله حضرت پيغمبرك حديثلرينه ، سيرسنيه لرينه عائد روايات ومنقولاتنى پك صحيح بر صورتده ضبط ايچون برچوق قواعد و اصول وضع ايتش ، راويلره ، روايت ايديان شيلره ، بونلك استناد ايتديكى وثيقه لر ايله منبعلره دائر پك مكمل بر تنقيد اصولى تأسيس ايتلشدر در كه بونك امثاله هيچ بر ملتك علمى حياتنده تصادف اولونا ماز .

ايشته بوه اسلام تاريخى ؛ بوتون بو قواعد و اصول دائره سنده يازيلش امثالسر بر اثر بولونمقدهدر .

تاريخ وسير كتابلرى على الاكثر وقايعى نقل ايله اکتفا ايدر . بونلرده يالكز وقعهلر كوستريلير ، بو وقعهلر ك اسباب ومسببات سلسلسه سى اھمال ايديلير ، حادثهلر ك علتلىرى ، نتيجه لرى ، حكملىرى مطالعه اربابنك تقديرينه برا قيلير . بو اصول تاريخ نقطه نظرندن تقديره شايان كورولمكدهدر . فقط ميليونلرجه انسانك عصرلردن برى رهبر نجاتى اولان ، نزيه حياتنك بوتون آفاتى ، اجر آتنك اك كوچوك فقرعاتى بيله بوتون متفكرينك نظر دقتنى جلب ايدن اولوالعزم بر پيغمبرك سير سنيه سى بوكا قياس ايديله من . زمانمزدده فكر تنقيد انكشاف ايتمشدر . بوتون اعاضمك تاريخ حياتى تحليل ايديلك ايشته نيلمكدهدر . بالحاصله دين مباغلرينك بالجمله اقوال و افعالى بر (حكمت اسلاميه) اولان علم كلام مسائليله پك زياده علاقه دار برحاله كلمشدر . آرتق بويله بر عصرده فخر عالمك سير سنيه لرى مجرد نقل ايله اکتفا ايديله من . بشريتك كوروب ايتشدىكى معظم سيالرك اك درخشاني اولان اوعلوى پيغمبرك

حياتنده كى عظمتى ، اجرا آتنده كى حكمت و مصلحتى كوسترمك ،
 عليهنده كى غرضكارانه اسناداته علمى صورتده جواب ويرمك اقتضا
 ايدر . تا كه عليهنده بولونانلر اكر منصف و مستعد ايسه لر حقيقى
 آكلایارق تبديل فكر ايتسينلر ، دكلسه لر ملزم اولسونلر ، كنديسنه
 اقسابله مشرف اولانلرده محبتلرينى ، مربوطيتلرينى داها زياده تر صين
 ايدهرك او لاهوتى كونشك نشر ايتديكى فيض و هدايت ضيالرندن
 داها متزايد بر صورتده استفاده يه چاليشسينلر . ايشته «اسلام
 تاريخى» بوتون بو جهتلرى نظره آلمش ، بحق موفوقده اولمشدر .
 بومحتشم اثر كى برنجى جلدنده پيغمبريمزك حياتنه دائر پك كوزل
 معلومات و يريلمش ، بوتون حرکات نبويه نك فاصل برر علوى هدفه
 متوجه بولونديغى كوسترلمش ، هله غزوات نبويه حقنده پك مدققانه
 ايضاحات و يريلمشدر .

معلوم اولديغى اوزره رسول اكرمك جهاده مأذونيتى ، زمان
 سعادتنده بر قسم غزوه لرك وقوعى ، بعضى غرب محررلرينك تنقيدينه
 هدف اولمشدر . بونلر ؛ بشريته رحمت اولارق كوندريلن رافتكار
 بر پيغمبرك جهاده مأذونيتنده كى حكمتى ، غزواتنده كى مصلحت و ضرورتى
 لائق وجهله ادراك ايدمه يورلر ؛ مرحمت وعدالتك مجسم برتمالى اولان
 اوبنى ذيشانى بر طاقم فاتحله قياس ايتك ايتيورلر . برنجى جلد ايسه
 بومسئله يي پك مكمل تنوير ، تاريخك قيد ايتديكى بر طاقم جهانكبرلرك
 ياپدقلى خونين ، وجشيانه محاربات ايله غزوات نبويه آراسنده كى
 فرقى كوسترييور ، اسلاميتك قبول ايتديكى جهادك بر علويت نشانه يى
 اولوب حق و حقيقى مدافعه مقصدينه مستند بولونديغى مقنع بر طرزده
 درميان ايديور ، غزوات نبويه نك برر مدافعه ماهيتنده اولوب امن

و آسایشی تأمین، ظلم و تعدی بی ازاله، مظلومانه معاونت، ضعیفاری
صیانت، فنا عادتله ایله مجادله، خلقه فضیلت نمونه سی ارانه، حکمة
اللهی اعلا ایچون اختیار بویورمش اولدیغنی پک مکمل بر حالد
اثبات ایله یور.

عصر سعادتک ایکنجی جلدنده دینی وظیفه لریمزک تاریخچه سی
کوستریش، احکام اسلامیة نک حکمت تشریعیه سنه دائر معلومات
ویریش، صوکراده پیغمبریمزک نزیه اخلاقی، علوی سجه سی حقنده
پک مکمل تفصیلات اعطا اولونمشدر. بونک نتیجه سنده ده وجود
نبوینک ناصل بر معجزه اخلاقیه اولدیغنی پارلاق بر صورتده تجلی
ایتمش بولونیور.

معظم اثرک اوچنجی، دردنجی جلدلرنده ایسه تتبع ساحه سی
باشقه برانکشافه مظهر اولیور، پیش مطالعه ده پک واسع، پک
نورانی افق لر منجلی اولمایه باشلیور. بوجلدلرده معجزاته عائد علمی
فلسفی پک درین مطالعات سرد اولونمشدر. شیمدی یه قادار کلامه،
فلسفه یه دائر کورمش اولدیغ اثرلرک هیچ برنده معجزات حقنده
بوقادار مکمل ایضاحاته، بودرجه حکیمانه مطالعاته مصادف اولمادم.
حاصلی پک قیمتدار، پک نافع اولان بو بویوک اثر؛ هر وجهه
تقدیر و تبجیله لایقدر. کتبخانه ملیمزی بویله بی نظیر بر اثر ایله تزیین
ایدن ذواته نه قادار تشکرلرده بولونسه قینه آزدرد، نه دیه لم سخیلری
مشکور اولسون.

ارضروملی

عمر نصر می

مھترت عائشہ

فہرست

مترجمك مقدمه سى ۳ — مؤلفك مقدمه سى ۴ — حضرت عائشہ نك سیرتندہ كى
اهمیت ۶ — اثرك مأخذلى ۸

برنجى فصل : مھترت عائشہ نك مبارى ہيائى

نامى ، نسبى وعائله سى ۱۰ — حضرت عائشہ نك تولدى ۱۲ — رسول
اكرملہ ازدواجى زمانندہ حضرت عائشہ نك ياشى حقندہ تدقيقات ۱۴ —
عائشہ نك چوجقلى ۲۵

ايكنجى فصل : مھترت عائشہ نك ازدواجى

حضرت عائشہ نك ازدواجى ۲۷ — تاريخ ازدواجده كى اختلاف ۳۰

اوچنجى فصل : مھترت عائشہ نك هجرت وزفانى

حضرت عائشہ نك هجرت وزفانى ۳۲ — نكاح وزفاندى كى سادهلاك ۳۶ —
نكاح ودوكونك شوال آيندہ اولسى ۳۷

دردنجى فصل : تعليم وتربيه سى

حضرت عائشہ نك تعليم وتربيه سى ۳۸ — اسلاميتك ظهورندہ اوقوما
يازمايه ويريلان اھميت ۳۸ — حضرت ابوبكر ك عائشہ نك تربيه سنہ كوستردىكى
اعتنا ۴۰ — حضرت عائشہ نك دينى علملى رسول اكرم دن اوكره نيسى ۴۱ —
مسائل دينيه يى اوكرنك خصوصندہ كوستردىكى دقت واعتنا ۴۲ — حضرت
عائشہ نك هر سوالنہ بيغمبريمزك جواب ويرمى ۴۶ — عائشہ نك خطالرينہ
قارشى بيغمبريمزك ارشادى ۴۹ — ۵۲

درديجي فصل : عائشہ نك اوى

حضرت عائشہ نك اوندہ كى سادہ لك ۲۵ — اشيائى بيتيہ سى ۵۴ — يہ ديكلى
يكلر ۵۴ — حضرت عائشہ نك دالغينلى : خامورى كچى يہ يدىرمىسى ۵۵ —
اوه كلنلرہ تصدق ايتسى ۵۶

بشجى فصل : حيات زوجيہ سى

اسلاميتك قادين حقندہ كى تلقيسى ۵۷ — پيغمبريمزہ حضرت عائشہ
آراسندہ كى صميميت ۵۸ — پيغمبريمزك حضرت عائشہ يہ قارشى كوسترديكى
محبت ۵۹ — بومحبتك سببى ۶۱ — عائشہ نك معنوى فضل وكمالى ۶۲ —
عائشہ نك متقابل محبت ومربوطيتى ۶۳ — عائشہ يى خوشنودايتك اچچىرسول
اكرمك الندن كلنى ياپماسى ۶۶ — حضرت عائشہ نك سفرلرہ اشتراكى ۶۸ —
رسول اكرمك حيات خصوصہ سنى ضبط خصوصندہ حضرت عائشہ نك ايضا
ايتديكى بويوك خدمت ۶۹ — انكايىز مستشرقى مارغوليويوتك حقائق يہ صورتلہ
تحريرف ايتديكى ۷۰ — حضرت عائشہ نك اوايشلر يى كنديسى كورمىسى ۷۱ —
پيغمبريمزہ اطاعتى ۷۲ — عائشہ نك حجرہ سندنہ حاكم اولان هواى قدسيت
۷۳ — عائشہ نك كيجهلرى رسول اكرمہ برلكدہ عبادتى ۷۴ — ۷۷

بدرديجي فصل : زوجات طاہرات ايلہ مناسباتى

حضرت عائشہ نك زوجات طاہرات ايلہ مناسباتى ۷۸ — حضرت عائشہ
وخديجہ ۷۹ — عائشہ وسودہ ۸۰ — عائشہ وحفصہ — عائشہ وام سلمہ ۸۱ —
عائشہ وجوريہ — عائشہ وزينب ۸۳ — عائشہ وام حبيبہ ۸۴ — عائشہ وميمونہ —
عائشہ وصفيہ ۸۵ — ۸۸

سكزديجي فصل : پيغمبرك اولادلى ومحضرت عائشہ

حضرت فاطمہ ايلہ عائشہ آراسندہ كى حسن معاشرت ۹۰

دوقوزديجي فصل : افك واقفہ سى

مسلمانلغہ قارشى منافقلىق قودىمق ايستہ دكلرى طوراقلىر ۹۴ — منافقلىق
رسول اكرمہ حضرت ابوبكر ك آراسنى آچق اچچىن چويرمك ايستہ دكلرى
انتريقه لر ۹۵ — رئيس المناقينك اورتہ يہ آتدينى مدھش مھنان ۹۶ — افترايى

ایشیدنجه حضرت عائشه نك دوشوب بايلىمى ۹۸ — حضرت عائشه نك معصوميتى
 دوسته دشمنه قارى اثبات ايچين ياپيلان تحقيقات ۹۷ — حضرت عائشه نك
 راحتى ز لائىمى ۱۰۰ — بوفتنه و مسادى چيقار مقده منافقلىك مقصدلىرى ۱۰۰ —
 بوحادثه اوزرينه نازل اولان آيات الهميه ۱۰۱ — حقيقتك تظاهرى ، مفتريلر
 حقنده جزالرك تطبيقى ۱۰۲ — انكايىز مستشرق و يدام ميورك بوخصوصده
 خلاف حقيقت بعض تصديقاتى ۱۰۳ — افتراك عقلاً و روايهً مردوديتى
 حقنده مطالعات ۱۰۵

اونجى فصل : تيممه عائد احكامك نزولى

تيممه عائد احكامك نزولى موجب اولان حادثه ۱۰۷ — بوخصوصده
 نازل اولان آيات الهميه ۱۰۸

اونه يرنجى فصل : تحريم ، ايلاء و تخيير وقعهسى

تحريم وقعهسى ۱۰۹ — رسول اكرمك بال ييممه يه عهد ايتمى و بونك اوزرينه
 نازل اولان آيات الهميه ۱۱۰ — ايلاء حادثهسى ۱۱۱ — زوجات طاهراتك
 هموى رفاهدن مستفيد اولمق خصوصنده كي مراجعتلىرى ۱۱۵ — رسول اكرمك
 حجره سنه چكىلارك بر آي آيرى ياشامى ۱۱۶ — بونك اوزرينه نازل اولان
 تخيير آيتلىرى ۱۱۶

اونه ايكنجى فصل : حضرت عائشه نك دوللمى

رسول اكرمك سوك كونلرنده حضرت عائشه ۱۱۸ — ازواج طاهراتك
 رسول اكرمك صوكرار تكرر از دو اجلرينك نص قرآن ايله ممنوعيتنك
 اسبابى ۱۲۱

اونه اوچونجى فصل : خلفاي راشديه دورنده عائشه

حضرت ابو بكر دورنده عائشه ۱۲۲ — حضرت عمر دورنده عائشه ۱۲۴ —
 حضرت عثمان دورنده عائشه ۱۲۶ — (ابن سبأ) نامنده بر يهودينك اعلان
 اسلام بيله مسلمانلر آراسنده افساد اته باشلامى ۱۲۰ — حضرت عثمانك شهادتى —
 شام و مصرده استقلال حركتلىرى ۱۳۱ — حضرت علي دورنده عائشه ۱۳۲

اۈرە درىنجى فصل : حضرت عائشە نىڭ اصمىر دىھونى

مسلمان قادىننىڭ حائىز اولدىغى حقوقى بىر مىثالى ۱۳۴ — حضرت عائشە نىڭ
بىسرەيە دوغرىو حرىكتى ۱۳۵ — بوسىرا دە فتنە جىلرىك چىقاردىقلىرى مىشكلات
وحادىثات ۱۳۶ — بىسرە دە حضرت عائشە نىڭ اىراد ايتدىكى نطقلىرى ۱۳۸
— مخالفلىرىك حرىكتلىرى ۱۴۳ — اختلافىك سىلاحە مىنجر اولمىسى ۱۴۳ — ۱۴۶

اۈرە بىشچى فصل : جەمىل وقەسى

حضرت عىلىنك بىسرەيە حرىكتى ۱۴۷ — (ابن سبأ) فرقه سىنك حرىبى
طوتوشدور مىقدە چو يىردىكى رول — اىكى طرف آراسىندە وقوعە كلن حادىثە
۱۴۹ — حضرت عائشە نىڭ مەدىنەيە عودتى ۱۴۱

اۈرە آلتىنجى فصل : عىلى اىلە عائشە آراسىندە كىرىشكەن

حضرت عائشە نىڭ حضرت عىلىيە قارشى اغبرارى اولمادىغى ۱۵۳ —
حضرت عىلىنك خلىفە اولمىسى لازم كىلدىكى حقتىدە (ابن سبأ) فرقه سىنك
اورتەيە آتدىغى فتنە ۱۵۳ — حضرت عائشە نىڭ هىچ بىر زمان قان دو كولىمىسە
طرفدار اولمادىغى ۱۵۵

اۈرە بىرىنجى فصل : معاويە دورىندە عائشە

معاويە دورىندە حضرت عائشە ۱۵۸ — حضرت حسنىك تەدفىنى مىسئەسى
۱۶۰ — ۱۶۳

اۈرە مىكزىنجى فصل : عائشە نىڭ ارتىمالى

حضرت عائشە نىڭ ارتىمالى ۱۶۴ — جنازەيە اشتراك ايدىن جەم غفىر ۱۶۴

اۈرە طقوزىنجى فصل : حضرت عائشە نىڭ اولادلىقلىرى

حضرت عائشە نىڭ بويوتوب تەربىيە ايتدىكى اولادلىقلىرى ۱۶۵ — ۱۶۶

بىكرىنجى فصل : حضرت عائشە نىڭ اىھىرە و عارالى

حضرت عائشە نىڭ قناعتكارلىغى ۱۶۷ — اىناي جىنسە معاوتى — اطاعتى

غیبت و ذمندن احترازی ۱۶۸ — احسان قبول ایتمه مسی ۱۶۹ — مدح و ثادان
خوشلائامسی - عزت نفسی ۱۷۰ — جسارنی ، سخاسی ۱۷۱ — رقت قلبی
واللهدن قورقوسی ۱۷۲ — کوله لره شفقتی ۱۷۳ — فقرا پرورلکی -
تستره رعایتی ۱۷۴

یلمری برنجی فصل : حضرت عائشه نك فضل و کمالی

حضرت عائشه نك فضل و کمال اعتباریله موقی - علم و عرفانه خدمتی

۱۷۶ — ۱۷۹

یلمری ایلنجی فصل : حضرت عائشه نك علم و امیرهادی

قرآن کریمك تفسیرنده حضرت عائشه نك خدمتی ۱۸۰ — (ان الصفا
والمروه) آیتك تفسیری ۱۸۳ — (حتی اذا استیأمر) نك تفسیری ۱۸۴
— (وان خفتم الا تقسطوا) ، (ویستفتونك فی النساء) ، (من كان غنیاً)
آیتلرینك تفسیری ۱۸۵ — (وان امرأه خافت) آیتك تفسیری ۱۸۶ —
(اذ جاؤوكم من فوقکم) ، (حافظوا علی الصلوة) ، (وان تبدوا ما فی انفسکم)
آیتلرینك ایضاحی ۱۸۷ — ۱۸۹

یلمری اوینجی فصل : حضرت عائشه نك علم هدیة خدمتی

حضرت عائشه نك علم حدیثه خدمتی ۱۹۰ — حضرت عائشه دن روایت
اولونان حدیثلر ۱۹۱ — حضرت عائشه نك بوخصوصده کوستردیکی دقت
واعتنا ۱۹۲ — احکام و حادثاتك علل و اسبابی تشریحی ۱۹۳ — ایشتدیکی
روایتلری تحقیق و تعمیق ۱۹۵ حضرت عائشه نك دورنده علم حدیث اساساتی
۱۹۶ — ۲۰۴

یلمری دردنجی فصل : حضرت عائشه نك فقه علمه خدمتی

حضرت عائشه نك فقهده تجری ۲۰۵ — مدینه ده فقه و فتوی مرجعی —
حضرت عائشه نك استنباط اصولی ۳۰۶ — عائشه نك حدیثدن حجك مناسکنه
عائد بوبوك اساسلر وقاعدهلری استنباطی ۲۰۸ — قیاس عقلی ۲۰۹ —
سنتك تقسیم ۲۱۰ — حضرت عائشه نك معاصرلریله اختلاف ایتدیکی نقطه لر
۲۱۱ — ۲۱۵

يکرمى بشجى فصل : عايشه نك كلام وعقائد علمه خدمتى

يدالله ، عين الله كى تعبيرلردن مقصد ۲۱۶ — رؤيت بارى ۲۱۷ —
علم غب ووحىك اخفاسى مسئلهسى ۲۱۸ — انبيائك عصمتى — معراج
روحانى ۲۱۹ — الصحابة عدول — پيغمبريك خلفلى ۲۲۱ — عذاب
قبر ۲۲۲

يکرمى آلتجى فصل : عايشه نك حكمت تشريع علمه خدمتى

حضرت عايشه نك حكمت تشريع علمه خدمتى ۲۲۳ — حادثاتك اسباب
ومصالحنى كوسترمىسى ۲۲۴ — قرآن كريمك ترتيبى ۲۲۵ — مدينه ده
اسلاميتك موفقيتى ۲۲۷ — سفرده ايكي ركعت نازلانماسى ۲۲۷ — صباح
نمازى وايكندى نمازندن صوكرانماز قيلمق ۲۲۸ — نمازى اوتوروركن قيلمق
۲۲۸ — اقسام نمازى ۲۲۹ — صباح نمازى ۲۲۹ — عاشورا اوروجى ۲۲۹
— تراويح نمازى ۲۳۱ — حجك حقيقتى ۲۳۱ — محصب واديسنده اقامت
۲۳۲ كعبه نك تعميرى ۲۳۲

يکرمى برنجى فصل : حضرت عائشه نك تعليم وافتناسى

حضرت عايشه نك علمى و تربوى مساعيسى ۲۴۱ — بيكس چو حوقلى
همايه سى ۲۴۲ — آرقداشلىرى ، كوله لرى ۲۴۳ — حضرت عائشه يه معاصر
حديث علماسى ۲۴۴ — حضرت عائشه نك يتيشديرديكى ارباب كمال ۲۴۴ —
عروه ، قاسم ، ابوسلمه ، مسروق كوفى ، عمره ۲۴۵ — صفيه ، كلثوم
۲۴۶ — عائشه بنت طلحه ، معاذه ۲۴۷
حضرت عائشه نك فتوالرى ۲۴۷ — فتوالرك طبقاتى ۲۴۷ — خلفاى
راشدين دورنده عائشه ۲۴۸ — معاويه دورنده عائشه ۲۴۸ — اكابر
اصحاب وعائشه ۲۴۹ — حضرت عائشه واسلام عالمى — اصحاب آراسنده كى
اختلافلرده عائشه ۲۵۰ — ۲۵۲

يکرمى مکزنجى فصل : حضرت عايشه نك ارشادانى

حضرت عايشه نك ارشاد خصوصنده كى مساعيسى ۲۵۳ — حضرت عايشه نك

ظلمه، خرافات جاهلیه، اویونلره قارشى مجادلەسى ۲۵۴ — سجعلى دالردن
اجتنابى اخطار، اچكىدن تحذير، قاديلىرى تەزلىكه دعوتى ۲۵۵ — شاملى
قادينلره نصيحتى — الله يولنده مجاهده يى توصيه يى — صليب نقشلى البسه لرى
منى — قرآنى چابوق چابوق اوقومقده برفائده اولماديغى ۲۵۶ — مصائبه
قارشى متانت كوستريلەسى — كعبه اورتولردن كرامت بىكلەنەميه جكي — سرعتله
حديث اوقويان ابوهريره يه نصيحتى ۲۵۷ — باشنه بر فلاكت كلنلره كولمك
دوغرو اولماديغى ۲۵۸

يكرمى دوغوزجى فصل : عايشە نىك قادينلار عايشە خىزمەتلىرى

مسلمانلارنىڭ قادينلارغا بىخش ايتدىكى حقوقك جانلى نمونه سى ۲۵۹ —
مسلمانلارده رهبانيت اولماديغى ۲۵۹ — تصادفى برخطانك دائمى بر نىفرتى اقتضا
ايتدىكى ۲۶۰ — قادينلرى ذليل طائىانلره اغبرارى — اختلافى موحب مسائل
فقهيەده فقهانك قادينلر اچىن قولاي جهتى اخيارى — زينت اشياسندن زكات
ويرمە يەلزوم اولماديغى ۲۶۰ — زكاتك وجوبى شرائطى — دينده قادينلارده
ضاسنك تحصيل — ميراثده ازدواج و طلاقدن قادينلار حقوقنى وقايە ۲۶۱ —
۲۶۴ — حج زماننده معذور قادينلار طواف اخيردن ترخيصى ۲۶۴

اونوزجى فصل : عايشە نىك قادينلار عايشە خىزمەتلىرى

حضرت عايشە نىك دىنى، اخلاقى، علمى، سياسى، مدنى مزايائى شخصنده
جمع ايتمى ۲۶۶ — حضرت فاطمه، حضرت خديجه و حضرت عايشە دن
هانكىسنك افضل اولديغى ۲۶۷

خاتمە ۲۶۹

عصر سعادت نرى مقررە يازىلار مفاہات

على سعاد بك افندي نىك مطالعاتى ۱۷۱ — عمر نصوحى افندى حضرت تلىرى نىك
مطالعاتى .

**TO RENEW CALL
422-3900**

[illegible]

HIGHSMITH 45-220



